

গিরিশ গ্রন্থাবলী

(প্রয়োজন ভাগ)

-
- ১। শঙ্করাচার্য্য, ২। গৃহলক্ষ্মী, ৩। কায়না-কা-তায়সা, ৪। প্রেমের খালা,
৫। বিগতা-যৌবনা, ৬। মদিরা, ৭। স্মৃতি, ৮। শূন্যপ্রাণ, ৯। বহুবর্ণী বিদ্যা,
১০। বর্তমান রক্তভূমি, ১১। পিতৃ প্রারম্ভিত, ১২। শ্রীরামকৃষ্ণ ও
বিবেকানন্দ, ১৩। বিবেকানন্দের গান।
-

গিরিশচন্দ্র ঘোষ প্রণীত।

শ্রীউপেন্দ্রনাথ মুখোপাধ্যায় প্রকাশিত।

বসুমতী সাহিত্য-মন্দির।

১৬৬ নং বহুবাজার ষ্ট্রীট “বসুমতী ইলেক্ট্রিক মেশিন বন্দে”

শ্রীগুরুচন্দ্র মুখোপাধ্যায় দ্বারা মুদ্রিত।

গ্রন্থাবলী সিরিস ।

গিরিশ গ্রন্থাবলী

(ত্রয়োদশ ভাগ)

১। শঙ্করাচার্য্য, ২। গৃহলক্ষ্মী, ৩। ব্যায়সা-কা ত্যায়সা, ৪। কবিতা-মালা,
৫। বহুরূপী বিদ্যা, ৬। বর্তমান রঙ্গভূমি, ৭। পিতৃ প্রায়শ্চিত্ত,
৮। শ্রীরামকৃষ্ণ ও বিবেকানন্দ, ৯। বিবেকানন্দের গান

গিরিশচন্দ্র ঘোষ প্রণীত ।

শ্রীউপেন্দ্রনাথ মুখোপাধ্যায় প্রকাশিত ।

বসুমতী সাহিত্য-মন্দির ।

১৬৬ নং বহুবাজার ষ্ট্রীট “বসুমতী ইলেক্ট্রিক্ মেশিন যন্ত্রে”

শ্রীপূর্ণচন্দ্র মুখোপাধ্যায় দ্বারা মুদ্রিত ।

১৩২৪

মূল্য ২৯ দুই টাকা ।

শঙ্করাচার্য্য ।

(ধর্ম্মমূলক নাটক)

গিরিশচন্দ্র ঘোষ প্রণীত ।

(১৩১৬ সাল, ২রা মাঘ, শনিবার, মিনার্ভা থিয়েটারে প্রথম অভিনীত)

উৎসর্গ ।

আনন্দময় সহচর আনন্দধামবাসী—

কালীপদ ঘোষ ।

ভাই,

আমরা উভয়ে একত্রে বহুবার শ্রীদক্ষিণেশ্বরে মূর্ত্তিমান বেদান্ত দর্শন ক'রেছি । তুমি এখন আনন্দধামে, কিন্তু আমার আক্ষেপ—তুমি নরদেহে আমার “শঙ্করাচার্য্য” দেখলে না । আমার এ পুস্তক তোমায় উৎসর্গ ক'রলেম, তুমি গ্রহণ কর ।

গিরিশ ।

চন্দ্রিক

(পুরুষ)

মহাদেব । ব্রজা । ব্যাসদেব । শঙ্করাচার্য্য ।
গোবিন্দনাথ শঙ্করাচার্য্যের গুরু ।

শঙ্করাচার্য্যের শিষ্যগণ । --

সনন্দন (পরে পদ্মপাদ), শান্তিরাম, গণপতি, মণ্ডনমিশ্র (পরে সুরেশ্বর),
হাবা (পরে হস্তাগলক), আনন্দগিরি, চিৎসুখ, তোটকাচার্য্য ।

রামদাস ও সখারাম	শঙ্করাচার্য্যের প্রতিবাসী ।
জগন্নাথ	ঐ পুরাতন ভূতা ।
কুমারিল ভট্ট	কর্মকাণ্ডের প্রবর্তক ।
প্রভাকর	ঐ শিষ্য ।
কৃষ্ণচ	কাপালিক গুরু ।
উগ্রভৈরব	কাপালিক ।
অভিনব গুপ্ত	তান্ত্রিক পণ্ডিত ।
শিউলি ।	..		

ইন্দ্রাদি দেবগণ, জটনৈক ঋষি, বিদ্যাকরগণ, চণ্ডালবেশী ভৈরবগণ, বৃদ্ধ বৌদ্ধকাপালিক ও
তৎশিষ্যগণ, চণ্ডালবালক, সুরধ্বা রাজার সেনাপতি ও সৈন্যগণ, কুমারিল ভট্টের
শিষ্যগণ, পণ্ডিতগণ, শিউলি বালকগণ, মণ্ডনমিশ্রের পুরোহিত, অমরক
রাজার মন্ত্রী, ব্রাহ্মণ ও প্রেতাশ্মা, প্রভাকর (হাবার পিতা) ও
তৎপ্রতিবাসী, কাপালিকগণ, ভূতপ্রেতগণ, ভৈরব,
অভিনব গুপ্তের শিষ্য, ভগন্দর ব্যাদি,
গৌড়পাদ, কাশ্মীর-সারদাপীঠের
মন্দির-রক্ষক, ইত্যাদি
ইত্যাদি ।

(স্ত্রী)

মহামায়া ।

বিশিষ্টা	---	---	শঙ্করাচার্য্যের মাতা ।
রমা ও গঙ্গা	ঐ প্রতিবেশিনী ।
উভয়ভারতী	মণ্ডনমিশ্রের স্ত্রী (শাপত্রষ্টা সরস্বতী
সরমা ও অস্থালিকা	অমরক রাজার রাণীদ্বয় ।
কামকলা	কৃষ্ণচের উপপত্নী ।
শিউলিনী ।			

মহামায়ার বিদ্যা ও অবিস্তাসজিনীগণ, বিদ্যাধরীগণ, চণ্ডালিনীবেশী ভৈরবীগণ,
দুইজন স্ত্রীলোক, কুমারী, নর্ত্তকীগণ, যমজ-শিশুমাতা, শিউলিনীর
প্রতিবেশিনী, অমরক রাজার অগ্রাশ্রয় রাণীগণ, কলাবিদ্যাগণ,
প্রভাকরপত্নী, কামকলার সজিনীগণ, বিকটাগণ,
কামাখ্যাদেবী ইত্যাদি ইত্যাদি ।

শঙ্করাচার্য্য ।

প্রস্তাবনা ।

কৈলাস ।

মহাদেব, ব্রহ্মা, ইন্দ্র, ও অগ্ন্যাদি দেবগণ ।
ব্রহ্মা । হে সর্কজ, কিবা তব অজ্ঞাত ভুবনে ;
তথাপি চরণাঘুজে করি নিবেদন,
হেঁরিয়ে রোক্তমান ক্ষুধার্ত বালকে
মাতার মমতা হয় যেমতি বদ্ধিত,
তেমতি একান্ত আর্ন্ত দেবতামণ্ডল
আসিয়াছে মনস্তাপ করিতে জ্ঞাপন,
জগৎ-জনক, তব স্নেহ-বৃদ্ধি হেতু ।
নিষ্ঠুরতা-বারণ-কারণ নারায়ণ,
ব্রাহ্মণের বিজ্ঞাদর্প করিতে দমন--
হইলেন বুদ্ধ অবতার ,
যুক্তিবলে পরাজিয়ে বেদভ্রমণ্ডলে
শূত্রবাদ প্রচারিলা রমেশ সংসারে ।
হীনমতি নরে, দেবমায়ী বুঝিতে না পারে,
বেদবিধি যাগ-যজ্ঞ রহিত ধরায় ।
নিরীশ্বর স্বেচ্ছাচার শূত্রবাদ মতে,
পাপভার বৃদ্ধি দিন দিন,—
যজ্ঞভাগ বিনা যত দেবতা মলিন ।
কর দেব উপায় ইহার,
বেদবিধি করহ উদ্ধার,
সংসারে কল্যাণ পুনঃ হউক স্থাপন ।
মহা । চিন্তা দূর কর দেবগণ,
ধরায় রোদন নিত্য স্পর্শে কর্ণে মোঁর,
তাহে আমি মনে মনে করিয়াছি স্থির,
ধরি ভবে নরের আকার,
অতি গুহ তব আমি করিব প্রচার
মানব-কল্যাণ হেতু ;
যেই গুহ তব মম আশ্রয় স্বরূপ —
প্রিয় গৌরী-গণপতি-কার্ত্তিকেয় হ'তে—
বিশুদ্ধ অশেষ-জ্ঞান দানিব সংসারে ।
যা'বে কার্ত্তিকেয় ভবে,
বুদ্ধগণে দমিয়া প্রভাবে
কর্মকাণ্ড করিবে উদ্ধার ।
ধরি নরের আকার, শিশুরূপে তাঁর-
পদ্মবোঁনি, কর্মকাণ্ড করহ প্রচার—
'মণ্ডন' নামেতে খ্যাত হও ধরাতলে ।

নরকায় ধরাতলে ধর, জা
নিজ আচরণে, আদর্শ-প্রদানে,
বৈদিক নিয়ম কর পুনঃ সংস্থাপন ।
ব্রহ্মসূত্র বেদার্থের করিতে প্রচার
লইলাম ভার ।
শিষ্যসহ হবে মম ধরায় বিহার ।
যুক্তিবলে বুদ্ধিমত করিব ধণ্ডন,
দমিব দ্রুতগণে আছে যে যথায় ।
যাও ইন্দ্র, ধর নর-কায়—
বাজ্যেশ্বর হয়ে রহ মম প্রতীক্ষায়,
পৃথিবীে স্বধন্য নামে তোমা সবে ভবে ।
যাও সবে মায়ার প্রভায় ধর নর-কায় ।
দেবগণ । জয় জয় উমাপতি, জয় মহেশ্বর,
বেদসূত্র প্রচারিতে প্রতিশ্রুত হর ।

[দেবগণের প্রস্থান ।

মহা । এস মহামায়ী, লীলায় আশ্রয় কর দান ।

(পট-পরিবর্তন)

সঙ্গিনীগণসহ মহামায়ার আবির্ভাব ।

(গীত) *

স্বপন-গঠিত সময় বহিয়ে স্বপন-গঠিত স্থানে ।
অষ্ট বরষ শোক-হরষ জাগাও মানব-প্রাণে ॥
স্বপনঘোরে আপন পাসরে,
ডানম-মরণে ঘূর্ণিত নরে,
মোহ তমসা ঘামিনী ঘোরা
জড়িত স্বপন-ডোরে ;
সাহিয়ে যাতনা, যাতনা কামনা, অবসাদ নাহি মানে ॥
মানব-বেদনা স্রবণে, স্বপন ঘোর হরণে,
জ্ঞান-কিরণ-দানে —
নর-শঙ্করে হের ধরাপরে,
জাগাইতে মোহ-নিদ্রিত নরে,
বিমল বেদগানে ॥

* সঙ্গীতকালীন দৃশ্যপটে শঙ্করাচার্য্যের অষ্টবর্ষ-
ব্যাপী লীলা যথা—মাতৃকোড়ে শঙ্কর, 'মাতৃমুখে শঙ্করের
পুরাণ শ্রবণ,' 'পিতার নিকট শঙ্করের শাস্ত্রপাঠ' 'গুরু-
গৃহে শঙ্কর,'—দৃশ্য-চতুষ্টয় ক্রমাধয়ে পরিদৃশ্যমান ।

প্রথম অঙ্ক ।

—:—

প্রথম গর্তাঙ্ক ।

শঙ্করাচার্য্যের বাটী । *

(শঙ্কর)

শঙ্কর । বোম সমীরণ তপন সলিল ধরা,
অধঃ উর্দ্ধ মধ্যস্থল পূর্ণ সমুদ্র ।
নিত্য যেন কর্ণে মোর আসে,
কহে কত জন অশরীরী ভাষে—
“অলসে আবাসে কিবা হেতু ?
প্রতীকার ব্রজাঙ তোমার ।”
এ কি ঘোর মস্তিষ্ক-বিকার !
কেবা আমি !—
কেন হেন উত্তেজনা মম প্রতি !
না না, কতু নয় মস্তিষ্ক-বিকার,
সিংহ সম গর্জি অনিবার
অন্তরাঙ্গা কহে,—“কর অঁধ নিমীলন,
হের নিত্য চৈতন্ত-স্বরূপ তুমি ।
কার্য্যে নরকার, এসেছ ধরায়,
যাও নিত্যাধামে পুনঃ কার্য্য-অবসানে ।”

(বিশিষ্টার প্রবেশ)

বিশিষ্টা । বাবা, তুমি কেন এমন চূপ ক’রে ব’সে থাক ? তোমার শাস্ত্রপাঠ সমাপ্ত হয়েছে । যদি তোমার অষ্টমবর্ষ বয়ঃক্রম না হ’তো, আমি তোমার বিবাহের উদ্যোগ কর্তেম । তুমি বিষয়কার্য্যে মনোযোগী হও । তিনি বড় সাধ ক’রে মহাদেবের নিকট পুত্র-কামনা ক’রেছিলেন, তাঁর কৃপায় তুমি সেইরূপ পুত্রই জন্মগ্রহণ করেছ । তাঁর মৃত্যুর সময় তুমি বালক ছিলে, তিন বর্ষ অতিক্রম কর নি. আমার হাত ধ’রে তিনি অমুরোধ ক’রেছিলেন, এই বালক হ’তে আমার সংসার উজ্জল হবে, পিতৃদেবগণের নাম চিরস্মরণীয় হবে, তুমি একে যত্নে লালন-পালন ক’রো । বাবা, আমি তো তাঁর সে আজ্ঞা পালন করতে পারছি নে ।

* ত্রিবাঙ্গুর প্রদেশের অন্তর্গত ‘কালতি’ গ্রামে শঙ্করাচার্য্যের জন্মস্থান । এক্ষণে এই গ্রামের নাম ‘ক্যালাডি ।’

শঙ্কর । কেন মা—কেন এ কথা বলছেন ? তোমার অসীম যত্নে আমি এক বৎসর বয়ঃক্রমে বর্ণ উচ্চারণ করতে শিখেছি, দ্বিতীয় বর্ষে তোমার ত্রিমুখে পুরাণ শ্রবণ ক’রে পুরাণ-পাঠে অমুরাগী হয়েছি, তৃতীয় বর্ষে পুরাণের অমৃতলহরী পান ক’রে অনির্বচনীয় আনন্দ লাভ করেছি । তোমার লালন-পালন, তোমার শিক্ষায় গুরুজনের সেবা অভ্যাস করেছি, গুরুর কৃপালাভে সক্ষম হয়েছি, সেই অনির্বচনীয় কৃপায় তিনি আমার বেদবিজ্ঞা প্রদান করেছেন । তুমি আদর্শ-জননী, সকলই তোমার শিক্ষাপ্রভাবে । মা গো, বহু তপস্যায় তোমার জ্ঞান জননীর গর্ভে জন্মগ্রহণ করে ।

বিশিষ্টা । বাবা, তুমি যে দিবারাত্র অশ্রুমনে থাকো, তোমায় বাহুজ্ঞান শূন্য দেখি । যেমন বিজ্ঞানুভাগ, বিষয়ানুভাগ সেক্রপ নাই, এতে আমার বড়ই আশঙ্কা মনে হয় ।

শঙ্কর । মা গো, কিবা ফল সামান্য বিষয়-অনুরাগে ? উচ্চ প্রাণে বিষয়ের অনুরাগ কিবা ? বিষয়জড়িত চিত্ত উন্নতি-সাধনে অক্ষম সতত মাতঃ !

জনম-পত্রিকা মম হেরি সাধুগণে
করিয়াছিলেন তব সম্মুখে গণনা—
দীর্ঘায়ু নহিক আমি ।

তবে মাতা কয়দিন ভঙ্গুর জীবনে,
কি কারণে করিব বিষয়-আলোচনা ?
চতুর্থ আশ্রম সার-শাস্ত্রে এ প্রচার,
একমাত্র মুক্তিপথ চতুর্থ আশ্রম ।
তাই মা গো, সন্ন্যাস-গ্রহণে সাধ সদা মনে,
দেহ যদি অমুমতি, জননি, কৃপায়—
মানব-জনম হয় সার্থক আমার ।

বিশিষ্টা । বৎস, বাক্যে তোর—
আতঙ্কে শিহরে মম প্রাণ !
বাছুরিণি, অন্ধের নয়ন তুমি হুখিনীর ধন ;
পতিহীনা অনাধিনী আমি—
তব চাঁদমুখ হেরি পাসরি সকল আলা ;
দাক্ষণ কথায়,

কিন পুত্র, দেহ বাধা মায়ের হৃদয়ে ?
শঙ্কর । জনক-সমীপে মাতা অদীকৃত তুমি
উচ্চশিক্ষা দানিতে সন্মানে ।

সাধু সন্ন্যাসী আছিল পিতার,
বাহে কুমার তাঁহার,
হর তাঁর বংশমান-রক্ষণে সক্ষম ।
বতি-পহা লভে কেহ যদি,
উচ্চগতি হয় সে বংশের,
সেই পহা-প্রার্থী পুত্র তব,
তাহে তুমি বিশ্বদান ক'রে। না জননি !

(জগন্নাথের প্রবেশ)

জগ । হ্যাঁ মা, তুই বেন চিম্ড়ে মড়া মাগী, বাবাঠাকুর
মরা থেকে ক্রিদেতেষ্টা খেয়েছিস্, কচি ছেলে-
টাকেও সেই ধারা শিখুছিস্ । এখানে ছ'জনে
বিজ-বিজ কচ্ছিস্, এখনো খেতে দিস্ নি ।

বিশিষ্টা । বাবা জগন্নাথ, শঙ্কর কি বলে শোনো,—

জগ । কি বলে শোনো,—কচি ছেলে ছ' একটা
বায়না নেবে নি ? আমরা ওদিনে খাবার দেবী
হ'লে হ্যাঁতাল দিয়ে হাঁড়ী ভেঙ্গে তবে ছাড়'তুম ।

বিশিষ্টা । বাবা শোন—বলে 'সন্ন্যাস নেবো' ।

জগ । হাউড়ে মাগী, ছেলে ভুলতে জানে নি ।
সন্ন্যাস বায়না নিয়েছে, বল না কেনে সন্ন্যাস
কিনে দেবো । (শঙ্করের প্রতি) আর রে আর,
হাটে যাবো, ভাল ভাল সন্ন্যাস কিনে এনে
দেবো । নে রে খাবি আর, চল মাগী দিবি আর ।
ওঠ্ ওঠ্—খাবি চল ।

শঙ্কর । জগা দাদা, এখনো সন্ধ্যাবন্দনা শেষ হয় নাই ।

জগ । নে—তখন খেয়েদেয়ে সারবি । আমরা
বুড়ো মিসে, নাবার বেলা হ'লো, ক্রিদেয় পেট
চুঁই চুঁই ক'ছে, আর তুই খাসনি । তা ছেলের
দোষ কি বল, ঐ মাগী সব শিখোয় ।

শঙ্কর । না জগা দাদা, বলে ব্রাহ্মণের না সন্ধ্যা সেরে
খেতে নাই । মার এখনো স্নান হয় নাই, মা
স্নান ক'রে এসে অন্ন দেবেন ।

জগ । এখন ছ'ক্রোশ পথ চানুকে খাবি না কি ?
তা বা মরুগা ! এই ছেলেটাকে শিকের টাঙ্গিয়ে
ওকো । জাত যাবে যে, নইলে দেখ'তুম—কেমন
উপোসী রাখিস্, আমি তিনবার এড়া ভাত তেঁতুল
লঙ্কার চাটুনি দিয়ে খাওয়াতুম । লে—কি ল্যাখা-
পড়া সারবি আর, নে মাগী লেরে' আর ! এই
ঘরে ছ'খটি জল মাথায় দে কেলাই ?

বিশিষ্টা । না বাবা, নদীতে অবগাহন করবো ।

জগ । বাস্ খাবি, রোদে গুড়ে মরবি, তা আমার কি !
আর, ছেলেটার লেগে ভাত চাপা দিয়ে খাবি আর ।
বিশিষ্টা । আমি ঠিক ক'রে রেখে দিয়েছি, তুমি বাবা
খাইও । আমার বাবা শিবের মাথায় জল ঢেলে
আসতে দেবী হবে ।

জগ । বুঝেছি—বুঝেছি, আজ বুঝি কি পালপার্ক-
ণের দিন, দাঁত ছিরকুটে থাকবি, কিছু খাবি
নি । ছেলেটাকেও তাই বুঝি শিখুছিস্ ?

[বিশিষ্টার প্রস্থান ।

নে রে নে, কি ল্যাখাপড়া সার ক'রবি কর,
তোরে খাইয়ে তবে নাওয়া খাওয়া ক'রবো ।
শীগ'গির শীগ'গির সেরে নে, খেয়ে দেয়ে ছ'ভেয়ে
হাটে যাব । তুই সন্ন্যাস চাচ্চিস্ তো, তোর জন্তে
খুব ভাল সন্ন্যাস কিনে আনবো ।

শঙ্কর । এসেছি কি কাজে—কিবা কাজে যার দিন !

ভীষণ তরঙ্গ রঙ্গে খেয়ে মহামায়া,
জীবকুল ভাসমান মহা অন্ধকারে,
ঘোরে ফেরে জন্ম-মৃত্যু-ঘূর্ণিপাক-মাঝে ।
ভ্রম-বলে রয়ে তুলে কল্যাণ না চায় ;
বার বার ঠেকে, পুনঃ পুনঃ দেখে,
শিখেও না শিখে হার !

মহাভ্রম অতিক্রম করিবারে নারে,
জেনে শুনে আছি বন্ধ আপন পাসরি ।
অন্ধকারে কত দিন র'ব—কত দিন স'ব—
ভ্রমে ভ্রম গাঢ়তর ক্রমে ।
বাই—বাই, হেথা আর তিল নাহি র'ব,
হাহাকার ধ্বনি হায় কতই শুনিব,
ছেদিব—ছেদিব মায়া'র বন্ধন দৃঢ় ;
জীবকুল ব্যাকুল সংসারে ।

[শঙ্করের প্রস্থান ।

জগ । ওই—ও—ও খেপ'লো পারা ! আমার গালে
ঝুঙে চড়ুতে ইচ্ছা হচ্ছে । সেই বায়না বুড়োকে
বলেছিলুম, তা শুন্লে ? যে কচিছেলেকে ল্যাখা-
পড়া শিখিও নি, মাথা ঠিক থাকবে নি ।

* (রমার প্রবেশ) *

রমা । জগন্নাথ, বিশিষ্টা কি স্নানে গিয়েছে ?

জগ । আরে সে মরে কেলাই, এখানে এক চং দেখ
মাসী, হুদের ছেলেটা বলতেছে কি জানো, "বাই
বাই আমার ডাকতেছে !" আমি মাগী-মিলেয়ে

গিরিশ-প্রসাবলী ।

মাথা খুঁড়ে বসুম, তা শুন্লে নি। বসু—এখন
ল্যাখাপড়া শিখিওনি, এখন মাঠে খামারে নিয়ে
যাই, লাচুক কুঁহুক ; হুদের ছেলে ল্যাখাপড়া
শিখিওনি,—তা মাগীও বুড়বুড় ক’রে পুরান
বলে, আর মিসেসও পুঁথি নিয়ে বসে। এখন
ছেলের যে মাথা বিগুড়লো, সামান্য দেয় কে ?

রমা। কি হয়েছে রে—কি হয়েছে ?

জগ। ওগো মাসী, যদি দেখতে তো জানতে।
গোটা ছটো চোক কপালে না তুলে বলে,
“আমার ডাক্তারে - ডাক্তারে, আমি যাই।”
এই ছেলে বয়সে খেপে গেলো মাসী, আমার
মাথামুড় খুঁড়তে ইচ্ছে ক’রে।

রমা। ওরে বাছা, খাপেনি রে খাপে নি। তবে
শুন্বি ?—ঠাকুরপো তখন বিদেশে, বিশিষ্টা
ছুঁড়ীকে মানা করতুম যে, তার সন্ধ্যাবেলা শিবের
মন্দিরে যাম্ নি, তা সে বাছা রোজ না গেলেই
নয়। একদিন কালামুখী এসে ব’লছে কি
জানিস—লজ্জার কথা, তুই ছেলের মতন, তাই
বলি,—বলে “ও দিদি, আমার গর্ভ হয়েছে।” শুনে
আমার আহ্লাদ হলো, বসুম—“বেশ তো রে
বেশ তো, তোরা মাগী-মিসেসেতে ছেলে ছেলে
করিস্।” তা কালামুখী বলে কি জানিস—বলে
“ও দিদি, মন্দিরে আমার পেটে হাওয়া সোঁদি-
য়েছে।” ভাগিস্ ঠাকুরপো ফিরে এলো—
তাই লজ্জা রকে হ’লো।

জগ। ক্যানে মাসী ক্যানে ?

রমা। তুই ছোঁড়া আমার তাকা,—স্বামী ঘরে নাই,
গর্ভ হ’লো, তা’হলে কি আর মুখ দেখানো
যেতো !

জগ। তবে পেটে হাওয়া সোঁছুলো কি মাসী ?

রমা। ওরে গর্ভসঞ্চার হয়েছিল। মাগী বুঝতে
পারে নি, ওই শিবের মন্দিরে গর্ভ থেকে কোন
উপদেবতা আশ্রয় করেছে। তা আমি এত
মিসেসকে বোঝানুম যে, ঠাকুরপো, ভাল গুণিন-
টুনি এনে ছেলেকে দেখাও, তা আমার কথার
কান দিলে ?

জগ। না মাসী না, সোনার চাঁদ ছেলে, উপদেবতা
দৃষ্টি হবে ক্যানে ?

রমা। তুইও ঐ হাউড়ো বামুনের ভাত খেয়ে হাউড়ো
হয়েছিল কি না।

জগ। ক্যানে গো—আমি কি করুম ? আমার
খেত-খামারের কাজে যদি একটু এদিক ওদিক
পাও, তা’হলে আমার কানহুটি দিয়ে দিও।

রমা। তুই আর কি করবি ? তোর তো সব মনে
আছে। ছেলে যে দিন হ’লো,—হুদো হুদো
মিসেস, হুদো হুদো মাগী সব ছেলে দেখতে এলো
না ? সাত পুরুষ কেউ চেনে যে, কোথেকে
তারা এলো ? আর এক মাগী এসেছিল—তা
দেখেছিলি ? তার সঙ্গে গোটা আঠেক ছুঁড়ী।

জগ। হ্যাঁ হ্যাঁ—সেই মাগীকে আজ মাঠের দিকে
দেখলুম।

রমা। বটে ! সে অলক্ষণে মাগী যত দিন দেশে থাকে,
ছেলেপুলেকে সাবধানে রাখবো, বেকতে দেবো
না। তুইও বাছা মাঠে ঘাটে বেশী রাত করিসনি।

জগ। ওগো—ওই বুঝি সেই মাগী আসছে !

রমা। এক পাশে দাঁড়া—এক পাশে দাঁড়া, মাগীটা
বেরিয়ে যাক, কি অলক্ষণ হয়—কে জানে !
ঠাকুরপো মরবার দিনও শুনেছি শ্মশানে মাগীরা
এসেছিল। (অদূরে দৃষ্টিনিক্ষেপ করিয়া) তোদের
বাড়ীর ভেতর দিকে চলো যে রে !

জগ। দাঁড়াও, আমি দেখে নিচ্ছি [*] হই অলক্ষণে
মাগী রে হই ! ঘর বিগে যে চলেছিস্ ? তোরা
কে বটিস্ বল তো ? জানিস্ বেটীরা, জগা এখনো
মরে নাই, তোদের ভিন্নকুটি চলবে নি। ছেলে-
টার মাথা বিগুড়তে এসেছিস্ ?

(অষ্টমখী-বেষ্টিতা হইয়া মহামায়ার প্রবেশ)

মহামায়া। হ্যাঁ বাবা হ্যাঁ।

জগ। ভাল চান্ তো এখান থেকে যা, নইলে কান্তে
দিয়ে তেরে নাক কেটে নেবো।

(মহামায়া ও সন্ধিগণের গীত)

বেলপাতা নেয় মাথা পেতে, গাল বাজালে হয় খুসী।

মান-অপমান সমান তো তার,

তার কাছে নয় কেউ দোষী ॥

এত তো ভুলে থাকে, নেচে আসে যে তার ডাকে,
‘বোম্ ভোলা’ ব’লে কেন, নাও না যেচে বা খুসী।
যা ফেলে দেছে, নেয় সে বেছে, ভাল মন্দ নাই হুঁস্-ই ॥

জগ। হই, আমাকেও লাচার গো ! বোম্ ভোলা,—
বোম্ ভোলা—

[সকলের প্রস্থান।]

দ্বিতীয় গর্ভাঙ্ক ।

নদীতে স্নান করিতে যাইবার পথ ।

(রমা, গঙ্গা ও পশ্চাৎ বিশিষ্টার প্রবেশ)

রমা । এসো না গো—এসো না, এমন পায়ে পায়ে
গেলে তো সাত দিনে নদীর ধারে পঁউছোবো না ।
বিশিষ্টা । তোমরা যাও দিদি, আমার শরীর কেমন
ক'চে ।

(পশ্চিমধ্যে উপবেশন)

রমা । দেখ দিদি, তোমার মিছে ভাবনা দেখে বাঁচি
নে । আট বছরের ছেলে কোথায় যাবে ? এই
আমাদের ঘরের ছেলে একটা বায়না নেয় না ?
এই যে ভূতো সে দিন মেলা দেখতে যেতে
চাচ্ছিল,—আমি হাত ধরে টেনে এনে ঘুম
পাড়ালুম—ভুলে গেল । সন্ন্যাসী হওয়া মুখের
কথা কি না, ছুদের ছেলে সন্ন্যাসী হ'য়ে বেরিয়ে
যাবে, উনি ভেবে বাঁচ'চেন না । এসো—এসো,
বেলা প'ড়ে গেলে নাইবে না কি ?

বিশিষ্টা । না দিদি, তোমরা এগোও, আমি আর
চলতে পাচ্ছি নি ।

(শয়ন)

গঙ্গা । ও ভাই, দেখ্ দেখ্—সত্যি সত্যি ভিন্নমি
গেলো নাকি ? বউ—বউ ! ও মা, কি করবো গো
—কি হবে !

বিশিষ্টা । বাবা, দরিদ্রের নিধি দিয়ে কেন হ'রে নিতে
চাচ্চ ? আমি যে জনমছাধিনী, আমার অন্ধের
নড়ি কেন কেড়ে নিচ্চ ? আমি কি ক'রে প্রাণ
ধরবো ! আমি যে বাছাকে একদণ্ড না দেখলে
ত্রিভুবন অন্ধকার দেখি । এ কি এ কি ! বাবা
আমার ছেলে কোথা গেল—ছেলে কোথা
গেল—

রমা । হ্যাঁগা—এ কি সস্ত সস্ত বিকার হ'লো নাকি ।
মাগী কি ব'ক্চে গো !

(ক্রতবেগে শঙ্করের প্রবেশ)

শঙ্কর । মা মা—ওঠো মা !

বিশিষ্টা । বাবা, বাবা—আমার পুত্র দাও—আমার
পুত্র দাও !

শঙ্কর । এই যে মা—আমি তোমার কাছে র'য়েছি ।

বিশিষ্টা । কে রে শঙ্কর ! বাবা বল্—আমার
ছেড়ে যাবি নি ?

শঙ্কর । মা, তুমি না অনুমতি দিলে আমি কোথায়
যাবো ?

রমা । দেখ দেখি মাগীর আক্কেল ! বাবা শঙ্কর,
তোমার মাকে 'এতদূর আর স্নান ক'রতে
আসতে দিও না । এখন অথর্ক হ'য়েছি,সু,
নেই এতদূর নাইতে এলি । এতদূর আসতে
দিও না বাবা ।

শঙ্কর । আপনারা আশীর্বাদ করুন, আপনাদের
আশীর্বাদে মা শ্রোতব্রতী আমার উপর সন্তুষ্ট
হয়ে, আমাদের বাড়ীর নিকট দিয়ে যাবে,—
অনার্য্যসেই মা আমার অবগাহন-স্নান করতে
পারবে ।

গঙ্গা । দেখ্ছি'লো দেখ্ছি'লো—এই ছেলে নাকি
সন্ন্যাস নিয়ে বেরিয়ে যাবে । কচি ছেলে—
আক্কেল কি বল, মার এতদূর আসতে ছুঃখ হয়,
তাই মনে করেছে, নদীটা বাড়ীর দোর-গোড়ায়
নিয়ে আসবে ।

রমা । হাঁ বাবা, তাই করো । তোমাদের বাড়ীর
দোরের কাছ দিয়ে নদী নিয়ে যেও, তা'হলে
আমাদেরও কাছে হবে, নাইতে পারবো ।

(জগন্নাথের প্রবেশ)

জগ । এখন যদি হ্যাঁতালি, তোর কোন্ বাবা
রাখে ! অপঘাতে না ম'লে তোর চলবে নি
লয় ? খুদে দাদা আয়, আমি মাকে ধীরি ধীরি
নিয়ে যাই ।

[শঙ্কর ব্যতীত সকলের প্রস্থান ।

শঙ্কর । এস দেবি সলিলকুপিণি, শস্ত-প্রদায়িনি,
জীব-প্রাণ-সস্তাপহারিণি,
এস ভূধর-নন্দিনি, সাগর-গামিনি,
ছাধিনী ব্রাহ্মণী ক্ষীণা জননী আমার—
তব পুত-বারি চির-কাদালিনী ।
বরদে বন্দিনী, ভক্ত-নিস্তারিণি,
এস গো মা পশ্চাতে আমার—
যথা সুরধুনী পতিত-পাবনী,
তুনি অগ্রগামী ভগীরথ-শঙ্খধ্বনি
ঋষি-শাপে ভস্ম বংশ উদ্ধার কারণ ;
তেমতি গো, হে পুতসলিলে,
এস পাছে করতালি তুনি
বিলোল-তরঙ্গে জল-রাগি !

মুকুতা-নিবারণ

ফুৎকারে ফুৎকারে নিরন্তর করিয়া সৃজন !

হৃদে ধর' রবি-শশী-তারামালাছবি,

তা'হতে স্নানর দয়াজ্ঞ দদয় তব ।

এসো দয়ময়ি পাছে পাছে,

হৃদিনীর সস্তাপ বারিতে,

ভেদি শাল তাল তমাল কানন,

রক্ষা করি দেবতা ভবন-

পিতৃগণ স্থাপিত দাসের ;

এস নৃত্য করি তরঙ্গে তরঙ্গে পুতকায়া !

এস মাতা,—

শঙ্খ-ধ্বনি বিনা দাস দেয় করতালি ।

ওই যে—ওই যে—বরদে বরদে—

রূপাময়ী উল্লাসে নাচিয়া আসে ।

সার্থক জীবন মম,

মাতৃকাণ্ডো—

ককণায় সমাগত আনন্দোদিনী বারি ।

(করতালি দিয়া)

নমো নমঃ শেগর-নন্দিনি জননি,

তরল-তরঙ্গিণি, সাগরগামিনি !

পুতসলিলে, সস্তাপহারিণি,

শ্রামলা-মেদিনী-শস্ত-বিধায়িনি ।

ভক্তচনাশ্রয়-সম্পদ-সুখদে,

নমস্তে তটিনি, অভয়ে বরদে !

[করতালি দিয়া অগ্রে অগ্রে শঙ্করের গমন

এবং পশ্চাৎ স্রোতস্বিনী প্রবাহিতা হওন ।

তৃতীয় গর্তাক ।

শঙ্করাচার্যের বাটীর সম্মুখ ।

মহামায়া উপবিষ্টা ।

(বিশিষ্টার প্রবেশ)

বিশিষ্টা । মা, তুমি কে ? তুমি একাকিনী হেথা
বসে র'রেছ কেন মা ?

মহা । মা, আমি আশ্রয়হীনা, পতি-পরিভ্রাতা,
আমার আর এখান সেখান কি ?

বিশিষ্টা । তোমার সখার মত বেশ দেখছি ।

* এই নদীর প্রাচীন নাম পূর্ণা বা চুল্লী, এক্ষণে
'আলোয়ারী' নামে পরিচিত ।

মহা । আমার সখা বিধবা কি ? আমার বা ব'লে
ডাকে—তাই । যখন যে অবস্থার পড়ি—সেই
অবস্থার থাকি । আমি সংসারে একরকম
বহুরূপী সেজেই বেড়াই ।

বিশিষ্টা । মা, তুমি এই যুবতী, তোমার তো পথে
পথে বেড়ান ভাল নয় মা, লোকে যে তোমার
নিন্দা করবে ।

মহা । আমার আর কি আছে মা, আমার নিন্দা-
স্তুতি দুই সমান । আমি আছি বল আছি, না
আছি বল না আছি । আমার সকল অবস্থাই
সইতে হয় ।

বিশিষ্টা । যদি তোমার আশ্রয় না থাকে, যদি ইচ্ছা
করো, আমার গৃহে থাকতে পারো ।

মহা । রূপা ক'রে স্থান দাও—থাকুবো । কিন্তু মা,
আমি বড়ই চঞ্চলা, কখন কি ভাবে থাকি, আমিই
জানি না । পতি রমণীর একমাত্র আশ্রয়, সে
আশ্রয় যার নাই, তার দশা কি, তা তো তুমি
জানো মা !

বিশিষ্টা । আচ্ছা না, তোমার যত দিন ইচ্ছা হয়,
এইখানে থাকো ।

মহা । মা, তুমি আমায় স্থান দেবে ? আমি আশ্রয়-
হীনা হয়ে বেড়াই । আমার জাত নাই, কুল
নাই, মান নাই, অপমান নাই, আমাব সব সমান
হয়েছে, আমায় স্থান দিলে লোকে যে তোমার
নিন্দা করবে মা ।

বিশিষ্টা । নিন্দা হয় হবে, অনাথাকে আশ্রয় দিতে
আমি নিন্দাভয় করি না । এমন কি আমার
পুত্রের অন্ন নিয়ে অনাথাকে দিতে আমার পতির
আজ্ঞা ।

মহা । আমি যদি কোথাও চ'লে যাই, তার পর এলে
আমার আশ্রয় দেবে ?

বিশিষ্টা । হ্যাঁ মা, তুমি যখন কোথাও না আশ্রয়
পাবে, এসো ।

মহা । তবে মা, আমি এখন যাই, আবার আসবো ।

(জগন্নাথের প্রবেশ)

জগ । হ্যাঁ, হ্যাঁ—তুই বা, তোরে আর আসতে
হয় নি ।

বিশিষ্টা । বাবা জগন্নাথ, ও অনাধিনী, ওকে কেন
ঝড় কথা বলচ ?

জগা । হ্যাঁ হ্যাঁ—ও সেই বটে । বেটী বহুবলী,
কাল এসেছিল—অমনি গেরুয়া প'রে আটুটা
ছুঁড়ী নিয়ে । আজ আবার ঢং ক'রে শাঁখা প'রে
গেরুস্তের বউ হয়েছে ।

মহা । বাবা, তুমি তো আমার চেনো না, আমার
চিন্তে কি আমি গৃহস্থের বউ, সামনে থাকতুম ।
যে আমার চেনে, তার কাছে তো আমি থাকি না ।

জগ । শোনো শোনো—বেটীর ঢংএর কথা শোনো ;
বেটী সৃষ্টি ঘোরে, আর বলে চিন্তে সামনে
দাঁড়ায় না । কাল বেটী কি করলে—আমার
ধেই ধেই নাচালে !

বিশিষ্টা । মা, তুমি কিছু মনে করো না, ও হেলা-
গোলা মানুষ করে কি বলতে কি বলে । তুমি
এসো বাছা, তোমার যখন ইচ্ছা হয়, আমার
কাছে এসে থাকো ।

মহা । মা, যদি বাধা থাকি, তোমার কাছেই
থাকবো ।

[মহামায়ার প্রস্থান ।

জগ । মা, খুদে দাদা তো যে সে লয় । শুন্টি, নদীটে
নাকি টেনে হিচুড়ে লিয়ে এলো গো !

(শঙ্করের প্রবেশ)

শঙ্কর । না জগা দাদা, মা ইচ্ছা ক'রে এসেছেন ।

জগ । উঁহু—তোরে চিন্তে লারলুম, তা আমার
চেনাচিন্তে কাজ নেই, তোদের খেয়ে মানুষ,
যত দিন পারি, তোকে ছোট ভাইয়ের মতনই
দেখবো ।

শঙ্কর । হ্যাঁ দাদা—তাই দেখো ।

জগ । আমি খামারে যাই ।

[সকলের প্রস্থান ।

চতুর্থ গর্তাক ।

শঙ্করাচার্যের বাটীর সম্মুখস্থ নদী ।

শঙ্কর ।

শঙ্কর । সংসার-বাসনা

আজি বৈরাগ্য-প্রভাবে এ শরীর ত্যজি
শীতল হও স্বতন্ত্র ।

[২]

ধরি যোর কুস্তীর আকার, স্বরূপ তোমার,
ভটিনী-সলিল-মধ্যে কর অবস্থান ।

বস্ত্রপি আমারে হের এ সংসারে—

করি আক্রমণ, সলিলে করিহ নিমগন,

পাপ-পঙ্কে প্রাণীরে করহ নিত্য যথা ।

কিন্তু যদি পারি ল'তে সন্ন্যাস-আশ্রম,

তাজি এই পুতবারি করিও গমন ।

যুগ-যুগান্তরে —

অন্য দেহে কভু যদি আসি এ সংসারে,

দেখা হবে তব সনে ।

(নদীতে অবতরণ ।)

(রমা ও গঙ্গার প্রবেশ)

রমা । লোকে যে বলে—কলিতে ছেলের মুখে
আর পাগলের মুখে দৈববাণী হয়, দেখছি তো
ভাই, তা তো সত্যি ! ছেলেটা কাল বলে যে,
নদীটা আমার বাড়ীর দোর-গোড়ায় টেনে নিয়ে
যাবো, তা তো ঠিক ।

গঙ্গা । আমাদের কর্তা বলে—অমন হয় । অমন
অনেক নদীর মুখ ফেরে । নদীর মুখে নাকি
চড়া পড়েছে, কালকের ঘোর বৃষ্টিতে এই দিকে
জল ভেঙেছে ।

রমা । ঠিক ওদের দোর দিয়ে জল ভাঙলো, ওদের
লক্ষ্মী-নারায়ণ ঠাকুরের মন্দিরের পাশ দিয়ে
বঁকে এলো, সোজা এলে মন্দিরটে ডুবে যেতো ।
এ সব ভাই ঠিক দৈব ঘটনা মনে হয় ।

গঙ্গা । (সহসা নদীগর্ভে শঙ্করকে দেখিয়া) ও শঙ্কর
—ও শঙ্কর !—জলে নামিস্ নে—কুমীর দেখা
দিয়েছে, ওরে উঠে আর—উঠে আর—

শঙ্কর । (জল হইতে) ওগো, আমার বুঝি কুমীরে
ধরেছে, আমার মাকে ডাকো—

রমা । ওরে সর্বনাশ হলো রে—সর্বনাশ হলো,
শঙ্করকে কুমীরে ধরেছে !

(বিশিষ্টার বেগে প্রবেশ)

বিশিষ্টা । বাবা মহাদেব—রক্ষা করো—রক্ষা করো—

শঙ্কর । মা, আমার কালে ধরেছে, আমার কেউ
রক্ষা করতে পারবে না, তবে যদি আমার সন্ন্যাস-
গ্রহণে অমুমতি দাও, তা'হলে আমার রক্ষা হয় ।

বিশিষ্টা । ওগো আমার সর্বস্ব নাও, কেউ রক্ষা
করো ।

শঙ্কর। মা, রক্ষা নাই, অহুমতি দাও, বুধা কেন জলে অবতরণ করছে? এই দেখ, আমার দূর জলে নিয়ে যাচ্ছে। মা, অহুমতি দাও, ছরস্তু কুস্তীর এইবার গভীর জলে নিমগ্ন করবে—বিশিষ্টা। আমি অহুমতি দিলুম—আমি অহুমতি দিলুম,—বাবা আর—

শঙ্কর। (জল হইতে উখিত হইয়া) মা, কুস্তীর আমার পরিত্যাগ করেছে। মা গো, গর্ভে স্থান দিয়ে অশেষ যত্নণা ভোগ করেছ, অশেষ ক্লেণে লালন-পালন করেছ, আজ আমার জীবন দান করলে। মা, যে মহাপুরুষেরা আমার জন্ম-পত্রিকা দেখেছিলেন, তাঁরা তোমার সম্মুখে আমি অন্নাশু, এইমাত্র প্রকাশ করেছিলেন। কিন্তু তাঁরা পরস্পর বলাবলি করেছিলেন, আমার তাঁদের বাক্য কর্ণগাচর হয়, তাঁরা বলেছিলেন, আমার অষ্টবর্ষমাত্র পরমায়ু। আজ সেই অষ্ট বর্ষ পূর্ণ; কিন্তু তাঁদের আদেশ ছিল, যদি অষ্টম বর্ষে আমি সন্ন্যাস গ্রহণ করি, আমার পরমায়ু বৃদ্ধ হবে। আমি এ সংবাদ অবগত হয়েই পুনঃ পুনঃ তোমার নিকট সন্ন্যাস-প্রার্থনের অহুমতি প্রার্থনা করেছিলাম। পুত্র স্নেহে তুমি সে অহুমতি দিতে অসম্মত হ'লে; কিন্তু মা, আজ প্রত্যক্ষ দেখলে, অশ্রুত কাল কুস্তীররূপে আমার বধ করতে উপস্থিত হয়েছিল। রূপাময়ি, তুমি অহুমতি দান ক'রে আমার জীবন রক্ষা করেছ। বিশিষ্টা। বৎস! আজ আমি বুঝলেম যে, কামনা অপেক্ষা হীনকার্য আর পৃথিবীতে নাই। আমি পুত্র-কামনা করেছিলাম, পুত্রকামনা ক'রে অশেষ যত্নণাভোগ করেছি। আজ আমি তোমা হেন রত্ন পেয়ে গৃহ হ'তে বিদায় দেবো—মা হয়ে সকলের সম্মুখে প্রতীক্ষিত হয়েছি। আমার কি যত্নণা সহ্য করতে ভগবান্ সৃজন করেছিলেন! আমি অভাগিনী রমণী, তাঁরই ইচ্ছা পূর্ণ হোক! এসো বাবা ঘরে এসো, আজ তোমার কোলে অন্নবাজন দিই, কিন্তু কাল যেন আর সূর্যোদয় না দেখতে হয়।

[উভয়ের গ্রন্থান।

গঙ্গা। হ্যাঁ লো, কিছু তো বুঝতে পারলুম না। মাগী অহুমতি দিলে আর কুমীর ছেড়ে দিলে!

রমা। বোন, সকলই আশ্চর্য! আজ আমার

বিশ্বাস হ'চ্ছে, শিবের মন্দিরে যে বিশিষ্টার গর্ভে একটা জ্যোতি প্রবেশ করেছিল, এ কথা সত্য। শঙ্করের সকলই আশ্চর্য।

গঙ্গা। হ্যাঁ ভাই, সব আশ্চর্য আশ্চর্য কথা শুন্তে পাই! যখন শুরু-গৃহে ভিক্ষা করতে, এক চুখিনী ব্রাহ্মণীর কাছে ভিক্ষা করতে যায়, ব্রাহ্মণী তিনটি আমলকী দিয়ে কাঁদতে কাঁদতে ব'লেছিল, “বাবা, বিধাতা আমাদের দীন-দুঃখী করেছেন, গৃহে মুষ্টিমাত্র অন্ন নাই,—কি দিয়ে তোমার সেবা করবো?” শুন্তে পাই, ছয় বছরের ছেলে ধ্যান ক'রে মা লক্ষ্মীকে বৈকুণ্ঠ থেকে এনে তাঁদের ঘরে অচলা করেছে!

রমা। চল না দেখি, ওরা মায়ে পোয়ে কি ক'চ্ছে।

গঙ্গা। না ভাই, আমি দেখতে পারবো না। আট বছরের ছেলে সন্ন্যাস নিয়ে দেশত্যাগ ক'রবে, দেখে বুক ফেটে যাবে।

রমা। সুতি সতি কি ওর মা মাগী ছেড়ে দেবে?

গঙ্গা। শঙ্করের মা পরিহাস ক'রেও কখন মিথ্যা কথা বলে না, যখন অহুমতি দিয়েছে, বারণ করবে না।

রমা। আমরা ভাই প্রাণ ধ'রে পারতুম না। মিথ্যা কথায় নরক হয় ত'তো, ঐ ছেলেকে বিদায় দিয়ে কি স্থির থাকি যায়!

[উভয়ের গ্রন্থান

পঞ্চম গর্তাক্ষ।

শঙ্করাচার্যের বাটী।

শঙ্কর ও বিশিষ্টা।

শঙ্কর। মা, তোমার অহুমতি পেয়ে মনে মনে সন্ন্যাস গ্রহণ করায়, কালরূপী কুস্তীরের কবল হ'তে পরিত্রাণ পেয়েছি। সন্ন্যাসীর একদিনও গৃহে বাস অবৈধ; বিদায় দাও।

বিশিষ্টা। বাবা, শুনেছি, তুমি সকল শাস্ত্র প'ড়েছ, বলতে পারো, কি উপাদানে বিধাতা রমণী সৃজন করেন? সামান্য মৃত্তিকার দেহ ত'লে কি এত সহ্য হয়? সে কি তোমার মত পুত্রকে সন্ন্যাসের অহুমতি দিয়ে প্রাণ ধ'রতে পারে? তুমি চ'লে যাবে, তাতেও কি মুক্ত্য হবে? আমি নিঃস্বা, কেন রমণী এত কঠিনা হয়!

শঙ্কর । কর শোক পরিহার জননি আমার,
 ভুজুর শরীরে, কলপ্রভা দীপ্তি সম
 কলহারী প্রভামাত্র মানব-জীবন ;
 ভূত ভবিষ্যৎ অসীম অনন্ত মেঘময় ;
 শোক হুঃখ আনন্দ বৈভব,
 কলহারী এ কল-জীবনে ।
 অসীম অনন্ত ভবিষ্যৎ ।
 কলহারী এ জীবনে কণিকের হেতু
 উপেক্ষিয়া ভবিষ্যৎ সুখের প্রয়াস,
 হেন জ্ঞানি জ্ঞানিময়ী অবিজ্ঞা-প্রভাবে !
 যাব গৃহ ত্যজি,
 কিন্তু প্রাণ মম রহিবে তোমার পাশে ।
 দেখ মা দেখ মা—আনন্দিত পিতৃলোকগণে—
 সন্ন্যাস-গ্রহণে মম ।
 তুমি ভাগ্যবতী,
 সন্ন্যাসীয়ে দেছ গর্ভে স্থান ।
 ছিল বালক সন্তান মাত্র রক্ষক তোমার,
 এবে মহা আশ্রমের বলে,
 দেবতামণ্ডলে
 নিয়ত রবেন সবে রক্ষণে তোমার ।
 ক্ষুদ্র শক্তি মম,
 তব সেবা কি সম্ভব আমা হ'তে !
 শত শুণে সেবাপ্রাপ্ত হবে গো জননি,—
 কমলা আপান
 ধনধাত্রে গৃহ পূর্ণ রাখিবেন তব ।
 তৃপ্ত তুমি অতিথি-সেবায় চিরদিন,
 অতিথি না বিমুখ হইবে এই গৃহে ।
 দান-ধর্ম্মে পূজা-ব্রতে রহ মা নিয়ত ।
 বেইক্ষণে করিবে স্মরণ,
 করি সত্য পণ—
 সেই ক্ষণে আসিব মা তোমার সদনে ।

বিশিষ্টা । কেন বাবা, কেন আর হুঃখিনী জননীকে
 প্রতারণা করো ? আমি তোমার গুরু নিকট
 গুনেছিলাম, তুমি দেবকার্য্যে এসেছ, দেবকার্য্যে
 ভুবন ভ্রমণ ক'রে জীবের উদ্ধারসাধনে নিযুক্ত
 থাকবে । আমি হুঃখিনী, আমার কি তোমার
 স্মরণ থাকবে ? স্মরণ থাকলেও তোমার সংবাদ
 কি ক'রে দেবো বে, তুমি আমার নিকট
 আসবে ? অন্ত্যেষ্টিক্রিয়ার জন্ত সন্তান কামনা
 করে, তোমার পৈতৃক সম্পত্তি জ্ঞাতিগণকে

দিরেছ, তাঁরা আমার গ্রাসাচ্ছাদনের ভার গ্রহণ
 করেছেন । আর আমি বিধবা ব্রাহ্মণী, আমা-
 রই বা গ্রাসাচ্ছাদন কি, ভিক্ষারে অনায়াসে
 জীবন নির্বাহ হ'তে পারে । কিন্তু বাবা,
 তোমার চাঁদমুখ দেখে আমার আশ্বাস হয়ে-
 ছিল যে, গর্ভজাত পুত্রের হস্তে আমি গ্রহণ
 করবো, সে আশা আজ নিরাশ হলোম ।

শঙ্কর । দেবকার্য্যে হয় যদি জনম আমার,
 তিলমাত্র ভুলিব মাতায়,
 হেন কি সম্ভব তার দেবকার্য্যে জনম বাহার ?
 সত্য কাহি দেবতার নামে,
 যবে দেবি করিবে স্মরণ—
 স্তম্ভচুঞ্চ আশ্বাদন পাব আমি মুখে ;
 যথা রহি তখনি আসিব,
 তিলেক না বিলম্ব করিব —
 অল্পকালে অগ্নিক্রিয়া করিব নিশ্চয় ।
 চিন্তা দূর কর গো জননি,
 অসঙ্কোচ-চিন্তে দেহ বিদায় আমার ।
 বিশিষ্টা । চিন্তা দূর করিব কেমনে,
 চিন্তার সাগর-মাঝে ফেলেছ আমার ।
 যার মুখ তিলেক না হেরি,
 দশদিশি অন্ধকার নয়নে আমার—
 তারে না দেখিব,
 শ্মশান সমান গৃহে একাকিনী রব,
 বিজ্ঞ হয়ে কহ তুমি চিন্তা ত্যজিবারে ?
 আজীবন চিন্তা তব মাতার সঙ্গিনী !
 মৃত্যুকালে চিন্তা সনে বিচ্ছেদ আমার ।

শঙ্কর । জননি আমার—
 এ হৃদিদৌর্ব্বল্য দেবি কর পরিহার,
 নহে তব উপযুক্ত হেন দুর্ব্বলতা ।
 যেহেতু করেছ মা গো পুত্রের কামনা,
 পূর্ণ ক'রেছেন হর তোমার বাসনা ।
 দেবকার্য্যে জীবন-যাপন—
 অতি বাঞ্ছনীয় কার্য্যে রবে পুত্র তব ।
 কণিক বিচ্ছেদ হেতু চিন্তা নহে শ্রেয়,—
 মাত্র মাতা দৈহিক বিচ্ছেদ,
 বিচ্ছেদ আশঙ্কা কেন স্মরণে মিলনে !
 যেই কালে করিলে প্রসব,
 হের সে আকার নাহি আর মম,—
 কালে অল্প ব্যতিক্রম ঘটিবে এ কলহারী কায় ।

তবে কোন্ দেহ পুস্ত্রের তোমার,
 বিচ্ছেদ আশঙ্কা বার করে সম্ভাপিত ?
 কোমার, যৌবন—শরীরের করিছে বর্তন,
 মৃত্যুকালে জীর্ণবাস প্রায়
 পড়ে রবে শরীর ধরায় ।
 শারীরিক বিচ্ছেদ আশঙ্কা করো দূর ।
 জ্ঞানচক্ষে নেহার জননি,
 তুমি আমি বিশ্ব অবিচ্ছেদ,
 দেখ, তুমি আমি—নাহি ভেদাভেদ,
 অনন্ত ব্রহ্মাণ্ড ব্যাপি আছি এক হয়ে ।
 অলঙ্কিতে কালশ্রোত ধার,
 আর মা রহিতে নারি গৃহে—
 বিদ্যা ও তনয়ে, পদে প্রণাম জননি ।

[শঙ্করের প্রস্থান ।

বিশিষ্টা । চল চল—আমারই বা কিসের গৃহ, আমি
 তোমার সঙ্গে যাই ।

[পশ্চাৎ প্রস্থান ।

ষষ্ঠ গর্তাঙ্ক ।

রামদাসের বাটা ।

রামদাস ও সথারাম ।

রামদাস । দেখ, ছোঁড়া ধাপ্লাবাজী ক'রে আমায়
 প্রতিশ্রুত ক'রে নিয়েছে, কাজেই ওর মার
 গ্রাসাচ্ছাদন আমায় যোগাতে হবে । কিন্তু সে
 খরচটা বাজে, ও আবার ফিরে এসে আপনার
 পৈতৃক বিষয় কেড়ে নেবে ।

সথারাম । তুমি দেবে কেন ?

রাম । কি করবো বল ? রাজা রাজশেখর ওর সহায়,
 স্বয়ং ওর কুটীরে এসে টাকা ঢেলে গেছেন ।

সথ্য । ও সে টাকা ফিরিয়ে দিয়েছিল না শুদ্ধি ?

রাম । তুং ক'রে ফিরিয়ে দিয়েছে । রাজা জেনে
 গেল—বড় সাধু, একেবারে গোলাম হয়ে রইল ।
 দেখিস্ নে, ছদ্মবেশে রাজার লোক এসে ভারে
 ভারে ওর বাড়ীতে সামগ্রী দিয়ে যার । ওর মা
 রাজরানীর মত ছহাতে বিলোয় ! ঐ দেখ্ দেখ্
 —ঐ সব সামগ্রী নিয়ে যাচ্ছে । ওঃ—বিস্তর
 সামগ্রী ! দেখ্, ওর মার গ্রাসাচ্ছাদনের ভার
 নিয়ে বড় বুজির কাজই করেছি । আমার
 বাড়ীতে মাগীকে নিয়ে আসবো, যা জিনিস-

পত্র আসবে, তা আমিই পাবো । মাগীর এক
 বেলা একমুঠো খাওয়া আর একখানা কাপড়,
 সেটা বড় গারে লাগবে না । কিন্তু ছোঁড়া
 ফিরে এসে বিষয়টা কিন্তু ফিরিয়ে নেবে ।
 সথ্য । মেজো খুড়ো, তুমি বিষয়টা আমাকে দাও
 দেখি, কই কে ফিরিয়ে নেয় ? দাও—তুমি
 আমার দাও ।
 রাম । না রে ছোঁড়া—লোভ করিস্ নি—লোভ
 করিস্ নি, ফিরিয়ে নেয় নেবে—ফিরিয়ে নেয়
 নেবে ; তোরে বলুম ব'লে কি সম্পত্তির আমি
 পিত্যেণ রাখি । জ্ঞাতির বউ, যদি কিছু নাই-ই
 থাকতো, আমি প্রতিপালন করতুম না ?

(বিশিষ্টার প্রবেশ)

বিশিষ্টা । ওগো, বাছা আমার কোন্ পথে গেল ?
 আমি যে তার পিছু পিছু এসে তারে দেখতে
 পাচ্ছি না । কোথায় গেল ? আমি আর একট-
 বার দেখবো । আমি বিদায় দেবো তো ব'লেছি,
 আর একটবার দেখে বিদায় দেবো । ঐ যে
 —ঐ যে—ঐ বুঝি যাচ্ছে—ঐ বুঝি যাচ্ছে—

সথ্য । মেজো খুড়ো, তোমার বরাৎ ভাল, মাগী
 বুঝি এইখানেই অক্সা পায় ।

রাম । আরে দূর পোড়াকপালে, তা হ'লে সর্বনাশ
 হবে, ছোঁড়া এখনি ফিরে এসে মুখাণ্ডি করবে
 আর বিষয় আশয় বেচে কিনে চ'লে যাবে ;
 বুকের উপর ব'সে আর এক বেটা ভোগ করবে ।

(মহামায়ার প্রবেশ)

মহা । ও মা, আমি যে তোমার বাড়ী থাকতে
 এসেছি । ওঠো, না মা, ওঠো না ।

রাম । এ আহলাদী বেটা আবার কে রে—মা ব'লে
 এলো !

মহা । ওঠো ওঠো—যুমিও না । (অঙ্গ স্পর্শকরণ)
 বিশিষ্টা । (উত্তিত হইয়া)

এ কি ! এ কি ! এ কি দেখি একাকার !

বিশাল বিস্তার—আমি আমি—নাহি কেহ আর,
 অসীম অসীম—দশদিশি অনন্ত অসীম—

মহা । মা, তোমার শঙ্করকে আমি দেখে এলুম ।
 সে বলে, মাকে নিয়ে বাড়ীতে থাক্ গে । আমি
 আসছি, আমি এলুম ব'লে ।

বিশিষ্টা । এই যে—এই যে—এই যে আমার শঙ্কর

এসেছে ! দেখ মা দেখ, আমার এক শঙ্কর ছিল
—কত শঙ্কর হয়েছে—আমার শঙ্করময় ! এই
যে আমার কোলে শঙ্কর, আমার স্তনপান ক’চে
শঙ্কর, এই যে আমার অঁচল ধ’রে শঙ্কর, এই
যে আমার শঙ্কর বেদ পাঠ ক’চে !

মহা । হ্যাঁ মা, এসো এসো ঘরে এসো,—তোমার
শঙ্কর তোমার ঘরে, আমি তাইতে তোমার
দেখতে এসেছি ।

[বিশিষ্টাকে লইয়া মহামায়ার প্রস্থান ।

সখা । মোজো খুড়ো, এ মাগী চোর ! এ পুত্রশোকে
পাগল হয়েছে, টাকা আছে সন্ধান পেয়েছে,
হাতাবে, তাই ‘মা’ ব’লে এসেছে । খুড়ো, ও
মাগীকে তাড়াও ।

রাম । তুই যা তো বাবা, দেখ্ তো—

সখা । খুড়ো, তুমিও এসো,—ও ডাকাতনি, আমি
একলা ওর কাছে যেতে পারবো না । ঐ দেখ,
পাঁজাকোলে ক’রে তুলে নিয়ে গেলী বেটা
ডাকাতনি, বেটার সঙ্গে লোক আছে ।

রাম । চল্ তো—চল্ তো—দেখি ।

[উভয়ের প্রস্থান ।

সপ্তম গর্ভাঙ্ক ।

নন্দদা-তীর—গোবিন্দনাথের আশ্রম

ধ্যানমগ্ন গোবিন্দনাথ ।

(শঙ্করের প্রবেশ)

শঙ্কর । হেরি এই বিজ্ঞান গুরুদেব মম,
স্ব-স্বরূপে অবস্থিত সমুখে আমার,
প্রত্যক্ষ অনন্তদেব নর-কলেবরে !
হেরি বার সহস্র বদন
ত্রাসিত হইল জনগণ,
তাই ধরি মানব-মুরতি
ভগবান্ পাতঞ্জলরূপে
বসিতেন প্রভু মম পাতাল-ভুবনে ।
এবে মম কল্যাণ-সাধনে
যতিবর উদয় গুহার
গোবিন্দনাথের কলেবরে ।
তুমি ব্রহ্মা, তুমি বিষ্ণু, তুমি মহেশ্বর,

পরব্রহ্ম মানব-শরীরে,
করি নমস্কার শত চরণ-অঙ্গুষ্ঠে ।
অজ্ঞান-তিমিরে অন্ধ নরন আমার,
জ্ঞানজনে দিব্য চক্ষু করিতে প্রদান,
অবতীর্ণ তুমি ভগবান্ !
কর কৃপা কাতর কিঙ্করে ।

(জনৈক ঋষির প্রবেশ)

ঋষি । বাপু, কার অমুসন্ধান করো ?

শঙ্কর । প্রণাম যতিবর !—আমার ইষ্টদেবের নিকট
আগমন করেছি, তিনি অন্তরে অন্তর আকর্ষণ
পূর্বক কৃপায় এ স্থানে আমার ল’রে এসেছেন ।

ঋষি । বৎস, বুঝেছি তুমি কে !

[ঋষির প্রস্থান ।

শঙ্কর । কিবা শাস্তিময় স্থান !

যেন তরুলতা ফুলপুষ্প
একতানে করে বেদগান,
অলির গুঞ্জন ঐক্যতানে সন্মিলিত ;
ঈর্ষ্যাঘেষ-বজ্জিত প্রদেশ,
হেরি সমুদয় নিত্যানন্দময় ।
এ কি ! অকস্মাৎ ঘোর কলনাদে
প্রবাহিণী নন্দদা জননী !
শাস্ত হও কল্লোলিনি,
কল্লোলে তোমার—
ভঙ্গ হবে সমাধি প্রভুর ।
শাস্ত হও, শাস্ত হও—কল-নির্নাদিনি !
এ কি ! উচ্চতর কল্লোল উখিত,
শুন বাণী, শাস্ত হও নন্দদা জননি,
সমাধিতে বিঘ্ন নাহি করো ।
তথাপিও উচ্চনাদ—
ক্ষমা কর অপরাধ—
বন্ধ রহ কমণ্ডলু-মাঝে
যদবধি সমাধিস্থ রহিবেন প্রভু ।

[নন্দদার শঙ্করের কমণ্ডলু-মাঝে প্রবেশ]

গোবিন্দ । (চক্ষু উন্মীলন করিয়া)

বৎস, মুক্ত কর’ নন্দদায় ;
হের জলচর ব্যাকুল সকলে,
জল বিনা ত্যজিবে জীবন ।

(শঙ্করের নন্দদাকে মুক্তকরণ ।

কহ বৎস, কেবা তুমি, কি নাম তোমার ?

শঙ্কর । নাহি রূপ, নাহি নাম, বর্ণ বা উপাধি,
নাহি জল, নাহি স্থল, স্থৰ্য্য, সমীরণ—
চিদানন্দ শিবময় স্বরূপ আমার ।

গোবিন্দ । প্রত্যক্ষ হইল মম ব্যাসের বচন ।
অবগত হইয়াছি শ্রীমুখে তাঁহার,
বেদবিধি উদ্ধারের তরে, ধরণী-মাঝারে
বিশ্বনাথ আসিবেন নর-কলেবরে ।
হ'লে শিব অবতার, লক্ষণ তাহার—
কমণ্ডলু-মাঝে হবে আবদ্ধ তটিনী ।
বাড়াইতে গোরব আমার
আগমন ওব এ আশ্রমে ।
এস কহি তত্ত্ব-কথা শ্রবণে তোমার ।

(কর্ণে সন্ন্যাস-মন্ত্র প্রদান)

শঙ্কর । গুরুবাক্যে শাস্ত্রবাক্য প্রত্যক্ষ সকলি,
বিকশিত বিজ্ঞান-নয়ন—
অনন্তের প্রতিরূপ হেরি ।
কল্পব্যাপী সসীম ধরায়
চক্রাকারে মায়া প্রবাহিতা,
বাঁধে কত কার্য্য-কারণের শ্রেণী,
গঠে আকাশে প্রস্তর ;
'আমি' অহঙ্কার—ক্ষুদ্র কীটের ভিতর,
প্রহেলিকা! অনন্তের সসীম আকার গড়ে ।
এই ঘোর প্রহেলিকা-মাঝে
আত্মতত্ত্ব জীব নাহি হেরে ;
স্থৰ্য্য যথা কুজ-বটিকাবৃত,
মায়া-ঘোরে চৈতন্য ছাদিত ।
ভীম রোলে কারণ-প্রবাহ বহে,
ভাতে স্থৰ্য্য চন্দ্রমা তারকা—
অনন্ত—অনন্ত কোটি ধার ।
অহমিতি গর্জিছে সলিল—
অহম্-পূর্ণ অখিলমণ্ডল,
স্বপ্ন সমুদয়—আমি মাত্র জ্ঞানময়—
সত্য নিত্য আনন্দ-স্বরূপ ।

গোবিন্দ । বৎস, লীলার কারণ চক্ষু কর' আবরণ ।
সন্ন্যাস-গ্রহণ পূর্ণ তব ।
কার্য্য মম অবসান—
এবে নিজ স্থানে করিব প্রস্থান ।
যাও তুমি বারাণসীধামে,
এই দণ্ড করহ গ্রহণ—শিবদত্ত দণ্ড সন্ন্যাসীর ।

সন্ন্যাস-আচারে বেই এই দণ্ড ধরে,
নরক মোচন সেইক্ষণে ।

(দণ্ড প্রদান)

এই দণ্ড-বলে আমি ভূমণ্ডলে
দমিবে হৃকৃত জনে ।
জনম সফল, বৎস, শিষ্যত্বে তোমার ;
যাত্রা কর বারাণসীধামে ।

শঙ্কর । প্রভু, তব সেবা-অধিকার করুন প্রদান ;
কিছু দিন রহি এই স্থানে
পূজিব রাজীব পদযুগ,
অভিলাষ অন্তরে দাসের ।

গোবিন্দ । হইয়াছে গুরুসেবা সম্পূর্ণ তোমার ।
সমাধির বিদ্ব কল্লোলিনী
কমণ্ডলু-গর্ভে বদ্ধ করিয়াছ তুমি,
তাহে তব পূর্ণ গুরুসেবা ।
এস বৎস, যাত্রা করি হই জনে,
নর-হর মহেশ-প্রস্তর—
একত্রে করিব দরশন ।
শুন, পুলকিত চরাচর,
গদ্যক্স কিয়র—
জয় জয় রবে, সম্ভাবিছে তোমার চৌদিকে ।
হের অঙ্গরী, কিয়রী, বিজ্ঞাধরী আদি
নৃত্য করে শিব-সঙ্কীৰ্ত্তনে—
ত্রিভুবনে জয় জয় রব ।

(বিজ্ঞাধর ও বিজ্ঞাধরীগণের প্রবেশ)

সকলে । জয় জয় বিশ্বনাথ !

(সকলে গীত)

বিমল কান্তি বিরাজে শান্তি, নেহার নর-শঙ্কর ।
বেদমন্ত্র—যুক্ত ব্যক্ত, সত্যমূর্তি সুন্দর ॥
মোচন মোহ-অঞ্জন, সন্দ-বন্দ-ভঞ্জন,
জ্ঞানালোক রঞ্জন,—
উচ্চতান বেদগান—পূর্ণ অবনী-অধর ।
জয় জয় জয় অগত-জ্যোতি, বতীশ যোগেশ্বর ॥

দ্বিতীয় অঙ্ক ।

প্রথম গর্তাক ।

বারাণসী—মণিকর্ণিকার ঘাট ।

(গঙ্গানানার্থে শঙ্করের প্রবেশ)

শঙ্কর । জগন্মাতা জগৎপিতা বিরাজিত ধামে ;—

বিশ্বেশ্বর বিশ্বেশ্বরী আসি

ধরাবাসী বিশ্বপ্রেমে,

যাহে জগজ্জন লভি দরশন

মুক্তিধনে হয় অধিকারী ।

শিব-শিরোভটাবিহারিণী সুরধুনী

উত্তরবাহিনী বেড়ি পুরী, মেখলা যেমতি ।

কৃতার্থ—কৃতার্থ নর-জনম আমার ।

(সদলে চণ্ডালবেশী মহাদেবের বেদরূপী কুকুর

চারিটি সহ প্রবেশ)

(সকলের গীত)

ভরপুর নেসা কেন করবি ফিঁকে ।

এটা সেটা ভুটো ফিঁকে দেখে ॥

মজা তো মজা আর ফিকে বেলকুল,

পুরা মজা লিয়ে থাক না মজগুল,

জ্বাকা ভেকা পারা চাস্নে জুল জুল ;

আপনা মজাতে দেল পুরা রেখে ।

বে-মজা আসবে তো দিবি ফিঁকে ॥

শঙ্কর । এ কি বিষ ! সুরাপানোত্তম চণ্ডাল-চণ্ডা-

লিনী কুকুর সমভিষাহারে পথ রোধ করেছে ।

(প্রকাশ্যে) আরে চণ্ডাল, এ কিরূপ তোমার

আচরণ ? গঙ্গানানার পথ রোধ ক'রে উন্নতের

ভ্রম নৃত্যগীতে মগ্ন আছ । তুমি অস্পৃশ্য, পথ

দাও, দূরে অবস্থান করো ।

চণ্ডাল । (কুকুরকে সম্বোধন করিয়া) ছাদে কেলো,

এটা কে বটে রে ?

জীগণ । আরে কে বটে রে—কে বটে !

শঙ্কর । আরে বর্বর, তুমি কথার কর্ণপাত কচ্ছ না ?

দূরে গমন করো ।

চণ্ডাল । (অস্ত্র কুকুরকে সম্বোধন করিয়া) কি

বল্ছে রে ধ'লো, কি বল্ছে বুঝ করতে পাচ্ছি ?

আমি ত লান্টি । এটা মদ খেয়ে কি আবল-
তাবল বকে রে ?

জীগণ । আরে কি বকে রে—কি বকে !

* [শঙ্কর । (স্বগত) এ সুরাপায়ী তো গঙ্গানানার

বড় বিষ কন্ডে । (প্রকাশ্যে) রে চণ্ডাল,

সত্বর পথ মুক্ত কর—দূরে যা ।

চণ্ডাল । আরে এটা খাপা পারা ! খেপ্ছ কেনে ?

তোমার বাতটা তো বুঝতে লান্টি ।

জীগণ । আরে কি বলে রে—কি বলে ?

শঙ্কর । উন্নততা পরিহার কর—দূর হ !

চণ্ডাল । দেখছি তো তুমি সন্ন্যাসী, লেকেন তোমার

আক্কেলটা তো দেখি না । সাজাগোজা ক'রে

গেরস্তিকে ভোগা দিয়ে পেট চালাও । (কুকুরের

প্রতি নির্দেশ করিয়া) এই কেলোধলোর আঁতে

বা আছে, তোমার তা মালুম নেই । তুমি কি

নেলাখেলা বাৎ বল্ছ বটে ?

জীগণ । আরে কে বটে রে—কে বটে !] *

শঙ্কর । (স্বগত) এ বর্বরের আচরণে ক্রোধ সংবরণ

করা কঠিন । (প্রকাশ্যে) সত্বর আমার নিকট

হ'তে দূরে অবস্থান করো ।

চণ্ডাল । আরে কেমন ধারা বাৎ বলে রে ? হাঁ রে

কেলো, তোমার আঁতের কথা জানে না, সন্ন্যাসী

হয়েছে ! কে কাকে কোথায় সন্তে বল্ছে রে ?

হাঁ কেলো হাঁ রে ধলো, অন্নময় কোব ছেড়ে

কোথায় যাবে রে ? ওরে চৈতন্তকে জুদা করে রে !

সংচিৎ অথগু আনন্দ রূপটা চেনে না, অজুদাকে

জুদা করতে চায় ! চৈতন্তকে ফারাক্ করবে ।

এ কেমন মাথুষটা রে ? এর আক্কেলটা তো

দেখি না ।

জীগণ । আরে কে বটে রে—কে বটে !

শঙ্কর । (স্বগত) কে এ চণ্ডাল, এ যে বেদ-নির্গীত

বাক্য প্রয়োগ কচ্ছে ! চণ্ডালের মুখে এ কি

বার্তা ! সত্য—অসত্য, সং, অদ্বিতীয় সুধরূপ

ব্রহ্মবস্তুর তো ভেদ নাই ।

চণ্ডাল । আরে খোড়া খোড়া আক্কেল বুঝি আসছে

রে কেলো ! আরে ধলো, তোমার আঁতের

বাতটা সমজ করিয়ে দে !—বল তো—গঙ্গাজীকে

স্বর্ঘ্য আর হাঁড়িয়ার সরাপ বে স্বর্ঘ্য চম্কে, এ কি

জুদা জুদা স্বর্ঘ্য ? এ বাতটা বুঝে না ! বুঝে না,

সোনার কলসীর বিচে আর কাঁজির হাঁড়ির বিচে

আকাশটা জুনা জুনা বলচে । ও তো ফারাক
 দেখে—এক দেখে না । ও কেমন সন্ন্যাসী রে ?
 জীগণ । আরে কে বটে রে—কে বটে !
 চণ্ডাল । কি অভিমান রাখে রে ! এ চণ্ডাল, এ
 সন্ন্যাসী, এ :কি বলে রে ? আঁধারে এককে
 নানান দেখে, শুক্তিকে রূপা দেখে, দড়িকে সাপ
 দেখে,—এক জানে না, জুনা জুনা জানে !—তুই
 কেমন মানুষ রে ?

জীগণ । আরে কে বটে রে—কে বটে !

শঙ্কর । মহাশয়, কি হেতু চলনা অজ্ঞ দাসে ?

দেহ পরিচয়, কোন্ মহাশয়

উদয় সন্মুখে মম ।

শত কোটি প্রণাম চরণে,

অভ্যাজনে ঈদৃশ করুণা তব ।

পূর মন-আশ, কর দেব স্বরূপ প্রকাশ,

ধন্য জন্ম হোক দরশনে ।

অকিঞ্চনে করো না বঞ্চনা,

পাদপদ্ম-পরশনে দেহ অধিকার ।

চণ্ডাল । হেয় মম স্বরূপ আকার শক্তি-সমন্বিত,
 চারি বেদ শুনীরূপে সাথে ।

(সহসা চণ্ডালের মহাদেবমূর্তি ধারণ এবং চণ্ডাল-
 চণ্ডালিনীগণের ভৈরব-ভৈরবীরূপে ও কুকুর
 চারিটির চারিবেদরূপে রূপান্তরিত হওন)

শঙ্কর । নমো নমঃ চিদানন্দ শঙ্কর মহেশ,
 নমঃ লোকলোকেশ্বর, প্রকাশ যাহার,
 যে আজ্ঞা সত্যের জ্ঞাতা জ্ঞেয় ভাসমান,
 কামিনাথ বিশ্বেশ্বর শিব,
 ব্রহ্মবিজ্ঞা বিশ্বেশ্বরী চির-আলিঙ্গিত,
 ধর প্রভু শত নমস্কার ।
 শ্রোতব্য মন্তব্য বিধি-বিধায়ক গুরু,
 ভিক্ষুবর যোগেশ্বর শূলী শঙ্কু ভব,
 ভাবাতীত, শত শত নমস্কার পদে ।
 সদানন্দ ঘন, বোধরূপ চিন্ময়,
 বিশ্বকর্ষ, ঘটে ঘটে সম বিভাসিত
 নির্লেপ আকাশ সম—
 পরব্রহ্মে নমস্কার মম ।
 ধীর রূপা-সুখাদানে সংসার-দহনে
 শান্তি প্রাপ্ত হর জনগণ ।
 নমো নমঃ চরণে তোমার,

দেহ জ্ঞানে আমি তব দাস,
 অংশ জীব জ্ঞানে,
 আত্মজ্ঞানে অভেদ, চৈতন্যে সংমিলিত ।
 দিব্যজ্ঞান জন্মিয়াছে তব দরশনে ;
 ভ্রান্তি দূর শান্তিদাতা তোমার প্রসাদে ।
 লোকনাথ, কোটি প্রণিপাত
 আশে পাশে পশ্চাতে সন্মুখে তব ।
 মহা । তব প্রতি তুষ্ট অতি শুন যোগিবর !
 বৎস, তুমি স্বরূপ আমার,
 বেদজ্ঞ সর্বজ্ঞ মহাকুতী ।
 কর মম কার্য সমাধান ভবে ।
 কার্য অবসানে, পুন এক আত্মা হব তুই জনে ;
 বোধরূপে রহিব অনন্তকাল ।
 বেদবিধি বিগ্ৰহল হের ধরাতলে,
 জ্ঞানহীন শাস্ত্রব্যাখ্যাকার
 বেদমর্ষ ক'রেছে ছাদন ।
 * [বেদবেত্তা বেদব্যাস,
 ব্রহ্মদৈবত মীমাংসা নির্মাণে
 ক'রেছেন সাখ্যাদি খণ্ডন ।
 ভ্রান্ত ব্যাখ্যা আবরণে লুপ্ত সে সকল ।
 সর্বজ্ঞ ব্যতীত, সাধ্যায়ত্ত নহে তো কাহার
 স্বরূপ সূত্রের মর্ষ করিতে প্রকাশ ।
 তুমি মূনে, সর্বশক্তি সর্বজ্ঞতা আধারস্বরূপ
 অবনীতে অবতীর্ণ নরদেহে ।
 ব্রহ্মতত্ত্ব জ্ঞতি সুনির্গীত,
 অদ্বৈতপরতা ভাষ্য করিয়া প্রস্তুত] *
 জনহিত করহ সাধন,
 অজ্ঞানতা করহ দমন,
 বিমল অদ্বৈত-পদ্মা দেখাও মানবে ।
 ভাষ্য তব ভাস্করস্বরূপ
 মোহ-তম করিবে বিনাশ ।
 সহ শিষ্য করিয়ে ভ্রমণ
 ব্রাহ্মমত খণ্ডন করহ প্রিয়তম ।

[সদলে মহাদেবের অন্তর্ধান ।

শঙ্কর । নমঃ বিশ্বেশ্বর, শক্তি দেহ হর,
 তব কার্যভার করিব উদ্ধার
 শক্তিতে তোমার শক্তিময় ।

[শঙ্করাচার্যের প্রস্থান ।

(সনন্দনের প্রবেশ)

সনন্দন । এ তাপপূর্ণ সংসার-অরণ্যে আর কত দিন
একাকী ভ্রমণ ক'র্বো ? বহুস্থান ভ্রমণ ক'র্-
লেম্, দৈববিড়ম্বনায় সজ্জনশ্রান্ত তো হলো না !
তবে তো বুঝা মানব-দেহ, মুক্তি-বাসনা কে পূর্ণ
ক'র্বে ? মনুষ্যত্ব, মুমুক্শুত্ব, সজ্জনসংসর্গ,—
তিনের যোগাযোগ ব্যতীত তো মুক্তিলাভ হয়
না । হায়, মহাজনের তো কৃপা হলো না, দর্শন
তো দিলেন না !

(শঙ্করাচার্য্যের পুনঃ প্রবেশ)

শঙ্কর । এসো কে কোথায়,
মহাকার্য্যে যে আছে সহায়,
এসো দূরা কাল ব'য়ে যায় ।
মহাকার্য্যভার—ধর্ম্ম-সংস্কার,
জ্ঞানজ্যোতি বিকাশ ধরণীতলে ;
স্বার্থপরতার কপট ব্যাখ্যায়
শাস্ত্রমর্ম্ম আচ্ছন্ন ধরায় ।
শুদ্ধ ভক্ত করিতে প্রচার, জীবের উদ্ধার,
স্বচ্ছায় সে মহাভার করেছি গ্রহণ ।
উচ্চ প্রয়োজনে আবাহন করি তোমা সবে,
এস, এস বিলম্ব না সহে আর,
অনাচার ব্যভিচারে কলুষিত ধরা !

সনন্দন । এই যে যতীশ্বর স জ্ঞ তেজঃপুঞ্জ

মহাপুরুষ গুরুদেব আমার সম্মুখে !
অকিঞ্চনে চাহ প্রভু করুণা-নয়নে ।
দাবদগ্ধ শশকের প্রায় ভ্রমি এ ধরায়
শাস্তিহীন দ্বিতাপ-পীড়িত ;
বিপ্রকুলোদ্ভব দীন দাস —
কাবেরী তটিনীতটে চৌলদেশবাসী,
আশ্রিত শরণাগতে কর কৃপা দান ।

শঙ্কর । বৎস, তব দর্শন-আশায়
প্রতীক্ষায় বহুদিন আছি কাশীধামে ।
শাস্তিদাতা বৈরাগ্য তোমার,
বিবেক বৈরাগ্য তব সাথী
বিরক্ত সন্ন্যাসী তুমি ;
সাহায্যে তোমার,
বহুকার্য্য করিব উদ্ধার ।
'ভক্তমসি' মহাবাক্য করহ গ্রহণ,
নরক ত্যজিয়ে নারায়ণ তুমি আজি ।

বধায় ভ্রমিবে—তব অঙ্গবায়ু-পরশনে
জীব স্নিগ্ধ হবে ;
কৃপায় তোমার,
অজ্ঞানতা-অন্ধকার হবে বিদূরিত ;
জ্ঞানচক্ষুবলে—
অনন্ত ব্রহ্মাণ্ডে ব্রহ্ম করিবে দর্শন ।

সনন্দন । গুরুদেব—গুরুদেব—পতিতপাবন দয়াময়,
স্নিগ্ধ প্রাণ, নবীন জীবন দান ক'রেছ কৃপায় ।
শঙ্কর । এস বৎস, ওই বটবৃক্ষমূলে আসন আমার,
সানন্দে করিব দৌহে শাস্ত্র-আলোচনা ।

[উভয়ের প্রস্থান ।

দ্বিতীয় গর্তাক্ষ ।

শঙ্করাচার্য্যের বাটীর প্রাঙ্গণ ।

(জগন্নাথের প্রবেশ)

জগ । বামুনগুলোর আকেল দেখ দেখি, বাড়ীতে
অতিথ-পতিত ফেরে না, তাইতে ভাব্ছে মাগীর
পোতা টাকা আছে । মাগীকে তাড়িয়ে তাই
লিবে । মাগীকে তাড়াতে এলে হাঁতাল
ঝাড়্বে নি—যা থাকে বরাতে শেষে । সর্ব্বস্ব
দিবে গেল, তাতে মন উঠ্ছে নি ।

(বিশিষ্টার প্রবেশ)

বিশিষ্টা । কে রে, কে আমার মা ব'লে ডাক্‌লি !
শঙ্কর এলি ?

জগ । (স্বগত) ইস্, মাগীর আর বাঁচ'বার ধারা নেই ।
ব্রহ্মদত্তি মাগী এলে যে ছুটি খাওয়াতো । সে
বেশ ভূতের ভক্ত, আমি তাকে খুব ভালবাসি—
তবে একটু ভয়ও লাগে ।

বিশিষ্টা । বাবা এসো—তুমি যে অনেকক্ষণ মা ব'লে
ডাকো নি, তোমার চাঁদমুখে মা বলা যে অনেক-
ক্ষণ শুনি নি ।

জগ । মা মা—তুই বাড়ীর বারকে আস'বি ? চান
ক'র্বি ? আর কেননা, একটু ফাঁকায় যাবি,
ঘরে ব'সে কি ক'র্বি ? চান ক'র্বি আর আর,
আর—

বিশিষ্টা । বাবা, আমার শঙ্কর এ বাড়ী ছেড়ে
যাবে না । সে এখানটি না হ'লে বসে না,
ঐ ঘরটি নইলে তার পড়া হয় না, এখানে সে

শুতে ভালবাসে,— খানে ব'সে ছুটি খায়।
লোকে বলে, বিজ্ঞা শিখেছে—কিন্তু বাছা খেতে
জানে না। আমি না খাইয়ে দিলে খেতে
পারে না। আমি আবাগী স্নানে গিয়েছিলুম,—
হেঁসেলে দেখবে এসো না, যেমন অন্ন তেমনি
প'ড়ে আছে, বাছা খেতে পার নাই।

জগ। এঃ, মাগী একটা ভাত দাঁতে কাটে নি।
দূর তোর ল্যাখাপড়ার যুগে ছাই! আমাদের
চাষার ঘরে ল্যাখাপড়া শেখে না—বেশ আছে।
আমার মাগছেলে যে নাই, তাই'লে কি ক'রে
ছেলে শিখায় দেখাতুম—পুঁথিমুখো হ'লে
থাবাড়ে দিতুম। বামুনগুলো ওটটে যুত
করেছে, আমাদের ল্যাখাপড়া শিখায় না।
ল্যাখাপড়া ছেলেকে শিখায়, আর আপনারা
মরে।

(মহামায়ার প্রবেশ)

হ্যাঁগা তুমি কেমন ধারা গো—কেমন বেকদস্তির
ঘরের মেয়ে গো? মাগী ক'দিন গায় নি, তা
দেখনি,—আর 'মা' ব'লে ধেরে ধেরে এসো।
লাও—পারো ছুটি খাওয়াও; আর দেখ—ওর
জাত-গুলোন মাগীকে বাড়ী থেকে খেদিয়ে
দেবার যোগাড়ে ফির্কে। চাষের জমী নিয়ে
মন উঠে নি, ছুটো খেতে দিতে জিব বেরুচ্ছে।
তা নেই দিগ্‌কে, তো মাগীর ভূত বেঁচে থাক্।
অতিথ-পতিত নাগা-ককীয় কেউ তো ফেরে
নাই, তা দেখে পাড়ার লোক বুক ফেটে
ম'রুচে। সলা ক'চে গো, মাগীকে তাড়াবে,
ব'লেচে এসবে।

মহা। আনুক, কার সাধ্য মাকে এখান থেকে
তাড়ায়।

জগ। বেশ কথা, আমার দেখে শুনে চিনে
রাখো। রাতভিতে একলা ছকুলো মাঠ থেকে
আসি, আমার ঘাড়ে চেপো নি। লাও আজ
একটি বামুন আনা করাও, ছুটি রান্নাবান্না
করাও।

মহা। তুমি যাও, আমি খাওয়াচ্ছি।

জগ। হ্যাঁ দেখ বাছা, তুমি ভাল বেকদস্তির
ঘরের মেয়েটি বটে, কিন্তু তোমার ভুতুড়ে ভাবটি গেলো
নি। ও বেটার শোকে প্রাণ ছাড়বে, তার
বুঝ্‌ রাখো?

মহা। তুমি ভেবো না, আমি খাওয়াবো।

জগ। শোন—একটা পরামর্শ করি।

মহা। কি?

জগ। তুমি আমার ঘাড়ে চাপতে পারো? তাই'লে
আমি এ বামুনগুলোনের কল্‌জে ছিঁড়ে খাই।
আর দেখ, তোমার সঙ্গে আমার এই কথা,—
আমার কেউ কোথাও নাই যে, রোজা এনে
ঝাড়ান-ঝাড়ান করবে। তুমি আপনি ছেড়ে
দিয়ে যেও।

মহা। জগন্নাথ, তুমি আমার ভয় কর কেন?
তুমি মাকে ভালবাস,—আমি তোমার উপর
বড় সন্তুষ্ট, আমি তোমায় বড় ভালবাসি।

জগ। হ্যাঁ দেখ—ভালবাসায় কাজ নেই, তুমি
মায়ের খোঁজ-খবরটা রেখো, আমি পালপাৰ্শ্বে
এক আধটা কেলো ছাগল যোগাড় ক'রে
খাওয়াবো।

বিশিষ্টা। বাবা বাবা—আমার হৃদয় ছেড়ে কোথায়
গেলি? আমি যে তোকে না দেখে থাকতে
পারি নি। আমি যে চারদিক অন্ধকার দেখছি,
আয় বাবা আয়।

মহা। মা—মা—কেন কঁাদে? তোমার শব্দ
আসবে; শিষ্য পড়াচ্ছে দেখে এলুম।

বিশিষ্টা। অঁ্যা—কখন আসবে? সে যে খায়নি!
তাকে ডেকে আনো।

মহা। না মা, সে এখন শিষ্যদের পাঠ দিচ্ছে—
সে কি এখন আসবে? তার কি এক আধ
জন শিষ্য যে, পড়ান শেষ ক'রে আসবে? সে
তোমায় খেতে ব'লেছে, তোমার প্রসাদ নিয়ে
যাবো, তবে সে থাকে।

জগ। হুঁ—সকান রাখে। এই যে কানী থেকে
লোক এয়েছে, তার যুখে শুনলুম, খুদে দাদার
পোণ পোণ শিষ্য-সেবক হয়েছে। (প্রকাশ্যে)
হ্যাঁগা—তুমি কি ক'রে জানলে?

* [মহা। আমি যে এই দেখে এলুম।

জগ। (স্বগত) হুঁ—গাছ চলে যাওয়া-আসা করে।
(প্রকাশ্যে) তা হ্যাঁগা, একদিন গাছে চাপিয়ে
ছেলেটাকে এনো না, মাগী হা-হতাশ করে,—
দেখিয়ে নিয়ে যেও না।

মহা। সে আসবে না, আমি তো তার খবর এনে
রোজ দিই।

জগ । তুমি তার কাছে যাওয়া-আসা করো না কি ?] *
মহা । আমি যে তার কাছে নিয়ত আছি । আমরা
যে অভ্যেস, আমি যে তার শক্তি, তাকে ছেড়ে
তো আমি একদণ্ড থাকি না ।

জগ । এঃ ! তার কাছে আর তোমায় যেঁসতে হয়
নি ! সে—সে বায়নের বায়ুন লয়, গায়িত্রী
ঝাড়লে কাউকে আর টেকতে হবে নি ।

মহা । সে কি ? আমি যে তারে ধরে নৃত্য ক’রে
বেড়াই ।

জগ । ঐ নাচন-কৌদন তফাতে—সে চিড়িং-চাড়াং
ছাড়বে, তোর বাবার বাবা তার কাছে যেঁসতে
লারবে ।

মহা । আমি কে জানো ?

জগ । তুই বলি কই ? আমি তো এগুতে এগুতে
তোর গাই-গোত্র জানতে চেয়েছিলুম, আমি যার
গমায় গিয়ে তোর পিণ্ড দিতে চেয়েছিলুম, তা
তুই বলি কই ? তা না বলেছিন্স নেই নেই,
তুই যে এই মাগীকে দেখিস্ শুনিস্, এইতে
মনে করি. তুই বাপের ঠাকুর পেত্নী । তা দেখ,
ছেলের শোকে যা দেখছি, মাগী আর দিন কতক
টেকবে, তার পর তোর খুসী হয় আমার বলিস্
—আমি তোর পিণ্ড দেবো ।

মহা । যে হাতে প’ড়েছি, আমার কোটিকল্লোও
নিস্তার নেই । চঞ্চল হ’য়ে বেড়িয়েছি বেড়াছি
বেড়াবো ।

জগ । আচ্ছা তুই কে ?] *

মহা । আমার চিন্বে ; আমি তোমায় পরিচয়
দিরেছি—বুঝতে পারো নি । যখন বুঝবে—
তখন চিন্বে ।

(গীত)

যে আমার চেনে, আমার জেনে আপ্নি থাকে না ।

সবাই জানে, জেনে-গুনে মনে রাখে না ॥

যে আমার জানতে পারে, তার কাছে থাকি স’রে,

এই ধরে ধরে ধ’রতে নারে, দেখে দেখে না ॥

ভালবাসি খেলতে আসি, খেলার ছলে কান্না-হাসি,

কত মেখে কত ঠেকে, খেলা শেষে না ॥

জগ । ভূতুড়ে গানও এমন মিষ্টি !

বিশিষ্টা । মা, দেখ’ দেখ’—ছেলে-বুদ্ধি কি না, শঙ্কর

আমার শিব সেজে এসেছে । আহা, দেখ’ দেখ’

—আত্মতি-বিভূতিতে বাছার যেন রূপোর শরীর

হয়েছে । আ-মরি মরি—কি জটাজুটধারী,
কি স্নানর ললাটে শশিকলা ঐঁকেছে ! কি উজ্জল
চোখের দীপ্তি ! সখ ক’রে কপালে আর একটি
স্নানর চোক ঐঁকেছে ! ও মা ও মা—কি ক’রে
গো—বুড়ো মিসেঙুলোর আঁকেল নেই গা,
ত্রিকলে মিলেরা আমার বাছার অকল্যাণ হবে
বোঝে না ! দেখ’ মা দেখ’ মা—বারণ করো,
আমার বাছার পায়ে যেন বিশ্বপত্র দেয় না । কই
রে—কই,—আমার শঙ্কর কোথায় গেলি ! বাছা,
দেখে যা, পল আমার যুগ জ্ঞান হ’চ্ছে, কেঁদে
কেঁদে চক্ষু অন্ধ হয়েছে, তো বিনা আমার দশ-
দিক্ শূন্য ! আর যাছ—আমার অঞ্চলের নিধি
ঘরে আর । এই যে আমার বাবা এসেছে,—
ওই যে—ওই যে—আমায় মা ব’লে ডাকছে ।

[বেগে বিশিষ্টার প্রশ্নান, তৎপশ্চাৎ মহামায়া ও
জগন্নাথের গমন ।

তৃতীয় গর্তাঙ্ক ।

বারাণসী—গঙ্গাতীরস্থ শঙ্করাচার্য্যের আশ্রম-সম্মুখ ।

গণপতি ও শান্তিরাম ।

গণপতি । সনন্দনের প্রতি প্রভুর সর্বাপেক্ষা স্নেহ,
তা উনি ইচ্ছাময়, উনি সব করতে পারেন—
এ দিকে অনাচারী দেখতে পারেন না, কিন্তু
সনন্দন যে আচারভ্রষ্ট, তা দেখেও দেখেন
না । শীতের ভয়ে এক দিনও গঙ্গাস্নান করে না ।
শান্তি । বড় ফিকির শিখেছে, বলে কি জানো,
গুরুদেব ব’লেছে, “গঙ্গা আর আমি এক ।”
গুরু-গঙ্গা এক—তা আমরাও জানি, তা আমাদের
অত নিষ্ঠা নাই ; আমরা গঙ্গাস্নান না ক’রে তো
বিশ্বেশ্বর দর্শনে যেতে পারি নে ।

(শঙ্করাচার্য্যের প্রবেশ)

শঙ্কর । সনন্দন কোথা গেল ?

গণপতি । (জনান্তিকে) পলকে প্রলয় দেখছেন
শান্তি । আজ্ঞে, আপনি যে পারে কি কার্য্যে পাঠিয়ে
ছেন । ঐ যে—ও পারে এসে সনন্দন দাঁড়িয়ে
পার হ’তে পাচ্ছে না ।

শঙ্কর । সনন্দন—সনন্দন, শীঘ্র এসো—সনন্দন
এসো—এসো—

সনন্দন। (গঙ্গার পর পার হইতে স্বগত) যার
কৃপায় ভবসিন্ধু পার হ'বো, তিনি আহ্বান
ক'ছেন, আমি সামান্য নদী পার হ'তে চিন্তা
ক'ছি।

শঙ্কর। সনন্দন, এসো—

সনন্দন। যাই প্রভু যাই—জয় গুরুদেব!

(গঙ্গায় অবতরণপূর্বক আগমন এবং সনন্দনের
প্রতিপদক্ষেপে গঙ্গায় পদ্মের আবির্ভাব।)

শঙ্কর। বৎস, দেখ'—দেখ'—কি আশ্চর্য্য!—সনন্দ-
নের পদবিক্ষেপের নিমিত্ত নদী-বক্ষে পদ্ম প্রস্ফু-
টিত হ'ছে।

সনন্দন। (নিকটবর্তী হইয়া প্রশংসাপূর্বক) প্রভু,
দাসের প্রতি কি অজ্ঞা হয়?

গণপতি। প্রভু, অজ্ঞানের অপরাধ মার্জনা করুন।
(সনন্দনের প্রতি) ভাই সনন্দন, ঈর্ষ্যাবশতঃ
তোমার কতই নিন্দা করেছি, এতে গুরুদেবের
নিকট অপরাধী হয়েছি, তোমার কৃপা না হ'লে
সে অপরাধ মার্জনা হ'বে না।

সনন্দন। কেন ভাই - কেন ভাই—মিনতি ক'চ্চ?
ভাই ভাইয়ে তো প্রেমের কলহ অনেক হয়।
গুরুদেব যখন তোমাদের শাস্ত্রবাখ্যা করেন,
আমার মনে ঈর্ষ্যা হয়, প্রভু বুঝি আমার ওরূপ
বাখ্যা ক'রে বুঝিয়ে দেন না। কিন্তু পুত্রের প্রতি
পিতার সমান কৃপা, আমরা অজ্ঞানতা বশতঃ
বুঝতে পারি না। মাতা বেক্রপ কোন্ পুত্রের
কিরূপ আহার-বিহারে স্বাস্থ্য-বর্ধন হবে, তার
ব্যবস্থা করেন, গুরুদেব তক্রূপ অধিকারিভেদে
জ্ঞান-সুখ বিতরণ করেন। ভাই, এসো—আমরা
গুরুদেবের জয়ধ্বনি করি।

সকলে। জয় গুরুদেবের জয়!

শঙ্কর। বৎস সনন্দন, আজ হ'তে তোমার পদ্যপাদ
ব'লে ডাকবো। তোমার কি আশ্চর্য্য মহিমা,
কি আশ্চর্য্য গুরুভক্তি, তোমার গুরুভক্তিতে
আমার ঈর্ষ্যা হয়। গুরুভক্তিতে তোমার আদর্শ
যে গ্রহণ করবে, ভব-সমুদ্র তার গোপদ।

(ছদ্মবেশে ব্যাসদেবের প্রবেশ)

ব্যাস। অহে, এখানে কে আচার্য্য আছেন, শুন্চি
না? তিনি না বেদান্তসূত্রের ভাষ্য করেছেন?
তিনি কোথায়?

শঙ্কর। প্রভু, দাস আপনার সম্মুখে।

ব্যাস। কে—তুমি—তুমি ভাষ্যকার? তুমি বালক,
গুহ্য বেদান্তসূত্রের ভাষ্য প্রস্তুত করবার স্পর্ধা
রাখো নাকি?

শাস্তি। কে আপনি—কাকে কি বলছেন? সর্বজ্ঞ
মহাপুরুষকে কি ভাষায় সম্বোধন ক'ছেন?

ব্যাস। ভাল ভাল—সর্বজ্ঞ বটেন? কি ভাষ্য
করেছ হে—শুন্তে পাই?

শঙ্কর। প্রভু, যে সকল গুরুপদস্থ মহাপুরুষেরা সূত্রার্থ
অবগত আছেন, তাঁদের আমি প্রশংসা করি।
আমি তাঁদের অনুগামী, আমি ভাষ্যকার ব'লে
স্পর্ধা করি না, মহাশয় যদি অনুগ্রহ ক'রে
প্রশংসা করেন, আমি যথাসাধ্য উত্তর দিতে প্রস্তুত।

ব্যাস। ভাল—ভাল,—আমি তোমার ভাষ্য-দর্শনে
উৎসুক। আমার অনেক প্রশ্ন আছে। এই
স্থানেই কি আমাদের প্রশ্নোত্তর হবে?

শঙ্কর। কৃপানিধে, যদি পদার্পণে আমার আশ্রম
পবিত্র করেন, দাস কৃতার্থ হয়।

ব্যাস। ভাল ভাল, তোমার আশ্রমই উত্তম স্থান।

[শঙ্করাচার্য্য ও ব্যাসের প্রস্থান।]

সনন্দন। ভাই, এ বৃদ্ধ ব্রাহ্মণ কে? কোন অসা-
মান্য ব্যক্তি নিশ্চয়; নচেৎ গুরুদেবের বেক্রপ
খ্যাতি জগদ্বিখ্যাত, কোন মহাপুরুষ ব্যতীত এঁর
সহিত তর্কে অগ্রসর হ'তে সাহস করা সম্ভবপর
নয়।

গণপতি। তোমার ওই কেমন,—চার দিকে মহা-
পুরুষ দেখ'ছ। ইদানীং কিছু বাড়াবাড়ি—যোগিনী
দেখ'চ্চ, সিদ্ধচারণ দেখ'চ্চ, গজানন দেখ'চ্চ, তোমার
সম্মুখে দিয়েই সব বিদ্যেধর-দর্শনে যার, আর তো
তাদের বিদ্যেধরের মন্দিরে যাবার পথ নাই!

সনন্দন। ভাই, আমার সামান্য দৃষ্টি, মহাপুরুষেরা
যদিচ আমাদের হিতার্থে আমাদের নিকট সর্বদা
আগমন করেন, আমাদের ক্ষুদ্র বুদ্ধিতে আমরা
বুঝতে পারি না। চল না—শোনা যাক—কিরূপ
পূর্বপক্ষ সিদ্ধান্ত হয়।

শাস্তি। আর কি শুন্বে, হ'কথায় গুরুদেব থ বানিয়ে
দেবেন।

সনন্দন। না ভাই, আমি বড়ই উৎসুক হচ্ছি।

গণপতি। আরে—যেও এখন—শোনই না,—কি
বুদ্ধকৃষ্টিতে করলে বস তো? নদীর জলে পদ্ম
ফোটাতে কি ক'রে?

সনন্দন । ভাই, আমি কিছুই জানি নে । গুরুদেব
আজ্ঞা করলেন, আমি চ'লে এলেম ।

[সনন্দনের প্রস্থান ।

গণপতি । হা দেখ—বুঝেছ—বল্লে না ! গুরুদেব
নিরিবিগ্নি ওকে ভোজবিজ্ঞা দেন । আমি তাই
তো ভাবি, এত গুরুভক্তি কিসের ? অষ্টপ্রহর
গুরুসেবার থাকেন, ওর অর্থ আছে—অর্থ আছে ।
শাস্তি । না ভাই, পদ্মপাদ গুরুভক্ত মহাপুরুষ, ওর
শ্রদ্ধায় নদীবন্ধে পদ্ম প্রস্ফুটিত হয়েছে ।

গণ । ইস্ ইস্—তুমি যে একেবারে ভাবে গদগদ
হয়ে গেলে ! আজ থেকে উনি পদ্মপাদ হলেন
না কি ? পদ্মপাদ কারে বলে জানো ? এক
নারায়ণই পদ্মপাদ, আর পদ্মপাদ কে ?

শাস্তি । কেন, তুমিও ত তখন পদ্মপাদের নিকট
মার্জনা প্রার্থনা করলে ?

* [গণ । আবার পদ্মপাদ—কানে যেন খোঁচার মত
বাজে । এতে নারায়ণের প্রতি অশ্রদ্ধা প্রকাশ
হয়—জানো ? সে কথা যাক—এই যে, এত
দিন পাঠ নিচ্ছি, কিছু বুঝতে-সুজতে পাচ্চ ?
আমি তো ভাই, কিছুই বুঝতে পারি নাই । উনি
আজ এক কথা বললেন, কাল এক কথা বলেন ।
আমার এখানে পোষাবে না । স্পষ্ট কথা বল্চি,
অন্ত একটা অধ্যাপক দেখে নেবো ।

শাস্তি । ছিঃ ছিঃ—কি বল্চ—এতে যে অপরাধী
হবে ! এঁর চরণাশ্রয় পরিত্যাগ ক'রে কোথায়
যাবে ?

গণ । ভাই, আমার স্পষ্ট কথা,—ভেবেছিলুম, ছ'এ-
কটা বিজ্ঞানভক্ত করবো । শুনেছিলুম, ওঁর কথায়
কোন দরিদ্র ব্রাহ্মণের গৃহে লক্ষ্মী অচলা হয়ে-
ছেন, নদীর গতি ওঁর আজ্ঞায় পরিবর্তিত হয়েছে,
নন্দদা-সলিল কমণ্ডলুস্থ করেছেন,—তাই লোভে
লোভে এসে পড়েছিলুম ; তা কৈ, একটাও তো
বিজ্ঞে দিলেন না । ছটো একটা যদি ওষুধ-
পালা শেখাতেন, তা হলেও যা হোক, একরকম
ক'রে-ক'রে খেতেম । বিফল পরিশ্রম করলেম ।

শাস্তি । কি হে—তুমি কি আমার পরীক্ষা কচ্চ ?
ব্রহ্মবিজ্ঞানভক্তের প্রশ্নস না ক'রে সামান্য
চিকিৎসাবিজ্ঞান প্রশ্নসী ? ক্ষুদ্র ভোজবিজ্ঞা
শিক্ষা করা তোমার ইচ্ছা ?

গণ । ভোজবিজ্ঞাটা ক্ষুদ্র হ'ল বুঝি ? ওই সনন্দন
একটা বিজ্ঞের চোটে ওর কাজ শুছিয়ে নিলে ;
পদ্মপাদ নাম বাগিয়ে নিয়েছে । এখন যেখানে
যাবে—ওর সম্মান কত ? আর ব্রহ্মবিজ্ঞা—
ব্রহ্মবিজ্ঞা কচ্চ—সে আর আমার মাথামুণ্ড কি
—তা বলো না ? “তত্ত্বমসি”—“সোহং”—পাঠ
নিতে গেলে, এই নিয়ে লাটালটি হানাহানি ।
ওই সব আসছে. আশ্রমে ছিল, আবার এইখানে
এসে কিটিমিটি বাধাবে, আমি চলুম ।

[গণপতির প্রস্থান ।

(শঙ্করাচার্য্য, ব্যাস ও সনন্দনের পুনঃ প্রবেশ)

ব্যাস । ভাল ভাল, নধ্যাহু-সন্ধ্যা সমাপ্তে আবার
আমাদের তর্ক হবে । তুমি সুপণ্ডিত বট,
তোমার তর্কশক্তি অতি প্রখর । আমি তোমার
প্রতি পরম সন্তুষ্ট হয়েছি । তোমার সহিত তর্ক
ক'রে পরম আনন্দলাভ হয়েছে । এইবার
দেখবো—তুমি কিরূপ উত্তর প্রদান করো ।

শঙ্কর । প্রভু, আপনি আনন্দলাভ করেছেন, এ
অপেক্ষা দাসের ভাগ্য-প্রসন্নতার অধিক পরিচয়
আর নাই । আমার ভাষ্য যদি দোষ থাকে,
আপনার দ্বারাই সে দোষ সংশোধিত হবার
সম্ভাবনা ।

ব্যাস । ই্যা ই্যা, তুমি খুব সাবধানী তार्কিক, এই-
বার তর্কে তোমার সতর্কতা বুঝবো ।

সনন্দন । আপনাদের ত্রীচরণে প্রণাম পূর্বক দাসের
নিবেদন, হরিহরের বাদানুবাদ তো কোটিকয়ে
অবসান হবে না । গুরুদেব, যদিচ আমি অজ্ঞান,
আপনার কৃপায় আমি যেরূপ দৃষ্টিলাভ করেছি,
তাতে আমার অনুমান—ইনি স্বয়ং ব্যাসদেব—
সাক্ষাৎ নারায়ণ আর শঙ্করাচার্য্য—সাক্ষাৎ শঙ্কর !
“শঙ্করঃ শঙ্করঃ সাক্ষাৎ ব্যাসো নারায়ণঃ স্বয়ম্”
আমি উভয়ের চরণে সান্তোজে প্রণাম করি ।
আপনাদের উভয়ের বিবাদ, এ স্থলে আমাদের
কি কর্তব্য আজ্ঞা করুন ।

শঙ্কর । বৎস পদ্মপাদ, তুমিই ধন্য ! আমি অজ্ঞ,
বুঝতে পারি নাই, ইনি ব্যাসরূপী স্বয়ং নারায়ণ
নিশ্চয় । হে লোকপালক, হে স্থিতিকর্তা নারা-
য়ণ, আপনি ঋষিরূপ ধারণ ক'রে অষ্টাদশ পুরাণ
প্রণয়ন করেছেন, বেদ-বিভাগ করেছেন, ভারত-

সাগর নির্মাণ করেছেন । এ মহৎ কীর্তি আপ-
নাতেই সম্ভব ; আপনার বেদমন্ত্রের ভাষা
করতে আসি সাহসী হয়েছি, নিজগুণে দাসের
প্রতি কৃপা প্রদর্শনপূর্বক আমার ভাষ্যের সংস্কার
করুন ।

বাস । ভাষ্যের সংবাদ তব পাই শিবলোকে,
দুজ্জৈয় মন্ত্রের ভাষা অগ্রে অসম্ভব,
তোমাতেই সম্ভব কেবল ।
বেদমন্ত্র প্রচারার্থে তব আগমন,
অভিলাষ পূর্ণ বৎস হইয়াছে মম,
দুজ্জৈয় মন্ত্রের ভাষা করেছ রচনা ।

শঙ্কর । প্রভু,
কার্য যদি পূর্ণ মম ধরণীমণ্ডলে,
পরমায়ু অবসান হ'য়েছে নিশ্চয় ।
কৃপায় করুন সাধী অপেক্ষা করিয়ে,
জাহ্নবী-সলিলে আমি করি ডুবু ত্যাগ ।

বাস । অষ্টবর্ষ পরমায়ু করিয়ে গ্রহণ
এসেছিলে ধরাতলে,
অষ্ট বর্ষ বৃদ্ধি আয়ু সন্ন্যাস-গ্রহণে ;—
ষোড়শ বৎসর পূর্ণ যদিচ তোমার,
হয় নাই কার্য অবসান ।
মাল্লা-আবরণ করি উন্মোচন—
দেবলীলা কর' দরশন,
কেবা তুমি, এসেছ কি কাজে,
নরসাজে কোথায় কে বসে দেবগণ ।
শিষ্যত্ব গ্রহণ তব প্রয়াস সবার,
দিগ্বিজয়ে হবে সবে সহায় তোমার ।
হের যোগবলে—
বৌদ্ধগণ বিনাশ কারণ,
কর্মকাণ্ড করিতে প্রচার,
কার্তিকের অবতার শঙ্কর আদেশে,
বিখ্যাত ধরণীতলে কুমারিল নামে ।
যবে তুমি দেবে দরশন,
করিবেন ষড়ানন স্বধামে গমন,
শক্তিধর র'য়েছেন তব প্রতীক্ষায় ।
স্বয়ং ব্রহ্মা শিষ্য তাঁর মণ্ডন নামেতে,
কর্ণিশ্রেণী-মাবে সেই আচার্য্য প্রধান,
গার্হস্থ্যের প্রবর্তক—
নিবৃত্তিতে অনাদর তাঁর ।
পরাজয় করি তার,

শুক সব 'তত্ত্বমসি' জ্ঞান করি দান,
জ্ঞানকাণ্ড-মাহাত্ম্য প্রকাশ' বতীক্ষর ।
জ্ঞানলাভে কর্মকাণ্ড আশ্রয় কেবল,
মুক্তিপ্রদ কর্ম ক' নহে,
করহ প্রমাণ—
মিশ্রে করি 'তত্ত্বমসি' দিব্যজ্ঞান দান ।
নারীরূপে সরস্বতী গৃহিণী তাঁহার,
ধরাধামে বদ্ধ দেবী তব প্রতীক্ষায় ।
আয়ুর্বৃদ্ধি মম বরে হউক তোমার,
ষোড়শ বৎসর রহ অধিক সংসারে ।
নাস্তিকতা পুণ্যভূমে হোক বিদূরিত,
ভ্রান্ত বেদব্যাখ্যা হোক নাশ,
দুষ্কৃতি-দমন, পাপাচার-নিবারণ
কর' বৎস প্রভাবে তোমার ;
জ্ঞান-সূর্য্য হোক প্রকটিত,
ভারত উজ্জল হোক গৌরব-প্রভায় ।

শঙ্কর । প্রভু, বর প্রদান করুন, আপনার শক্তিতে
আমার ভাষ্য যেন লোকসমীপে গৃহীত হয় ।

বাস । তথাস্তু ।

(অন্তর্দ্বান)

শঙ্কর । কৃতার্থোহং—কৃতার্থোহম্!—(শিষ্যগণের
প্রতি) বৎস, তোমরা প্রস্তুত হও, অতুই আমরা
প্রয়াগধামযাত্রা করবো ।

শান্তি । প্রভুর যেরূপ আজ্ঞা ।

সনন্দন । যদি অনুমতি হয়, একবার নগর-প্রান্তর
ভ্রমণ করি । অতি মনোহর স্থান, যেন
তপোবন ।

শঙ্কর । বৎস, ওরূপ কৃত্রিম তপোবন এক্ষণে ভারত-
বর্ষে অসংখ্য, এই সকল প্রচ্ছন্ন বৌদ্ধদিগের
আবাস । ব্যভিচার, অনাচারের বিলাসভূমি ।
তুমি অগ্রসর হও, আমরা ঐ পথেই গমন
করবো ।

সনন্দন । প্রভু, যদি এরূপ কুৎসিত স্থান, তবে
আমাকে একক অগ্রসর হ'তে আজ্ঞা ক'রো
কেন ?

শঙ্কর । বৎস, কি বিরাট অত্যাচার দমনের নিমি
দেবদেব আমাদের উপর ভার্য্যপণ করেছেন
তা একাকী গমনে তুমি প্রত্যক্ষ করবে । আ
অচিরে তোমার পশ্চাৎ গমন ক'র ।

[সকলের প্রস্থান]

চতুর্থ গর্তীক ।

প্রচ্ছন্ন বৌদ্ধাশ্রম ।*

বুদ্ধ বৌদ্ধ-কাপালিক ও শিষ্যগণ ।

শিষ্য । আপনার কি অদ্ভুত কৌশল ! এ কুমারী যে আপনার করগত হবে, এ আমরা সম্ভবপর বিবেচনা করি নাই । আর অশূর্য্যম্পত্তা, আপনি সন্ধানই বা কিরূপে করলেন ?

কাপা । বাপু, থাকো—থাকো, ক্রমে ঐ সকল শক্তি তোমাদেরও আমি প্রদান করবো । তোমরাও কত শত রাজকুমারীকে বশীভূত করতে পারবে ।

শিষ্য । অস্ত্র চক্রমাশালিনী রজনী, যদি আজ্ঞা দেন, ফুলশয্যা প্রস্তুত আছে, কুমারীকে লয়ে প্রভু আজই বিহার করুন ।

কাপা । আমার অশীতিবৎসর বয়ঃক্রম অতীত হয়েছে । সেই সকল বালকের হৃৎপিণ্ডে যে সমস্ত সুরা প্রস্তুত হয়েছে, সে সুরা উপর্যুপরি একপক্ষ পান ক'রেও আমি প্রকৃত যৌবন লাভ করতে পারি নাই । আজ যে যমজ শিশু তাদের মাতার সহিত আনীত হয়েছে, তাদের বক্ষের উষ্ণ শোণিতে সুরা প্রস্তুত ক'রে পান করি, দেখি—যদি সবল হই ।

শিষ্য । কেন প্রভু, চণ্ডালের হৃৎপিণ্ডে যে নূতন সুরা প্রস্তুত করেছিলেন, তার তো আশ্চর্য্য শক্তি আজ্ঞা করেছেন । অস্ত্র সেই সুরা পান করুন, আমরা আপনার প্রসাদভোজী, কুমারীর আলিঙ্গনতৃষা দিন দিন বড়ই প্রবল হয়েছে ।

কাপা । কুমারীকে আজও আমাদের কার্য্যতৎপরা করা হয় নাই । যদি তোমরা নিতান্ত ব্যগ্র হয়ে থাক, দেখি সুরা ও সঙ্গীতপ্রভাবে আমার আলিঙ্গনে কুমারী সন্মতা হয় কি না । নর্তক-নর্তকী ও উদ্দীপক সুরা ল'য়ে এসো, আর কুমারীকেও আনয়ন করতে বল ।

শিষ্য । প্রভু, আমরা সকল আয়োজনই করেছি, কেবল আপনার আজ্ঞা অপেক্ষা ।

[বাঁশরী দ্বারা সঙ্কেতকরণ ।

* ভারতে বৌদ্ধধর্মের অবনতির সময় এইরূপ কুৎসিত-প্রকৃতি অনেক কপটাচারী বৌদ্ধ ভারতের নানাস্থানে প্রচ্ছন্নভাবে অবস্থান করিয়া জগতের অকল্যাণকর সাধনায় নিযুক্ত থাকিত ।

(দুইজন স্ত্রীলোকের এক কুমারীকে লইয়া প্রবেশ)
[নর্তক ও নর্তকীগণের যুগলে যুগলে আগমন]

১ মা স্ত্রী । (কুমারীর প্রতি) বসো, এইখানে বসো, এখনই দেবী-শরীর লাভ করবে । তোমার প্রতি প্রভুর বড় কৃপা, সেই জন্য তোমার প্রধানা সঙ্গিনী করবেন ।

কুমারী । কি বলছ ? আমি ইষ্টদর্শনের নিমিত্ত এসেছি । আজ পূর্ণিমা, আজ ইষ্টদর্শন করাবেন—যোগিরাজ আমার নিকট প্রতিশ্রুত । সঙ্গিনী করবেন, এরূপ অশুচিত কথা কি জন্য বলছ ? আমি চিরকুমারী-ব্রত অবলম্বন করেছি, ইষ্টধ্যানে চিরজীবন অতিবাহিত করবো ।

২মা স্ত্রী । বালিকা ! পূজার বিধি জানে না, দেহ-দানে যেমন পূজা হয়, সেরূপ কি অপর পূজায় হ'তে পারে ? ইনি তোমার ইষ্ট, এখনই বুঝবে যে, ইনি মনুষ্য নন, নররূপী দেবতা । চরণামৃত পান কর ।

কুমারী । না, আমি ইষ্টদর্শন ব্যতীত চরণামৃত পান করবো না ।

কাপা । ব্যস্ত হয়ো না, আমার প্রসাদ পান করবে ।

(নর্তক-নর্তকীগণের নৃত্যগী)

ফুলকাননে—

চোখে চোখে মুখে মুখে থাকি দু'জনে ।

ধরি আদরে করে, কত রাখি আদরে,

তারই সোহাগে মাতি হৃদয়রাগে—

কত আশ-পিয়াস জাগে ;

দৌড়ে দৌড়া চাহি কত সাধ মনে !

রসরস তরঙ্গিত তারই সনে ॥

কাপালিক । (কুমারীর প্রতি) প্রসাদ পান করো ।

কুমারী । এ কি কুৎসিত সঙ্গীত ! এ কি কুৎসিত নৃত্য ! আমি এ কোন্ স্থানে এসেছি ?

শিষ্য । (জনান্তিকে) প্রভু, সহজে হবে না—সহজে হবে না । বিভীষিকা প্রদর্শন করা যাক ।

কাপা । মাতার সহিত যমজ বালককে নিয়ে এসো । মাতৃহন্তে বালকের বক্ষঃ বিদারিত দেখুক, মস্তপুত সেই শোণিতের ফোঁটা লগাটে দিলেই মুগ্ধ হবে । আর সেই চণ্ডাল-বালককে লয়ে এসে সন্মুখে বধ করো ।

[জটনৈক শিষ্যের প্রস্থান ।

(নৃত্য গীত চলিতেছে, এমন সময়ে মাতার
সহিত যমজশিশু ও চণ্ডাল-বালাকে লইয়া

. শিষ্যের পুনঃ প্রবেশ)

শিষ্য। নাও, চরণামৃত পান করো।

(যমজশিশু-মাতার চরণামৃত পানকরণ)

তোমার সন্তান রক্ষা হয় না, সেই নিমিত্ত প্রভু
তোমার প্রতি কৃপা ক'রে এই যুগল সন্তান বলি
গ্রহণ করবেন। এই যুগল শিশুর শোণিতে
তোমার দেবতার জায় পূর্য এই দণ্ডেই উদ্ভব
হবে, সে পুত্রের কোন কালে ক্ষয় নাই। নাও,
এই ছই ছুরিকা দ্বারা ছই শিশুর বক্ষঃ বিদীর্ণ
করো। (চণ্ডালের প্রতি) এই নে ছুরী নে,
গুরুদেবের সন্মুখে বক্ষের রক্ত দান কর—চণ্ডা-
লত্ব যুচে ব্রাহ্মণত্ব ও অমরত্ব লাভ করবি।

চণ্ডাল। না না, আমার ছেড়ে দাও, আমি বুকে
ছুরী মারতে পারবো না।

শিষ্য। খড়্গ দ্বারা বধ করবো ?

কাপা। না, ভিষ্ঠ, অগ্রে এই কার্য্য সমাধা হোক।

শিষ্য। (যমজ শিশু-মাতার প্রতি) নাও নাও,
সন্তান বলি প্রদান করো।

কাপা। যুবতীকে অগ্রে আমার কোলে স্থাপন করো,
নচেৎ যুবতী ভীতা হবে।

কুমারী। কি বিভীষিকা! এ যে অনাচারী ব্যাভি-
চারী কাপালিক!

শিষ্য। (যমজ শিশু মাতার প্রতি) নে—বলি দে।

মাতা। না বাবা, আমার সন্তান না বাঁচো না বাঁচুক,
আমি সন্তান বলি দিতে পারবো না।

চণ্ডাল। ও বাবা! মেরো না—মেরো না—

কুমারী। (আকষিতা হইয়া) কপট সন্ন্যাসী, আমার
স্পর্শ করিস্ নে—

কাপা। প্রেরসি, জ্বীলোকের মানা—উদ্দীপনা মাত্র।

কুমারী। মহাদেব—মহাদেব, রক্ষা করো—

(বেগে সনন্দনের প্রবেশ)

সনন্দন। ভয় নাই—ভয় নাই। (কাপালিকের
প্রতি) আরে ছুরাচার কাপালিক—

কাপা। কে ও? সন্ন্যাসী!—তোমার মস্তকের
প্রয়োজন। (শিষ্যগণের প্রতি) বন্ধন ক'রে
বধ করো।

সনন্দন। আমার বধ ক'র্বে করো, এদের পরিজ্ঞান
দাও।

(সকলের উচ্চ হাস্যকরণ)

কাপা। বন্ধন ক'রে অগ্রে সন্ন্যাসীকে বধ কর।

(শিষ্যগণসহ শঙ্করাচার্য্যের প্রবেশ)

শঙ্কর। সন্ন্যাসীকে বধ করা নিভাস্ত সহজসাধ্য নয়
কাপালিক। (কমণ্ডলু হইতে জল, নিক্ষেপ
পূর্বক) ছুরাচারগণ, নিষ্পন্দ হও।

(কাপালিক ও তৎশিষ্যগণের তদবহা-প্রাপ্তি হওন)

(সটসেত্তে সুধম্মারাজার সেনাপতির প্রবেশ)

সেনাপতি। এই যে, যতীশ্বর! আমরা মহারাজ
সুধম্মার অনুচর, যতীশ্বর ভ্রমণে বহির্গত হই-
ছেন, রক্ষার্থে আমরা প্রেরিত।

শঙ্কর। বীরবর, মহাদেবীই আমার রক্ষাকর্ত্তী।
নরনাথকে আমার আশীর্ব্বাদ প্রদান করবে,
আর আমার অনুরোধ জ্ঞাপন করবে যে, এই
ব্যাভিচারীদিগকে যেন ভারতবর্ষ হ'তে বহিস্কৃত
করেন। এদের বন্দী ক'রে লয়ে যাও।

(রাজসৈন্তগণ কর্ত্তৃক কাপালিক ও তৎশিষ্যগণকে
বন্ধনকরণ)

(যমজ শিশু-মাতার প্রতি) না, তোমার পুত্রদ্বয়
শতবৎসর পরনায়ু লাভ করবে। (কুমারীর
প্রতি) কুমারী জননি, অচিরে তোমার ইষ্টদর্শন
হবে। (চণ্ডালের প্রতি) যুবক, তুমি কায়মনে
ব্রাহ্মণ-সেবায় রত হও, তোমার চণ্ডালত্ব দূর
হয়ে যোগি-গৃহে জন্ম হবে।

সকলে। জয় যতীশ্বর শঙ্করাচার্য্যের জয়!

শঙ্কর। সেনাপতি, এদের নিজ নিজ স্থানে লয়ে
যাও।

[শিষ্য শঙ্করাচার্য্য ব্যতীত সকলের প্রস্থান।

বৎস, স্বচক্ষে অবলোকন করলে, কিরূপ অত্যা-
চার! শক্তিদ্বয় কুমারিলতট্ট বৌদ্ধগণের সম্পূর্ণ
বিনাশসাধন করিতে পারেন নাই। অনেকেই
কৃত্রিম তপোবন নির্মাণ ক'রে প্রচ্ছন্নভাবে অধ-
স্থান কচ্ছে। এদের প্রক্রিয়া দ্বারা দানবীর শক্তি
লাভ হয়, সেই জন্ত অনেক ব্রাহ্ম জীব এই ছুরা-
চারদিগের অনুগামী। এই ছুরাচার-দমন ভার
মহাদেব তোমাদের উপর স্থাপন ক'রেছেন

তোমরা সকলে মহাবাক্য গ্রহণ করো, বলো,
শিবোহং—শিবোহংহম্ ।
সকলে । শিবোহং—শিবোহংহম্ ।

(সকলের গীত)

মনোবুদ্ধ্যাহংকারচিন্তাদি নাহং,
ন শ্রোত্রং ন জিহ্বা ন চ জ্ঞানেন্দ্রিয়ম্ ।
ন চ বোম ভূমিন'তেজো ন বায়ু-
শিদ্দানন্দরূপঃ শিবোহং শিবোহংহম্ ॥
ন পুণ্যং ন পাপং ন সৌখ্যং ন দুঃখং,
ন মজ্জা ন তীর্থং ন বেদা ন বজ্জাঃ ।
অহং ভোজনং নৈব ভোজ্যং ন ভোক্তা,
শিদ্দানন্দরূপঃ শিবোহং শিবোহংহম্ ॥
ন মে দ্বেষরাগো ন মে লোভমোহো,
মদো নৈব মে নৈব মাৎসর্য্যভাবঃ ।
ন ধর্ম্মো ন চার্থো ন কামো ন মোক্ষ-
শিদ্দানন্দরূপঃ শিবোহং শিবোহংহম্ ॥
ন মৃত্যুর্ন শঙ্কা ন মে জাতিভেদঃ,
পিতা নৈব মে নৈব মাতা ন জন্ম ।
ন বন্ধুর্ন মিত্রং গুরুর্নৈব শিষ্য-
শিদ্দানন্দরূপঃ শিবোহং শিবোহংহম্ ॥
অহং নির্বিকল্পো নিরাকাররূপো,
বিভূষ্যাপী সর্ব্বত্র সর্ব্বৈজ্জিয়াণাম্ ।
ন বা বন্ধনং নৈব মুক্তির্ন ভীতি-
শিদ্দানন্দরূপঃ শিবোহং শিবোহংহম্ ॥

পঞ্চম গর্ভাক ।

কুমারিলভট্টের আশ্রম ।

ভুবানলে তদুত্যাগাভিলাষী ভূষমঞ্চোপরি উপবিষ্ট
কুমারিলভট্ট, সম্মুখে প্রভাকর
প্রভৃতি শিষ্যগণ ।

কুমারিল । যাই বৎস, তোমা সবে করিয়া কল্যাণ ।
পূর্ব্বকৃত মহাপাপ-প্রা'শ্চিত্ত কারণ,
ভুবানলে দেহত্যাগ বিধান কেবল ।
শোক পরিহর, কর্তব্যো না হও পরাশ্রুত ।
প্রভাকর । প্রভু, অকৃতী এ অভাজনগণে,
বন্ধনা করিছ কি কারণে !—
পাপ কি পরশে কভু এ দেব-শরীরে ?
তবে কেন সমস্ত দারুণ—
ভুবানলে তদু সমর্পণ ?

[৪]

হেন কঠিন ব্রত কোন্ প্রয়োজনে ?
সংসার আঁধার হবে তব অনর্শনে ।
প্রভু, তব আজীবন কঠোর সাধনে
কর্ম্মকাণ্ড বেদের হয়েছে প্রবর্তিত ;
যোগ্যব্রত সংস্থাপিত পুনশ্চ ভারতে ।
বিহনে তোমার—
কর্ম্মকাণ্ড লুপ্ত দেব হবে পুনর্কার ।
শিষ্য প্রতি তব দ্বেষ জননীর প্রায়,
পুত্রগণ-মুখপানে চাহ করুণায়,
কাস্ত হও মহাত্মন, পুত্রের মায়ার !
কুমারিল । চিন্তা দূর কর বৎসগণ !
ছিল যেবা প্রয়োজন শরীরধারণে,
সে কার্য্য হয়েছে সমাধান ।
যজ্ঞমাত্র জেনো এ শরীর ;
কার্য্য অবসানে কিবা যজ্ঞের আদর ?
কর্ম্মকাণ্ড বিলুপ্ত না হবে কদাচন ।
বেদবিধি উদ্ধার কারণ, হইয়াছে মহান্ উত্তর !—
বালস্বর্য্য প্রায় তাঁর কিরণমালায়
দশদিশ প্রকাশিত ।
মধ্যাহ্ন-মার্ত্তণ্ড-জ্যোতি যবে বিকশিবে,
ভ্রান্তি-তম কোথাও না রবে—
ভারতে হইবে পুনঃ উচ্চ বেদধ্বনি ।
প্রভাকর । প্রভু, কেন হেন ছলনা এ দীনপুত্রগণে !
নির্ম্মল শরীরে দেব প্রায়শ্চিত্ত কিবা !
কুমারিল । জানো না জানো না বৎস পাপের প্রভাব !
একমাত্র নিরঞ্জন নির্ম্মল কেবল,
সমস্ত সকলি আর এ তিন ভুবনে,
কেবল অপাপবিদ্ধ বিভূ সনাতন ।
শুন বৎস, যৌবন যখন,
বৌদ্ধগণে করিতে ছলনা—
করিলাম শিষ্যত্ব স্বীকার ।
শিষ্যত্ব না করিলে গ্রহণ,
গুহ্য বৌদ্ধ-তত্ত্ব নাহি হব অবগত ।
করি এই কপট আচার,
হইলাম জ্ঞাত বৌদ্ধ গুহ্য সমাচার ;
করিয়াছি ব্যক্ত ব্যভিচার সে সবার ।
সুধম্মা রাজার স্থানে পাইয়া আশ্রয়,
সাধিয়াছি বৌদ্ধের সংহার ।
২য় শিষ্য । বিনাশিয়ে কপট-আচারী বৌদ্ধগণে
পাপক্ষার্শ হইল কেমনে ?

কুমারিল । যে হোক সে হোক বৎস, শিকারীদাতি বেই,

এক বর্ণ শিক্ষাদান যে জন করিবে,

গুরুপদবাচ্য সেই, শাস্ত্রের বচন ।

বৌদ্ধনাশে স্পর্শিয়াছে গুরুবধ-পাপ ।

অন্ত মহাপাপ মম করহ অবগ—

বেদ সত্য করিতে প্রমাণ,

বেদহীন বৌদ্ধবাদ খণ্ডন কারণ,

কোন এক বৌদ্ধ সনে রাজার সভায়,

আছিল সে বৌদ্ধ মম প্রধান শিক্ষক,

দৃঢ়পণে কহিলাম সবার নিকটে—

বাম্প দিব গিরি-শৃঙ্গ হ’তে,

বেদ যদি সত্য হয়, রবে মন প্রাণ ।

শৃঙ্গ হ’তে লক্ষ্যদানে রহিল জীবন ।

কিন্তু সংশয়ব্যঞ্জক বাক্য করি উচ্চারণ,

“বেদ যদি সত্য হয়”—হেন দ্বিধা ভাবে,

পাপস্পর্শে হইলাম একচক্ষু-হীন ।

“যদি” বাক্য উচ্চারণে সংশয় বুঝায় ;

সে মহাপাতকী, যার বেদেতে সংশয় ।

দৃঢ়রূপে কর শেষ বচন গ্রহণ,—

সংশয় বুঝায় যাহে হেন বাক্য কভু—

বেদের সম্বন্ধে বৎস, করো না প্রয়োগ ।

প্রিয় পুত্র তোমরা আমার,

অন্তকালে কর দেহে অগ্নি-সংস্কার ।

প্রভাকর । প্রভু, মার্জনা করুন, সন্তানগণকে এ

কঠোর আজ্ঞা প্রদান করবেন না ।

কুমারিল । দেখ বৎস, পাপ-তাপ তীব্র কি প্রকার !

পাপানল দেহ দহে দেখহ আমার ।

(অকস্মাৎ কুমারিল ভট্টের দেহে অগ্নি উদ্দীপ্ত হওন)

শিবাগণ । প্রভু কি করলেন—হায় হায়, কি হলো !

কুমারিল । রোদন সংবরণ করো, আমার ধৈর্য্যচ্যুতি

ক’রো না । প্রভু, কোথায় তুমি ! এখনো

তো দর্শন দিলে না ? এখনি তো দেহ-বস্ত্র ভস্ম

হবে, আর কিরূপে তোমার দর্শন করবো ! কই

প্রভু,—এখনো তো দরা হলো না ! এই যে,

এই যে দরাময় কুপা ক’রে উদয় হয়েছেন !

(শিবাগণসহ শঙ্করাচার্য্যের প্রবেশ)

শঙ্কর । অহো ধৈর্য্য—অহো তেজ !

কুমারিল । প্রভু, আজ্ঞা দেন, অনলে দেহ আহুতি

প্রদান করেছি—পূর্ণাহুতি হ’লে তোমার দর্শন

ক’রে অস্থানে গমন করি ।

শঙ্কর । বাক্য মম ধর ভেজীরান্ !

মতিমান্ হও হে সম্ভত,

যোগবলে করি তোমা যৌবন প্রদান,

পূর্ণ-অঙ্গ দেহ লাভ করিবে এখনি ।

চিন্ত তব অহুতপ্ত পাপে,

‘তত্ত্বমসি’ বাক্যে তাপ হইবে নিকৃষ্ট ।

তুলা যথা অগ্নি-পরশনে,

জ্ঞানায়িতে সে প্রকার দণ্ড পাপচম্ ।

মহাবাক্যে দেহে পাপ না রহিবে আর ।

হে ধীমান্ কর মোরে সম্মতি প্রদান ।

কুমারিল । মহাভাগ, অবসান কার্য্য এ সংসারে,

তবে আর পঞ্চভূত-নির্ম্মিত বিকার

সহিবারে কহ দেব কোন্ প্রয়োজনে ?

মায়াদীপ তুমি প্রভু, তবু যোগীশ্বর,

মায়ার প্রভাব কি প্রকার

দেখ দেব মানব-শরীরে !

মহামারা কঁাদে, ব্রহ্ম তার কঁাদে,

মুক্ত কর দারুণ বন্ধনে ।

বাই নিজ ধামে, করিয়াছি আদেশ সাধন ;

লভিতে পরম দেহ আজ্ঞা দেহ দাসে ।

অতু্যদয় তব জ্ঞান করিতে প্রচার ;

লয়েছ অদ্বৈতবাদ স্থাপনের ভার,

তাহে নাহি হবে তব মোরে প্রয়োজন ।

মণ্ডন নামেতে স্মৃধী মিশ্রকুলোদ্ভব,

কর্ম্মকাণ্ড অধ্যয়ন করি মম স্থানে,

কর্ম্মশ্রেণী-মাঝে সেই আচার্য্য প্রধান,

গার্হস্থ্যের অবর্ত্তক, নিবৃত্তিতে অনাদর তার ।

পরাজয় কর প্রভু তায়

গুরুত্ব ‘তত্ত্বমসি’ জ্ঞান করি দান,

জ্ঞানকাণ্ড-মাহাত্ম্য প্রকাশ’ যতীশ্বর !

জ্ঞানলাভে কর্ম্মকাণ্ড আশ্রয় কেবল ।

মুক্তিপ্রদ কর্ম্ম কভু নহে,

করহ মাগ—

মিশ্রে করি ‘তত্ত্বমসি’ দিব্যজ্ঞান দান ।

শঙ্কর । কহ ধীর, কোথা সেই মিশ্রের আশ্রম,

কোন্ মহাশয় সেই জন,

কিবা কার্য্য সিদ্ধ হবে পরাজয়ি তারে ?

মম সহ স্বন্দে বা কি হেতু প্রবেশিবে,

বেদ-স্বন্দে মধ্যস্থ কে হবে ?

জয়-পরাজয় কেবা করিবে নির্ণয় ?

কুমারিল । রেবাতটস্থিত মাহিমতীপুরবাগী ।

পরাভরে তার, হবে তব মহাকাব্যোদ্ধার,

প্রধান অষ্টৈত-পন্থা মানিয়ে সকলে ।

শাস্ত্র-বন্দ্য তব মনে বাণিবৈ বধন,

মধ্যস্থ স্বীকার ক'রো পন্থীয়ে তাহার ;

সরস্বতী শাপগ্রস্তা হয়ে ব্রহ্মলোকে

মিশ্র-প্রগম্নিনীরূপে আছেন ভূতলে ।

দম্পতীর পরাভরে মানিবে বিশ্বর ;

মোকলুরু বধা বেই সাধু সদাশয়,

আদরে অষ্টৈত-পন্থা করিবে আশ্রয় ।

কহি তনু মণ্ডনের আবাস-লক্ষণ,—

তথা বেদমন্ত্রগান করে পক্ষিগণ,

কর্ম্য হেতু পুনঃ পুনঃ বেদ উচ্চারণে

বেদবাক্য শিখিয়াছে বহুপক্ষিগণে ।

যজ্ঞধুম সতত উখিত সেই পুরে,

কার্য্য সিদ্ধ হবে বশে আনি কর্ম্মবীরে ।

যাবৎ এ পাপ-তনু ভস্ম নাহি হয়,

কুপায় এ স্থানে তিষ্ঠ দেব দয়াময় !

(শিষ্যগণের প্রতি)

শুন মম প্রিয় শিষ্যগণ

ত্রাণকর্তা হের, কর আশ্রয় গ্রহণ ।

শঙ্কর । ভট্টরাজ, বলো—শিবোহহম্—

কুমারিল । (শিষ্যগণের প্রতি) মহাবাক্য গ্রহণ

করো, বলো—শিবোহহং শিবোহহম্—

সকলে । শিবোহহং শিবোহহম্ ।

(সকলের গীত)

মনোবুদ্ধ্যহঙ্কারচিত্তাদি নাহং ইত্যাদি ।

তৃতীয় অঙ্ক ।

—:~:—

প্রথম গর্তীক ।

বনপথ ।

উত্তর পার্শ্বে তাল, নারিকেল ও ধর্ম্মরুকশ্রেণী ।

(কাতালহস্তে জনৈক শিউলীর প্রবেশ)

শিউলী । (একটি তরুর প্রতি লক্ষ্য করিয়া) এই-

বার তোকে দেখছি, তুই খুব বেহারা, আবার

খুব পালা ছেড়েছিস্ । আর, মাথা নামা । (তরুর

মস্তক অবনতকরণ ও শিউলীর পালা কর্তন)

কেমন, আবার পালা ছাড়বে ? এই কাতাল

আমার কাছেই রইলো, বা—বাড়ি তোল্ ।

[মস্তকত্যাগ ও তরুর পুনর্নিবন্ধপ্রাপ্তি ।

পালা কটা শুছিরে নিই, মাগী রা'ব্বে ।

(শঙ্করাচার্য্যের প্রবেশ)

শঙ্কর । (স্বগত) কি আশ্চর্য্য বিজ্ঞা, এর নিরুপ

বিজ্ঞা গ্রহণ কবি । (প্রকাশে) প্রভু, অকি-

ঞ্জনের প্রতি কৃপাকটাক করুন ।

শিউলী । আরে কে রে ? তুই কাকে বলছিস্ ?

এই বড়াগাছটা দেখে বুঝি বামুন ঠাণ্ডারানি ?

তোদের গাঁয়ে বুঝি বামুন নাই, পৈশ্বে চিনিম্

নি ? তোদের গাঁ-খামি তো বেশ, বামুনের

দোরাখিয়া নাই ! আমাদের এখানে বামুনে হাড়

জালিয়ে খায়, আর যেগুলো জটা রাখে—সেগুলো

ডাকাত । ছোটলোকের ঘরে বউ-ঝি বা'র করে

রে—বউ-ঝি বা'র করে । তোদের গাঁখানি

বেশ, বামুন নেই বেঁচেছিস্ ।

শঙ্কর । প্রভু, আমার প্রতি কৃপা করুন ।

শিউলী । আ গেল যা, আমি বল্চি—আমি বামুন

নই । বামুন দেখ্‌বি তো চ,—দেখাই গে ।

তোর কাঁথাকে কাঁথা কেড়ে লিবে । আমি তাই

ভয়ে বামুনের ছাঁই মাড়াই নি । আর যদি

জোয়ান বউ-ঝি দেখেছে তো অম্নি নোলা সঙ্-

সকিয়েছে । বউ-ঝিরা রাত ক'রে সব জলকে

যায়, নইলে টেনে নিয়ে চ'ল্লো । মদ খাওয়ারে,

জবা ফুল পরালে, এই এমন বাধায়ের বাধায়ে এই

বামুনগুলো । * [বুঝ্‌লি—জাত-জন্ম আর

রাখে'নি ।

শঙ্কর । আপনার বিজ্ঞা আমার দান করুন ।

শিউলী । আরে ওই—এ কোন্ গাঁয়ের ছেলোটা !

আমার সাত পুরুষে ল্যাখাপড়া করে নি । যদি

বিজ্ঞে চাস্, একটা বামুন দেখে ধরুণা যা, তবে

জল তুলিয়ে লিবে, কাট কাটিয়ে লিবে । আর

দেখ্, তোর বাড়ীতে যদি তোর বুন-টুন থাকে,

দেখাস্ নি—দেখাস্ নি, জবায় মালা গলায় দি

জাত থাকে । এই তো তোকে বল্ছি, বামুন

দেখেছি কি বউ-ঝি সরিয়েছি । আর আমরা তো

পদে আছি, চাঁড়ালগুলোর বউয়ের জুত খাবে, সস্তা ছেলেটা ছোটো শিংড়ের মাঝে ফেলে চেপে মানবে, শুকিয়ে তার উপর ব'সে মদ খাবে, বলবে পদ্মে ব'সে মধু খাচ্ছে ।] • বিচ্ছু বেটারা যেন কেলে ভোমরা, আর জোরান চাঁড়াল রাত ভিতে দেখেছে কি ঠেঙ্গিরে মেরেছে ।

শঙ্কর । শিব—শিব—শিব ! কি অত্যাচার ! দেব দেব, শক্তি প্রদান করুন, এই বামাচার দমন করি । বেদদেবী বোদ্ধ, মানব অহিতকর কুৎসিত শক্তি-অর্জনের জন্ত এইরূপ কুৎসিত আচারে প্রবৃত্ত হয় ।

শিউলী । তুই কি চাঁড়াল ? তো স'রে যা । জোরান চাঁড়াল মেরে হাড় বেছে লিয়ে মালা বানায়, আবার মদে বুড়িয়ে রাখে ।

শঙ্কর । প্রভু, দয়া করুন, আমি আপনার শরণাগত ।

শিউলী । তুই রস-টস থাম্ না কি ? তা আর—তোরে ঠোঙা ক'রে ঢেলে দেবো । আর রসুই হ'চ্ছে, হ'গরাস খেয়ে নিস তো খেয়ে লিবি ।

শঙ্কর ! প্রভু, আমি এ সকল প্রার্থী নই ।

শিউলী । তুই কি শিউলীর ছা ? আমার কান্টে-খানা লিবি ?

শঙ্কর । না, আপনি যে মস্ত্র বৃক্ষের মস্তক অবনত কল্লেন, আবার পূর্ববৎ হ'তে আদেশ দিলেন, সেই মস্ত্র আমায় প্রদান করুন ।

শিউলী । ও ! তুই দেখেচিস্ না কি ? মাগী বুঝতে পারে, ওই ডরে তো রাত ক'রে কান্ধাতে আসি । কেউ যদি দেখে তো ব'লবে ভুতুড়ে মস্ত্র শিখেছে । বামনাগুলো ধ'রে লিয়ে গিয়ে বলি দেবে ।

শঙ্কর । দিন প্রভু, আমার কুপা ক'রে মস্ত্র দিন ।

শিউলী । তুই কি শিউলীর ছা ?

শঙ্কর । না বাবা, আপনার দাস—আপনার পুত্র ।

শিউলী । ওরে পরাণটা জুড়িয়ে দিলি রে ! আমার ঘরে 'বাবা' বলবার ছ্যালো, সেটা যমে লিয়েছে । শুধু, মস্ত্র তোরে শিখুচ্চি, যত দিন এ গাঁয়ে থাকুবি, এক একবার আমায় বাবা বলুবি, আর তা না বলিস্—মাগীকে এক একবার মা বলিস্ । মাগী ব্যাটাটার অস্ত্রে বড় কাঁদে জানিস্ ! তোর চাঁদমুখে মা বাক্য শুন্লে তার মনটা একটু সামাই খাবে । আর, মস্ত্র দিবো ।

[উভয়ের প্রস্থান ।

দ্বিতীয় গর্ভাক ।

মণ্ডন মিশ্রের বাটা ।

মণ্ডন মিশ্র ও উভয়ভারতী ।

মণ্ডন । বিরক্ত ক'রে তুলেছে—বিরক্ত ক'রে তুলেছে । কোথা হ'তে এক সম্প্রদায় শাস্ত্র-জ্ঞানহীন পাষাণেরা এসেছে, পরিচয় দেয় সন্ন্যাসী, মূঢ়েরা অবগত নয় যে, কলিতে সন্ন্যাস নিবেধ ।

এরূপ সন্ন্যাসগ্রহণ তো কলিতে বিধি আছে ?

মণ্ডন । কে বলে বিধি আছে ?—তারা বৈদ্যার্থ বোঝে না, সেই জন্ত বলে বিধি আছে । আর সন্ন্যাসপন্থা, বিধি থাকলেও সে পন্থা-গ্রহণ কদাপি উচিত নয় । তারা এক প্রকার বৌদ্ধের জ্ঞান নাস্তিক, কর্মকাণ্ড যাগযজ্ঞের প্রতি আস্থাহীন । ঈশ্বর, জ্ঞান, এই সমস্ত অর্থোক্তিক বাক্য সর্বদাই আলোচনা করে । ভগবান্ জৈমিনি মীমাংসা-শাস্ত্রে দৃঢ়রূপ প্রতিপন্ন করেছেন, মন্ত্ররূপ ঈশ্বর ব্যতীত "ঈশ্বরো নাস্তি ।"

উভয় । তুমি বুঝি আজ তর্ক করিতে পণ্ডিত পাও নি, তাই আমার সঙ্গে তর্ক করিতে এসেছ ?

মণ্ডন । এক প্রকার যথার্থই অনুমান করেছ ।

উভয় । কেন—এত লোকের সঙ্গে বক্ বক্ ক'রে মন ঠাণ্ডা হ'ল না ?

মণ্ডন । আরে নাও, একটা যুক্তি খণ্ডন করবার শক্তি কারো নাই, তাদের সঙ্গে তর্ক ক'রে কি তৃপ্তি হয় ?

উভয় । না, আমার মার্জনা করো, আমি তোমার সঙ্গে ব'সে সমস্ত রাত বকাবকি করতে পারব না । কল্য তোমার পিতৃশ্রদ্ধ, ভোরেই আয়োজন করতে হবে ।

মণ্ডন । কি অর্থোক্তিক কথা সব বলে, শুনে তুমি হান্ত সংবরণ করতে পারবে না । আরে মুখ, অর্থোক্তিক কথা কি মণ্ডন মিশ্রের সঙ্গে চলে ! ঈশ্বর ফলদাতা, এ অর্থোক্তিক কথা শিষ্যকে বোঝা গে যা । নিত্য প্রত্যক্ষ দেখে কর্মকল্য মানে না, একটা ঈশ্বর এনে ফলদাতা উপস্থিত করে । আরে মুখ, অগ্নিতে হস্তক্ষেপ করলেই দগ্ধ করবে । কর্মকল্য প্রত্যক্ষ, যুক্তিসাপেক্ষ নয় । যা প্রত্যক্ষ, তার বৈপরীত্য যুক্তির দ্বারা প্রমাণ করবার প্রয়াস পায় ।

উভয়। একটু স্থির হও ঠাকুর, আমি তো আর তর্ক
কছি না যে, তুমি আমার কাছে হাত-মুখ নাড়ুচ।
মণ্ডন। আঃ, শোনো না—শোনো না—কথাটাই
শোনো না, আমি ভগবান্ জৈমিনি হ'তে শ্লোক
উদ্ধৃত ক'রে একেবারে সকলকে মিরস্ত করলুম।

উভয়। আর বলার কাজ নাই—থামো।

মণ্ডন। তুমি বড় স্বার্থপর। এই তুমি যখন গণনাদি
করো, আমি তোমার আমলের নিমিত্ত তোমার
নিকট গিয়ে সে সকল আলোচনা করি। আর
আমি আমোদ ক'রে বলতে এসেছি, তুমি
আমার তর্কের কথা শোনো না। আজ হ'তে
আমার প্রতিজ্ঞা, তোমার গীতও শুনবো না, বীণা-
বাস্তও শুনবো না, তোমার অকবিচারও দেখবো
না। হ্যাঁ, আমি এমন মিশ্র নই, আমার এক
কথা, তখন বুঝবে। হ্যাঁ—আমোদ ক'রে বলতে
এসেছি, উনি শুনবেন না, কেন বল দেখি?

উভয়। তুমি আমার বাণা না শোনো নেই শুনবে,
আজ আমি তোমার তর্ক শুনবো না।

মণ্ডন। তবে বাও, আমার মন্দাগ্নি হয়েছে, আজ আমি
আহার করবো না। কাল পিতৃ-শ্রাদ্ধ, চণ্ডী-
মণ্ডপে গিয়ে শয়ন করি।

উভয়। না না, রাগ ক'রো না, শুনবো বই কি, তুমি
জলযোগ করতে করতে বলবে, আমি শুনবো।

মণ্ডন। যাচ্ছি—যাচ্ছি। শোনো না; শোনো না—

উভয়। এসো এসো, সব প্রস্তুত, নষ্ট হবে।

মণ্ডন। উদর এক মহা বিষ, ভগবান্ জৈমিনি উদ-
রের দোরাঙ্ঘ্য কেন অভিসম্পাত প্রদান করেন
নি, আমি তাই ভাবি।

উভয়। এসো এসো—

মণ্ডন। অতি মুড়ের জ্বর কথা, কস্মকল প্রত্যক্ষ—

[মণ্ডন মিশ্রের হস্তধারণ পূর্বক টানিয়া লইয়া
উভয়ভারতীর গ্রহান।

তৃতীয় গর্তীক।

শিউলী-পল্লীর অপরাংশ।

শিউলিনী উপবিষ্টা ও সম্মুখে তৎপ্রতিবেশিনীগণ।

প্রতিবেশিনী। সর্দারগী, তুই ইখানকে ব'সে ব'সে
কান্দি? আহা! কেনে কি করবি! বা ঘরকে বা।

শিউলিনী। আমার ঘর আর কোন্ খান্কে বা!
আমার ঘর বে অ'ধার হয়ে গিয়েছে।

প্রতিবেশিনী। তা মা, স'জ হয়ে এলো, ইখানকে
ব'সে কি করবি? বা, সর্দার খেটে আসবে,
তার খাওয়া-দাওয়া দেখবি নি?

শিউলিনী। আর মা, সে কি মুণ্ডে ভাত দেই, আমি
বে তার ডরে ঘরকে কানি নি, বুকে পাখর
বেঁধে থাকি, আমাকে কান্দিতে দেখলে সে ভেউ
ভেউ ক'রে কানে, তাই ইখানকে কান্দিতে এছ।
আমার সে চাঁদা গিয়েছে, আমার পরাণটা
এখনো রয়েছে! এতক্ষণকে সে পালা
কুড়িয়ে ঘরকে আস্তো, খাঁবার নেগে হুজুত
করতো, বড় বান্ধেরে ছ্যাণো, বলতো বাল
হয় নি, মুন হয়নি, গোসা করতো; আমি ভুলিয়ে
ভালিয়ে মুখে খাবার দিতুম। এই কাল পাড়ুছে,
এই পালা কাটুছে, এই হাতা-সেখা দৌড়ুছে,
এই মা ব'লে ঘরকে আসুছে। মিলেছে কাজে
মেতে দিতো নি, বলতো—“কেনে—এখন আমি
ডাগর হয়েছি, আমি গাছে ভাঁড় বান্ধো, হাটকে
গিয়ে রস বেচ'বো।” মোর হাত থেকে বোঁটন-
কাটা লিয়ে বলতো—“শুড় বনাবো।” আমার
সে চাঁদা ব্যাটা কে যমে নিলে মা—যমে নিলে!
যাবার সময় বল্ল, হু'চক্ষে জল গড়ুছে, বল্ল—
“মা আমার রাখতে লারবি। তোরা মোর
ছাতিতে পা টা দে, আমার পরাণটা জুড়ুক!”
মিলের লেগে ঘরকে থাকি মা—নইলে এক বিগ
দিয়ে চ'লে যেতুম।

প্রতিবেশিনী। তা সর্দারগী, কেনে কি করবি!
পোড়ার মুণ্ডো যম, ঘর-ঘর কান্দিছে। নে ওঠ—
ঘরকে বা, আবার মিলে এসে চ'ড়বে।

শিউলিনী। যাই মা, ঘর তো নয় মা, আমার বন
পারা ঠেকুচে।

(শঙ্করাচার্যকে লইয়া শিউলীর প্রবেশ)

শিউলী। ওরে মাগী, দেখ্ দেখ্—কারে সাথে লিয়ে
এসেছি দেখ্! অ'ধ মেলে দেখ্, দেখে পরাণটা
জুড়ুবে!

শিউলিনী। আহা! কার ছা রে কার ছা?

শঙ্কর। মা, আমি তোমার ছেলে।

শিউলিনী। ও বাছা! আমার মা ব'লে ডেকো নি,

আমি রাজসী, আমার মা বলা সর নি ! আহা,
পরের বাছা, আমার মা বলো নি ?
শঙ্কর । কেন মা, তুমি আমার মা, তোমার কেন মা
বলবো না ?
শিউলিনী । ওরে বাছমাণ—বাছমাণ—বাপ্ধন—
আমার চাঁদাধন, আর আর ঘরকে আর, আমার
অঁধার ঘর আলো করবি ।
শিউলী । মাগী মাগী,—চাঁদা, চাঁদ-মুখে আমার বাপ্-
বলেছে !

শিউলিনী । আর চাঁদা আর, ঘরকে বসবি আর ।
প্রতিবেশিনী । (স্বগত) আহা, কার বাছা রে—
আহা, কি চাঁদপারা ছেলেটি রে ! মা বাক্যিতে
মাগীর পরাগটা জুড়ুলো !

(শিউলী-বালকগণের প্রবেশ)

১ম বালক । সর্দার মারি—সর্দার মারি ! এ কি
নূতন চাঁদা দাদা এসেছে ?
শঙ্কর । হ্যাঁ ভাই, আমি তোমাদের চাঁদা দাদা ।
বালকগণ । বাঃ বাঃ, বেশ নূতন চাঁদা দাদা !
২ম বালক । চাঁদা দাদা, তুমি খেলাও ?
শঙ্কর । হ্যাঁ ।
৩য় বালক । তুমি লাচো ?
শঙ্কর । হ্যাঁ ।
৪য় বালক । তুমি মোদের আদর ক'রবে ?
শঙ্কর । তোমরা যে আমার ভাই, আদর করবো না ?
বালকগণ । বাঃ বাঃ বাঃ !
শিউলিনী । আর আর, তোরাও তোর চাঁদা দাদার
সঙ্গে চল, আমি ফুলকো বানাবো, তোরাও এক
এক গাল খাবি ।

(বালকগণের গীত)

বাঃ বাঃ বাঃ—নূতন চাঁদা দাদা নিয়ে খেলবো ।
লেচে লেচে বাটে চলবো—ছলবো—হেলবো ॥
খেলবো ছুটাছুটি, খেলবো ধূলানুটি,
খেলবো ঝুলঝাঁপ, খেলবো ভুড়িলাক,
চাঁদাকে কাঁধে লিব, কাঁধে চাপবো ।
চাঁদা দাদা নিয়ে, গাব তালি দিয়ে,
লতার দোলার বঁসে ছলবো ॥

[বালকগণের গান গাহিতে গাহিতে প্রস্থান ।

(জমৈক পণ্ডিতের প্রবেশ)

পণ্ডিত । হেথায় কোথায় নীল জবা, মণ্ডন মিশ্রের
বেগুন আক্কেল—শিউলীগাড়ায় নীল জবা—ছলভ
পুষ্প তাঁর জন্ত এখানে কুটে থাকবে ! জ্বারে !
ওই শিউলী ছোঁড়াগুলো কাকে বেটন ক'রে
নৃত্য ক'ছে ? মুণ্ডিত মস্তক, গৈরিক বস্ত্র
পরিধানে, এ তো দেখছি একজন সন্ন্যাসী বালক,
রহস্তটা কি দেখতে হ'লো ।

[প্রস্থান ।

চতুর্থ গর্ভাক্ষ ।

শঙ্করাচার্যের আশ্রম ।

শঙ্করাচার্য ও সনন্দন ।

সনন্দন । অস্ত্র মণ্ডনের পিতৃশ্রদ্ধ, দ্বারবানেরা কদাচ
প্রবেশ কর্তে দেবে না । সন্ন্যাসী মস্তক মুণ্ডন
পূর্বক নিজের পিণ্ড নিজে দান করে, সে নিমিত্ত
গৃহে শব থাকায় যেক্রম কার্য্য পণ্ড হয়, সন্ন্যাসীর
আগমন সেইরূপ বিঘ্নকর, গৃহস্থের ধারণা । সেই
হেতু পিতৃশ্রদ্ধে সন্ন্যাসীর দ্বারস্থ হওয়ার প্রতি
মণ্ডনের বিশেষ নিষেধ । আর শুশ্রূষা, মণ্ডন
মিশ্র উগ্রস্বভাব । আপনার আগমানে কার্য্য পণ্ড
হ'লে আপনাকে অপমানিত কর্তে পারেন ।

শঙ্কর । বৎস, মহাদেব মহাদেবী দিয়াছেন ভার,
দেবকার্য্য করিব উদ্ধার,
ইথে বিঘ্ন কদাচ না হবে ।
স্নেহময়ী জননী যেমতি
রাধেন সন্তানে বন্ধে করিয়ে ধারণ,
সেইমত জগন্মাতা এ দীন সন্তানে
মহাশক্তি আবরণে রক্ষেন সতত ।
দেবকার্য্যে বিঘ্ন অসম্ভব !
করিয়াছি বিজ্ঞানাত গুরুর প্রসাদে,
যেই বিজ্ঞাবলে
মণ্ডনের গৃহ-পার্শ্বে নারিকেল তরু
করি মোরে মস্তকে ধারণ
মণ্ডন-প্রাঙ্গণ-মাঝে করিবে স্থাপন ।
চিন্তা ত্যাগ কর' মতিমান্,
মহামায়ী প্রসন্ন সন্তানে,—
পুত্র তার কুত্রাপি না পাবে পরাকর ।

পন্নম পণ্ডিতগণ হ'লে সম্মুখীন,
 বিজ্ঞা তার গ্রহামারী করেন হরণ ;
 সেই হেতু সৰ্ব্বত্র বিজয়, মম শক্তি-বলে নয়,
 অজ্ঞের অগণ্ডে আমি মায়ের প্রভাবে ।
 সনন্দন । বুদ্ধিশক্তিহীন এই দীন দাস তব,
 সন্দেহ-ঝটিকা করে আলোড়িত হৃদি ।
 শাস্ত্র-তর্ক হৈল তবে ব্যাসদেব সনে ;
 তাহে মম জন্মেছে ধারণা,
 মীমাংসা সম্ভব নহে তর্ক-বলে কভু ।
 শাস্ত্রজ্ঞান-লাভে তব কিবা প্রয়োজন ?
 প্রত্যেক দর্শনশাস্ত্র ঋষি-বিরচিত,
 কিন্তু দর্শন বিরোধী পরস্পর ;
 এ বিরোধে আকুল অন্তর মম ।
 যদিও চরণাশ্রিত সন্তান তোমার,
 তথাপি সন্দেহ মনে হয় নিরন্তর,
 ব্রহ্মজ্ঞান অর্জন কিরূপে হবে মম,
 প্রত্যক্ষ কিরূপে হবে সত্যের মূর্তি !

শঙ্কর । বৎস, স্থিরচিত্তে করহ শ্রবণ,
 তর্কযুক্তি শক্তিহীন সত্য-নিরূপণে—
 তর্কে তাহা হয় নিরূপিত ;
 তর্ক-বুদ্ধি-নাশ হেতু তর্ক প্রয়োজন
 শুন বৎস,
 যে কারণ হইয়াছে দর্শন রচনা ।
 মানব-কল্যাণ হেতু মহাঋষিগণ,
 যে সময় মানবের অবস্থা যেমন,
 করেছেন উপযোগী দর্শন রচনা ।
 বেদমন্ত্র-বর্জিত কুতর্করত জন—
 নিরাস কারণ, দর্শনের প্রয়োজন ।
 নির্মল হৃদয়ে হয় সত্যের উদয়,
 সত্যমূর্তি নাহি হয় দর্শনে দর্শন ।

সনন্দন । যন্তিৎ ঘূর্ণায়মান দাস অকিঞ্চন,
 বিমল অদ্বৈতপদ্ম বুঝিতে না পারি,
 জ্ঞানদাতা, করো জ্ঞান দান ।

শঙ্কর । বৎস ! অস্তি, ভাতি, প্রিয়—
 এই মহা বাক্যত্রয়ে,—
 সমুদয় বেদার্থ স্থাপিত ।
 বিজ্ঞমান পরব্রহ্ম, নিত্য সপ্রকাশ,
 প্রিয় তিনি,—এই সার জ্ঞান ।
 এই মহা সত্যের আভাস
 যে মুহূর্তে পাইবে হৃদয়ে,

অরুণ-উদয়ে যথা হয় ভ্রমোন্মিশ্র,
 সেইরূপে হবে তব সন্দেহ দূরিত ।
 'ভিত্তিতে হৃদয়গ্রাহিহিত্তিতে * সংশয়াঃ'
 হয় বৎস জ্ঞানের প্রভাব ।
 অস্তি, ভাতি, প্রিয়—মহা আলোক-প্রভাবে
 আলোকিত হয় হৃদিহল ।
 তর্কযুক্তি দার্শনিক মীমাংসা সকল
 স্থান নাহি পায়,
 এক জ্ঞানে বহু জ্ঞান-স্বর ।

সনন্দন । প্রভু ! ব্রহ্ম অস্তি, সপ্রকাশ,
 প্রিয় বস্তু সেই,—
 তিনি আমি দ্বৈত বোধ, অদ্বৈত কিরূপে ?
 এক জ্ঞান জন্মিবে কেমনে—
 তিনি আমি ভেদ বস্তু-জ্ঞানে ?

শঙ্কর । ধীরভাবে কর বৎস, মন সন্নিবেশ,
 আমি হ'তে প্রিয় আর কি আছে আমার ?
 পুত্র পরিবার—প্রিয় বস্তু যা আছে সংসারে,
 প্রিয় তাহা আমার বলিয়ে ।
 ব্রহ্মবস্তু প্রিয় মম আমার সমান,
 জন্মিলে এ জ্ঞান—
 আমি তিনি ভেদ নাহি রহে,
 প্রিয় জ্ঞানে এক জ্ঞান জন্মে ব্রহ্ম সনে ।
 এই প্রিয় জ্ঞানে ক্ষুদ্র অহম্ বিনাশ,
 ক্ষুদ্র ত্যজিয়া হয় অসৌম অহম্ ।
 ব্রহ্মজ্ঞানে বিলুপ্ত অহম্,
 উদয় সোহং-ভাব অহং-বর্জনে !
 মনোবুদ্ধি অহঙ্কার লয় সমুদয়,
 আত্মজ্ঞানে অবস্থান ক্ষুদ্রাহং-করে ।
 সাধন-সাপেক্ষ এই মহা জ্ঞানার্জন,
 সাধন-নিবৃত্তি,—তেঁই সন্ন্যাস-গ্রহণ ।

সনন্দন । নিবৃত্তি সাধন যদি এই জ্ঞানার্জনে,
 তবে কেন আমি সবে দেন কার্য্যভার ?
 কি হেতু বা কার্য্যভার করেন গ্রহণ ?
 মগনের সনে বাদ কিবা প্রয়োজন ?

শঙ্কর । দেহধারী মাত্র বৎস মারার অধীন ।
 মাত্রা, কার্য্যে নিয়োগ করিছে নিরন্তর ।
 সদস্য কার্য্য বিপ্রকার ।
 অসৎ কার্য্যেতে জ্ঞান করে আবরিত,
 কার্য্য কর হয় সৎকার্য্য অকুঠানে ।
 সর্বশ্রেষ্ঠ কার্য্য বিজ্ঞান,

যে কার্য্য-প্রভাবে,
অবিজ্ঞা-বিনাশে হয় মহা বিজ্ঞান ।
রহ সবে আত্মবন্দ একজ্ঞ আশ্রমে,
চিন্তা কর দূর—
করিবে মগুন মম শিষ্য গ্রহণ।

[উভয়ের প্রস্থান।

পঞ্চম গর্তাঙ্ক।

পথ।

উগ্রভৈরব ও গণপতি।

গণপতি। দোখো গুরুজি, তোমার জন্তে যে
প্রকৃতি বাগিয়ে রেখেছি, যদি তুমি হাত করতে
পার।

উগ্র। কোথায়—কোথায়?

গণ। দেখ গুরুজি, দেখলেই তোমার মুণ্ড ঘুরে
যাবে।

উগ্র। বটে বটে—কোথায় বল দেখি?

গণ। এই সহরেই বেড়াতে দেখেছি, সে এলো
ব'লে।

উগ্র। তবে কোন সামান্য বনিতা।

গণ। না গুরুজি—না, পিরীতবাজ—পিরীতের
জন্তে মরা। মনের মানুষ পায় না ব'লে কেঁদে
বেড়ায়।

উগ্র। তবে যোগাড় করো বাবা—যোগাড় করো।

গণ। যোগাড় কি আমার কৰ্ম্ম গুরুজি? তা
হ'লে তো আমি বাগিয়ে নিতুম। বাগিয়ে
তোমার নিতে হবে।

উগ্র। তার কিছু আছে টাছে?

গণ। আছে না আছে, কেমন ক'রে জানবো
গুরুজি? অষ্টালঙ্কার-ভূষিতা! সে দিন গজ-
গমনে আমার সামনে ঝন্-ঝন্ ক'রে চ'লে গেল,
আমি হুন্ডি ধয়ে পড়তে সামলে গিয়েছি।
(অদূরে মহামারাকে দেখিয়া) ঐ—ঐ—

উগ্র। আহা হা! দেখ শিষ্য, আমি একটি ফুল
পড়ে দেবো, তুমি যোগাড় ক'রে ঐ ফুলটি ওর
নাকের গোড়ায় ধরতে চাও।

গণ। সে খুব সোজা, এ দিকে খুব মোলায়েম
মেরেমানুষ।

উগ্র। তুই আলাপ করেছিস না কি—তুই আলাপ
ক'রেছিস না কি?

গণ। খুব আলাপী—ইয়ার মেরেমানুষ, আমার সঙ্গে
যেচে আলাপ করেছে।

(অবিজ্ঞানপিনী মহামারার প্রবেশ)

মহা। কি হে ছোকরা—কি দেখছ?

গণ। গুরুজি, এগোও, পান্না দাও।

মহা। উনি-তোমার কে? গুরুজী না কি? এগিয়ে
আসুন না।

উগ্র। এগিয়েই তো আছি—এগিয়েই তো আছি,
এই তোমার প্রতীক্ষার দাঁড়িয়ে আছি।

মহা। আমিও তোমার জন্তে ঘুরে ঘুরে বেড়াচ্ছি।
তোমার মতন লোক পেলে আমি প্রেম ক'রে
প্রাণ ঠাণ্ডা করি।

গণ। তা দেখ মেরেমানুষ, আমার গুরুজী খুব
রসিক।

মহা। শুধু রসিকের কৰ্ম্ম নয়, আমার একটি কাজ
করতে হবে।

উগ্র। কি হুকুম করো—কি হুকুম করো?

মহা। দেখ, মনের কথা তোমায় খুলে বলি, আমি
বড় ছুখিনী।

উগ্র। তোমার কিসের ছুখ, কি করতে হবে,
'হুকুম করো?

মহা। আমি শত্রুর জালায় অস্থির হয়েছি, আমার
বিস্তৃত রাজ্য, হঠাৎ শত্রু উপস্থিত হয়ে বুঝি
আমার রাজ্য কেড়ে নেয়।

উগ্র। বল না বল না—কথাটা কি বল না?

মহা। আমি সত্যই বলেছি। আমার শত্রু প্রবল
হয়ে দিন দিন আমার রাজ্যচ্যুত করছে, তাই
তোমার আশ্রয় নিতে এসেছি।

উগ্র। কি তোমার যৌবনরাজ্য না কি?

মহা। হ্যা—ধন-জন-যৌবন-সৌভাগ্য—সমস্তই
আমার অধিকারে।

উগ্র। এঁ্যা!

মহা। তুমি মিথ্যা বিবেচনা ক'রো না, এই আমার
অলঙ্কার দেখ,—এ বহুমূল্য তোমার মনে হয়
কি? আর তুমি কি চাও আমার বলো—আমি
এখনি তোমায় দেবো।

গণ । (জনান্তিকে) গুরুজি, কিছু টাকা আদায়
করো না ?

মহা । কি—টাকা চাও ? নাও—এই এক থলে
মোহর নাও, আমার যা কিছু আছে, সব তোমার
দিতে প্রস্তুত, যদি তুমি স্বীকার পাও—আমার
তুমি প্রাণ দেবে ।

গণ । (জনান্তিকে) গুরুজি, দিয়ে ফেলো—দিয়ে
ফেলো ।

উগ্র । চূপ কর না বেটা, রসের কথা হচ্ছে । (মহা-
মায়ার প্রতি) হ্যাঁ, তোমায় দিলুম, কায়মনপ্রাণ
তোমায় দিলুম ।

মহা । অমন না—চন্দ্র-সূর্য্য সাক্ষী ক'রে বলো, যে,
তুমি আমার ।

উগ্র । (স্বগত) কি বলে বেটা !

গণ । (জনান্তিকে) গুরুজি, ধোঁকা খাচ্ছ কেন ? ব'লে
ফেলো না ।

মহা । তুমি পেছছো, আমি চল্লুম । আমি আর
এক জায়গায় মনের মতন লোক দেখে নিই গে ।

উগ্র । না না—পেছোবো কেন—পেছোবো কেন,
কায়মনোবাক্যে আমি তোমার ।

মহা । তবে আমার শত্রু দমন করো । আমার প্রধান
শত্রু শঙ্করাচার্য্য ।

গণ । কেন—কেন—তিনি তোমার শত্রু কিসে ?

মহা । তুমি ছেলেমানুষ—তুমি কি বুঝবে ? ওই
শঙ্করাচার্য্য-সহায়ে আমার শত্রু মাথা কাড়া
দিয়েছে, নইলে কোথা তারে এক কোণে
ঠেলে রেখে দিয়েছিলুম । এত দিন শঙ্করাচার্য্য
না হ'লে হয় তো সে মারা পড়তো ।

উগ্র । কে সে ?

মহা । সে আমার ভগ্নী । এক মায়ের পেটে আমরা
যমজ সন্তান । ঠিক আমার মতনই দেখতে,—
আমার ঐশ্বর্য্য আছে, তার বিনা ঐশ্বর্য্যতেই
ঐশ্বর্য্য ; আমার শক্তি আছে, তার বিনা শক্তিতেই
শক্তি ; আমার ভোগ আছে, তার বিনা ভোগেই
আনন্দ !

উগ্র । আচ্ছা, তোমার এত ঐশ্বর্য্য, তুমি তারে দমন
করতে পারো না ?

মহা । না—সে দুর্দম । তারে দমন করতে যদি পারে
—সে একজন, বোধ হয় তুমি ।

উগ্র । কিসে জানলে ?

[৫]

মহা । আমার দেখছ—সুন্দরী, কিন্তু আমি তোমা
মার চেয়ে বড় ; তুমি আমার সঙ্গে প্রেম করবে
আসছ ।

উগ্র । ও শাস্ত্রে আছে, রমণী জননী—জননী রমণী
মহা । এইতেই তুমি আমার প্রাণের অধিক । তুঁ
শঙ্করাচার্য্যকে রধ করো, তোমার এই শাস্ত্র জগতে
প্রচার করো ; তা'হলেই আমার শত্রু-দমন হবে
উগ্র । আমিও তো তাই খুঁজছি—আমিও তো তা
খুঁজছি । শঙ্করাচার্য্যকে বলি দিলে আমি তে
অষ্টসিদ্ধি লাভ করি ।

মহা । দেখ, তুমি আমার শ্রিয় সন্তান ।

গণ । (জনান্তিকে) ও গুরুজি, এ যে বেয়াড়া বাকি
ঝাড়ে ?

উগ্র । তুঁই কি বুঝবি ছোঁড়া, ও খুব রসিকা ।

গণ । এরা আবার ঝন্ ঝন্ ক'রে কারা আসছে গো ।
মহা । ওরা আমার সখী, বুঝেছ ? যখন তুমি আমায়
হলে, তোমার সঙ্গে সঙ্গে আমরা থাকবো ।

(অবিভা-সহচরীগণের প্রবেশ)

(গীত)

হেসে হেসে কাছে ব'সে মনমোহিনী মন মজাই ।
যে রসে যে জন রসে, সে রসে তারে ভোলাই ॥
কার প্রেমিকা নারী, কার' করে দিই তরবারি,
মানের কানে কেউ জটাধারী ;

কাঞ্চনে বা সিংহাসনে, ভুলিয়ে আনি প্রাণের টানে,
পায় বা না পায় সাধের ফেরে, আশা ধ'রে পায়ে ফেরে,
বুঝে না বুঝতে পারে, ধরতে সোনা ধরে ছাই ॥

[মহামায়া ও তৎসহচরীগণের প্রস্থান ।

উগ্র । নিদ্রয় হয়ে চ'লে যাচ্ছ যে—নিদ্রয় হয়ে চ'লে
যাচ্ছ যে ?

[উগ্রভৈরব ও গণপতির পশ্চাৎ পশ্চাৎ প্রস্থান ।

ষষ্ঠ গর্তাঙ্ক ।

মণ্ডন মিশ্রের কক্ষ ।

পিতৃপ্রাক্কোত্তর মণ্ডনমিশ্র ও পুরোহিত ।

(সহসা নতশির নারিকেলবৃক্ষ হইতে মুণ্ডিতমস্তক ও
কহাধারী শঙ্করাচার্য্যের অবতরণ)

মণ্ডন । এ কি বিষ ! আরে অম্পৃশ্য শবদেহ-স্বরূপ
কার্য্যহস্তা মুণ্ডিতমস্তক কোথা হ'তে !

শঙ্কর। আপনার তো চক্ষু আছে, দেখছেন—এই মুণ্ডিত মস্তক গলদেশ হতেই উঠেছে।

মণ্ডন। আরে গর্দভ, শিখা-ধারণ যজ্ঞোপবীত ধারণ তোমার ভার হয়েছে, তাই ত্যাগ করেছ; কিন্তু দেখছি, গর্দভের তায় কন্যাবহন করতে পটু।

শঙ্কর। কিন্তু তোমাদের পুরুষানুক্রমে ঋতির নিবৃত্তি-মার্গ ভার বোধ হয়ে আসছে। গর্দভ যেরূপ কেবল অন্নযষ্টি-বহনে অক্ষম, সেইরূপ নিবৃত্তি-মার্গ তোমাদের বংশে অসহ; সেই নির্মিত্ত নারী-সেবার জন্তু কর্ম্মী গৃহস্থ ভাণে শিখা ও যজ্ঞোপবীত ইন্দ্রিয়পরতার আবরণ করেছ।

মণ্ডন। হ্যাঁ হ্যাঁ, বোঝা গেছে বোঝা গেছে,—জীর ভরণপোষণে অক্ষম হয়ে তাকে পরিত্যাগ ক'রে এসেছ। এ দিকে শিষ্য করেছ, পুঁথির ভার বহন ক'রে লোককে ব্রহ্মনিষ্ঠা দেখাচ্ছ।

শঙ্কর। আর তোমারও কর্ম্মনিষ্ঠা কর্ম্মকাণ্ড বুঝতে আমার কিছু বাকী নাই। ব্রহ্মচর্য্য পরিত্যাগ ক'রে গুরুসেবার অলস হয়ে জীর সেবা করতে এসেছ; আর মধ্যে মধ্যে কিঞ্চিং ঘৃত দাহন ক'রে কর্ম্মবীর নামে আপনাকে প্রচার কচ্ছ।

মণ্ডন। আরে কৃতব্র্ম মুর্থ, জীলোকের গর্ভে বাস করেছিল, জীলোকের দ্বারা পালিত হয়েছিল, আবার সেই জীলোকের নিন্দা কচ্ছিস? অকৃতজ্ঞ পামর!

শঙ্কর। আর তুমি পণ্ডিত! জীলোকের স্তনপান করেছ, জীলোকের গর্ভে জন্মেছ, আবার জীলোককে ভাষ্যরূপে গ্রহণ ক'রে ইন্দ্রিয়লালসা তৃপ্ত কচ্ছ।

মণ্ডন। তুই ব্রাহ্মণ হয়ে অগ্নি ত্যাগ করেছিল, শাস্ত্রমতে এতে ইন্দ্রহত্যার পাতক হয়, তা জানিস?

শঙ্কর। আমি ইন্দ্রহত্যার পাতকী হ'তে পারি, কিন্তু আত্মহত্যা অপেক্ষা মহাপাপ আর শাস্ত্রে নাই। তুমি ব্রহ্মজ্ঞান-লাভের চেষ্টা না ক'রে আত্মনাশে প্রবৃত্ত হয়েছ, তুমি আত্মঘাতী। যে আত্মঘাতী, তার অহর্য্যভমোহর লোকে বাস হয়।

মণ্ডন। তুই চোর, তুই দারবানদের প্রতারিত ক'রে চোরের তায় এ স্থানে প্রবেশ করেছিল।

শঙ্কর। গৃহস্থের অঙ্গে ভিক্ষুকের অংশ আছে। তুমি ভিক্ষুকে বঞ্চিত করবার জন্য গৃহস্থার

আবদ্ধ রাখো এবং চোরের তায় সেই ভিক্ষুকের অংশ ভক্ষণ করো।

মণ্ডন। দূর হোক—ইনি আবার ব্রহ্মবিৎ সেজে-ছেন! কোথায় ব্রহ্ম আর কোথায় তোমার মত মুর্থ! কোথায় সন্ন্যাস আর কোথায় কলি। পরিপাটী ভোজন ক'রে বেড়াবে ব'লে সন্ন্যাসী সেজেছ!

শঙ্কর। কোথায় স্বর্গ আর কোথায় তোমার মত ছুরাচার; কোথায় অগ্নিহোত্র যজ্ঞ আর কোথায় ঘোর কলিকাল; তুমি নারীর সহিত বিহার করবার জন্তে কর্ম্মীর ভাণ করেছ।

পুরোহিত। বৎস মণ্ডন, আমি তোমার পুরোহিত, তোমার হিতার্থে বলছি, ইনি যতিবেশধারী তোমার গৃহে আগত, এ তেকের সম্মান নৃপতি হ'তে সামান্য ব্যক্তিরও করা কর্তব্য। ইনি কপট ব্যক্তি হ'তে পারেন, কিন্তু ইনি যিনিই হোন, পিতৃশ্রদ্ধের দিনে সমাদরে ভিক্ষা-গ্রহণের জন্তু তোমার অমুরোধ করা উচিত; এরূপ কটুত্তর করা উচিত নয়। দেখ, তুমি ক্রুদ্ধ হয়েছ, কিন্তু এই বালক সন্ন্যাসী—পরিহাসচ্ছলে তোমার কথার উত্তর প্রদান ক'রেন, তিলমাত্র বিচলিত নন। তুমি স্তবোধ, ক্রোধ পরিহার ক'রে এঁর অভ্যর্থনা করো। আমার অমুমান হয়, ইনি সামান্য ব্যক্তি নন, এঁর ব্যঙ্গপরিহাসও শাস্ত্রসঙ্গত; এতে বোধ হয়, ইনি শাস্ত্রজ্ঞ।

মণ্ডন। ব্রাহ্মণ, আপনি যথার্থ আজ্ঞা করেছেন। (শঙ্করাচার্য্যের প্রতি) হে যতি, অল্প আমার গৃহে ভিক্ষা গ্রহণ করুন।

শঙ্কর। পণ্ডিতপ্রবর, আমি সামান্য ভিক্ষার জন্তু আপনার নিকট আগত নই, আমি সদ্ভিক্ষার কামনার সমাগত। আমার সহিত তর্কে প্রবৃত্ত হোন, এই আমার প্রার্থনা। কর্ম্মকাণ্ড আপনার প্রিয়, কিন্তু বেদান্তসিদ্ধান্ত আমার জীবন। আমার বাচ্ছা, তর্কে পরাজিত ক'রে আমার কর্ম্মকাণ্ডে লিপ্ত করুন; আর আপনি যদি পরাজিত হন—আমার ব্রহ্মাট্টমত আশ্রয় করুন। পণ্ডিতবর, বিচারে প্রবৃত্ত হোন, নচেৎ আমার নিকট আপনি পরাজিত—স্বীকার করুন, আমি প্রত্যাবর্তন করি।

মণ্ডন। যতিবর, অমুমান হয়, আপনি সম্মতি এ

প্রদেশে আগত । যদি অনন্তদেব, কণাদ, গৌতম প্রভৃতি আমার সহিত বাদাম্ববাদে ইচ্ছুক হন, আমি পরাজিত, এরূপ বাক্য কখনও আমার মুখ হ'তে নিঃসৃত হবে না । আমি উপযুক্ত তর্কিক, চিরদিনই তর্ক করি । সামান্য ব্যক্তির সহিত তর্কে আমার তৃপ্তি জন্মে না । যোগ্য পণ্ডিত উপস্থিত হ'লে প্রকৃত বেদমার্গ কি, তা প্রতিষ্ঠিত করবার নিমিত্ত আমি সর্বদাই ব্যাকুল । মধ্যস্থ স্থির করুন,—আমি বিবাদে প্রস্তুত ।

শঙ্কর । পণ্ডিতবর, এক নিবেদন, বিবাদে যার পরাজয় হবে, তিনি নিজ মত পরিত্যাগ ক'রে বাদীর মত গ্রহণ করবেন । যদি আমি পরাজিত হই, আমি সন্ন্যাস আশ্রম পরিত্যাগপূর্ব্বক শিখা ও যজ্ঞোপবীত পুনর্ব্বার ধারণ ক'রে আপনার ত্রায় গৃহস্থাশ্রম গ্রহণ করবো । আর যদি আপনি পরাজিত হন, শিখামুণ্ডনপূর্ব্বক আমার নিকট সন্ন্যাস-আশ্রম গ্রহণ করবেন । যে ব্যক্তি পরাজিত হবেন, তিনি অপরের শিষ্যত্ব-গ্রহণে কুণ্ঠিত হবেন না, এরূপ পণ করতে আপনি প্রস্তুত ?

মণ্ডন । নিশ্চয় । আপনি বালক, অনভিজ্ঞতাবশতঃ কলিতে নিষিদ্ধ সন্ন্যাসধর্ম্ম অবলম্বন করেছেন । আপনি মেধাবী দেখছি, আপনাকে সংসারী করতে পারলে সমাজের হিতসাধন করা হবে । কারে মধ্যস্থ স্থির করবেন, বিবেচনা করেছেন ?

শঙ্কর । আপনার গৃহিণী ।

মণ্ডন । উত্তম—উত্তম । আপনি তবে আমার গৃহিণীর গুণব্যাখ্যা শ্রুত আছেন ?

শঙ্কর । ইয়া—তিনি সাক্ষাৎ সরস্বতী, আমার এই-রূপ ধারণা ।

মণ্ডন । বিচারের দিন স্থির করুন ।

শঙ্কর । আমি সর্বদাই বিচারের জন্ত প্রস্তুত, যদি আপনার অভিমত হয়, কলাই বিচার আরম্ভ হোক ।

মণ্ডন । উত্তম । আসুন—অন্ত রূপা ক'রে ভিক্ষা গ্রহণ করুন ।

[শঙ্করাচার্য্য ও মণ্ডন মিশ্রের প্রস্থান ।

পুরোহিত । এ কি, এই কি শঙ্করাচার্য্য ? শুনেছি, শঙ্করাচার্য্য স্বয়ং ব্রহ্মাকে পরাজয় করতে সক্ষম । কে জানে বিচারের ফল কিরূপ হয় ।

[প্রস্থান ।

সপ্তম গর্ভাক ।

বনপথ ।

(দুই জন পণ্ডিতের প্রবেশ)

১ম পণ্ডিত । আর কোথায় যাচ্—কি দেখবে ? মণ্ডনের গলদেশের মালা শুক প্রায় ! মণ্ডন নিশ্চয় পরাজিত হবে ।

২য় পণ্ডিত । মালা শুক প্রায় কি ?

১ম পণ্ডিত । মণ্ডনের গৃহিণী উভয়ভারতী মধ্যস্থ নিযুক্ত হন । তিনি সুযোগ্য মধ্যস্থই বটেন । মণ্ডনের জ্যৈ বলেন যে, এক পক্ষে তেজঃপূঞ্জ যতি—নারায়ণস্বরূপ, আর অপরপক্ষে স্বামী—সতী জ্যৈর সাক্ষাৎ নারায়ণ । এইজন্ত কার জয় কার পরাজয়—তিনি মুখে প্রকাশ করতে অসম্মত । যতির গলায় একটি মালা প্রদান করেছেন, স্বামীর গলায় অপর একটি প্রদান করেছেন । যার গলদেশের মালা অগ্রে শুক হবে, তিনিই পরাজিত প্রতিপন্ন হবেন । আমি মণ্ডনের গলদেশের মালা শুক প্রায় দেখে এসেছি । দেখছি সর্বনাশ হ'লো, লজ্জা রাখবার আর স্থান নাই, একজন বালক এসে সমস্ত প্রদেশ জয় ক'রে যাবে, এ অতি অসহ ! বিশেষ মণ্ডনের পরাজয়ে কর্ম্মকাণ্ড প্রতিষ্ঠিত হবে ; তা হ'লে আর আমাদের সম্মান কোথায় থাকবে ?

২য় পণ্ডিত । চ'লে এলেন কেন ? চলুন না, দেখা যাক—শেষ কি হয় ।

১ম পণ্ডিত । শেষ যা, তা আমি বুঝেই এসেছি । দুর্দ্দম বালক—বোধ হয় যেন স্বয়ং জৈমিনিকে পরাস্ত করতে পারে ।

২য় পণ্ডিত । তবে কি উপায় ?

১ম । দেখি কি উপায় করতে পারি । যদি কোন-রূপে ওর শরীরে পাপ প্রবেশ করে, তা হ'লে বিভ্রান্ত হ'বে । যাতে গুরু-অপমান-জনিত মহাপাপে লিপ্ত হয়, তারই চেষ্টায় এসেছি ।

২য় পণ্ডিত । আপনি এ যতির বিভ্রান্তি বেক্রপ বর্ণনা করছেন, তাতে এরূপ মহাপাপে লিপ্ত হবার তো কোন সম্ভাবনা নাই ।

১ম পণ্ডিত । আছে ।

(শিউলী ও শিউলিনীর প্রবেশ)

শিউলিনী। আরে মিসেস, এখানে তো চাঁদাকে দেখছি নি, তবে কোন্ বিগে গেল রে? তোকে বল, আমি ফুলকো বানাচ্ছি, তুই বাছার সঙ্গে যা। তুই গেলি নি—তুই নড়তে লাড়লি।

১ম পণ্ডিত। আরে, তুই কাকে খুঁজছিস?

শিউলিনী। আনার চাঁদাকে খুঁজছি। হ্যাঁ বাবাঠাকুর, ছেলে বুদ্ধিতে কোন্ বিগে গিয়েছে, বলতে পার?

১ম পণ্ডিত। (২য় পণ্ডিতের প্রতি জনান্তিকে) কাকে খুঁজছে জান?—শঙ্করাচার্যকে। (শিউলিনীর প্রতি) চাঁদা তোর কে? তারে খুঁজছিস কেন?

শিউলিনী। বাবাঠাকুর, সে আমার বাপ্পন, আমার পরাণের পরাণ, সে চাঁদমুণ্ডে আমার মা বলেছে গো, আমার পরাণ জুড়িয়ে গেছে! আমি তার অন্ন মৌর ফুলকো বানিয়েছি, সে খায় নি গো, আমার পরাণ কং কং কচ্ছে!

২য় পণ্ডিত। সে তোর ছেলে নাকি?

শিউলিনী। হে গো, সে আমার চাঁদমুণ্ডে মা বলেছে, আমার বুক-জুড়োনো চাঁদা!

শিউলী। বাবাঠাকুর, আমি ছুঁকেই রস দেবো, আমার চাঁদা কোথায় ব'লে দাও।

শিউলিনী। অরে চাঁদা রে চাঁদা—খেসে আয়, খেয়ে তবে খেলাতে যাবি।

১ম পণ্ডিত। তোর চাঁদা তো হেথায় নাই।

শিউলী। তবে কোন্ বিগে গেল বাবাঠাকুর—কোন্ বিগে :গেল? ছেলে বুদ্ধি গো—বাবার খাওয়া নাওয়া মনে থাকে নি।]*

১ম পণ্ডিত। তোরা আমার সঙ্গে আয়, তোদের চাঁদাকে দেখিয়ে দিই গে।

শিউলিনী। চলো বাবাঠাকুর—চলো। মিসেস তোমায় ছুঁকেই রস দেবে। আমি তার চাঁদমুণ্ডে ছুঁখানা ফুলকো তুলে দিয়ে পরাণটা জুড়োব।

১ম পণ্ডিত। আয়। (স্বগত) শঙ্করাচার্য, এইবার তোমায় বুঝে নেবো!

২য় পণ্ডিত। (জনান্তিকে) এ আবার কি কচ্চ? এদের নিয়ে কোথায় যাবে?

১ম পণ্ডিত। চল না, তোমায় বলছি।

[সকলের প্রস্থান।

অষ্টম গর্তাক।

* মণ্ডন মিশ্রের বাটীর বিচার-মণ্ডপ।

মণ্ডন মিশ্র, শঙ্করাচার্য ও পণ্ডিতগণ এবং কাণ্ডার-অভ্যন্তরে উভয়ভারতী।

মণ্ডন। মালা শুধু কণ্ঠে মম প্রত্যক্ষ নেহারি,

পরাজয় বুঝিয়াছি অন্তরে অন্তরে।

তর্কশাস্ত্র-সিদ্ধ তুমি বেদজ্ঞ পণ্ডিত,

প্রতি ছত্রে যুক্তি মম করেছ নিরাস,

অংশে অংশে করি মম তর্ক-বিশ্লেষণ।

মহাশয়, জেনেছি নিশ্চয়,

সামান্য মানব তুমি নও ;

মান হত, দম্ব বিচূর্ণিত

প্রভাবে তোমার যতীশ্বর।

শঙ্কর। কহি আমি সভাস্থলে হে পণ্ডিতবর!

তর্ক-বুদ্ধি-শক্তি তব অতীব প্রথর,

বিজ্ঞাবুদ্ধি শাস্ত্রজ্ঞানে অদ্বিতীয় তুমি।

পণ্ডিতসমাজ-মাঝে কহি সত্যবাণী,

পরাজিত নহ কোন মতে ;

তর্ক-যুদ্ধে জিনে তোমা নাহিক ভুবনে।

কিন্তু —

মম সনে তর্কযুদ্ধে বাক্ বিজড়িত ;

বুঝ চিতে পণ্ডিতপ্রবর,

তর্ক-বুদ্ধি—বুদ্ধি-শক্তিবলে,

জ্ঞান মাত্র হৃদয়ের ধন!

জ্ঞান—দীপ্ত নহে কদাচন,

বৈরাগ্য না করিলে আশ্রয়।

বুদ্ধিবলে বুদ্ধি পরাজয়—

নিত্য হের শত শত হয় ;

কিন্তু জেনো বৈরাগ্যের অমোঘ প্রতাপ।

হৃদি-মাঝে ধরে যে বিষয়-অমুরাগ,

তর্কযুক্তি বলে চাহে করিতে স্থাপন ;

শ্রেয় মাত্র বিষয়-অর্জন।

স্বার্থ তারে করে প্রতারণা—

যাগ-যজ্ঞে মতি স্বর্গস্থলের কামনা ;

যুক্তি-তত্ত্বে অন্ধ দৃষ্টি তার।

বিবেক আশ্রয়ে হয় স্বার্থ বিদূরিত,

করে সত্য প্রত্যক্ষ অন্তরে।

যুক্তি-বলে প্রত্যক্ষ না হয় পরাজয়!

বৈরাগ্যে বিজিত তব তর্ক-যুক্তি-বল ।
প্রতিশ্রুত ছিলাম দুজনে—
পরাজয় হইবে বাহার,
সে করিবে গ্রহণ আশ্রম অপরের ।
মান, যদি পরাজয় হইয়াছে তব,
পণে তুমি বাধ্য মম আশ্রম-গ্রহণে ।
কিন্তু পণে মুক্ত করি তোমা সবার সম্মুখে ।

মণ্ডন । যতিবর !

হীনজ্ঞান কোন্ হেতু করহ আমায় ?
পণে মুক্ত কর যদি তুমি,
কেন তাহা করিব গ্রহণ ?
নিরাস করেছ, আমি বদ্ধ আছি পণে,
এখনি প্রস্তুত তব আশ্রম-গ্রহণে ।

শঙ্কর । হে পণ্ডিতবর !

স্বার্থের প্রভাব জেনো এতই প্রবল,
পরাজয়ে অভিমান নহে বিদূরিত ;
অভিমানে পণে মুক্ত না কর গ্রহণ ;
কিন্তু জেনো—মম আশ্রম অভিমানহীন !
অভিমানহীন বিনা নাহিক কাহার
সার পস্থা—সন্ন্যাস-গ্রহণ-অধিকার !

মণ্ডন । যতীশ্বর, রুষ্ট নাহি হও মম ভাষে ।

দম্ভ-অভিমান-পূর্ণ নেহারি তোমায় ;
দম্ভে মোরে ধ্বংস কর ত্রাণ,
অভিমানে মম সনে তর্কে বাদী তুমি,
অভিমানে সর্বস্থানে করহ ভ্রমণ,
শিক্ষাদান অভিমান রয়েছে নিশ্চয় ।

শঙ্কর । যত্বপি জানিতে তুমি অভিমান কিবা,

অভিমান হৃদে স্থান না পাইত আর ।
ঈশ্বর-প্রসাদে—

তুমি আমি সমজ্ঞান জন্মেছে আমার ।
ব্যথা পাই হেরি যথা অজ্ঞান-তিমির,
যাই তথা ঘোর তম হরণ কারণ ।
সেই হেতু তব সনে হৃদ প্রয়োজন ।
স্থিরচিত্তে শুন যতিমান,
জ্ঞানবস্তুর নথর জানহ সপ্রমাণ ।

কর্মজন্ম স্বর্গলাভ নথর নিশ্চয় ।
কোটিকল্প স্বর্গভোগে তাহে কিবা ফল !
কোটিকল্প অন্তে যদি ভোগ শেষ হয়,
ছঃখ পুনশ্চয়—

পুনরায় কার্য্য-প্রবর্তনা ;

স্বর্গলাভ স্বর্গক্ষয় পুনঃ পুনঃ হয়—
ভাসে জীব অশান্ত এ স্রোতের প্রভাবে ।

কিন্তু জ্ঞানদীপ্তি পাইলে হৃদয়ে,
যেই জ্ঞান আবরিত মায়া প্রভাবে,
স্ব-স্বরূপ পায় দরশন,
লভে তায় —

নিত্যানন্দ অনন্তে বিশ্রাম ।

হেন শান্তি চাহে যদি প্রাণ,
কর মম আশ্রম গ্রহণ ।
অন্তে নাহি জানে, বোঝে যার প্রাণে,
বোঝে মাত্র সেই জন ।

অবিবেকী জন,
স্বার্থ তারে করে প্ররোচন
নির্বাণ মরণ সম ।

কিন্তু যেই ত্রিতাপ-দহনে
বুঝিয়াছে মনে
শান্তিলাভ বিনা নাহি যন্ত্রণা যুচিবে,
সেই এই মহা-পস্থা ল'বে ।

যদি ত্রিতাপ-জ্বালায়
প্রাণ তব চায় —

কর বিবেক আশ্রয় ।
স্বার্থ হবে ক্ষয়,
আবরিত জ্ঞান-জ্যোতি হবে উদ্ভাসিত,
শান্তি দেবী বসিবেন হৃদয়ে তোমার ।

মণ্ডন । গুরু—কল্পতরু ।

অহেতুকী কৃপার আধার !

এত কৃপা সন্তানে তোমার ?

মহাকষ্ট করি অঙ্গীকার,

সহি তিরস্কার,

এসেছ মঙ্গলদাতা মঙ্গল-প্রদানে !

চল দেব, দাসে লয়ে শান্তিময় স্থানে ।

২য় পণ্ডিত । মিশ্র ! তুমি কুহকীর কুহকে কেন
মুগ্ধ হচ্চ ? অনাচারী ভক্ত সন্ন্যাসী ভোগবিভ্রা-
বলে তোমায় পরাজয় করেছে । এখনি প্রত্যক্ষ
দেখবে—ও সামান্ত ব্যক্তি ।

মণ্ডন । হাঁ, কুহকী বটেন । যার কুহকে ভুবন মুগ্ধ,
সেই কুহকী ! আর সামান্ত কি বলছেন, সামান্ত
হ'তেও সামান্ত ;—নচেৎ আমার জ্ঞান হীনের
দ্বারে উনি প্রার্থী হন ? (শঙ্করাচার্য্যের প্রতি)
প্রভু, কৃপা ক'রে অদ্বৈত-জ্ঞান দান করুন ।

শঙ্কর। বৎস, এ জ্ঞান বিকাশের পূর্বে একটি কার্য্যাহুষ্ঠানের প্রয়োজন। সে কার্য্য কাহারও নিকট অতি সহজসাধ্য, কাহারও পক্ষে অতি কঠিন। কার্য্য—গুরুবাক্যে বিশ্বাস। তত্ত্বমসি বাক্য, গুরুবাক্যে মহাবিশ্বাস ব্যতীত কদাচ ধারণা হয় না। জেনো, ভব-সংসারে গুরুই একমাত্র সার বস্তু। জ্ঞানদাতা, মুক্তিদাতা, পরমৈশ্বর্য্যদাতা—গুরু ব্যতীত আর কেহই নাই। গুরুবাক্যে উপলব্ধি হয় যে, আমি মুক্ত, বদ্ধ নই। আমি বদ্ধ, এ কল্পনামাত্র; মুক্ত অবস্থাই আমার স্বরূপ অবস্থা। গুরুবাক্যে এই পরম অবস্থা-দর্শন হয়। মানবের চিত্তার্থে মায়াদ্বীপে জীবন, নিজমায়ার নরদেহ ধারণপূর্ব্বক গুরুভাবে সংসারে বিচরণ করেন। অদ্বৈত-জ্ঞান-বিকাশের একমাত্র উপায় গুরুবাক্যে বিশ্বাস। অদ্বৈত-জ্ঞান-বিকাশের পর গুরু অন্তর্হিত হন। ভ্রম মোচন করা গুরুর কার্য্য। সেই কার্য্যাবসানে নিত্য সত্য নিরঞ্জন গুরুদেব তাঁর স্ব-স্বরূপে অবস্থান করেন। শিষ্যও তখন দ্বৈত অবস্থা পরিত্যাগ ক’রে স্বরূপ-দর্শনে অদ্বৈত-তত্ত্ব উপলব্ধি করে।

(শিউলী ও শিউলিনীকে লইয়া প্রথম পণ্ডিতের প্রবেশ)

১ম পণ্ডিত। আরে মাগী, এই দেখ না, তোর চাঁদা ব’সে আছে।

শিউলী। হই যে—সব টিকিবাজ ভট্টাজ দেখছি না! তা দেখ ঠাকুর, আমার বড় কিছু নেই, আমার কাছে কিছু পাবে নি; তবে রসের কেঁড়েটা, ডেলের হাঁড়টে আর মোঁওর রুটী কব্বার চিমটেটা; আর দেখছো তো—পাতা শিয়োনো কাপড় পরনে! জোয়ান বউ-বিটাও নেই যে, তোমাদের পূজো কর্তে দেবো। তা উধানকে আর ক্যানে লিয়ে যাচ্ছ?

১ম পণ্ডিত। আরে দেখ না—ওই তোর চাঁদা ছেলে।

শিউলিনী। আরে হ—হই বটে রে—হই তো চাঁদা ব’সে বটে! (নিকটবর্তী হইয়া) আরে বাপ-ধন—এ বায়ুনগুলোর ইখানে এলি ক্যানে? আহা বাছা, কাল রেতে তো কিছু খাসনে, লে এই রসেতে একটু গলা ভিজো,—এতে বেশী

নেশা হবে নি, এক এক চুমুক দে আর গলা ভিজো। কাল দে—টুকু দে কাল রেতে ডাল করেছি রে—

শঙ্কর। কেন মা, তুমি এত কষ্ট করেছ? আমি তো ভিজা করেছি।

শিউলিনী। ক্যানে? তোর ভিক মাঙতে কি গরজ নেগেছে? ব’ দিন এই বুড়ো-বুড়ী আছে, ত’ দিন তুই ব’সে ব’সে থা ক্যান্না? পাখি-পাখালি যাথেনে চাইবি, তাই পাবি। বুড়ো ফাঁদ পেতে পাখিপাখালি খুব বাগিয়ে ধরে। কেনে গাছ-তলায় ব’সে থাকিস? আমার ঘর আলো ক’রে ঘরকে এসে বোস, আর যা মনুকে চায়, বল—রোঁদে দিই—থা।

শঙ্কর। আমি গৃহী নই, আমি সন্ন্যাসী।

শিউলিনী। ওরে বাছা, ত্রাসানিসিতে তোর কাজ নাই। ছেলেবয়সে ত্রাসাট্যাসা করিস নি। এই ত্রাখ্ণা—মিন্বে ত্রাসা ক’রে ভোমা মেরেছে, কাজ কর্ম্ম পারে নি।

শঙ্কর। মা! তোমার আর বাবার পৃথিবীতে তো আর কাজ নাই। তোমাদের কর্ম্ম অবসান হয়েছে।

শিউলিনী। দেখ, দেখ, মিন্বে! ছেলেবুদ্ধি—কি বলে শোন? বলে, কাজে কাই নি! কাজকর্ম্ম করবো নি বাবা তো খাব কি বল? ঘরে কি পোতা কড়ি আছে?

শিউলী। নে মাগি! বক্বি না খাওয়াবি? ছেলেটা কাল রাত থেকে কিছু খায় নি, তার হাঁস রাখিস? আর আমায় বলছিস ত্রাসা খায়,—ত্রাসা খাস তুই।

শিউলিনী। আ আমার পোড়া মূ! মউয়োর ফুলকো ঠাণ্ডা হয়ে যাচ্ছে। নে বাছা থা। (শঙ্করকে স্পর্শকরণ) ও মিন্বে—ও মিন্বে, সব ফাঁক হয়ে যাচ্ছে! তুই আমি—আমি তুই! ও মিন্বে আমি—আমি—আমি!

শিউলী। আরে মাগি—কোথায় কে রে—কোথায় কে? (শিউলিনীকে স্পর্শকরণ) আরে নেই নেই নেই রে! আরে হোই—সেই!

১ম পণ্ডিত। যতিবয়! এরা তোমার কে এসেছে? তোমার খাওয়া দাওয়া নিয়ে সব এসেছে দেখছি,—তুমি খাও। বোধ হচ্ছে, তোমার আত্মীয়।

শঙ্কর । পরম আশ্বীৰ্ণ ! দেখছেন না প্রভু, সাক্ষাৎ
হরপার্বতী ! গুরুদম্পতিরূপে আমার কুপা
করেছেন ! যার বাক্যের প্রভাবে—জড়
কেল-বৃক্ষ মস্তক অবনত ক'রে আমার মণ্ডনের
আলয়ে উপস্থিত করেছে । মিশ্র, তুমি আশ্চর্য্য
হয়েছিলে, দ্বারবানেরা কেন আমার আস্তে
বাধা দেয় নি । তোমার গৃহপার্শ্বস্থ নারিকেল
বৃক্ষ মস্তক অবনত ক'রে তোমার প্রাঙ্গণে আমার
উপস্থিত করেছে । বৃক্ষের উপর আধিপত্য-লাভ
আমি এই গুরুর কুপায় প্রাপ্ত হয়েছি ।

শিউলী । অদ্বিতীয় অথগু সচ্চিৎ স্মৃষ্ণরূপ ।

শিউলিনী । শিবোহং শিবোহং এই তো স্বরূপ ।
১ম পণ্ডিত । এ কি ! এ কি কোন কুহক নাকি ?
সামান্য শিউলী শিউলিনীর মুখে এ কি উক্তি ?
তবে তো এই মহাপুরুষের অহিত-ইচ্ছায় মহা-
পাপে লিপ্ত হয়েছি ! প্রভু, প্রভু—রক্ষা করুন !
শঙ্কর । কেন মহাশয়, আমার কি নিমিত্ত স্তুতি
ক'চ্ছেন ?

১ম পণ্ডিত । গুরুদেব, আমার পায়ের ঠেলবেন না ।
আমার গ্রাম মহাপাপীকে উদ্ধার করাই আপ-
নার প্রশংসা । শুনুন—আমি কিরূপ পাপাশয় !
আপনি শিউলীর নিকট যে বৃক্ষ অবনত করবার
মন্ত্র শিক্ষা করেছিলেন, তা আমি জানতে পারি ।
যখন মণ্ডন পরাজয়প্রায় বুঝ্লেম, তখন এই
শিউলীর উদ্দেশে গিয়ে—এই শিউলিকে ল'য়ে
এসেছি । আমার মনে মনে কল্পনা ছিল যে, এই
ব্রাহ্মণ-সভাস্থলে আপনি এই শিউলির সম্মান
করতে পারবেন না । আর শিক্ষাদাতার সম্মান
না করলেই আপনি শক্তিচ্যুত হবেন । এই
অভিপ্রায়েই আমি এই শিউলী শিউলিনীকে
ল'য়ে আসি । কিন্তু আমি অজ্ঞান ! আমি
জানি না যে, জীবশিক্ষার্থে—এই মুক্তাঙ্গা
পুরুষ-প্রকৃতি—শিউলি শিউলিনীরূপে অবস্থিত ।
যখন আপনার শিক্ষাদাতা—তখন এঁরা সামান্য
নন—এ জ্ঞান আমার জন্মায় নি । এক্ষণে
আমার নয়ন উন্মীলিত । এ সমস্ত আপনার
কুপা । যখন কুপা ক'রে দর্শন দিয়েছেন, তখন
পদে স্থান দিন । (পদধারণ)

সকলে । জয় শঙ্করাচার্য্যের জয় । (সকলের সাষ্টাঙ্গে
প্রণাম)

মণ্ডন । প্রভু, দাসকে গ্রহণ ক'রে সেবার নিযুক্ত
করুন ।

শঙ্কর । চল বৎস, সকলে একত্রে পরমানন্দ উপভোগ
করি ।

সকলে । সচ্চিদানন্দ শিবোহং—সচ্চিদানন্দ
শিবোহম্ ।

(উভয়ভারতীর প্রবেশ)

উভয় । যতীশ্বর ! আমার স্বামীকে নিয়ে কোথায়
যাও ? (পথ রুদ্ধ করিয়া দণ্ডায়মান)

শঙ্কর । (স্বগত) শিব শিব !—দেবী সরস্বতী বিষ
উৎপন্ন করলেন ।

উভয় । যতিবর ! আপনি জানৌ, আমার স্বামীকে
পূর্ণ পরাজয় করেন নাই । আমার স্বামী পরা-
জিত, কিন্তু শাস্ত্রমতে আমি তাঁর অর্দ্ধাঙ্গ, আমার
পরাজয় ক'রে আমার স্বামীকে ল'য়ে যান ।

শঙ্কর । জীলোকের সহিত তর্ক কিরূপ সম্ভব ?

উভয় । যতীশ্বর, আপনি তো অবগত আছেন,
বাজ্জবল্য গার্গীর সহিত ও জনক সুলভার সহিত
বাদে প্রবৃত্ত হ'য়েছিলেন ।

শঙ্কর । হ্যাঁ মা, যথার্থ ব'লেছেন । যিনি অষ্টৈত-
মতের বাদী, তিনি পুরুষ হন আর স্ত্রী হন, তাঁর
সহিত আমি তর্কে প্রস্তুত । আপনি প্রশ্ন করুন,
আমি যথাসাধ্য উত্তর-প্রদানে যত্নবান্ হই ।

উভয় । সুন্দর কাকে বলেন ?

শঙ্কর । এক সচ্চিদানন্দই সুন্দর ! অপর সুন্দর কি !

উভয় । রমণীতে কি সৌন্দর্য্য নাই ?

শঙ্কর । সেই অতুল সৌন্দর্য্যের বিন্দুমাত্র, এবং সেই
তাঁরই প্রভাবে ক্ষণস্থায়ী । স্ত্রী, সৌন্দর্য্য, মাধুর্য্য,
সমস্তই সেই বৃহৎ বস্তুর অংশ । মাত্র সেই—
আর কোথাও ত কিছুই নাই ।

উভয় । তবে নারীর হাবভাব—নারীর সৌন্দর্য্য কিছুই
উপলব্ধি করেন নাই ?

শঙ্কর । সামান্য বিষয়—ওর উপলব্ধির তো বিশেষ
প্রয়োজন নাই । একের উপলব্ধিতেই ত সমস্ত
উপলব্ধ হয় । আমরা বৃথা সময় ব্যয় কর্চি ।
আপনার কি শাস্ত্রীয় প্রশ্ন আছে—করুন ।

উভয় । আমার স্বামীর সহিত বিচারে আপনি যে
সমস্ত শাস্ত্রজ্ঞ, এই ধারণা আমার জন্মেছে । তবে
কামশাস্ত্রের আলোচনা আমার সহিত হয় নি ।
বলুন—কামকলা কিরূপ ও কয় প্রকার এবং

তার আধার কি ? নর-নারীতে তার কিরূপ
অবস্থান ?

শঙ্কর । (স্বগত) সন্ন্যাসিগণের ধর্মবিরুদ্ধ প্রস্তাব ।
কিন্তু যখন বাদে প্রবৃত্ত, একে নিরস্ত করা আব-
শ্যক । (প্রকাশ্যে) দেবি ! মাসান্তে আপনার
প্রশ্নের উত্তর প্রদান করবো । আমায় একমাস
কাল সময় প্রদান করুন । আপনি অবগত
আছেন, বাদানুবাদে এরূপ প্রথা প্রচলিত আছে ।
উভয় । ভাল, আপনি সময় গ্রহণ করুন ।

(শঙ্করাচার্যের প্রস্থানোত্তম)

মণ্ডন । প্রভু, সন্তানকে ভুলবেন না ।

শঙ্কর । চিন্তা দূর করো, সকলই সময়সাপেক্ষ ;
সময়ে দেবদেব তোমার মনোবাঞ্ছা পূর্ণ করবেন ।
[প্রস্থান ।

চতুর্থ অঙ্ক ।

—::—

প্রথম গর্ভাঙ্ক ।

পর্বত-শৃঙ্গ ।

শঙ্করাচার্য্য, সনন্দন, শান্তিরাম প্রভৃতি শিষ্যগণ ।

শঙ্কর । সন্ন্যাস-আশ্রম, মণ্ডন না করিলে গ্রহণ,
জ্ঞানকাণ্ড হবে না প্রচার ।
কিন্তু মহাবিয় তাহে বাগ্‌দেবী !
মণ্ডন-গৃহিণীরূপে দেবী সরস্বতী,
কামশাস্ত্র ল'য়ে দ্বন্দ্ব মম দেবী সনে ।
কিন্তু কামচিন্তা যোগিদেহে অতি অমুচিত
হয় তায় সন্ন্যাস-পতন ।
করি পরকায় আশ্রয়গ্রহণ
কামশাস্ত্র করিয়ে অর্জন,
পরাজিব মণ্ডন-পত্নীরে ;
তাহে হবে মিশ্রের সম্পূর্ণ পরাজয় ।
কর্মকাণ্ড করিলে মণ্ডন
জ্ঞানকাণ্ড ধরামাঝে হইবে প্রচার ।

(নেপথ্যে দৃষ্টিপাত করিয়া)

যোগদৃষ্টে করি বিলোকন,
আসি ওই নরপতি মৃগয়া কারণ—
মহা শ্রমে হইয়াছে তনু-ত্যাগ তার ।

ওই দেহে এখনি পশিব ।

চল বৎস, অদ্রুত পর্বত-কন্দরে,
সাবধানে রক্ষা কর যতি-দেহ মম ।

মাসান্তে এ দেহে পুনঃ করিব প্রবেশ ।

* [সনন্দন । প্রভু, পরকায়-প্রবেশ-শ্রবণে
হয় মম আতঙ্ক উদয় ।

পশি পরকায়—

যোগিশ্রেষ্ঠ মীননাথ মুগ্ধ হন তার,

কামরূপা কামকলা রমণী-প্রভাবে ।

যোগীশ্বর শিষ্য তাঁর গোরক্ষনাথ নাম,

বিশেষ প্রয়াসে মুক্তি দানেন গুরুরে ।

শঙ্কর । ত্যজ ভয়, না কর সংশয়,

মুগ্ধ নাহি হব কদাচন ।

বাঞ্ছা মম বিত্তা-উপার্জন,

কামতৃষ্ণি, বাসনাবর্জিত চিত ।

যেই জন বাসনা-বর্জিত,

কদাচিত্ না হয় মোহিত ;

ব্রজধামে কৃষ্ণলীলা দৃষ্টান্ত তাহার ।

সনন্দন । প্রভু, শুনেছি শ্রীমুখে,

মহা বলবান্ কাম মোক্ষপথে অরি ।

কামচর্চা কাম-আলাপনে জন্মে সংস্কার,

বহু জন্ম গ্রহণের হেতু তায় হয় ।

শঙ্কর । শাস্ত্রমত বাক্য তব হে তীব্র সন্ন্যাসি !

কিন্তু বৎস, করহ শ্রবণ,—

দেব-প্রয়োজনে মম ধরা আগমন,

কায়মনোবাক্যে যাচি জীবের কল্যাণ ।

করেছি উত্তম ।

যদি তায় দৈব-বিড়ম্বনে

কোন ক্রমে বিয় হয় মম,

যদি পশি পরকায়, সংস্কার পরশে আমায়,

বুঝিব অন্তরে,

দেবকার্য্য উদ্ধারের তরে—

করিবারে মানবের হিত—

সহি যথোচিত মহানায়ী-ছলনা-প্রভাবে ।

শুন বৎস, নিজ স্বার্থ দিব বিসর্জন,

যে হয় সে হয়, কাম-বিত্তা করিব অর্জন ।

দেবকার্য্য সাধনের তরে

না হব পশ্চাৎপদ্ আত্মবিসর্জনে ।

হয় বৎস, হৃদয়ে উদয়

দেবদেব-পদাশ্রিত আমি,

সংস্কার করু না স্পর্শিবে, কার্য্যসিদ্ধি হবে
নির্ঝিন্নে পশিরে পুনঃ এ যোগি-শরীরে,
বিমল অষ্টৈত-পদ্ম করিব প্রচার ।
এস বৎস, শুণ্ড স্থানে রাখিব শরীর,
সাবধানে গৌরবে রাখিও সবে মিলি ।]
সনন্দন । কৃদিকম্প হয় প্রভু, সংকল্পে তোমার !
শঙ্কর । চিন্তা কর দূর, চল পর্ব্বত-গহ্বরে ।

[সকলের প্রস্থান ।

দ্বিতীয় গর্তাঙ্ক ।

বনস্থলী ।

সজ্জিত চিতা-পার্শ্বে অমরক নৃপতির মৃতদেহ ।
উভয় পার্শ্বে সরমা, অস্থানিকা প্রভৃতি রাণীগণ, সম্মুখে
মন্ত্রী, ব্রাহ্মণ ইত্যাদি ।
সরমা । (মন্ত্রীর প্রতি) বাবা, তুমি সুযোগ্য মন্ত্রী,
রাজ্যভার তুমিই গ্রহণ করো ; আমি রমণী, রাজ্য-
পরিচালনা তো আমাতে সম্ভব নয় । আমি
উদ্ধাহের দিন পণ ক'রেছিলাম যে, আমি জীবনে-
মরণে মহারাজের সঙ্গিনী । মহারাজ আমার
ছেড়ে যাবেন, তা তো কদাচ হবে না ! আমি
সহমরণে যাবো, তার উদ্ভোগ করো ।
অস্থানিকা রাণীগণ । দিদি, আমরা তোমার দাসী,
আমাদের ছেড়ে যেও না ।
মন্ত্রী । হায় হায় ! কি কুলগ্নেই মহারাজ মৃগয়া-
যাত্রা ক'রেছিলেন !
সরমা । বাবা, প্রাতঃকালে হাসি মুখে বিদায় নিয়ে
এলেন, সূর্য্যাস্ত না হ'তে চন্দ্রমুখে ছায়া পড়লো ।
হায় হায়, আমাদের মত অভাগিনী কি কেউ
জগৎগ্রহণ করেছে ! এ জালা কেবল অনলে
মির্ঝাণ হওয়া সম্ভব ।
ব্রাহ্মণ । মন্ত্রী মশায়, আর কেন—শবদেহ চিতায়
উদ্ভোলন করুন ।
সরমা । বাবা, অপেক্ষা করো, আমি সহমৃতা হব ।
ব্রাহ্মণ । মন্ত্রী মশায়, যা হয় শীঘ্র করুন । দ্বাদশ দণ্ড
অতীত হ'য়েছে, আর শব-দেহ রাখা উচিত নয় ।
বিলম্ব হ'লে প্রেত আশ্রয় করতে পারে ।
মন্ত্রী । (সরমার প্রতি) মা, দেখুন দেখুন—মহারাজ
যেন চক্ষু উন্মীলন ক'রেন ! দেখুন দেখুন—মুখের

[৬]

—মুখের পরিবর্তন দেখ'চি । মা, আগনি মুখে
একটু জল দেন তো ।
সরমা । মা দুর্গা, দুর্গতিনাশিনি, মা রক্ষা করো !
শঙ্কর । এ কি—কোথার আমি—এরা
কে ?

সরমা । মহারাজ দেখুন, আমরা আপনার চরণের
দাসী ।

শঙ্কর । মহামায়ার কি প্রভাব ! কি ছিলেম, এ তো
আমার স্থান নয় ! নিদ্রাবস্থা কি জাগ্রত অবস্থা !
(প্রকাশ্যে) তৈমরা কে ?

সরমা । মহারাজ, চিন্তে পাচ্ছেন না ? আমরা
আপনার দাসী ।

শঙ্কর । হাঁ, সত্য সত্য, আমি কে ?

সরমা । মহারাজ স্থির হন, আপনি মৃগয়ার ক্রান্ত হয়ে
মূর্ছাপন্ন হয়েছিলেন ।

শঙ্কর । হুঁ, রাজকারে—রাজা—চলো গৃহে বাই ।
জীবের গর্ভবাসের পর স্থিতি থাকা অসম্ভব । চলো
চলো—অহো, মহামায়ার কি ভীষণ প্রভাব !

* [(মৃতরাজার প্রেতাশ্রয় প্রবেশ)

কে তুমি ? মৃত রাজার প্রেতাশ্রয় ! এ দেহে আর
তোমার অধিকার নাই ।

সরমা । মহারাজ, কি বলছেন ?

শঙ্কর । না, কিছু না । (প্রেতাশ্রয় প্রতি) দেহের
মমতা এখনো পরিত্যাগ করো নি ! যাও, দেব-
দেবের কৃপায় প্রেতদেহ পরিত্যাগ ক'রে দিব্যদেহ
ধারণ করো । যত দিন তোমার দেহ ভোগ করি,
তত কল্প তুমি স্বর্গভোগ করো । কি হলো—
কে আমি ? আমি রাজা, এই সকল রাজ্য
এসো—এসো প্রেরসি, গৃহে বাই চলো ।

(উপবেশন)

সরমা । মহারাজ, স্থির হোন—স্থির হোন ।

শঙ্কর । চিন্তা ক'রো না, আমি সবল হয়েছি, এসো
প্রিয়ে !

(গাত্রোখানকরণ)

অস্থানিকা । (জনান্তিকে সরমার প্রতি) দিদি, এ
কি কোন প্রেত আশ্রয় করেছে ?

শঙ্কর । না না, প্রেত দেহ-মমতা ত্যাগ করে স্বর্গলাভ
করেছে ।] *

[সকলের প্রস্থান ।

তৃতীয় গর্ভাক ।

শঙ্করাচার্যের বাটীর সম্মুখ ।

জগন্নাথ ও মহামায়া ।

জগন্নাথ । হাঁরে, তুই কেনন পেছীটে বল ? মাগীর হাল্টা দেখ'ছিস ? তবু তোর মনে ছঃখু হয় নেই ? মরবার আগে এক দিনকে ক্ষুদে দাদাকে লিয়ে আয় ।

মহামায়া । সে এখন রাজা হয়েছে, তাকে আনুবো কি ক'রে ?

জগ । তবে তুই কিসের পেছী ? তুই যে বলি, মায়ের কাছে আসবে ?

মহা । সময় হলে আসবে ।

জগ । তোদের আবার কেনন সময় ? মাগী ম'লে এনে কি করবি ?

মহা । আমি থাকতে মরবে কেন ?

জগ । তুই থাকতে যদি মরে নি, তবে তুই মলি কিসে ?

মহা । আমি তো মরি নি, আমি অনাদি ।

জগ । তুই তো ভারি মিছকতুরে, তোর কথায় প্রত্যয় আর থাকবে নি ।

মহা । কি ক'রে জানলি—আমি মরেছি ?

জগ । জ্যান্ত মানুষ আর কে কোথায় পেছী হয় ?

মহা । আমি তো পেছী নই ।

জগ । তোর বাপ পেছী ।

মহা । আমার তো বাপ নাই ।

জগ । না থাকে নেই, আমার কথা একটা শুন্বি ?

মহা । কি বল ?

জগ । ক্ষুদে দাদা কোন্ খানে আছে, আমায় ব'লে দে

মহা । সে এখন অমরক রাজা হয়েছে ।

জগ । ভূতে চিন্তে পারে ?

মহা । তা পারে ।

জগ । তবে ধর, আমার ঘাড়টা মুচুড়ে ধ'রে মেরে ফেলে ভূত ক'রে দে ।

মহা । কেন—ভূত হয়ে কি করবি ?

জগ । কি করবো, তা তখন তোকে শুনাবো ।

ক্ষুদে দাদাকে এনে মাগীকে দেখাবো ।

মহা । ছিঃ ছিঃ, ভূত হ'তে আছে !

জগ । তা তোর কি বল না—আমায় যদি এখন সখ

হয় । তোর ছিঃ-ছিঃকারে আর কাজ নেই । আমায় ভূত ক'রে দে, মাগীর ছঃখু আর আমি দেখতে লারছি । আমি খুদে দাদাকে বাড়ীতে আনুবো ।

মহা । তোর কথায় সে আসবে কেন ?

জগ । এসবে, এসবে,—আমি তার কাছে গিয়ে বলবো, “আমি তোর জগা দাদা, আমার কাঁধে চেপে সেখানে একবার বেড়াবি চন্ ।” চখো-চখি হ'লে সে আমার কথা আর ঠেলতে লারবে । ধরু ধরু—ঘাড়টা মুচুড়ে ধর ।

মহা । জগন্নাথ, তোমার যে প্রেম, তুমি মুক্তাশ্রী ; তোমার উপর আর আমার অধিকার নাই ।

জগ । হাদে, তুই ও সব কি বলিস বল তো ? ক্ষুদে দাদার কাছে শিখিস না কি ?

মহা । সে না শেখালে আমায় কে শেখাবে বল ।

জগ । আচ্ছা, তার মা মাগীর উপর তোর দরদ হয় নি ক্যানে ?

মহা । না হ'লে আমি সেবা করতে আসবো কেন ?

জগ । তোর ছাই দরদ ! মাগীর আকারটা দেখ-ছিস ? তবু একবার ছেলেটাকে এনে দেখাতে লারলি ?

মহা । কেন আনি না জানো ? যে দিন ছেলের সঙ্গে মাগীর দেখা হবে, সে দিন মার শরীর থাকবে না ।

জগ । না থাকে না থাকবে, বেঁচে আর কি ক'রে, না হয় একবার টানমুখখানা দেখে মরবে ।

মহা । সময় না হ'লে তো আর দেখা হবে না ।

জগ । তোরে লারলুম, তোর ছেঁদো কথা কে বুঝবে বল ?

(বিশিষ্টার প্রবেশ)

বিশিষ্টা । মা, তুমি কে ? আর আমার সঙ্গে প্রতারণা করো না । তুমি সামান্য নও, যদি কৃপা ক'রে দর্শন দিয়েছ, পরিচয় দিয়ে কৃতার্থ করো ।

মহা । কেন মা, আমি তো তোমায় বলেছি, আমি তোমার মেয়ে ।

বিশিষ্টা । না মা, আমায় ভাঁড়িও না । আমি স্বপ্নে দেখেছি, তুমি আমার শঙ্করের অর্জ্জব । আমায় কে স্বপ্নে বলেছে, আমার শঙ্কর আর তুমি ভিন্ন

নও । পরিচয় না দাও, আমার বল-সত্যই
কি দেবদেব আমার জঠরে জন্মগ্রহণ করেছেন ?
মহা । মা, দেবদেব তো স্বয়ং তোমার এ কথা
বলেছেন ।

বিশিষ্টা । তবে কেন মা আমার পুত্র-জ্ঞানে এ
যজ্ঞণা ? তবে কেন আমি তার চাঁদমুখ এক-
দণ্ড ভুলতে পারি না ? তবে কেন আমি মহা-
মায়ার আচ্ছন্ন ? আমি কত দিনে মুক্ত হব
মা ! আমি তো দেহ হতে পৃথক্ হয়েছি,
তবে কেন দেহ ছেড়ে যেতে পাচ্ছি না ?

মহা । মা, তোমার যে কামনা,—তোমার পুত্রের
হাতে অগ্নি নিয়ে দেহ ত্যজ করবে ।

বিশিষ্টা । সত্যই কি আমার বাসনা পূর্ণ হবে ?

মহা । দেবমন্দিরে চল মা, দেবদেব স্বয়ং তোমার
এ কথা বলবেন ।

বিশিষ্টা । না মা, তোমার কথাতেই প্রত্যয় ;
তোমার কথা দেবদেবের কথা পৃথক্ নয় ।
তোমার কথাতেই আমার তৃতীয় চক্ষু উন্মীলিত
হয়েছে । আমি মা মায়ার প্রপঞ্চ বুঝেছি ;
মায়া কেন বল্চি, তোমার প্রপঞ্চ বুঝেছি ।
আমার একটি সাধ পূর্ণ করো, আমি তোমায়
স্বহস্তে রাজ্য জবা দিয়ে সাজাব । এসো মা, ঘরে
এসো ।

মহা । তুই পেত্নী পেত্নী করিস্, দেখ্‌ছিস্—মা কত
আদর কচ্ছে !

জগ । না না, যা যা—তুই পেত্নী লস্ ।

[বিশিষ্টা ও মহামায়ার প্রস্থান ।

জগ । ওটা কে বটে ? ক্ষুদে দাদা কি বে করেছে ?
না, এ তো খাড়ি মাগী ! তবে এ কে ? ওই—
ওই—যেন যেন—মনে মনে আঁচ দিচ্ছে । মা
না বল্লে—মহামায়া ? অ্যা ! ওই : বেটী সব
ঘুরায় না কি ? ক্ষুদে দাদা যে বল্‌তো,—ওই
মায়ার ঘুরপাক খাওয়ায় । যা থাকে বরাতে,
পরের মেয়ে মান্‌বো নি, ওকে চেপে ধরবো,
ব'লবো—বল্‌ বেটী তুই কে ?

[প্রস্থান ।

চতুর্থ গর্ভাঙ্ক ।

অমরক রাজার অন্তঃপুর-সংলগ্ন উপবন ।

অমরক রাজদেহাশ্রিত শঙ্করাচার্য্য ।

শঙ্কর । নিদ্রাগত অভিভূত প্রায়—

স্বপ্নাচ্ছন্ন রয়েছি কোথায় ?

দিবানিশি কি যেন রয়েছি ভুলে !

সৌদামিনী বলক সমান

হয় কভু আলোকিত প্রাণ,

যেন কোন জ্যোতি-মূর্তি হেরি বিত্তনাম,—

হয় তায় আকুল অন্তর ।

আছি যেন আবদ্ধ পিঞ্জরে !

মহাপ্রাণী রয়েছে শরীরে,

কোন্ পথে যায় সে বাহিরে,

প্রবেশে বা কোন্ পথে !

এ কি ! কেবা আমি— ..

আছি বদ্ধ এই ক্ষুদ্র কায় !

জ্ঞান হয় ব্রহ্মাণ্ড ব্যাপিয়ে মগ স্থান !

(সরমা অস্থালিকা প্রভৃতি রাণীগণের রঙ্গরস
সহকারে প্রবেশ)

সরমা । এ কি মহারাজ, এইখানে পালিয়ে এসেছ ?

তাঁ যাও—আর তোমার সঙ্গে কথা কব না—

আমরাও চল্‌ম ।

শঙ্কর । শুন সুবদনি, হরো না মানিনী,

কামকলা-বিহারক্‌শলা,

মাগি পরিহার, সমযোগা যোদ্ধা তব নই ।

বিশ্রাম কারণে, এসেছি এ স্থানে,

দীক্ষা পুনঃ করিব গ্রহণ ।

পুনঃ কিবা নবরঙ্গ দেখিব রঙ্গিণি !

দেখ দেখ হতেছে স্মরণ—

কোথা—কোথা—এ কি ঘোর আবরণ !

সরমা । (জনান্তিকে) বোন, তোরা মহারাজকে

নিয়ে উপবনে যা । আমি মন্ত্রী মহাশয়কে ডাক্তে

পাঠিয়েছি, মহারাজের কনে মুচ্ছাভাব হয়ে

যে রূপ অবস্থা হয়েছিল, এখন মাঝে মাঝে

আবার সেই অবস্থা দেখ্‌ছি ।

অস্থালিকা । দিদি, দিবারাত্র অন্তঃপুরবাসে হয় তো

মহারাজের মস্তিষ্ক ক্ষীণ হয়েছে । ব'লে ক'য়ে

মহারাজকে রাজকাৰ্য্যে পাঠান যাক্ ।

সরমা । না দিদি, এর বিশেষ তত্ত্ব আছে ! আমরাই
পরাজিত, এতে মস্তিষ্ক বিকল কি নিমিত্ত হবে ?
অবশ্যই এর কোন গুহ্য কারণ আছে । মন্ত্রী
সঙ্গে পরামর্শ করবার প্রয়োজন ।

শঙ্কর । পর্যন্ত-কন্দরে নিবিড় গহ্বরে—
কই—কোথা—করি অপেষণ ।

[শঙ্করাচার্য্যের প্রস্থান ।

অস্থালিকা । এ কি ! এ যে কোন যোগীর পূর্বস্মৃতি
বোধ হচ্ছে !

সরমা । আমারও সেইরূপ অনুমান হয় । যাও,
মহা-উদ্দীপক সুরা আমার ঘরে আছে, নিয়ে
পান করাও ।

অস্থালিকা । তাতেই বা কি ফল হবে, বুঝতে
পারি না । সুরাপ্রভাবে মহারাজের তো স্বর্ণিক
চঞ্চলতাও কখন দেখি নাট ।

সরমা । যাও যাও, মদ্য আস্তে ।

[অস্থালিকার প্রস্থান ।

(মন্ত্রীর প্রবেশ)

মন্ত্রী । জননী রাজরাণি, ব্রাহ্মণের আশীর্বাদ গ্রহণ
করুন ।

সরমা । মন্ত্রী, মহারাজের প্রতি লক্ষ্য ক'রেছেন ?
যে দিন মহারাজ 'মূর্ছাগত' হন, তার পর হ'তে
মহারাজকে কি পূর্ববৎ দেখেছেন ?

মন্ত্রী । না, আমরা রাজকর্মচারীগণ মিলিত হয়ে
গোপনে এই পরামর্শই করেছিলাম । পূর্বে
রাজকাষ্যে মহারাজ এরূপ পারদর্শী ছিলেন না,
শাস্ত্রালাপে পণ্ডিতমণ্ডলী পরাজিত । না,
আপনি কিরূপ লক্ষ্য ক'রেছেন ?

সরমা । নন ইনি পূর্ব-নৃপবর ।

—বিপদ-সময়

তাই কহি মন্ত্রিবর লাজ পরিহারি—

যদিচ বিলাসে মগ্ন দিবস-যামিনী,

রঙ্গরস-কৌতুক-কলাপে রত,

কিন্তু কোন আসক্তি হেরি নে কভু ।

পূর্বে নৃপবর,

ব্যথিত হ'তেন চারু কটাক্ষ-প্রহারে ।

এবে যেন শিক্ষার কারণ,

শিক্ষাপ্রিয় বালক যেমন,

অবিচল কটাক্ষ-ঈক্ষণ করে ।

অঙ্গস্পর্শে নাহি শিহরণ,

পুরুষ-উচিত নাহি আগ্রহ কখন,

মুগ্ধচিত নহে সুরাপানে ।

আসক্তিবহীন,

কামিনীর গর্ভ হয় লীন,

শতনারী ঈর্ষাহীন প্রভাবে রাজার ।

ল'য়ে কুলবতী, গোপিনী যুবতী,

ত্রীপতির রাসলীলা বিহারের প্রায়,

নারী সনে বিহার রাজার ।

জনে জনে মানি পরাজয় ;

ঈর্ষানেত্রে না চায় যুবতী,

পরস্পর প্রতি,

পূর্ণ মনোরণ সবে রাজার সেবায় ।

কভু নৃপমুখে শুনিবে বচন

কাঁপে প্রাণ মম !

যেন কোন পূর্বস্মৃতি হয় উদ্দীপন,

বিমন সতত হেরি ।

তেঁই জ্ঞান হয়,

বুঝি যতীশ্বর কোন মহাশয়,

পশি নৃত নৃপতির কায়

ভোগ ইচ্ছা করেন থগুন ।

মন্ত্রী । বুদ্ধিমতী সরস্বতী সম তুমি রাণী,

ক'রেছ স্বরূপ অনুমান ।

তবে কি উপায়

যোগিবরে আবদ্ধ রাখিতে নৃপদেহে ?

হইয়াছে বুঝি বা সময়,

ভোগ অবসানপ্রায়,

ভোগ-অন্তে প্রবেশিবে নিজদেহে ।

সরমা । কর, বৎস, উপায়-বিধান,

আত্মহারা মোরা সবে ;

নিশিদিন আশঙ্কায় বিকল অন্তর ।

মন্ত্রী । না, আমরা মন্ত্রণা ক'রে চতুর্দিকে দূত প্রেরণ

করেছি, যথায় শবদেহ পাবে, তখনই তা দগ্ধ

করবে । প্রতি শবদেহের মূল্য শতমুদ্রা, আর

যোগীর শবদেহের মূল্য সহস্র মুদ্রা ঘোষণা

করেছি । উপস্থিত এ উপায় ভিন্ন অপর কোন

উপায় তো লক্ষিত হ'ছে না ।

মা । বাবা, এ কার্য্য আমাদের পূর্বেই করা

উচিত ছিল । বেক্রপ লক্ষণ দেখছি, বহুদিন যে যোগীশ্বর এ দেহে অবস্থান করবেন, একরূপ সম্ভব নয় । পূর্বস্মৃতি জাগরিত হ'লেই যোগিবর নিজদেহ গ্রহণ করবেন । তৎপর হন, অতুই দূত নিযুক্ত করুন ।

মন্ত্রী । হ্যাঁ মা, সম্ভব হওয়াই কর্তব্য । কয়দিন কয়েকজন যোগিপুরুষ মহারাজের অনুসন্ধান ক'চ্ছে, আমি তাদের রাজপুরে আসা নিবারণ ক'রেছি; বোধ হয়, এই যোগিবরেরই তারা শিষ্য, গুরুর সন্ধানে এসেছে, বেক্রপ গোরক্ষনাথ মৌননাথের অনুসন্ধানে এসেছিলেন ।

সরমা । সতর্ক থাকুন, কোনরূপে না রাজদর্শন পায় ।

[উভয়ের উভয় দিকে প্রস্থান ।

পঞ্চম গর্ভাঙ্ক ।

নগরপ্রান্তে পথিপাশ্বে বটবৃক্ষতল ।

শান্তিরাম প্রভৃতি শঙ্করাচার্য্যের শিষ্যগণ ।

(গণপতির প্রবেশ)

শান্তি । দেখ দেখ, আমাদের সেই সহাধারী গণপতি নয় ? ওহে গণপতি—গণপতি—

গণ । (স্বগত) এই মজালে ! সেই শান্তি বেটা !

শান্তি । কি হে গণপতি, চিন্তে পাচ্চ না না কি ?

গণ । তুমিও চলেছ, আমিও চ'লেছি, চেনাচিনিতে কাজ কি ?

শান্তি । কেমন আছ ?

গণ । তোমরা কেমন আছ ? বাবা, আমি সাফ বুঝে চ'লে এসেছি, কিছু পেলে ? না ভাল তোলা আর পা টেপাই সার !

শান্তি । ভরপুর পেয়েছি, গুরুদেবের সংসারে অভাব কিসের ?

গণ । তা তো বটে, অভাব যা অনবজ্ঞের !

শান্তি । তুমি কোথাও কিছু পেলে না কি ?

গণ । কোথাও কিছু নেই—বুঝলে ? বুদ্ধির জোরে যে যা ক'রে নিতে পারে ।

শান্তি । তোমার তো বুদ্ধি কিছু কম নয়, কিছু বাগালে ?

গণ । বাগাবো কি, তেমন বাগমাফিক চেলা পাচ্ছি নে, নইলে এখানে যোগাড় খুব ছিল ।

শান্তি । বল না, আমরাই না হয় তোমার চেলা হ'চ্ছি ।

গণ । ভাই, তা যদি হও, তা হ'লে বাপের কাজ করো ।

শান্তি । কি যোগাড়টাই বলো ?

গণ । দেখ, এ দেশের রাজা বেটা ম'রে গিয়েছে মনে ক'রে চিত্তে চড়াতে যাচ্ছিল, খামকা বেটা বেঁচে উঠেছে । এই না—নগরে দিবারাত্র আনন্দ চলেছে ! সন্ন্যাসী-ফকিরের খুব আদর, রাণীদের কাছে পর্য্যন্ত যেতে পারে ! আর খালি ওষুধ খুঁজ'চে, কিসে রাজাকে বশ করতে পারবে । রাণীরা প্রায় এক হাজার—পরমা সুন্দরী ! ধাপ্পা-ধুপ্পি লাগাতে পারলে হুঁচর বেটা হাতেও লাগতে পারে । তোমরা যদি আমার শিষ্য হয়ে আমায় জাহির করো, তাহ'লে বেশ মজায় সব থাকা যায় । কামিনী চাও—কামিনী, কাঞ্চন চাও—কাঞ্চন, সব রকম মজা চলে । আর পরম মান, রাজার মাথায় গিয়ে পা দাও ।

শান্তি । তা আমরা শিষ্য হব কেন, তুমি কেন আমাদের শিষ্য হও না ?

গণ । আরে শোন না, আমি যে তেমন তোমাদের মত মন দিয়ে বুলিগুলো শিখি নি ! তাই মনে কচ্ছি, আমি থাকুবো মৌনী, তোমরা সব বুলি ঝাড়বে । ছই এক পাই বখরা বেশী চাও, তাও নিও ।

শান্তি । রাজার সঙ্গে আলাপ হয়েছে ?

গণ । সে যো নাই বাবা ! রাজা খালি অন্ধরে রাণীদের নিয়ে আছে, দিনরাত সরাপ চলচে—আমোদ চলচে—গান চলচে ।

শান্তি । রাজার সঙ্গে কেউ কি দেখা করতে পারে না ?

গণ । হুঁ একটা গাইয়ে-গুণীকে কখনো ডাকে । সন্ন্যাসী-ফকিরের রাজার কাছে ঘেঁসবার যো নাই ; মন্ত্রী বেটারা খেদিয়ে দেয় । বড় মজার দেশ—বুঝলে, একটা মড়া—একশো একশো টাকায় বিকোর ; সন্ন্যাসী-মুন্দেরের দাম হাজার টাকা ।

শান্তি । মুন্দের নিয়ে কি করে ?

গণ । কি জানি, বেটা বাপের পিণ্ডি চড়ায় ! তিপা-

স্তর নাঠে রাবণের চিতের মত চুলি জ্বলে, রূপ-
ধাপ ক'রে দিনরাত মড়া এনে ফেল্চে।

(সনন্দনের প্রবেশ)

শান্তি। (সনন্দনের নিকটবর্তী হইয়া জনান্তিকে)

সনন্দন, গুরুদেব এই স্থানে নিশ্চয় আছেন।

সনন্দন। (জনান্তিকে) আমারও তাই অনুমান
হয়। নগর-ভ্রমণ ক'রে দেখ্লেম, পুরবাসীরা
দিবারাত্র আনন্দে মগ্ন,—কোথাও রোগ, শোক,
দৈন্ত নাই। অতি সুব্যবস্থায় রাজ্য পরিচালিত।
প্রজাগণ পরস্পর ঈর্ষা ঘেষবর্জিত, যেন এক পরি-
বার হয়ে একত্রে বাস কচ্ছে। প্রান্তরে, উপবনে
দেখ্লেম—সাময়িক শস্ত, সাময়িক ফলপুষ্প
অপর্যাপ্তরূপে ধরণী উৎপাদন করেছেন।

গণ। (স্বগত) কি বলাবলি কচ্ছে! (প্রকাশ্যে)
কি হে তোমাদের আচার্য্য এখানে এসেছেন
না কি?

সনন্দন। তিনি কামরূপী, সর্বস্থানেই বিরাজমান।
(জনান্তিকে শান্তিরামের প্রতি) এসো, রাজার
সহিত কোনরূপে সাক্ষাৎ করা প্রয়োজন।

গণ। ওহে সনন্দন—ওহে সনন্দন! না—পদ্মপাদ
না বলে বুঝি উত্তর দেবে না?

সনন্দন। না, তুমি পদ্মপাদ বলো নাই, তোমার সঙ্গে
আলাপ করবো না। (জনান্তিকে শান্তিরামের
প্রতি) এসো, রাজার সহিত সাক্ষাতের
কিরূপ উপায় হয় দেখি। বোধ হয়, মহাপুরুষ
যে রাজদেহে প্রবেশ করেছেন, কোন বিচক্ষণ
ব্যক্তি তা অনুমান করেছেন, সেই জন্ত শবদেহ
দাহন কচ্ছে। শীঘ্র গুরুদেবের সশরীরে না
প্রুত্যাগমন করলে বিপদের আশঙ্কা আছে।

[গণপতি ব্যতীত সকলের প্রস্থান।

গণ। ব্যাটা কি বলাবলি করলে, কি দাঁড়িয়ে ফির্চে।
এই সেই তাত্ত্বিক ব্যাটা, যে ব্যাটা শঙ্করাচার্য্যের
তত্ত্ব করে। গুরুজি, গুরুজি, শোনো শোনো—

(উগঠৈভরবের প্রবেশ)

উগ্র। কি বল্ছ?

গণ। যদি হুটো একটা বিত্তে ছাড়ো, তুমি যা খুঁজ্ছ,
আমি ব'লে দিই।

উগ্র। আমি কি খুঁজ্ছি? কি ব'লে দেবে?

গণ। আরে আমার চিন্তে পাচ্ছ না? কাশীতে
তোমার সঙ্গে দেখা। আমি শঙ্করাচার্য্যের
শিষ্য ছিলাম, তুমিও তন্নী বইয়ে নিয়েছ। তবে
তোমার কাছে চং-চাংটা শিখে নিয়েছি বটে,
তাইতে একরকম চ'লে যাচ্ছে।

উগ্র। না, আমি আর তাঁর অনুসন্ধান করি না।

গণ। বাবা, আমার চেয়েও সাক্ষি মিথ্যা ঝাড়তে
জানো। তা শোনো, শঙ্করাচার্য্যের শিষ্যরা সব
এসেছে, এইখানেই শঙ্করাচার্য্য কোথায় আছে।

উগ্র। আচ্ছা, তুমি আমার নিকটে কি বিত্তা চাও?

গণ। ঐ ভেল্কি বিত্তা,—ধূলোকে সোনা করা
শেখাবে?

উগ্র। হ্যাঁ, শেখাবো। তুমি যদি আমি যেকোন বস্তু
সেইরূপ ক'রে আমার কার্য্যের সহায়তা করো।

গণ। কি করতে হবে, বলো?

উগ্র। কিছু দেখো, যদি আমার সহিত প্রতারণা
করো, কি আমার মন্ত্রণা প্রকাশ করো, তা'হলে
তোমার নিস্তার নাই; স্বয়ং শিবও তোমায় রক্ষা
করতে পারবেন না। আমার শক্তি দেখো—
(ধূলিমুষ্টি লইয়া সম্মুখস্থ বটবৃক্ষে নিক্ষেপ ও
বৃক্ষের জলিয়া উঠা, পুনরায় ধূলিনিক্ষেপ ও
বৃক্ষের পূর্কীবস্থা প্রাপ্তি)

গণ। তুমি আমার ধর্ম-বাবা, তুমি যা বলবে,
আমি তাই শুন্বো।

উগ্র। এই পুষ্পটি ল'য়ে রানীর কাছে যাও।

গণ। বাবা, দরাজ তো হুকুম দিলে, আমায় ঢুকতে
দেবে কেন?

উগ্র। এই তোমার মস্তকে সিন্দূরের টিপ দিচ্ছি,
কেউ তোমায় নিবারণ করবে না।

(টিপ দেওন)

গণ। (স্বগত) বাবা! এ বেটা আচ্ছা বুজ্জুক তো!
বেটার কাছে থাকতে হ'লো! তবে মল-মূত্র
বাঁটে, মড়া খায়, এতেই বেটার কাছ থেকে স'রে
প'ড়েছিলুম!

উগ্র। কি ভাব্ছো?

গণ। বাবা, তোমার গোলাম বাবা, তোমায় প্রাণ
সঁপ্লাম বাবা! আমি সোনা করা বিত্তে-টিত্তে
চাই না—ঐ সিন্দূর পড়াটা শিখিয়ে দিয়ো।
যেখানে সেখানে যেতে পারলেই, আমি একরকম
চালিয়ে নেব। এখন কি করতে হবে বল?

উগ্র । রাণীকে এই ফুলটি দাও গে । (পুষ্পপ্রদান)
ব'ল,—এই ফুল রাজাকে শু'কুতে দিলে রাজা
তাঁর বশীভূত হবেন, আর কয়েকটি রমণী তাঁর
নিকট পাঠাবো, তাদের অষ্টপ্রহর যেন রাজার
সঙ্গে থাকতে দেন । ব'লো, তা'হলে আর রাজ-
শরীর ত্যাগ ক'রে যোগী নিজশরীরে যেতে
পারবে না ।

গণ । বাবাঠাকুর, ব্যাপারখানা কি ?

উগ্র । পরে জানবে ; যাও—আজ্ঞামত কার্য্য করো ।

[গণপতির প্রস্থান ।

নিশ্চয় রাজশরীরে শঙ্করাচার্য্য প্রবেশ করেছেন ।
রাজাকে বলি দিতে পারলেই যোগিবরকে বলি
প্রদান করা হবে, আমি অষ্টসিদ্ধি লাভ করবো ।
এখন যাই, অবিজ্ঞা-শক্তির নাস্তিকাগণকে
আবাহন ক'রে রাজসমীপে প্রেরণ করি । তারা
অমাবস্থা পর্য্যন্ত রাজাকে মুগ্ধ ক'রে রাখতে
নিশ্চয় পারবে ।

[প্রস্থান ।

(সনন্দন, শান্তিরাম ও শিষ্যগণের প্রবেশ)

সনন্দন । ভাই, সর্বনাশ ! কোন প্রকারে তো রাজ-
দর্শন পাওয়া গেল না । সন্ন্যাসীর রাজার নিকট
যাওয়া একেবারেই নিষেধ । গুরুদেব তো
দেখ'ছি, মহামায়ার প্রভাবে রাজশরীরে আবদ্ধ
হয়েছেন । এ দিকে তো শবদেহ দাহনের
আজ্ঞা প্রচার হয়েছে । কি জানি, যদি কোন
সুচতুর দূত গুরুদেবের দেহের সন্ধান পায়,—
তাহ'লে তো দেহ দগ্ধ হবে । আমাদের মধ্যে
যারা দেহরক্ষার্থে নিযুক্ত আছে, তারা তো রাজ-
শক্তি প্রতিরোধ করতে পারবে না । বিষম
সঙ্কট উপস্থিত । গুরুদেব স্বয়ং না উপায় করলে
তো উপায় দেখ'ছি নে । প্রভু, আশ্রিত সন্তান-
গণের প্রতি বিরূপ হবেন না ! প্রভু, স্বয়ং উপায়
উদ্ভাবন করুন ।

(মহামায়ার প্রবেশ)

৮ গ । -

(গীত)

পর'লে পরে সাধের বাঁধন, খুলে খোলে না ।

কাঁটা দিয়ে কাঁটা তোলা কথায় চলে না ॥

সোনার লোহার ঘ'সে ব'সে,

তবে লোহার শেকল ধসে,

যত্নে গড়ে সোনার শেকল, কিন্তে মেলে না ॥

সে শেকল শক্ত লোহার, আঁতে আঁতে বাঁধুনি তার,

হার ব'লে প'রেছে গলে, অমনি ফেলে না ॥

লোহার শেকল মনে হ'লে,

তখন চায় সে শেকল খোলে,

চেনে, যে চোক পেয়েছে, চোক না পেলে, না ॥

সনন্দন । দেখ—দেখ ভাই, এ তো সামান্য রমণী

নয় ! সঙ্গীতের ভাবে বোধ হয়, যেন সাধন-প্রথা

সম্পূর্ণভাবে অবগত । সঙ্গীতচ্ছলে আমাদের

উপদেশ প্রদান ক'রলে, যেন—বিজ্ঞামায়ার

সংঘর্ষণে বিজ্ঞামায়া ও অবিজ্ঞামায়া পরস্পর ধ্বংস

না হ'লে জীবের চৈতন্য লাভ হয় না । (মহা-

মায়ার প্রতি) মা, তুমি কে গা ?

মহা । তোমাদের মা । ..

সনন্দন । যদি মা, এ মহাবিপদে আমাদের উপায়

করুন ।

মহা । তাই তো এসেছি । এ বেশে রাজদর্শন

পাবে না ; এস, তোমাদের গায়ক ও যন্ত্রী

সাজিয়ে দিই ।

সনন্দন । মা, আমরা তো যন্ত্র-বিদ্যা ও সঙ্গীতবিদ্যা

কোন বিদ্যাই অবগত নই ।

মহা । এসো, আমি তোমাদের শিখিয়ে দেবো ।

সনন্দন । (অজ্ঞাত শিষ্যগণের প্রতি) এসো ভাই ।

শান্তি । কি হে, এ উন্মাদিনীর সঙ্গে কোথায়

যাবে ? আমাদের একদিনে সঙ্গীত-বিজ্ঞা, যন্ত্র-

বিজ্ঞালাভ হবে না কি ? অপর উপায় করা

কর্তব্য ।

সনন্দন । ভাই, তোমারা প্রত্যক্ষ মহাদেবীকে চিন্তে

পাচ্চ না ? ইনি ব্যতীত উপায় নাই ।

শান্তি । তবে চলো । তুমিই আমাদের নেতা,

যে রূপ ব'লবে, তাই ক'রবো ।

[সকলের প্রস্থান ।

ষষ্ঠ গর্তাক ।

অমরক রাজার বিলাস-গৃহ ।

সরমা ও অম্বালিকা ।

সরমা । রাজাকে ফুলটি স্ন'কুতে দেবো কি না
জাব্চি, কি জানি যদি কিছু অনিষ্ট ঘটে ।
আমার এ সন্ন্যাসীকে বিশ্বাস হয় না ।

অম্বালিকা । ফুল শু'কে কি আর অনিষ্ট হবে ?

সরমা । * [অবশ্য কোন অবিদ্যাশক্তির প্রভাব এই
ফুলে আছে । এ সন্ন্যাসী শক্তিসম্পন্ন, আমার
ধারণা হয়েছে ; কিন্তু এ শক্তি সংসারের অহিত-
সাধক । যদি কোন যোগিরাজ মহারাজের
শরীরে সত্যই প্রবেশ ক'রে থাকেন, তিনি
রাজদেহে অবস্থান করুন, এই আমাদের কামনা ;
কিন্তু তাঁর কোন অনিষ্ট না ঘটে । যোগীর
অনিষ্টসাধনে মহাপাপের সঞ্চয় হয় ।

অম্বালিকা । দিদি, যে পথে চলেছ, সেই পথেই
চলো । যোগিরাজকে রাজদেহ হ'তে বহির্গত
হ'তে দেওয়া কোনরূপেই উচিত নয় । তা' হলে
আমাদের বৈধব্য বটবে, রাজ্য ছারখারে যাবে ।
যদি উপায় থাকে, কেন না ক'রবো ? তোমার
যদি ভয় হয়, আমায় দাও, আমি ফুল শোঁকাচ্চি ।

সরমা । কিন্তু]* এই যোগীর নিকট কি পণ
করেছি জানো ? যদি আমাদের কার্য্যসিদ্ধি
হয়, মহারাজাকে নিয়ে যোর স্থানে উপস্থিত
হ'তে হবে । দাস-দাসী কারেও সঙ্গে নিতে
পারবো না ।

অম্বা । সে তখন দেখা যাবে ।

সরমা । ফুল শোঁকাতে চাও শোঁকাও । কিন্তু বোধ
হ'চ্ছে সন্ন্যাসী—কপালিক । কপালিকদের
রাজবলি, যোগিবলি প্রয়োজন হয় ।

অম্বা । না না, তোমার ভাই সকলকেই সন্দেহ ।
আমরা কেঁদে কেটে ধ'রেছিলাম, তাই আমাদের
প্রতি কৃপা করেছেন ।

সরমা । আচ্ছা ভাই, তোমার কথাই শুনি, ফুল
শোঁকাবো ।

(অমরক রাজদেহাশ্রিত শঙ্করাচার্য্যের প্রবেশ)

শঙ্কর । দেখ দেখ স্বপ্নের সংসার,
স্বপ্ন বিনা কিছু নহে আর ।

ভোজবাজি প্রায়

এই আছে এই কোথা যার,

নির্ঘন না হয় কিছু তার !

বুঝ কিবা স্বপ্নের প্রভাব !

স্বপন-গঠিত বহে অনন্ত সময়

স্বর্গ মর্ত্য রসাতল—অনন্ত এ স্থান,

সমুদয় স্বপ্ন বিনির্মিত ।

ব্যোম সমীরণ স্থল জল চন্দ্রমা তপন,

অনন্ত অনন্ত বিশ্ব স্বপনে সৃজিত ।

ঘোর স্বপ্ন—

স্বপ্ন নয়—স্বপ্ন বুদ্ধি—স্বপন সকলি !

সত্য কিবা কে জানে সন্ধান !

কেবা জ্ঞানবান্

সত্য-তত্ত্ব করিবে প্রচার ;

কেমনে এ স্বপ্নঘোর হবে বিদলিত !

সরমা । মহারাজ, দেখুন, কেমন সুন্দর ফুল—কেমন
সুন্দর আশ্রাণ !

শঙ্কর । (ফুল লইয়া আশ্রাণপূরক) কে বলে স্বপ্ন
—এই তো, এই তো সব বিজ্ঞান—এই তো
সুন্দর সংসার !

সরমা । মহারাজ, ফুলটি সুন্দর নয় ?

শঙ্কর । ফুল নহে সুন্দর সুন্দর—

তব করস্পর্শে সুন্দর কুসুম,

তোমার অধর রাগে রঞ্জিত প্রস্থন,

সৌভ—পরশি তব কর,

সৌন্দর্য্য-গঠিত তব কায় ।

এসো প্রিয়ে বিলম্ব না নয়,

অধর-সুধার আশে ভূষিত এ প্রাণ,

শিরায় অনল খেলে কটাক্ষে তোমার,

আলিঙ্গনে কর সুশীতল ।

আন সুরা—আন সুরা—জলুক অনল,

ভোগভূষা-হলাহল হউক প্রবল,

ভোগমাত্র সার বস্তু মানব-জীবনে ।

(নেপথ্যে সঙ্গীতধ্বনি)

মরি মরি ! বাণাকষ্ঠ-বিনিঃসৃত কি সুন্দর গান !

অনিলে মিশিল যেন !

সঙ্গীতনিপুণ কেবা সহচরী তব ?

বিমুক্তকারিণীগণে আন সন্নিধানে ।

অম্বালিকা । (নেপথ্যে দৃষ্টিপাত করিয়া সরমা)

প্রতি জনান্তিকে) দিদি, বোধ হয়, সন্ন্যাসী
ষাদের গান করুতে পাঠিয়ে দেবেন ব'লেছিলেন,
তারা আস্চে ।

(উগ্রভৈরব-প্রেরিত অবিজ্ঞা-সঙ্গিনীগণের প্রবেশ)

(নৃত্য-গীত)

চাঁদ উঠেছে, ফুল ফুটেছে, বইছে মলয়-বায় ।
সোহাগে গাইছে পাখী, চকোর উধাও ধায় ॥
অবশে এলোকেশে, অরুণ-অঁখি চায় আবেশে,
কাঁচলী পড়ে থ'সে, কাতর পিপাসায় ।
ভরা লাবণ্য জলে, তরঙ্গ রঙ্গে চলে,
হিল্লোলে কমল দোলে, উথ্লে মধু যায় ॥

শঙ্কর । মাত প্রাণ, কর পান আনন্দলহরী,
গাও গাও, সুরাপাত্র দেহ বিধুমুখি !
তোল তান—মত্ত কর প্রাণ—
ব'য়ে যাক বিলাস-নিবাস ।

(বিজ্ঞাসঙ্গিনীগণ সহ মহামায়া ও যদুভক্ত সনন্দন,
শাণ্ডিল্য প্রভৃতি শঙ্করাচার্য্যের শিষ্যগণের প্রবেশ)

(গীত)

ক। তব কান্ত কস্তে প্রভঃ, সংসারোন্ময়মতীর্বাচিত্রঃ ।
কস্য হং বা কুত আশ্রিতস্তদ্বৎ চিন্তয় তদিদং ভ্রাতঃ ॥

ম। কুরু ধনজনযৌবনগর্বং,
হরতি নিমেষাং কালঃ সর্কন্ ।

মায়াময়মিদগথিলং তিষ্ঠা,
ব্রহ্মপদং প্রবিশান্ত বিদিত্বা ॥

নলিনীদলগ তজ্জলমতিতরলং,
তদ্বজ্জীবনমতিশয়চপলম্ ।

অগমিত সজ্জনসঙ্গতিরেকা,
ভবতি ভবাণবতরণে নৈকৈকা ॥

গাবজ্জননং তাবজ্জরণং,
তাবজ্জননৌ-জঠরে শয়নম্ ।

ইতি সংসারে ক্ষুটতর-দোষঃ
কথমিহ মানব তব সন্তোষঃ ॥

দিনযামিত্তৌ সায়ম্প্রাতঃ, শিশিরবনন্তৌ পুনরায়াতঃ ।
কালং ক্রীড়তি গচ্ছত্যাযুস্তদপি ন মুঞ্চত্যাশাবায়ুঃ ॥

সুরবরমন্দির-তরুমূলবাসঃ,
শয্যা ভূতলমাজিনং বাসঃ ।

সর্বপরিগ্রহ-ভোগত্যাগঃ,
কস্য সুখং ন করোতি বিরাগঃ ॥

[৭]

অষ্ট কুলাচলাঃ সপ্ত সমুদ্রাঃ,
ব্রহ্মপুরন্দরদিনকর-কুদ্রাঃ ।

ন ত্বং নাহং নাযং লোক-

স্তদপি কিমর্থং ক্রিয়তে শোকঃ ॥

বালস্তাবৎ ক্রীড়াসক্তস্তরুণস্তাবতরুণীরক্তঃ ।

বৃদ্ধস্তাবচ্চিন্তামগ্নঃ, পরমে ব্রহ্মণি কোহপি ন লগ্নঃ ॥

শঙ্কর । এ কি এ কি, ঘোর আবরণ !

সত্য বোধ অনিত্য স্বপনে !

কি ঘোর ছলনে—

ব'য়েছি আবদ্ধ এই স্থানে !

বিধ্বাবাণী আত্মা বদ্ধ এই ক্ষুদ্র দেহে !

(অবিজ্ঞাসঙ্গিনীগণের গীত)

রমণী রমণকুশলা ।

করে সুরা পেয়ালা ভরা নগ্নন-বিলোলা,
শিহরে আবেশেভরে সুরত-বিহ্বলা ॥

শঙ্কর । যাও যাও—

নাহি আর মাদুরী এ গীতে,
জ্ঞানারুণে বিকসিত চিত-শতদল ;

বিদূরিত অবিজ্ঞা-আঁধার ।

আর বদ্ধ রাখিতে নারিবে ।

দেহ হ'তে পৃথক্ তো আমি ।

কিস্ত কোথা পথ ?

কোন্ পথে হবে বহির্গত ?

অবিজ্ঞাসঙ্গিনীগণ । মহারাণী মহারাণী,—এদের
তাড়িয়ে দেন, নইলে সন্দনাশ হবে ।

মহামায়া । (অবিজ্ঞাসঙ্গিনীগণের প্রতি)

এসে', মেশো আমার শরীরে,

আর কার নাহি অধিকার ।

কাল গত, সূদিন আগত,

নাহি হবে মায়ার প্রভাব আর ।

এসো বিজ্ঞারূপে হই পরিণত';

ত্যাগ স্থান নাহি যথ' অধিকার ।

[বিজ্ঞা ও অবিজ্ঞাসঙ্গিনীগণের পরস্পর মিলিত
হইয়া মহামায়ার সহিত প্রস্থান ।

শঙ্কর । সত্য সত্য, এই তো নেহারি—

মন নিজ স্থান পরিহারি

ভ্রমে গুহ-লিঙ্গ নাতিস্থলে,

কামপুণ স্থান,—পাশবীয় ইচ্ছার প্রসূতি

এই কলুষিত স্থানে ভ্রমে সদা মন !
 সামান্য মক্ষিকা যথা পুরীষ-প্রয়াসী,
 সেইরূপ নিম্ন পদ্যদলে ভ্রমে মন,
 জড় প্রায় নাহি কোন জ্ঞান ।
 হৃৎপদ্য—যথা ব্রহ্ম-জ্যোতি দীপ্তিমান্—
 বারেক না উঠিবারে চায় !
 উঠ মন ! তুমি মধুমক্ষিকার প্রায়,
 হৃৎপদ্যে বসি হের
 উজ্জ্বল পদ্য কণ্ঠমাঝে রাজিত ষোড়শদলে
 গুন গুন ব্রহ্মগাথা হইতেছে গান,
 অত্র শব্দ স্তব্ধ সমুদয় !
 উঠ উচ্চতর—ক্র-দ্বয়-মাঝে,
 নেহার দ্বিদল পদ্য দামিনী-গঠিত যেন,
 জ্যোতির্ময় স্থান ।
 হুঃ স্থির ! হের মন—
 কিবা ব্যবধান
 তুমি আর সহস্রার পদ্যমাঝে ।
 কর ষট্‌পদ্য ভেদ,
 ব্রহ্মরঞ্জে হের মুক্তিপথ,
 ব্রহ্মরঞ্জে পথ—ব্রহ্মরঞ্জে পথ ।
 চল পদ্যপাদ —

[ব্রহ্মরঞ্জে ভেদ করিয়া শঙ্করাচার্য্যের অমরক রাজদেহ
 পরিত্যাগকরণ এবং শঙ্করাচার্য্যের শিষ্যগণের প্রস্থান ।
 অম্বা । সর্বনাশ হলো, সর্বনাশ হলো ! কে আছ,
 রাজবৈষ্ণবে সংবাদ দাও ।
 সরমা । কারে সংবাদ দেবে ? যোগিরাজ রাজ-
 দেহ পরিত্যাগ করেছেন । এসো, আমরা
 প্রস্তুত হই, চিত্তানলে বৈধবা-যন্ত্রণা নিবারণ
 করবো । চলো, রাজদেহ তুলসীমঞ্চ লয়ে
 যাই ।

সপ্তম গর্ভাক্ষ ।

মণ্ডন মিশ্রের বাটী ।

মণ্ডন মিশ্র ।

মণ্ডন । এত দিন এক স্রোতে বহিত সময়,
 অন্তরের দ্বন্দ্ব নম না ছিল কখন ;
 এবে সন্ধিস্থলে উপনীত জীবন-প্রবাহ ।

*[অজানিত বিস্তৃত সমুদ্রে পহ্লাদয়,—
 একদিকে টানে বাসনার,
 অত্রদিকে বৈরাগ্যের আকর্ষণ ।
 আকর্ষণে ছিন্ন হয় বাসনা-বন্ধন,
 কিন্তু বাজে বেদনা হৃদয়ে ।
 সত্য জ্ঞান করিতাম বাহা,
 সুশোভিত সুন্দর সংসার,
 বিবেক দেখায় তাহা প্রপঞ্চ কেবল !
 মহা দ্বন্দ্ব—হয় তাহে আকুলিত মন ।
 সত্যমূর্ত্তি হেরি হয় ভয়ের সঞ্চার ।
 প্রপঞ্চ সকলি !
 জ্ঞানালোক-ঝলকে ব্যথিত হস্ত-প্রাণ !
 সত্য মূর্ত্তি মনোহর বিবেক-নয়নে,
 বাসনা-জড়িত-চিত করে বিচলিত ।]*

(উভয়ভারতীর প্রবেশ)

উভয় । কি মিশ্র ম'শায়, আমার ছেড়ে যেতে
 চান—যাবেন, তার আর ভাবনা কি ? কিন্তু
 আচার্য্য আমার না পরাজিত ক'রলে আমি
 ছেড়ে দেব না । আমার সহিত মাসান্তে বিচার
 ক'রবেন ব'লেছিলেন ! কিন্তু কই, একমাসের
 অধিক তো অতীত হয়েছে । তবে আর কেন,
 এসো—যেমন ছিলুম, তেমনি থাকি ।

মণ্ডন । আমার ইচ্ছা বটে, কিন্তু যেমন ছিলুম,
 তেমন আর থাকবার উপায় নাই । ইচ্ছা হয়,
 আবার বিশ্বাস করি—সকলই সত্য, কিন্তু উপায়
 নাই । যখন স্থির চিন্তায় বসি, আচার্য্য স্মরণ
 ক'রে চিন্তাপ্রবাহ যে কোথায় যায়, তা নির্ণয়
 ক'রতে আমি অক্ষম । আনন্দময় অসীম সাগরের
 আভাস যেন চক্ষে নিপতিত হয় । মনে হয়,
 স্বর্গাদি তুচ্ছ কামনা ল'য়ে কি প্রকারে এত দিন
 কর্মকাণ্ডে নিযুক্ত ছিলাম ! ভেবেছিলাম, কর্মই
 সর্বস্ব, কিন্তু কেন—কিসের কর্ম—আমার কর্ম
 কি ? কিন্তু সেই মুহূর্ত্তে আবার তোমার কণ্ঠস্বর
 গুণতে পাই, তুমি আমার নয়ন-পথে পতিত
 হও, তখনি বাসনা বলে—“কেন, এই তো
 ভোগের সংসার, ভোগই মোক্ষ, অপর
 মোক্ষ কি ?”

উত্তর । অমন গম্ভীর হ'য়ে কথাবার্তা কইলে আমি
 কিন্তু তোমার কাছে থাকবো না । হায় রে, কি

ভয়ই দেখালুম ! আমি চ'লে গেলে তো তুমি বাঁচো ।

মণ্ডন । তোমার আজ এ কৌতুক-কলাপ কি নিমিত্ত ? দেখছি, তোমার চিত্ত অতি প্রফুল্ল ; বোধ হয়, আমার প্রতি দোষ দিয়ে তুমি ইচ্ছা ক'রেই চ'লে যেতে চাচ্চ ।

উভয় । কোথায় চ'লে যাব ? আমার যাওয়া ইচ্ছা ? এতদিন বিচ্ছেদের আশঙ্কা ছিল, সে আশঙ্কা আর থাকবে না ।

মণ্ডন । তোমার কথার ভাব ত আমার অনুভূতি হ'চ্ছে না । তোমার মুখে কদাচ অসঙ্গত কথা নির্গত হবে না । তুমি এই মৃত্যুর আগার সংসারে ব'ল্চ—চিরদিন অবিচ্ছেদে থাকবো ? যদি বিচ্ছেদ না হয়, সে তো কেবল মরণাবধি ।

উভয় । জীবন-মরণ আমাদের তো নাই ; আমরা পরস্পর প্রেমে আবদ্ধ, সে বন্ধন মৃত্যুতে ছিঁড়তে পারবে না । আজ এই অনিত্য বন্ধন-মুক্ত হ'য়ে সেই চির-বন্ধনে পরস্পরে এক হয়ে থাকবো ।

* [মণ্ডন । উভয়ভারতি উভয়ভারতি, তুমি কি আমার ছেড়ে যাবে ?

উভয় । দিন দিন তুমি ত ভারি পণ্ডিত হ'চ্ছ ? অবিচ্ছেদের নাম বুঝি ছেড়ে যাবে ? তুমি মনে ক'চ্ছ, বুঝি সম্যাস নিয়ে আমার ছেড়ে পালাবে ? তা ছাড়বো না—পালাতে পারবে না । আর পালাবেই বা কোথায় ? তোমার আচার্য্য আর আমার সঙ্গে বিচার করতে আসবে না । আমার অতি কঠিন শাস্ত্রের তর্ক, এ প'ড়ে শেখে না, ঠেকে শেখে ।]* মিশ্র, মিশ্র—গুভক্ষণ উপস্থিত, এই যে তোমার আচার্য্য ।

(শঙ্করাচার্য্যের প্রবেশ)

বাবা, আমি পরাস্ত ।

শঙ্কর । মা, তবে বর দেন যে, যত দিন আমার ভাষ্য প্রচলিত থাকবে, তত দিন আপনি আমার মঠ-রক্ষণী হবেন । মা বিজ্ঞারূপিণী, তুমি না সংসারে বিজ্ঞমান থাকলে আমার ভাষ্য পৃথিবীতে লুপ্ত হবে ।

উভয় । বৎস, তোমার কার্য্যে আমি সহায় মাত্র, তোমার ইচ্ছা কদাচ অপূর্ণ থাকবে না ।

মণ্ডন উভয়ভারতি, উভয়ভারতি—তুমি কে ? এত দিন তোমায় চিনি নাই ! এতদিন তুমি পরিচয় দাও নি ! পরিচয় দাও—তুমি কে ? কি ভাগ্যে আমার গৃহিণী হ'য়েছিলে ?

উভয় । শোনো মিশ্র, ব্রহ্মলোকে সপ্তর্ষি বেদপাঠ কচ্ছিল, আমি চতুশ্রুতের পার্শ্ব ছিলাম । ঋষি-মুখে বেদবাক্য শ্রবিত হওয়ায় আমি হান্ত করি । সে নিমিত্ত সপ্তর্ষি লজ্জিত হন । চতুশ্রুত ক্রুদ্ধ হয়ে আমার অভিষাপ প্রদান করেন যে, মানবী হয়ে ধরনীতলে অবতীর্ণ হও । অভিষাপে আমার আনন্দ হ'লো ।

মণ্ডন । এ দারুণ অভিষাপে আনন্দ ?

উভয় । শোনো মিশ্র, কি নিমিত্ত ঋষিজিহ্বায় বেদ-বাক্য শ্রবিত হয়েছিল । ধরায় বৌদ্ধ ধর্ম প্রচার হওয়ায় বাগবজ্র ধরনীতে লুপ্ত হয় । সেই জন্ত দেবতারাও মলিন হয়, চতুর্বেদও মলিন আবরণে আবৃত হয় । সেই আবরণ উদ্ঘাটিত হবে, বিমল অদ্বৈত-পন্থা সূর্য্যের জ্বালায় মোহ-তম নাশ করবে, আমি উপস্থিত থেকে সেই নররূপী শঙ্কর দর্শন করবো । দেবদেবের নরলীলা কল্পে কল্পে কদাচ হয় ; সেই লীলা দর্শন করবো—এই আমার আনন্দ হয়েছিল । এক্ষণে নররূপী শঙ্করের নিকট পরাজিত হয়ে বিধিবাক্যে আমি অভিষাপমুক্ত । এই মূর্ত্তিতে তোমার সহিত এই শেষ দেখা ; কিন্তু জেনো, আমরা অবিচ্ছেদ । আমি কে জেনেছি, গুরু প্রসাদে অচিরে উপলব্ধি করবে—তুমি কে ।

[উভয়ভারতীর অন্তর্ধান ।

মণ্ডন । কোথায় গেল ?

শঙ্কর । দিব্যচক্ষে দর্শন করো, ওই মা শ্বেতশতদল-বাসিনী—শ্বেত পদ্মাসনে বিরাজিতা । তুমি মণ্ডন নাম পরিত্যাগ ক'রে আজ হ'তে 'সুরেশ্বর' নামে খ্যাত হও । মোহমালিন্য দূর ক'রে চলো—মহাকাব্যে গমন করি ।

পট পরিবর্তন ।

কনকবনে সরস্বতী ।

(কলাবিজ্ঞাগণের গীত)

কবি-রবি-ছবি নথরে ঠিকরে ।

রাগ-রঙ্গ গুঞ্জরে করে, মোহ নাশি বেদহাসি অধরে ॥

ধানগঠিত খেত-মুরতি, দিব্যাস্বর্য খেত-জ্যোতি,
ভূষণসিত জ্ঞানভাতি সহস্রারে বিহরে ॥
খেতাজিনী ভারতী, খেত-সরোজে আরতি,
আলোকিত ভ্রান্তি-রাতি, খেত কিরণনিকরে ॥

পঞ্চম অঙ্ক ।

—::—

প্রথম গর্ভাক । *

পল্লী-প্রান্তস্থ পথ ।

ক্রীড়ারত বালকগণ ।

১ম বালক । বুড়ী হবে কে ? তুই বুড়ী হ ।

২য় বালক । বাঃ, নজা দেখ না ? আমি খেলবো
না, বুড়ী হয়ে চুপ ক'রে ব'সে থাকবো ?

৩য় বালক । ওরে ওরে—ঐ হাবা আসছে, ওকে
বুড়ী করি আয় ।

১ম বালক । না, না—ও ইচ্ছে হয় বসবে, নইলে
উঠে কোথা চ'লে যাবে ।

২য় বালক । আচ্ছা ভাই, ও অমন কেন ? একদিন
খেলতে চায় না ।

১ম বালক । তবে আর হাবা কি ? ওর মা খাবার
দিয়েছে, আমি কত দিন ওর হাত থেকে কেড়ে
খেয়েছি, কিছু বলে না ।

২য় বালক । তুমি ভাই ওকে বড় মারো ।

১ম বালক । কিছু বলে না, তাই হাতের সুখ করি ।

২য় বালক । না ভাই, ওকে মেঠো-টেয়ো না ।

৩য় বালক । দেখ, ওকে ঘোড়া করবি ?

২য় বালক । না না—কেন বামুনের পিঠে চাপবো ?

১ম বালক । ওরে আয় না, আয় না—ও কাঁধে
নিয়ে বেড়িয়ে বেড়াবে এখন ।

৩য় বালক । না ভাই, এখন তুমি চোর হয়েছ,
খেলা দাও ।

(খাবার হস্তে হাবার প্রবেশ ও চুপ করিয়া
একস্থানে উপবেশন)

এই হাবা এসে ব'সেছে ।

১ম বালক । (অত্যাশ্চর্য বালকের প্রতি) ওরে,
খাবার নিয়ে এসেছে, খাই আয় ।

২য় বালক । কেন ওর খাবার কেড়ে খাবি ?

৩য় বালক । তোর ইচ্ছা না হয়, তুই খাস নি ।
(হাবার হস্ত হইতে খাবার লইয়া ২য় বালক
ব্যতীত সকলের আহ্বার) হাবা বুড়ী হোক,
নাও চোখ বোজো, চোর হও ।

১ম বালক । এই হাবা, চো'খ টিপে ধর না, কিসের
বুড়ী হ'লি ? ধর না চোখ টিপে,—(মাথায় চড়
মারিয়া) এটা পারিস্ নে ?

২য় বালক । কেন ওকে মারিস্ ? নে খেল ।

(বালকগণের ক্রীড়া ও গীত)

হয়েছে—টু দিয়েছি, লুকোবো না ছোঁ দেখি ?

তাড়া দাও, তা হবে না, চোর হয়েছ—চালাকি ?
ছাই জানিস্ লুকোচুরি ; ছুঁবি ? তোর মুরোদ ভারি,
এক ছুটে ছোঁব বুড়ী, ভাঙ্গবো তোর জারী,
সাত চাঁদ গায়ে দেব, ঝাড়বো মাথায় চক্‌মকি ।

(৩য় বালকের ছুটিয়া আসিয়া প্রথমে হাবা [বুড়ী]
কে স্পর্শকরণ এবং তৎপশ্চাৎ ১ম বালকের
৩য় বালককে স্পর্শকরণ)

১ম বালক । আমি ঠোকে ছুঁয়েছি, তুই চোর
হয়েছিস্ ।

৩য় বালক । আমি বুড়ী ছুঁলে, তার পর তুই আমায়
ছুঁয়েছিস্ ।

১ম বালক । মিছে কথা বলিস্ নে, আমি আগে
ছুঁয়েছি ।

৩য় বালক । তুই মিছে কথা বলিস্ নি, আমি আগে
বুড়ী ছুঁয়েছি ।

১ম বালক । আচ্ছা, বুড়ী বলুক । হাবা, বল তো
—আমি আগে ছুঁই নেই ? আমি আগে
ছুঁয়েছি, তার পর ও তোকে ছুঁয়েছে । বল না
—বল না বেটা (প্রহারকরণ)

২য় বালক । কেন ওকে মারিস্—কেন ওকে
মারিস্ ?

১ম বালক । ওরে, ওর মা আসছে—পালাই চল—
[বালকগণের পলায়ন ।

(প্রভাকর ও তৎপত্নীর প্রবেশ)

প্রভাকর-পত্নী । দেখ দেখি, ব'সে ব'সে মার খাচ্ছে ।
খাবার হাতে দিলে বেরিয়ে আসে, আর ছেলে-

গুলো কেড় নেয়। তুমি তো ছেলেগুলোকে কিছু বলবে না! মেরে হাড় গুঁড়ো ক'রে দেয়, খাবারগুলো কেড়ে খায়।

প্রভাকর। আমি কিছু বলি নি, যদি এতেও চৈতন্য হয়। এদের সঙ্গে খেলতে ইচ্ছে হয়, কি রাগ হয়,—তা হলেও বুঝবো যে, জ্ঞানসঞ্চার হচ্ছে।

প্রভাকর-পত্নী। আর তোমার মার খেয়ে জ্ঞানে কাজ নেই। পোড়ারমুখো ছেলেরা!—আমি আর বাছাকে বেরতে দেবো না।

(জনৈক প্রতিবাসীর প্রবেশ)

প্রতি। ওহে প্রভাকর—প্রভাকর, এই দিক দিয়েই মহাপুরুষ যাবেন। তুমি একেবারে পায়ে ধ'রে পড়,—আর ছেলেটাকে পায়ে ফেলে দাও। ক্ষমতার কথা বলবো কি হে, আমি সচক্ষে দেখলুম, মরা ছেলেটা বাঁচিয়ে দিলে!

প্রভা-পত্নী। হ্যাঁ জ্যাঠা,—সত্যি?

প্রতি। হ্যাঁগো, মরা ছেলে কোলে ক'রে মা মাগী কাঁদচে, তাদের ভাগ্যক্রমে সেই স্থান দিয়ে মহাপুরুষ যাচ্ছেন;—দেখে দয়া হলো, বল্লেন, 'কাঁদচো কেন, তোমার পুত্র ত মরে নাই।' ওমনি মৃতপুত্র যেন যুম ভেঙ্গে উঠলো!

প্রভাকর। আমার প্রতি কি দয়া হবে?

প্রতি। অবশ্যই হবে, উনি দয়ার সাগর।

(শঙ্করাচার্য্য এবং সনন্দন, মণ্ডমিশ্র, আনন্দগিরি, চিংসুখ, তোটকাচার্য্য, শান্তিরাম প্রভৃতি শিষ্যগণের প্রবেশ)

শঙ্কর। সুরেশ্বর, এ কোন্ দেশ? যেন কোন মহাপুরুষের আবাসস্থল বোধ হচ্ছে। দেখ দেখ,—মাধব-মালতী পরস্পর আলিঙ্গিত ও পুষ্পিত, যেন শান্তিদেবী বিরাজ কচ্ছেন; প্রান্তর শশু-শালিনী, পাখীরা অসঙ্খচিত্তিতে মনুষ্যের নিকট বিহার ক'রে গান কছে, যেন হিংসা-দ্বেষ-বর্জিত স্থান। হেথায় নিশ্চয় কোন মহাপুরুষ অবস্থান কচ্ছেন।

প্রতি। (প্রভাকরের প্রতি জনান্তিকে) নাও, নাও—পায়ে ধরো।

প্রভাকর। (হাবার হস্ত ধরিয়া) নে, প্রণাম কর। (শঙ্করাচার্য্যের পদপ্রান্তে রক্ষা করিয়া) প্রভু!

কৃপা করুন,—বহুদিন অপুত্রক ছিলাম, শেষ অবস্থায় এই পুত্রসন্তান লাভ হয়; কিন্তু পুত্রপ্রাপ্তে আমার ও আমার ব্রাহ্মণীর যন্ত্রণা শত-গুণে বর্দ্ধিত। পুত্রের বয়ঃক্রম ত্রয়োদশ বৎসর, কিন্তু অত্যাধি একটি বাক্য নিঃসরণ করে নাই, দিবারাত্র অন্তমন। ভোজ্যবস্তু মুখে দিলে কখনো আহার করে, পরিধেয় বস্ত্র সর্বসময়ে কটিদেশে থাকে না, শুচি-অশুচি জ্ঞান নাই, যজ্ঞোপবীত দেহ হ'তে পড়ে যায়, তার প্রতি লক্ষ্য নাই। সমবয়স্কের সহিত কখন ক্রীড়া করে না, কোন ছুট বালক যদি কখনো প্রহার বা অন্তরূপ পীড়ন করে, তাতে কোন প্রকার বিরক্তি প্রকাশ করে না। মানবের আকার-মাত্র, কিন্তু জড়ের স্থায় অজ্ঞান। প্রভু, আপনার কৃপায় মৃতবালক জীবন পেয়েছে,—আমার এই জড়বাণকের উপায় করুন। দেখুন—কাষ্ঠবৎ আপনার পদতলে পতিত রয়েছে, যে অবস্থায় রাখুন, সেই অবস্থায় থাকে।

শঙ্কর। আপনি জড় বলছেন, কিন্তু আপনি আমার প্রণাম করতে বললেন, তা তো বুঝলে?

প্রভাকর। কিছুই বোঝো নাই। আমি আপনার পদপ্রান্তে নিক্ষেপ করলেম, সেই অবস্থাতেই পতিত রয়েছে। প্রভু, আপনি মন্তকে পদার্পণ করুন।

শঙ্কর। বালক, তুমি কে? কেনই বা এই জড়ের স্থায় অবস্থান কচ্চ? (হাবার মন্তকে হস্তার্পণ) হাবা। নাহং মনুষ্যো ন চ দেবযক্ষো,

ন ব্রাহ্মণক্ষত্রিয়বৈশ্যশূদ্রাঃ।

ন ব্রহ্মচারী ন গৃহী বনস্থো,

ভিক্ষুনর্চাহং নিজবোধরূপঃ।

শঙ্কর। (প্রভাকরের প্রতি) শুন দ্বিজবর, তোমার বালক কি আত্ম পরিচয় দিচ্ছে।

হাবা। তপন-কিরণে যথা ভুবন প্রকাশ,

সেইরূপ মনশ্চক্ষু ইন্দ্রিয়াদি যত

ক্রিয়াবান্ যাহার প্রভাবে,

আকাশের তুল্য শুদ্ধ নিরঞ্জন যেই—

নিত্যজ্ঞান স্বরূপ সে শুদ্ধ-আত্ম আমি। ১

বহির উষ্ণতা যথা বহির স্বরূপ,

নিত্যজ্ঞান স্বরূপ যাহার,

জড়মতি প্রকৃতি যে বিরাট্ আশ্রয়ে

সচঞ্চলা কার্যো পরিণতা,
 অদ্বিতীয় নিত্যজ্ঞান স্বরূপ অহম্ । ২
 বদনের প্রতিবিম্ব দর্পণে যেমন
 বদন হইতে নহে পৃথক্ কখন,
 বুদ্ধিরূপ মুকুরে বিস্থিত আত্মা তথা
 জীব-ভাব করিয়ে করন্য,
 ভিন্ন ভাবে আপনার পরমাশ্রয় হ'তে—
 সেই নিত্য বোধরূপ পরমাশ্রয় আমি । ৩
 প্রতিবিম্ব নাহি রহে মুকুর বিহনে.
 সেইরূপ আত্মবুদ্ধি হইলে বিলীন,
 পরমাশ্রয় বিস্থিত যাহাতে,
 অথগু অসঙ্গ আশ্রয় রহে বিদ্যমান,
 সেই পরমাশ্রয় মন আশ্রয়-পরিচয় । ৪
 মনের যে মন, যিনি চক্ষুর নয়ন.
 ইন্দ্রিয় যাহারে নাহি পায় দরশন,
 আমি সেই মুক্তজ্ঞান আশ্রয় স্বরূপ । ৫
 বহু জলপাত্রে যথা তপন বিস্থিত,
 অদ্বিতীয় নিম্নম সে চিৎ সপ্রকাশ—
 নানা ঘটে নানা রূপে হয় বিদ্যমান,
 আমি সেই নিত্যজ্ঞান আশ্রয় স্বরূপ । ৬
 এক সূর্য্য যথা রূপ প্রকাশ কারণ,
 বহু চক্ষু হেরে তাহা তাহার প্রভায়,
 সেইরূপ এক বহু বুদ্ধিতে প্রকাশ,
 বহু জানে বহু বুদ্ধি এক বস্তু হেরে,
 বহুভাবে বিস্থিত সে নিত্য আশ্রয় আমি । ৭
 মেঘাচ্ছন্ন হেরি দিবাকর,
 প্রভাহীন রবি জ্ঞান করে মুঢ়জন,
 সেইরূপ চিৎ বস্তু মায়া-আবরণে
 বদ্ধ জ্ঞান করে আপনায়,
 সেই নিত্য চিৎরূপ স্বরূপ আমার । ৮
 জগতে সমস্ত বস্তু যাহাতে প্রকাশ,
 অণু হ'তে বৃহত্তের আধার-স্বরূপ,
 স্বচ্ছরূপ বস্তুগত আকাশ যেমন—
 সেই নিত্য জ্ঞানরূপ স্বরূপ আমার । ৯
 কৃপাপ্রার্থী তব প্রভু, আশ্রিত তোমার,
 হে গুরু, হে বিকার-বিহীন মহাত্মন,
 ক্ষটিকের পার্শ্বে রক্তজবা সংস্থাপনে
 আরক্ত ক্ষটিক হয় জ্ঞান,

চন্দ্র-প্রতিবিম্ব যথা চঞ্চল সলিলে
 বহু চন্দ্র হয় অনুমান,
 পরমাশ্রয় পরমপুরুষ তুমি দেব,
 তেমতি এ বহুভাবে মায়ায় প্রকট,
 কৃপা কর নিরাশ্রয় জনে ।

শঙ্কর । হে বালক, তুমি জীবমুক্ত পুরুষ, করগত
 আমলকৌফলের ত্রায় ব্রহ্মতত্ত্ব তোমার হস্তগত ।
 তুমি হস্তামলক নামে জগতে বিখ্যাত হও । তুমি
 বহুজন্ম তপস্শ্রাব ফলে সংস্কার-বর্জিত । তুমি
 ব্রহ্মজ্ঞানী মহাপুরুষ, ব্রহ্মজ্ঞানে অবস্থান করো ।
 (প্রভাকরের প্রাত) পণ্ডিতবর, প্রত্যক্ষ দেখ-
 লেন—আপনার পুত্র জড় নয় । আপনি গৃহী,
 এ অসঙ্গ পুত্র আপনার প্রয়োজন নাই । এ
 পুত্রসন্তান আমায় দান করুন ।

ভা-পত্নী । না--না, আমার যেমন জড় ছেলে
 ছিল, সেই জড় ছেলে থাকুক, আমার ব্রহ্মজ্ঞানী
 ছেলে চাই না । আমি এ সন্তান তোমায় দেবো
 না,—আমার বাছা জড় হয়ে আমার ঘরে
 থাকুক ।

শঙ্কর । মা, কারে পুত্র ব'ল্ছ ? অরণ করো, তুমি
 তোমার শিশু পুত্র লয়ে যমুনায় স্নান কর্ত্তে
 গিয়েছিলে ; যমুনায় পতিত হয়ে তোমার শিশুর
 প্রাণবায়ু নির্গত হয় । এই সাধু তোমার রোদনে
 দয়ার্দ্দচিত্ত হয়ে তোমার শিশুর শরীরে প্রবেশ
 ক'রেছেন । তুমি ভেবেছিলে, তোমার পুত্র
 মূর্ত্ত্যাপন্ন হয়েছিল—তা নয়, তুমি এই মহাপুরু-
 ষকে গৃহে লয়ে এসেছ । পাছে সংস্কার স্পর্শ
 করে, সেই নিমিত্ত জড়ের ত্রায় ইনি অবস্থান
 করতেন । এই সাধুর প্রভাবে এ প্রদেগে শান্তি-
 পূর্ণ । মা, তোমার গৃহে নারায়ণ আছেন, পুত্র-
 ভাবে তাঁর সেবা করো, যশোদার ত্রায় নারায়ণ-
 পুত্র লাভ করবে ।

প্রভা । ব্রাহ্মণি, এসো—গৃহীর আবাসে যোগীর
 প্রয়োজন নাই । পুত্রজ্ঞানে এত দিন যে এই
 ব্রহ্মবিদ মহাপুরুষের সেবা করবার সুযোগ প্রাপ্ত
 হয়েছি, সে আমাদের পরম ভাগ্যফলে । পুত্রের
 মমতা এই যোগিবরের পদে অর্পণ করো ।

প্রভা-পত্নী । যতীশ্বর, এ দেহে মহাপুরুষ থাকুন আর
 যেই থাকুন, আমি এত দিন পুত্রজ্ঞানে পালন
 করেছি । পুত্রস্নেহে যে কি কঠিন বন্ধন, আপনি

যতি, আপনি কি জানবেন ? আমি অতি অভাগিনী !

শঙ্কর । না দেবি, তুমি সুভাগিনী, মুক্তাশ্রয় সেবা করেছ,—অচিরে মায়ারাজ্য পরিত্যাগ ক'রে প্রেমরাজ্যে নারায়ণকে পুত্ররূপে প্রাপ্ত হবে ।

প্রভা । যতীশ্বর, আপনার বস্তু আপনি গ্রহণ করুন, কিন্তু সংসার আমার অন্ধকার জ্ঞান হ'চ্ছে । প্রণাম । (পত্নীর প্রতি) এসো, গৃহে যাই, নারায়ণকে মনোবেদনা জানাই ।

[উভয়ের প্রস্থান ।

প্রতিবাসী । প্রভু, আমার পদধূলি প্রদান করুন । আমার জীবন সফল হোক । ব্রাহ্মণকুলে আমি একজন জ্ঞানহীন মূঢ় ব্যক্তি ।

[শঙ্করাচার্য্যের পদস্পর্শ করিয়া প্রণামকরণ ।

শঙ্কর । দেবদেবের প্রসাদে অচিরে দিব্যজ্ঞান লাভ করবে ।

প্রতি । প্রভু, আজ আমার পরম ভাগ্য, যতীশ্বরের দর্শন স্পর্শন ও আশীর্বাদ লাভ ক'রুলেম ।

[প্রতিবাসীর প্রস্থান ।

শঙ্কর । এসো হস্তামলক, তোমার কার্য্য অবসান হ'য়েছে । আমাদের এখনো বহুকার্য্য অসমাপ্ত । (আনন্দগিরির প্রতি) আনন্দগিরি, তুমি ধনু, তোমার ভাষ্য জনসমাজে পূজ্য ও হিতকর হবে । সনন্দন, চিৎসুখ, তোমাদের ভাষ্যপাঠেও আমি পরম তৃপ্তিলাভ করেছি ।

সনন্দন । প্রভু, আমি অপরাধী, আপনি সুরেশ্বরকে যখন ভাষ্য-রচনার আদেশ প্রদান করেন, আমরা অনেকেই বিরূপ হ'য়েছিলাম, বিশেষতঃ আমি । ভাব্তেম, যে ব্যক্তি সংসারে লিপ্ত ছিলেন, কৰ্ম্ম-কাণ্ড যার জীবন ছিল, তিনি বিমল অদ্বৈত-ভাষ্যের টীকা কিরূপে করবেন । সে ভ্রম আমার খণ্ডন হয়েছে ।

শঙ্কর । সুরেশ্বর, প্রারব্ধ বলবান্ । প্রারব্ধে তুমি অপর দেহ ধারণ ক'রে বাচস্পতি মিশ্ররূপে তোমার কার্য্য সমাপ্ত করবে । তখন আমার ভাষ্যের টীকা পূর্ণ হবে । সুরেশ্বর, তুমি কোন আভাস পেয়েছ কি তুমি কে ?

মণ্ডন । আমি আপনার দাস, অপর আভাস আমার প্রয়োজন নাই ।

শঙ্কর । আমি তোমায় পদ্মযোনিরূপে দর্শন করেছি ।

দেবী সরস্বতী তোমার গৃহে আবদ্ধ ছিলেন,—এখনো তোমার সঙ্গিনী, নচেৎ একপ টীকা সামান্য শক্তিতে প্রস্তুত হয় না । (হস্তামলকের প্রতি) হস্তামলক, তোমার তো কথাই নেই, তুমি সংসারাত্মমে যেক্রপ ছিলে, এ আশ্রমেও সেইরূপ । তা তোমায় কোন ভাষ্য-রচনার আদেশ ক'রে, তোমার আনন্দের বিঘ্ন ক'রুবো না, তুমি নিয়ত ব্রহ্মানন্দেই অবস্থান করো ।

[সকলের প্রস্থান ।

দ্বিতীয় গর্ভাঙ্ক ।

পর্বতোপরি কাপলিকের আশ্রমের নিকটবর্তী বন ।

শঙ্করাচার্য্য ।

শঙ্কর । এ কোন্ স্থান ? প্রকৃতি ঘেন কোন পৈশাচিক শক্তিতে আচ্ছন্ন । তরুলতা মলিন, বিহঙ্গ রবহীন,—যেন অশান্তির আবাসস্থান ।

(শান্তিরামের প্রবেশ)

শান্তি । প্রভু, আজ আপনাকে ছাড়বো না, আমার সকলের সাক্ষাতে জিজ্ঞাসা ক'রতে লজ্জা করে, সবাই হাসবে আর ব'ল্লে, এটা এত আহানুখ ! আজ একলা পেয়েছি, ছাড়বো না । আমার বড় গোল বেধে গিয়েছে, আমি মেধাহীন—আমি কিছু বুঝতে পারি না ।

শঙ্কর । কি বাপু, কি বুঝতে পারো না ?

শান্তি । এই প্রভু বলেন,—অদ্বিতীয়, অসঙ্গ, অখণ্ড, সচ্চিদানন্দ এক ব্রহ্মই বিস্তারিত—আর সকলই মায়া । আর দেবদেবী, নেড়ামুড়ি যা যেখানে দেখেন, অমনি ছন্দেবন্দে স্তব রচনা করেন । গঙ্গা, নর্মদা প্রভৃতি যে যেখানে নদী আছে, এমন কি, ডোবা নালা বাদ যায় না, তার ত স্তব আওড়ান,—সকলকেই তো মুক্তিদাতা বলেন । কিন্তু বৈষ্ণব এলে তাকেও থ ক'রে দিচ্ছেন, শৈব এলেও তাই,—যেখানে যে উপাসক আছে, খুঁজে খুঁজে গিয়ে তো তাদের পরাস্ত করেন । এর কোন্টা ঠিক আর কোন্টা অঠিক, আমি বুঝবো । বলুন ?

শঙ্কর । যতদিন দেহবুদ্ধি রহে,
 পূজা, স্তব, যাগযজ্ঞ অতি প্রয়োজন ।
 মুক্ত-আত্মা প্রভৃতি রহেন পূজারত
 যত দিন দেহবুদ্ধি রয় ।
 সমাধি ব্যতীত নহে দেহবুদ্ধি লয় ।
 এই হেতু মুক্ত-আত্মাগণে
 নিয়ত রহেন দেবদেবী-পূজারত ।
 যুযুক্ষু যে জন, দেবদেবী করিয়ে সাধন
 মুক্তিপথে হয় অগ্রসর ;
 উপাশ্রু বস্তুতে তাহে জনে প্রিয় জ্ঞান,
 ধ্যানমুগ্ধ অহনিশি রহে,
 ইষ্ট মূর্তি হেরে সে হৃদয়ে ।
 ক্রমে দিব্য জ্ঞানোদয়ে
 উপাশ্রু সহিত হেরে অভেদ আপনি ;
 দেবদেবী উপাসনা তেঁহ প্রয়োজন ।
 শান্তি । প্রভু, আপনার কথা ভারি গোলমেল, যদি
 এ সব প্রয়োজন, তবে দেশ-বিদেশ দূরে তর্ক
 করেন কেন ?
 শঙ্কর । হীনবুদ্ধি নরে, বিভ্রাৎ-দগ্ধভরে
 হীনজ্ঞান করে মুঢ় ভিন্ন সাধকেরে ।
 অহঙ্কারে ভাবে ভ্রান্ত অশ্রু সম্প্রদায়,
 সত্য উপলব্ধি মাত্র কেবল তাহার ।
 শান্তি । আর আপনিও তো তাই বলেন, বলেন—
 অবৈতবাদই সত্য, আর সব ঠিক নয় । যে যা
 বলতে আসে, অমনি যুগ্ধ খাবড়ে দিয়ে তো তার
 মত উল্টে দেন ।
 শঙ্কর । দিব্যজ্ঞানে ভাবে মনে যেই ভাগ্যবান,
 ইষ্ট তার ভগতের ইষ্টের স্বরূপ
 নিত্যানন্দময় বিভূ ব্যাপ্ত চরাচরে,
 ইষ্ট যার প্রিয় নিজ সম,
 তর্কে রহি বিরত সে মহাজন সনে ।
 অস্তি, ভাতি, প্রিয়—এই মহাবাক্যত্রয়
 করিতে স্থাপন, মম তর্ক প্রয়োজন,
 ইহার অধিক নাহিক শাস্ত্রশিক্ষা আর ।
 সেই প্রিয় বৈকুণ্ঠের স্বামীর সমান,
 পত্নীজ্ঞানে শাক্ত ভঞ্জে তাঁরে,
 প্রকৃতি প্রভেদে—প্রিয় যে সম্বন্ধ যার,
 যেরূপ সম্বন্ধ করে ঈশ্বরের সনে ।
 শান্তি । ও যান,—আপনার ছেঁদো কথার ভেতর
 আমি সোঁদোতে পারবো না । আমার ব'লে

দিন—মন পর্য্যন্ত তো বুঝতে পারি, তার পর
 আমার স্ব-স্বরূপ আবার কি ?
 শঙ্কর । মন পর্য্যন্ত তো জানো ? কার মন বল
 দেখি ?
 শান্তি । বড় সোজা কথাটি জিজ্ঞাসা কল্লেন কি না !
 তা জানলে আপনাকে বিরক্ত করুতেন কি না,
 আমিই আচার্য্য ব'নে যেতেন । আপনি মরা
 মানুষ বাঁচান, বোবা কথা কওয়ান, আমার
 একটু বুদ্ধি দিয়ে দিন, যাতে একটু বুঝতে
 পারি ।
 শঙ্কর । বৎস, সাধন প্রয়োজন । সাধন করো—
 সমস্ত বুঝবে ।
 শান্তি । যা করতে হয়—সে আপনি করুন । সাধন
 ক'রে তো মন বশ করতে বলেন ? সে আমার
 কর্ম নয় । সে সব পদ্যপাদ প্রভৃতিকে বলুন ।
 আমি চোখ বুজে মন স্থির করতে নিচ্ছনে ব'স-
 লেই, মন বেটা বরং সোজায় ছিল ভাল, চোখ
 বুজলেই অমান সৃষ্টি সংসার দুরূহে চললো । এ
 মন নিয়ে—কি সাধন ক'রবো বলুন ? আমি
 একটা সোজা স্মৃতি বুঝেছি, আমার মিলিও
 লাগে,—
 “ধ্যানমূলং গুরোর্মুত্তিঃ পূজামূলং গুরোঃ পদম্ ।
 মন্ত্রমূলং গুরোর্বাক্যং মোক্ষমূলং গুরোঃ কৃপা ॥”
 এই মন্ত্র আউড়ে আমি নমস্কার ক'লেম, যা
 করবার—করবেন ।
 শঙ্কর । বৎস, সার তব্ব তোমার উপলব্ধি হয়েছে,
 বহু সাধনফলে এ ধারণা গন্যে । ব্রহ্মজ্ঞান
 তোমার করণঃ
 (মস্তকে হস্ত দিয়া আশীর্বাদ)
 শান্তি । ম'শায়, আপনি মাঝে মাঝে ফাঁকিও
 চালান । কাল সকালে যদি ব্রহ্মজ্ঞান না হয়,
 কাল আবার আপনার সঙ্গে পেড়াপীড়ি করবো ।
 এই ব'লে রাখ'লেম !
 শঙ্কর । দেখ, এ অতি কুৎসিত স্থান । এ স্থানে
 আশ্রম করা উচিত নয় । পদ্যপাদ প্রভৃতিকে
 ডাকো, আমরা অতুই এ স্থান পরিত্যাগ
 করবো ।

(উগ্রভৈরবের প্রবেশ)

কে আপনি ?

উগ্র। আমি আপনার চরণাশ্রিত—ভিক্ষাপ্রার্থী।

শঙ্কর। কি আজ্ঞা করুন ?

উগ্র। আমি আত্মোন্নতির ইচ্ছা করি।

শঙ্কর। আমার উপদেশ-গ্রহণে ইচ্ছুক কি ?

উগ্র। না, আমার অন্য পন্থা, অদ্বৈত-পন্থা নয়।
আমি শক্তির প্রয়াসী, সিদ্ধাই-অর্জন আমার কামনা।

শঙ্কর। তবে কি নিমিত্ত এ স্থানে আগত ?

উগ্র। আপনার দ্বারা সেই সিদ্ধাই লাভ করবো।

শঙ্কর। কিরূপ, প্রকাশ করুন।

উগ্র। আমি বহুদিন ভৈরবের উপাসনার পর, তিনি
প্রসন্ন হয়ে আমায় আজ্ঞা দেন যে, যদি কোন
রাজা বা নির্মলাত্মা সাধুর মস্তক হোমে আর্হতি
প্রদান করতে পারিস, তোর অভীষ্ট সিদ্ধ হবে,
অষ্টসিদ্ধি লাভ করবি।

শঙ্কর। মহাশয়, যদি অদ্বৈতপন্থা অবলম্বন করেন,
অষ্টসিদ্ধি প্রভৃতি ক্ষুদ্র শক্তি পদদলিত ক'রে
আনন্দধামে উপনীত হবেন।

উগ্র। না, আমার সামান্যই প্রয়াস—আমার অষ্ট-
সিদ্ধিই বাসনা। আমার ভিক্ষা, আপনি আমার
বাসনা পূর্ণ করুন।

শঙ্কর। আমি কিরূপে আপনার বাসনা পূর্ণ
করবো ?

উগ্র। যদি আমার উপকারার্থে ইচ্ছা করেন, অনা-
য়াসেই পারেন। আপনি সর্বদাই প্রচার ক'রে
থাকেন, এ অনিত্য শরীর পরকার্য্যে নিযুক্ত ক'রে
রাখাই কর্তব্য। আমি আপনার সেই বাক্যের
পরীক্ষা ক'চ্ছি। যদি পরকার্য্যার্থে শরীর ধারণ
ক'রে থাকেন, আমি যদ্বারা ইষ্টলাভ করি,
দেহের দ্বারা সেই কার্য্য করুন।

শঙ্কর। আমায় কি করতে বলেন ?

উগ্র। নিবেদন করেছি, এক নির্মল সাধুর মস্তক
আর্হতি দেওয়া আমার প্রয়োজন। আমি সমস্ত
স্থান অন্বেষণ ক'রে পবিত্র সাধু কোথাও দেখ-
লেম না। বৌদ্ধ তান্ত্রিক অনেক আছেন, কিন্তু
তাদের চিত্ত আমার ত্রায়ই সমল। অতএব
আপনি আপনার মস্তক ভিক্ষা দিন। প্রভু,

আপনি সর্বজ্ঞ, আপনার অবিদিত নাই, পর-
কার্য্যে দধীচি আপনার অস্থি প্রদান ক'রে-
ছিলেন। আমায় মস্তক প্রদান ক'রে জগতে
দধীচির ত্রায় যশস্বী হউন।

শঙ্কর। উত্তম। আমি এ ভঙ্গুর দেহ তোমার কার্য্যে
প্রদান করবো। যথার্থ বলেছ—পরকার্য্যে দেহ-
অর্পণ মানবের উচ্চ কর্তব্য। কিন্তু নির্জন কোন
স্থান ব্যতীত আমার শিষ্যেরা তোমার কার্য্যে
বাঘাত উৎপাদন করবে।

উগ্র। আসুন—আসুন প্রভু, এখন আপনার
শিষ্যেরা উপস্থিত নাই,—আমার আশ্রমে আসুন
—সে অতি নির্জন।

[উভয়ের প্রস্থান।

(গণপতির প্রবেশ)

গণ। কি করবো, কোথায় যাবো! পথ চিন্তে
পাচ্ছি না, কেন এ ছরস্ত্র কাপালিকের কাছে
এসেছিলুম! আমায় নরবলি দেয় তো নিস্তার
পাই। হায় হায়—ইচ্ছা ক'রে আপনার সর্ব-
নাশ ক'রেছি।

[সনন্দন, মণ্ডন মিশ্র, আনন্দগিরি, চিৎস্থথ,
হস্তামলক, শান্তিরাম প্রভৃতি শিষ্য-
গণের প্রবেশ)

সনন্দন। কই—গুরুদেব কোথায় গেলেন ?

গণ। পদ্যপাদ,—পদ্যপাদ,—রক্ষা করো!

সনন্দন। কি গণপতি,—কি হয়েছে ?

গণ। উগ্রভৈরব নামে এক বোর কাপালিকের
হাতে প'ড়ে আমার প্রাণান্ত পরিচ্ছেদ!

সনন্দন। কেন—কি হয়েছে ?

গণ। দেখ, শত শত কুৎসিত কন্ম আমায়
করতে হয়,—সতীকে ভুলিয়ে আন্তে হয়,
কোথায় কোন্ চণ্ডাল আছে, অহুসন্ধান ক'রে
তাকে ভুলিয়ে আন্তে হয়। যদি না করি—
মারে, খেতে দেয় না। পালাতে পারি না,—
পালাতে গেলে,—কি যাছ করেছে, পালাতে
গেলে পথ ভুলে যাই। সমস্ত দিন ঘুরে-ফিরে
ফের ওর আস্তানায় এসে প'ড়তে হয়। যে দিন
পালাবার চেষ্টা করি, সে দিন আর যন্ত্রণার শেষ
থাকে না। যে সব যুবতী স্ত্রীলোক কুকার্য্যের

নিমিত্ত এনেছে, আর এমন কি—যারা জানে যে তাদের বলি দেবার জন্তে এনেছে, মেয়েই হউক, পুরুষই হউক, যে খর্পরে প'ড়েছে, পালাতে পারে না। ভাই, তোরা আমার রক্ষা কর!

সনন্দন। সে কাপালিক কোথায় থাকে?

গণ। এখানেই থাকে। কিন্তু সে কোন্ স্থান—আমি চিন্তে পারি না। আমি কোথায় রয়েছি, আমি বুঝতে পাচ্ছি নে।

সনন্দন। তোমার কোন চিন্তা নাই, গুরুদেবের শরণাপন্ন হও, আমাদের সঙ্গে এসো।

গণ। শোন শোন,—আচার্য্য এখানে আসবেন, তাই এই পর্বাতে কাপালিক এসেছে। সে গুরুদেবকে খোঁজে, ওঁরে বলি দিতে চায়। উনি কোন্ রাজশরীরে বসন ছিলেন, তখন থেকে বলি দেবার জন্তে ঘুরচে। ভাই, তোরা পায়ের ধুলো দে।

(সকলের পদধূলি গ্রহণ।)

তোরা কি জানিস্! এ কথা আর কেউকে ব'লতে গেলে কে যেন আমার গলা টিপে ধ'রতো, কিন্তু তোদের তো ব'লতে পারলুম। আমি গুরুদেবের কাছে অপরাধী, তোরা ব'লে-ক'রে আমার অপরাধ মাপ ক'রতে বলিস্। (চমকিত হইয়া) এই যে আমার ভূত নেবে গিয়েছে, এই যে আমি পথ চিন্তে পাচ্ছি? ও ভাই—ও ভাই—তোরা পায়ের ধুলো দে, আমার আর পায়ে ঠেলিস্ নি, আমার তোদের সঙ্গে রেখে দে। (পুনরায় সকলের পদধূলি গ্রহণ)

সনন্দন। এসো, তিনি দয়ার সাগর, তোমায় মার্জনা ক'রবেন।

গণ। ও ভাই, ও ভাই—আজ কি তিথি, আমা-বস্থা কি? হাঁ, আজ আমাবস্থা,—আজ গুরুদেব বলি দেবার চেষ্টা পাবে।

সনন্দন। তুমি কি বলছো?

শান্তি। ভাই, আমার বড় আশঙ্কা হ'চ্ছে, যখন তোমাদের ডাকতে যাই, একজন তান্ত্রিক—জবার মালা গলার, কপালে রক্তচন্দন লেপন করেছে; বোধ হ'লো আশ্রমের দিকেই আসছে। গুরুদেব কি তাঁরই সঙ্গে গেলেন। তিনি দয়া-

ময়, যে যা প্রার্থনা করে, তারই প্রার্থনা রক্ষা করেন।

সনন্দন। অ'্যা—কি সর্বনাশ! চলো—কোথায় কাপালিকের আশ্রম দেখাবে।

গণ। এসো—এসো।

সনন্দন। চলো, সেই পাখণ্ডই গুরুদেবকে স্তবস্তুতি ক'রে কার্যোদ্ধার ক'রবে। উনি পরকার্য্যে মস্তক দিতেও প্রস্তুত হবেন।

[সকলের গ্রন্থান।]

তৃতীয় গর্তাক।

উগ্রভৈরবের আশ্রম।

শঙ্করাচার্য্য ও উগ্রভৈরব।

শঙ্কর। তুমি প্রস্তুত হও, আমি তোমায় মস্তক দেবার জন্য ধ্যানস্থ হচ্ছি।

উগ্র। আমি প্রস্তুত, কেবল খড়্গাপূজা ক'রে খড়্গ-গ্রহণ করি।

[খড়্গ আনয়নার্থে গমন।]

শঙ্কর। মেদিনীতে মৃত্তিকা মিশাও,
মিল জলে সলিল দেহের,
অনিলে অনিল, তেজ সহ তেজ,
ঘট নাশে ঘটাকাশ আকাশে মিশাও।

(সমাধিস্থ হওন)

(খড়্গা লইয়া উগ্রভৈরবের পুনঃ প্রবেশ)

উগ্র। এইবার মনস্কামনা সিদ্ধ হবে, এইবার অষ্টসিদ্ধি লাভ করবো। এ কল্পান্তে—ইচ্ছা হয়, অপর দল পর্য্যন্ত জীবিত থাকবো। কেবল ভোগ—কেবল ভোগ! ভোগ অপেক্ষা মোক্ষ কি সুখ! বহু কঠোর করেছি, এইবার কেবল ভোগ। ব্রহ্মাণ্ডের সুস্বাদ বস্তু উপভোগ, ব্রহ্মাণ্ডের সুন্দরী রমণীর সেবা-গ্রহণ, ইচ্ছায় সর্বত্র ভ্রমণ, ইচ্ছায় মূর্তি ধারণ। (শঙ্করাচার্য্যকে লক্ষ্য করিয়া) নিশ্চল হয়ে রয়েছে, এইবার কার্য্যোদ্ধার করি। ক্ষয় ভৈরবজি!

(খড়্গোত্তলন)

(দ্রুতবেগে সনন্দনের প্রবেশ)

সনন্দন । আরে ছুরাচার পাষণ্ড নররূপী দৈত্য !—

(গর্জন করিয়া সনন্দনের নৃসিংহমূর্তিতে প্রকাশ
হইয়া কাপালিককে বিদীর্ণকরণ)

মণ্ডন মিশ্র, আনন্দগিরি, চিৎসুখ, শান্তিরাম,
হস্তামলক ও গণপতির প্রবেশ)

মণ্ডন । এ কি ! গুরুদেব কি নৃসিংহদেবকে আবা-
হন করেছেন ! গুরুদেবের রূপায় আমরা
সকলে কৃতার্থ ।

শঙ্কর । (নৃসিংহদেবের স্তব)

নিম্নকায় নর, কেশরী উদ্ধে,
প্রকট ভৌম তনু অম্বর বিরুদ্ধে,
নমস্তে নৃসিংহদেব ।

হিরণ্যকশিপু-নিপাত নথরে
শত্রুরূপ বিভূ তারিতে নফরে,
মুক্তি-প্রদায়ক এব ॥

অনাদি এক সৃষ্টি প্রারম্ভে,
প্রহ্লাদ-বচনে সম্ভব স্তম্ভে,
ভক্তাধীন নমস্তে !

নরক নিবারণ, দুষ্কৃতি-হরণ,
ভীত-নিরাশ্রয়-সঙ্কট-শরণ,
চরণ বর্গপ্রদ হস্তে !

গর্জন-স্তম্ভিত অম্বরপ্রগাদে,
গর্ভ-নিপাতিত ভীষণনাদে,
দুর্জন কম্পিত দাপে ।

দয়া পয়োধি, নিধি সম্পদদাতা,
রাতুল পদ ভব-অর্ণব-ত্রাতা,
দীনতারণ তাপে ।

সৃষ্টিস্থিতিলয়-বিধানকারী
ভক্ত-হৃদাসন নিয়ত বিহারী,
রাধিত সুরনর-নাগে ।

শঙ্কা-সঙ্কুল-ত্রিভুবন ত্রীপতি,
উথলিত প্রলয়—সম্বর মুরতি,
দীনান্ত্রিত জন মাগে ।

(নৃসিংহদেবের অন্তর্দান)

শঙ্কর । পদ্মপাদ-পদ্মপাদ, প্রকৃতিস্থ হও,—প্রকৃ-
তিস্থ হও, শান্তি—শান্তি !

সনন্দন । প্রভু, আমি কোথায় ? এই যে সেই ছুটে
কাপালিক ! একে কে নিধন করলে ? গুরুদেব
—গুরুদেব !—তিনি কোথায় গেলেন—তিনি
কোথায় গেলেন ?

শঙ্কর । বৎস, কার অহুসঙ্কান কচ্চ—নৃসিংহদেবের ?
তিনি যার হৃদয়বাসী, আমার শত্রু নষ্ট ক'রে
তার হৃদয়েই প্রবেশ করেছেন ।

মণ্ডন । তুমি কোথায় ছিলে ?

সনন্দন । ভাই, আমি গুরুদেবের বিপদে জেনে
নৃসিংহদেবকে স্মরণ করেছিলাম, তারপর আর
আমার কিছু স্মরণ নাই ।

শঙ্কর । পদ্মপাদ, সাধারণ ব্যক্তির পদরক্ষার জন্ত
গঙ্গাবক্ষে পদ্ম প্রক্ষুটিত হয় না । তোমার সাধন-
বলে রক্ষাকর্তা নারায়ণ—নৃসিংহরূপে আমার
রক্ষা করেছেন ।

গণ । (মাষ্টাঙ্গ হইয়া) প্রভু, আমার অপরাধ
মার্জনা করুন ।

মণ্ডন । প্রভু, এই গণপতির দ্বারা আমরা কাপা-
লিকের সংবাদ পেলাম ।

শঙ্কর । আমি অবগত আছি । শুন গণপতি,
গুরুশিষ্যের সম্বন্ধ তুমি জান না, এই জন্য আমার
কত ক্লেশ দিয়েছ, তা তুমি অনুভব করতে পার
নাই । তুমি শিষ্যত্ব গ্রহণ করেছিলে, সন্দিহান
হয়ে আমার স্থান ত্যাগ করো । তুমি ত্যাগ
করেছিলে, কিন্তু নিয়তই আমার অন্তরাত্মা
তোমার মঙ্গলের নিমিত্ত তোমার সহিত অবস্থান
করেছে । আজ তুমি আমার নিকট প্রত্যাবর্তন
করেছ, এতে আমার কিরূপ আনন্দ জানো ?
বেকরূপ কোন সংসারী ব্যক্তির হৃদয় বৎসর
নিরুদ্ধে একমাত্র পুত্র গৃহে প্রত্যাগমন করলে
তার হৃদয় আনন্দে পূর্ণ হয়, আমারও সেইরূপ ।
পাপ পন্থা কিরূপ ভীষণ দেখেছ, সকলের নিকট
সেই ভীষণ মূর্তি প্রকাশ ক'রে, জীবের কল্যাণ
সাধন করো ।

[সকলের প্রস্থান]

মণ্ডন । প্রভু, দেখুন, দেখুন—সংজ্ঞাহীন পদ্মপাদ
দণ্ডায়মান ।

চতুর্থ গর্ভাঙ্ক

পঞ্চম গর্ভাঙ্ক।

কাপালিকগুরু ক্রকচের আশ্রম।

বটবৃক্ষতল।

ক্রকচ, কামকলা ও কাপালিকগণ।

(কামকলার প্রবেশ)

ক্রকচ। কে এ শঙ্কর! শুন্‌লেম, আমার প্রিয় শিষ্য
উগ্রভৈরব কাপালিককে বধ করেছে! যথায়
যায়, তথায় পণ্ডিতগণকে বিচারে পরাস্ত করে।
আমার দূত সংবাদ এনেছে যে, কাপালিক-
বিনাশে কৃতসংকল্প হয়ে রাজা সুধন্বা সসৈন্তে
সজ্জিত। আমাদের ক্রিয়া-বলে শিষ্য শঙ্কর ও
সসৈন্তে রাজা সুধন্বার বধসাধন করা সম্ভব
আবশ্যক।

কামকলা। তোমরা সকলেই বুদ্ধিহীন, একেবারে
ভয়ে অভিভূত। শিষ্য শঙ্করকে বধ কি নিমিত্ত
করবে? আমাদের মতাবলম্বী করা যাক, তা
হ'লে সমস্ত ভারতবর্ষ আমাদের নিকট অবনত-
মস্তক হবে।

১ম কাপা। তুমি কি মনে করেছ, শঙ্কর সামান্ত
ব্যক্তি, তুমি কটাক্ষে অভিভূত করবে?

কামকলা। কেন, শঙ্কর তো মনুষ্য, স্বয়ং শঙ্কর
বিচলিত হয়েছিলেন। আনায় পরীক্ষা করতে
দাও। শুনেছিলাম, অঙ্গনা-সন্তোগের নিমিত্ত
শঙ্কর পরদেহে প্রবেশ করেছিল, এ আশ্বাদ যে
পেয়েছে, তারে বণ করা অতি সহজ। আমি
প্রতিশ্রুত হচ্ছি, তারে বশীভূত করবো।

ক্রকচ। যাও, পারো উত্তম।

[কামকলার প্রস্থান।]

আমাদের আর নিশ্চিন্ত থাকা উচিত নয়। যথায়
যে জৈন ও বৌদ্ধ তাত্ত্বিক,—বৈষ্ণব, শৈব,
গাণপত্য প্রভৃতি পঞ্চোপাসকরূপে প্রচ্ছন্নভাবে
অবস্থান কচ্ছে, তাদের নিকট সংবাদ প্রেরণ
করেছি। তারা সব সুসজ্জিত হয়ে আসছে।
আমরাও সুসজ্জিত হয়ে অগ্রসর হই, মাগানদী
প্রস্তুত ক'রে রাজা সুধন্বার গতিরোধ করি।
পরে ভৈরবদেবকে পূজায় সম্বলিত ক'রে, তাঁর
মারণ-শক্তিতে সমস্ত নষ্ট করবো। এসো—
আমরা অগ্রসর হই।

[সকলের প্রস্থান।]

কামকলা। ক্রকচ, তুমি জ্ঞানহীন! আমার দাস হ
ক'রেও রমণীর কটাক্ষ-প্রভাব বোঝো নাই!
তুমি কাপালিক, মন্ত্রই জানো, রমণীর মন্ত্র
অবগত নও। সমস্ত ব্রহ্মাণ্ডে কে কোথায় শরীর-
ধারী, যে নারীর কটাক্ষে না বিদ্ধ হয়! শঙ্কর
তো পরকায়ে রমণীর আশ্বাদ পেয়েছে। সে
আমার হাবভাবে, অঙ্গসঞ্চালন-দর্শনে, আমার
পশ্চাৎ পশ্চাৎ কুকুরের ছায় অনুগামী হবে।
আরে পুরুষ! নারীর নিকট তোদের দস্ত
কিসের? বুঝি আসছে, আমি সঙ্গিনীবেষ্টিতা
হয়ে মাধুরীজাল বিস্তার করবো। দেখি—যোগী-
মীন আবদ্ধ হয় কি না!

[প্রস্থান।]

(শঙ্করাচার্যের প্রবেশ)

শঙ্কর। বহুকার্য্য এখনো সম্মুখে।

সাজ্জা, পাতঞ্জল, মীমাংসক, ছায়,

বৈশেষিক দর্শন প্রভৃতি

হীনজ্যোতি বেদান্ত-তপন-অভ্যাসে।

পরাজিত পঞ্চ উপাসক,

আছিল নিম্নলিখিত যে পন্থী যথায়,

কারিয়াছে শিষ্যত্ব গ্রহণ,

প্রধান সকলে রত বেদান্ত প্রচারে।

একমাত্র অজিত কুটিল কাপালিক।

বৌদ্ধগণ প্রচ্ছন্ন হইয়ে

অগ্রাবধি নানাভাবে আছে নানা স্থানে

স্বার্থপর পাষণ্ড সকলে

মানব-অহিত কার্য্যে নিযুক্ত নিয়ত।

সে সবার বিনাশ ব্যতীত,

শাস্তি নাহি হইবে স্থাপিত।

গৃহস্থিত বহি যথা দণ্ড করে গৃহ,

সেইমত সে সবার সিদ্ধিশক্তি যত,

বিনাশিবে পৈশাচিক-চমু।

(সঙ্গিনীগণ সহ কামকলার পুনঃ প্রবেশ)

(গীত)

না হেরে মাধুরী যে নারীর অধরে ।

ছি ছি সখি, মিছে অঁখি তার কিসের তরে ॥

করে না নারীর আদর, এত তার কিসের কদর,

কিসের এত গুমর নিয়ে থাকে লো সে গুমরে ॥

তার কাছে যেতে কে চায়, যেতে যে বাধে লো পায়,

তার গায়ের হাওয়া কি সয় গায় !—

প্রেমরসে যার প্রাণ রসে না,

শুকিয়েছে প্রাণ জোর ক'রে ॥

কামকলা । আহা মরি মরি ! তোমার পূর্ণ-যৌবন, যুবতীসঙ্গ পরিত্যাগ ক'রে নিঃসঙ্গ কেন ব'সে আছ ? তুমি পণ্ডিত, শিক্ষাই ক'রেছ, তর্কে পণ্ডিতকে নিরাশ করতে পারো । কিন্তু খণ্ডা-নন্দ বিনা যে ব্রহ্মানন্দ লাভ হয় না, তা কি তুমি জান না ? আমরা যুবতী, পরস্পর ঈর্ষ্যাবর্জিত । তোমার সেবার জন্ত এসেছি । তুমি ভোগের জন্ত পরদেহে প্রবেশ করেছিলে । রাজরাণীরা অশিক্ষিতা অঙ্গনা, তাঁদের সহিত কি আনন্দ পাবে ? আমাদের সেবায় নর-শরীরে নিত্যানন্দের আভাস প্রাপ্ত হবে ।

শঙ্কর । স্বাগত জননি,—

এসো এসো অবিভাক্ষপিণি,

মায়ামুক্তি-স্বরূপিণি—

মহাকাব্যে হও না সহায় ।

করো সংহারিণী প্রভাব বিস্তার,

অনাচারে নাশ অনাচার,

বিভাক্ষরূপে বিহর সংসারে ।

এসো কুৎসিতাক্ষপিণি,

দুর্জনের শাস্তি-বিধায়িনি,

দুর্ন্যতি কাপালীগণে করহ বিনাশ ।

রূপ পরিহর—নিজ রূপ ধর,

কুৎসিতা, বিনাশ করো কুৎসিত প্রকৃতি,

হও নিজ সংহার-কারণ ।

(কমণ্ডলু হইতে বারিনিষ্কপণ)

কামকলা । দেহে অগ্নিবর্ষণ হ'চ্ছে ! দোহাই শঙ্কর

—দোহাই শঙ্কর ! রক্ষা ক'রো ! আমরা প্রতিজ্ঞা

কচ্ছি, তোমার শত্রুবিনাশে সহায় হব ।

শঙ্কর । যাও মা যাও, দুষ্কৃতগণের ধ্বংসবিধান করো ।

কামকলা । শঙ্কর, আজ হ'তে আমি তোমার দাসী, আমি যোগিনী আরাধনায় যোগিনীশক্তি লাভ করেছিলাম, তোমার কমণ্ডলুর বারিনির্গম্ভে আমি শক্তিহীনা । আজ হ'তে তোমার দাসী । তুমি সতর্ক হও । এই যে ঘোরতর দুর্যোগ দেখছ, —এ কাপালিক-মায়াপ্রভাবে । তুমি শিবশক্তি প্রকাশ ব্যতীত এই উগ্রমায়ার নিবারণ করতে পারবে না । এখন শত সহস্র বজ্রপাত হবে, সসৈন্ত রাজা সূর্য্য ও সশিষ্য তুমি বজ্রাঘাতে ধ্বংস হবে ।

শঙ্কর । আমি জগন্মাতার আশ্রিত, সামান্য কাপালিক-শক্তি আমার অনিষ্টসাধন করবে না । আপনি যান, যদি আমার সাহায্য করবার ইচ্ছা করেন, কাপালিকগণের ভৈরব-পূজার ব্যাঘাত করুন ।

• [কামকলা । কিরূপে করবো—আজ্ঞা দাও ?

শঙ্কর । ক্রকচ যখন ভৈরব-পূজায় নিযুক্ত হবে, তুমি মোহিনীরূপে তার সম্মুখীন হয়ে মনশ্চাক্ষুণ্য উপাদান করবে । তা'হলেই ভৈরব রুষ্ট হবেন ।]*

কামকলা । বাবা, আমাদের উপায় করো ।

শঙ্কর । দেবদেবের কার্য্যে সহায়তা করো, দেব-কার্য্যের সহায়স্বরূপ কৈলাসে যোগিনীরূপে বাস করবে । চিরদিন কপট ব্যক্তির ধ্বংসের কারণ হবে ।

[প্রণাম করিয়া সকলের প্রস্থান ।

(সনন্দনের প্রবেশ)

সনন্দন । প্রভু, সম্মুখে সহসা বিপুল নদীস্রোত প্রবাহিত, রাজা সূর্য্য আপনার সাহায্যে যে সকল সৈন্ত প্রেরণ করেছেন, তাহা অগ্রসর হয়ে কাপালিক-প্রদেশে প্রবেশ করতে পারে নাই । আর যেক্রপ ঘোর দুর্যোগ উপস্থিত, তাতে তো বিষম অনিষ্ট হবার সম্ভাবনা ।

শঙ্কর । চিন্তা দূর করো, রাজাকে সসৈন্তে আমার পশ্চাতে আসতে বলো, এ মায়ানদী অনায়াসেই আমরা পার হয়ে যাবো ।

[সকলের প্রস্থান ।

বর্ষ গর্ভাক্ষ ।

মন্দির-প্রাঙ্গণমধ্যস্থিত হোমকুণ্ড ।

পূজারত ক্রকচ ।

ক্রকচ । হে প্রভু, হে রুদ্রগুর্ভি বিকট ভৈরব,
আবির্ভাব হয়ে পূজা গ্রহণ করো । শত্রু বিনাশ
ক'রে তোমার ভক্তগণের হিতসাধন করো ।

(সুসজ্জিতা কামকলার প্রবেশ)

কি কামকলা, তুমি হেথায় কেন ?

কামকলা । আমি অঞ্জলি প্রদান করবো ।

ক্রকচ । আজ কি মোহিনীবেশ ধারণ করেছ ! আজ
আমি তোমার সংসর্গে ইন্দ্রের ইন্দ্রাণী উপভোগ
অপেক্ষা পরমানন্দ উপভোগ করবো । মনো-
মোহিনি, পূজা সমাপ্ত ক'রে ভৈরবের রূপায়
অগ্রে শত্রু বিনাশ করি ।

কামকলা । শীঘ্র সমাপ্ত করো, আমিও পিপাসী ।

ক্রকচ । অপেক্ষা করো অপেক্ষা করো, আমি
পূর্ণাহুতি প্রদান করি ।

(শঙ্করাচার্যের প্রবেশ)

শঙ্কর । কাপালিক !

ক্রকচ । কে তুমি ?

শঙ্কর । তোমার শত্রু, তোমার সমস্ত অধিকার
রাজসৈন্তে পরিবৃত, কিন্তু এখনো তোমার
জীবনরক্ষার উপায়বিধান কচ্চি । তুমি
ভৈরবের নামে প্রতিশ্রুত হও যে, মানব-আহত-
কর কার্য্যে আর নিযুক্ত থাকবে না ; তোমার
দলস্থ সকলকে হীনপন্থা হ'তে বিরত ক'রবে ।
ভারতবর্ষে কাপালিকগণের মধ্যে তুমি প্রধান,
তুমি আমার বশুতা স্বীকার ক'রে জনহিতকর
অদ্বৈতপন্থা স্থাপনের সহায় হও, গুহ্য-কদাকার
সম্প্রদায় বিনষ্ট করো, নচেৎ মৃত্যুর নিমিত্ত প্রস্তুত
হও ।

ক্রকচ । তুমি মৃত্যুর নিমিত্ত প্রস্তুত হও ।—

আয় আয় বিকটা প্রকৃতি,

কুক্ৰিয়ায় যে আছে যথায়,—

এসো শীঘ্র মহামারি, বায়ু-সঞ্চালনে ;

এসো, হও মহাবলে অশনি সম্পাত,

বহ ঘোর প্রলয় পবন,

উথল প্রলয়-বারি সাগর হইতে ।

[হোমকুণ্ডে আহুতি প্রদান ।

(বিকটাগণের আবির্ভাব)

নৃত্যগীত ।

খুট্ খুট্ খুট্ খুট্ গুট্ গুট্ গুট্ গুট্
ঝাঁকে ঝাঁকে ঝাঁকে ঝাঁকে ।

কিল্ কিল্ কিল্ কিল্ খিল্ খিল্ খিল্ খিল্
ডেকে হেঁকে এঁকে বেকে ॥

তুড়্ তুড়্ তুড়্ তুড়্ তুড়ি, হাঁকারি চিকুরি,

তড়্ তড়্ তড়্ তড়্ তালি, হাড়ে হাড়ে চালি.

ঘুট্ ঘুট্ ঘুট্ ঘুট্ কেলৈ মেঘে ঢেকে,
ঝড়ি বুড়ী ছোটে, কৌ কৌ সৌ সৌ হৈকে ॥

কল্ কল্ কল্ কল্ চলে নোনা জল,

তাথাই তাথাই, আঁতি মাতি থাই,

গন্ গন্ গন্ গন্ গন্ আঙনে সঁকে ॥

শঙ্কর । মহাবিষ্ণু হও মা উদয়,

ক্ষুদ্র শক্তি করহ হরণ ।

[বিকটাগণের অন্তর্ধান ।

কাপালিক, দেখ মন্ত্র বিফল তোমার ।

ক্রকচ । ত্যজ দন্ত,

এখনি বুঝিবে মম শক্তির প্রভাব ।

ভূত প্রেত পিশাচ দানব,

হও আবির্ভাব—

কর পরাভব এই হিংস্রক যোগীরে ।

[হোমকুণ্ডে আহুতি প্রদান ।

(ভূত-প্রেতগণের আবির্ভাব)

নৃত্যগীত ।

দে—দেরে দেরে দেনা হানা ।

মার্ মার্ মার্ মার্ ধর্ ধর্ ধর্ ধর্,

কাট্ কাট্ কাট্ কাট্ খানা খানা ॥

তড়্ তড়্ তড়্ তড়্ তোড়ে তাড়,

মাটি ফাঁড় পাড় পাহাড়,

মোচ্ড়া যাড়, .

চিবো হাড়,—

গুমে গুমে পোড়া হাওয়া,

ভ'ল্কে ভ'ল্কে উঠুক ধোঁয়া ;

তোল রোল গঙগোল,
আকাশ জোড়া তুফান তোলা;
ফেরকে ফণা গর্জে এসে,
ছনিয়া মেখে ফেল না বিষে;
এক গাড়ে—নিঃঝাড়ে,
যে আছে—না বাঁচে,—
বুড়ো যুবো মাগী ছানা ॥

শঙ্কর। হর শক্তি হে নন্দীকেশর,
শিবশক্তি-প্রভাবে তোমার।

[ভূতপ্রেতগণের অন্তর্ধান।]

কাপালিক,
এখনো করহ নিজ মঙ্গল সাধন,
কুমতি করহ পরিহার।

ক্রকচ। তিষ্ঠ—তিষ্ঠ!

এস এস বিকট ভৈরব,
বিপক্ষের দন্ত চূর্ণ কর আবির্ভাবি।
করি এই ছুষ্টের নিধন,
নিজ পূজা ভ্রমণে করহ স্থাপন,
রক্ষা করো আশ্রিত সকলে।

(হোমকুণ্ডে আত্মতি প্রদান)

(হোমকুণ্ডে হইতে ভৈরবের আবির্ভাব)

ভৈরব। আরে ছুরাচার কাপালিক, তোর এখনো
জানোদয় হ'লো না? প্রত্যক্ষ দেখলি, বিশ্ব-
ধ্বংসকারী অমঙ্গল শক্তিসকল আবাহন ক'রে-
ছিলি, সমস্ত শক্তি যার শক্তিতে বিমুখ হ'লো,
এখনো তার পূজা না করে বিরুদ্ধাচরণ কচ্ছিস্?
এখনি তোর বিনাশ সাধন করি; ধরার অমঙ্গল-
শক্তি মঙ্গলময় নররূপী শঙ্করকে অবলম্বন ক'রে
মঙ্গলশক্তিতে পরিণত হোক।

ক্রকচ। আমি যে হই, আপনার নিকট আমি
অপরাধী নই, আপনার আমি উপাসক।

ভৈরব। তুই উপাসক নয়, মঙ্গল-বলে আমার বশীভূত
করবি, এই তোর কাম্যকল্পনা। কিন্তু স্বয়ংই
তার বিঘ্ন উৎপাদন ক'রেছিস্, কাম্যসম্পন্ন হ'য়ে
আমার পূজায় প্রবৃত্ত হ'য়েছিস্। তোর পূজা
পণ্ড, তোর মন্ত্রে আর আমি বাধ্য নই। বিনাশ
প্রাপ্ত হ। তোর বিনাশে পৃথিবীতে প্রচার
হোক যে, উৎকট কাম্যক্রিয়ায় ধ্বংস হবার আশঙ্কা

আছে। নিষ্কাম ব্যক্তি ব্যতীত মহাশক্তি অন্ত
আধারে বহুদিন অবস্থান করে না।

(ভৈরবের শূলাঘাতে কাপালিকের মৃত্যু)

হে প্রভু, হে ক্ষুদ্রেশ্বর, হে স্বয়ম্ভু, দাসকে আজ্ঞা
দেন, এই দণ্ডে যুদ্ধার্থে সমাগত দশসহস্র কাপা-
লিককে ভস্মসাৎ করি।

শঙ্কর। হে ভৈরবদেব, হে শিবসহচর! ধর্মরক্ষা,
পৃথিবীরক্ষার ভার ভৈরবদেব উপরেই অর্পিত,
—মানবের মঙ্গলবিধান করুন।

ভৈরব। শিব-আজ্ঞা শিরোধার্য। হে প্রলয়ান্বিত,
উদীপ্ত হ'য়ে কাপালিকগণকে ভস্ম করো, প্রচ্ছন্ন
বৌদ্ধগণ বিনষ্ট হোক, পৃথিবীতে সতীত্ব-নাশ,
নরহত্যা প্রভৃতি দানবীয় কার্যকলাপ কপটা-
চারীগণের সহিত ভস্ম হোক।

(ভৈরবের অন্তর্ধান)

(শান্তিরামের প্রবেশ)

শান্তি। প্রভু, প্রভু—আশ্চর্য ঘটনা! কাপালিকগণ
মায়াবলে উৎকলপ্রবাহ সৃজন ক'রে সৈন্তসামন্ত
বিনষ্ট করতে প্রবৃত্ত হয়েছিল। সহসা বিদ্যুৎ-
বরণী এক রমণী সেই মায়াশ্রোত নিবারণ
ক'রেছেন। বহু উৎপাত উৎপাদন ক'রেছিল,
সেই রমণীর প্রভাবে সকলি বিফল হ'য়েছে।
সহসা যেন মৃত্তিকা হ'তে মহা-অগ্নি উথিত হ'য়ে
কাপালিকগণকে ভস্মসাৎ ক'রেছে।

শঙ্কর। চল বৎস, ছুষ্টিগণ নিজ ছুষ্টিরূপ অগ্নিতে
দগ্ধ হ'য়েছে। উপস্থিত এ স্থলে আমাদের কার্য্য
সমাপ্ত। এক্ষণে কামরূপের তান্ত্রিকগণ পরা-
জিত হ'লেই ভারতবর্ষের কোন স্থান অপরাজিত
থাকবে না। (সচকিত হইয়া) মা—মা!—

শান্তি। প্রভু, অকস্মাৎ এরূপ চঞ্চল হ'লেন কি
নিমিত্ত?

শঙ্কর। বৎস, আমি মাতৃদর্শনে গমন ক'র্বো। মা
আমায় স্মরণ ক'রেছেন, আমি মুখে তাঁর স্তুতি
ছুঙ্কের আশ্বাদ পেয়েছি। তোমরা সকলে মিলিত
হ'য়ে অতুই কামরূপ অভিযুগে অগ্রসর হও।
আমি মাতৃদর্শনান্তর তথায় উপস্থিত হবো।

শান্তি। যথা আজ্ঞা।

[শান্তিরামের প্রস্থান।]

শঙ্কর। এস, বায়বীয় দেহী,
বায়ুভরে লহ মোরে মাতৃসন্নিধানে।

গগনমার্গে শঙ্করাচার্য্যের প্রস্থান

সপ্তম গর্ভাক্ষ।

শঙ্করাচার্য্যের বাটী।

(শয্যাশায়িতা বিশিষ্টার নিকট মহামায়া ও জগন্নাথ)

বিশিষ্টা। কই মা, এখনো তো আমার শঙ্কর এলো না? আমার তো সে বলেছিলো, আমি স্মরণ করলেই সে আসবে। সে তো আমার মিথ্যাবাদী নয়, তবে কেন এখনো বিলম্ব ক'চ্ছে? এ জীর্ণদেহে আর অধিকক্ষণ তো প্রাণ থাকবে না, —আমি জোর করে ধরে রেখেছি, আমি বাছাকে একবার দেখবো বলে ধরে রেখেছি, বেরুতে দিই নাই। সে আমার 'মা' বলে ডাকবে, শুনে তবে যাবো। তবে কেন মা— সে বিলম্ব ক'চ্ছে?

জগ। (মহামায়ার প্রতি) হাঁগা, তুমি যে হও বাছা, তুমি কিন্তু বড় ছ্যাচড়া,—আমাদের মত পরাণটা তোমাদের নয়। তোমাদের ঘুরপাক খাওয়ান বুদ্ধি—ওই ঘুরপাকই খাওয়াও। মানুষের দরদ জানো নি। লিয়ে এসো, মাগী একবার দেখে মরুক। ওঃ—ক্ষুদের একবার দেখা পেলে কানছুটো রগুড়ে ধরে হিঁচুড়ে টেনে আনতুম। “জগা দাদা—জগা দাদা” কইতো, আমি ভাবতুম, ভালমানুষ। দয়ামায়ার ধার দিয়ে চলে নাই। দেবতাগুলো আর জায়গা পায় নি, ভালমানুষ দেখে তার পেটে ছেলে হন। আমার যদি কেউ ছেলে হ'তে আসতো তো আদনা বেড়ে তাড়াতুম—হয় কেননা দেবতা। যদি মায়াদয়ীর মাথা খাবি, তবে মানুষের ঘরকে কেন আসিস। গাছ থেকে ঝুলে পড় কেলাই। তারপর ধুক লিবি লে, বাশী লিতে হয় লে, মাথা মুড়তে হয় মুড়ো,—কে তোরে কি বলতে যেতো।

বিশিষ্টা। বাবা শঙ্কর, আমি যে তোমার আশাপথ চেয়ে এখনো জীবন রেখেছি! বাপ আমার,

আর কি মাকে দেখা দেবে না? তুমি যে আমার সাগর ছেঁচা মানিক! আর বাপ— মরণ সময় দেখা দে! বাবা, তুমি তো মিথ্যাবাদী নও, তবে কেন দেখা দিতে আসছ না।

(শঙ্করের শূন্য হইতে অবতরণ)

শঙ্কর। এই যে মা—আমি এসেছি।

জগ। ক্ষুদে—ক্ষুদে—তুই ঝিকুড় ঝামা! একবার চোখ চেয়ে দেখ—মাগীর কি হাল ক'রেছিস! এই তো উড়ে এসতে পারিস, এত দিন একবার এসতে নার্লি, তা হ'লে তো মাগীর এমন বেহাল হয় নি।

মহা। জগন্নাথ এসো, আমরা একটু অন্তরালে যাই, ওদের মায়ে-বেটায় কথা হোক।

জগ। ক্ষুদে, একবার মা বলে ডাক,—মাগীর প্রাণটা শীতল হোক, আমি শুনে যাই।

শঙ্কর। মা—মা, তুমি যে মুহূর্ত্তে স্মরণ ক'রেছ, তোমার স্তনছক্কের আশ্বাদন আমার মুখে এসেছে।

জগ। তুই কি দুধ খেয়েছিলি? মাগীর মাইয়ে দুধ ছিল না, পাথর কুচি দিয়ে তোরে পেলেছে। আহা যা হোক, তবু মাগী শেষ দেখাটা দিলে।

[জগন্নাথ ও মহামায়ার প্রস্থান।

বিশিষ্টা। বাবা, আমার সময় উপস্থিত, পুত্রের কার্য্য করো।

শঙ্কর। (শিবের স্তব)

নগেন্দ্র-নন্দিনী নাথ নিরীখর,
নিদ্দি রজতনিভ 'নন্দকর।
নিশানাথ নবরঞ্জিত মূর্ত্তিনী,
নগ্ন নীলগল নাগধর ॥
নকারায় নম।

মন্মথমর্দন, মুরতি মহান,
মহেশ মণ্ডিত মানব-ভাল।
মহামায়াধর মহিমা-অর্গব,
মৃড় মৃত্যুদন করাল কাল ॥
মকারায় নম।

শিবশঙ্কর শশধরশেখর,
শক্তিসমম্বিত শিখরবাসী ।
শ্বেত-অস্থিদল শরীরশোভিত,
ভস্মশ্বেতসিত অধরে হাসি ॥

শকারায় নম ।

বাধাস্বর বিভূ বিরিকি-বন্দিত,
বিশ্বেশ্বরবর অভয়কর ।
ব্যোমকেশভব, ববব্যোম ঘনরব,
বাহনবৃষভ বিবাণধর ॥

বকারায় নম ।

যতীশ্বর যত যাজি যোগেশ,
যোগাসন যমদণ্ড হর ।
যোগমায়ার্চিত যোগী যাগব্রত,
যশস্বিন যুগ-অন্তকর ॥

যকারায় নমঃ ।

বিশিষ্টা । বাবা, ডমরু-ধ্বনি শুন্ছি, আমি শিবলোকে
যাবো না । শিবে আমার পুত্রজ্ঞান হয়েছে,
আমি শিবলোকে দেবদেবের পূজা করতে
পারবো না । নারায়ণ আমাদের কুলদেবতা,
'নারায়ণ' নাম উচ্চারণ করে স্বামী আমার
প্রাণত্যাগ করেছেন, তিনি নারায়ণ-সেবায়
নিযুক্ত আছেন,—আমি তাঁর সহিত মিলিত হ'য়ে
নারায়ণ-সেবায় নিযুক্ত থাকবো—এই আমার
সাধ ।

শঙ্কর । (নারায়ণের স্তব)

নত আশ্রিতা তাপিতা মাতা ।
মরণে দেহি চরণ ত্রাতা ॥
নায়কবর নব জলধর ।
রাধা-রমণ রসিকপ্রবর ॥
ষষ্ঠেশ্বর জগজীবন ।
গকার নিত্যানন্দ ঘন ॥

পট পরিবর্তন—বিষ্ণুলোক ।

বিশিষ্টা । এই যে—এই যে গোলকবিহারী মুরলী-
ধারী ! এই যে আমার স্বামী পরিস্ফুটরূপে তাঁর
পার্শ্বে ! আমি ভাগ্যবতী, সার্থক পুত্র গর্ভে
ধারণ করেছিলাম ! নারায়ণ— (মৃত্যু)

[৯]

পট পরিবর্তন—পুনরায় পূর্ব দৃশ্য ।

শঙ্কর । মা মা—যে রূপে গর্ভে স্থান দিয়েছিলে,
যে রূপে লালনপালন করেছিলে, সে রূপ হরণ
করলে । বিশ্বজননি ! সন্তানকে ভুলে থেকো না ।

(জগন্নাথ ও মহামায়ার পুনঃপ্রবেশ)

জগ । ওই যা—আহা ছেলে দেখবার জন্মে মাগীর
পরগটা ছিল ! আহা, জন্মছথিনী গো—জন্ম-
ছথিনী ! মিসে-মাগীতে পেটে খায় নি, ভাল
একখানা পরে নি,—পরের লেগেই পাগল ।
আমি চাষার ছেলে, মা বলেছিছু,—তা ও
ক্ষুদেকে চেয়ে যত্ন করে আমার পেলেছিল গো !

শঙ্কর । জগা দাদা—জগা দাদা—আজ আমরা
মাতৃহীন হ'লেম ।

জগ । কাঁদিস্ নে,—কাঁদিস্ নে, মাগী জুড়িয়েছে,
এখন বেটার কাজ কর । আমি এখন কোন্
খানুকে যাই—কি করি ? মাগীকে এক একবার
দেখে যেতুম, মা বলে ডাকতুম—পরগটা জুড়ু-
তুম । আমি এখন কি করি—বলতো ক্ষুদে !

শঙ্কর । জগা দাদা জগা দাদা—তুমি শিব-পারিষদ,
চিরপূজ্য হ'য়ে থাকবে ।

জগ । আর পারষদে কাজ নি ! এখন কবে মরি,
তুই এক একবার দাদা ব'লে মনে করিস্ ।
(চমকিত হইয়া) হারে ক্ষুদে—কি ভেলকী
দেখাস্ রে ? ওরে গাছপালা সব যে সাফ হয়ে
যাচ্ছে রে ! ক্ষুদে ক্ষুদে—তোরে চিনে লিয়েছি ।
(মহামায়ার প্রতি) মাগী মাগী, জেনেছি তুই
কে ! আমিই এক—আমিই অনেক ! আমি
—আমি নই, সেই-ই আমি—সেই-ই আমি !

[প্রস্থান ।

মহামায়া । আরও কি ঘূর্বে—আরও কি ঘোরাবে ?
শঙ্কর । ইচ্ছাময়ি, সে তো তোমার ইচ্ছা, আমার
ইচ্ছা নয় । তুমি যতদিন ঘোরাবে, ততদিন
ঘূর্বো । এখনো তো বঙ্গদেশ অপরাজিত,
এখনো তো আগ্নেয় সংসারে সর্বজ্ঞ প্রচার করো
নাই ; এখনো তো কাশ্মীরে সারদাপীঠে বিজ্ঞা-
ভদ্রাসনে স্থান পাই নাই । আমি তোমার ইচ্ছা-
ধীন, তোমার ইচ্ছা পূর্ণ না হলে আমি কিরূপে
নিস্তার পাবো ?

মহা। ভাল ভাল—আমায় ছুঁবে বই কি! আমি
আর কি করবো, আমি ত স্বাধীন নই, কেঁদে
বেড়াই।

[প্রস্থান।

(রামদাস ও সখারামের প্রবেশ)

রামদাস। এই যে শঙ্কর, হেথায় কি মনে ক'রে?
শঙ্কর। মাতার মুখাণ্ডি করবো।

রাম। বটে, তোমার ছেলেবয়স থেকে এত ভির্-
কুটী? মুখাণ্ডি করে মাতার সম্পত্তির অধিকারী
হবে। কথার কথা বলে গিয়েছিলে, 'সম্পত্তি
তোমায় দিলুন, মাকে দেখো।' তা মুখাণ্ডি
করো, আমরা চলুম।

শঙ্কর। আমি সন্ন্যাসী, সম্পত্তির তো প্রয়াসী নই।

রাম। কলির সন্ন্যাসী কি না, তাই মুখাণ্ডি ক'রবে।
তারপর শ্রাদ্ধের অধিকারী হয়ে, রাজাকে বলে
বিষয় কেড়ে নেবে, তা নাও। সংকার তুমি
একলা করো, আমরা ও দেহ স্পর্শ করব না?
তোমার জন্মবৃত্তান্ত তো আমরা জানি, শিবগুরু
ঘরে ছিল না, তোমার মা গর্ভবতী হয়েছিল।

সখারাম। মেজো খুড়ো চলো চলো,—এখানে
থাকলে গ্রামে একঘরে করবে।

[উভয়ের প্রস্থান।

শঙ্কর। শুককাঠে মাতৃদেহ হোক আচ্ছাদিত।

গৃহে হোক চিতার নির্মাণ।

আজি হতে শূদ্রাচারী এ হীন প্রদেশে

শবদেহ দগ্ধ যেন হয় গৃহমাঝে;

ভিক্ষু আসি ভিক্ষা নাহি করিবে গ্রহণ।

অগ্নিদেব, করে মম হও প্রজ্জলিত,

দগ্ধ করি মাতৃকায়া।

[সহসা শুককাঠে শবদেহ আচ্ছাদিত ও

অগ্নি প্রজ্জলিত হওন।

অষ্টম গর্তাঙ্ক।

কামরূপ—কামাখ্যাদেবীর নাটমন্দির।

অভিনব গুপ্ত, তংশিষ্য ও পলায়িত

বৌদ্ধ কাপালিকগণ।

অভিনব। ছাদে শাস্ত্রজ্ঞান আছে কেডার? তন্ত্র-
মন্ত্র অমুভব কর্চে কেডা? শঙ্করটা তো সে
দিনকার ছাওয়াল গুন্টি; শক্তি মান্বার চায়
নি, কানীতে ঠেকুছিলো! কামরূপ আস্বার
চায় আশুক, খোতা মুখটা ভোতা কর্যা লয়া
চক্রে বসাইমু।

১ম বৌদ্ধ। প্রভু, যিনি শৈব সম্প্রদায়ের প্রধান,
যিনি শাক্ত সম্প্রদায়ের প্রধান,—বৈষ্ণব, সৌর,
জৈন, বৌদ্ধ, গাণপত্য,—যে যে সম্প্রদায়ের
প্রধান ব্যক্তি যে স্থানে ছিল, সকলে পরাজিত
হয়ে শঙ্করের শিষ্যত্ব গ্রহণ ক'রেছে। রাজা
সুধন্বা অমুসন্ধান করে যেখানে যে বৌদ্ধ-
কাপালিক, জৈন প্রভৃতি প্রচ্ছন্নভাবে আছে,
তাদের বিনাশসাধন ক'চ্ছে! আমরা পলায়ন
করে, ভারতের একপ্রান্ত হতে অপর প্রান্তে
এসে আপনার শরণাপন্ন হয়েছি।

অভিনব। ভালই কর্চ, মহামায়ীর প্রসাদ পাতি
থাহো, চক্র কর্তি থাহো, শঙ্করাট'রে আস্তি
দাও, তখন বোঝবার পার্বা—শর্ম্মারাম কেডা!
এহন যাও—নিশ্চিত হ'য়া বাসায় ব'ন যাইয়া।
ভয়টা কিসির? ভাখ'বা এনে, শঙ্কইরা আইসা
পদসেবা ক'র'বা।

বৌদ্ধগণ। প্রভু, আমরা আপনার শিষ্য, আমাদের
রক্ষা ভার আপনার উপর।

অভিনব। হ—হ—বল্চি যে—নিশ্চিত হ'য়া যাও।

[বৌদ্ধকাপালিকগণের প্রস্থান।

শিষ্য। কর্তা, আপনি শঙ্কুরার সাথ তর্ক করবার
চাও না কি? অমন কাজে যাইও না, মান
খোয়াবা—কলাম। মুই তার তর্ক দ্যাখ্ছি,
কথার তোর উঠ্টি থাহে, টিক্বে কেডা! তাই
বলতিছি, একটা উপায় করো, তর্কে যাইও না।
অভিনব। হ—হ—গুন্ছি বড় তর্কিক,—গুন্ছি
বড় তর্কিক।

শিষ্য । যা শোনুচ, তা পাকা জানুবা ।

অভিনব । তুমি কি করবার সলা দাও ?

শিষ্য । তোমার নি মারণ আসে ? একটা রোগ চাইলা নিয়া শঙ্করিরার শরীরের মধ্যে প্রবেশ করাও ।

অভিনব । ঠিক বল্চো—ঠিক বল্চো—ওই বগন্দর রোগডা চালমু, যন্ত্রণার চোটে এ দ্যাশ ছাইরা রর দিবে ।

শিষ্য । মারণ করবার চাও না ক্যান ?

অভিনব । তার বিঘ্ন আছে । শুন্চি—বর যোগী, তার মারণে বিঘ্ন হইলিই আপন মরণ উপস্থিত হইব । ওই ককট কাপালিক মারণ চাইলা ছিলো, বিঘ্ন হওয়ার তারে তৈরবে মাইরে ফেলাইচে । ওই বগন্দর রোগ চালান করমু । আজই রাতারাহাত চলো—অভিচার করি ।

শিষ্য । অঃ—ওই কোশলই করো । শোনুচি শঙ্কইরা আইজই তোমার সাথ বিচার করবার আসবো ।

অভি । আইচ্ছা তুমি এহানে রও, বল্বা—পূজার আছি । কাইল যাইয়া বিচার করমু ।

শিষ্য । ভালো ভালো—কাইল আর বিচার করবো কেডা । বগন্দরের জালাতেই অস্থির করবে ।

(শঙ্করাচার্য্য ও মণ্ডন মিশ্রের প্রবেশ)

শঙ্কর । আপনিই কি আচার্য্য অভিনব গুপ্ত ?

শিষ্য । না, আমি তাঁর শিষ্য, তিনি এহন পূজার আছেন ।

শঙ্কর । আপনি আমার এই শিষ্যকে তাঁর নিকট ল'য়ে যান, আমার মন্তব্য আচার্য্যের নিকট প্রকাশ করবে ।

শিষ্য । আচ্ছা, চলেন চলেন । (স্বগত) এহনই ট্যার পাইবেন অনে ।

[মণ্ডন মিশ্রকে লইয়া শিষ্যের প্রস্থান ।

(কামাখ্যাদেবীর প্রবেশ)

শঙ্কর । না, তুমি কে ?

কামাখ্যা । আমি এই স্থানে থাকি । শোনো, তুমি বৃথা পরিশ্রম ক'রে এ দেশে এসেছ । এ কপটাচারি বামাচার প্রদেশে সরল অদ্বৈতপন্থা গৃহীত হবে না । তুমি পুনর্বার বঙ্গদেশে জন্ম-

গ্রহণ ক'রে বিষ্ণুলীলার সহায় হবে, তখন এই বামাচার দমিত হ'য়ে অদ্বৈতমার্গ গ্রহণ ক'রবে ।
(অন্তর্দ্বান)

শঙ্কর । মা কামাখ্যাদেবী কি সম্ভানকে দর্শন দিলেন । জননীর আদেশ শিরোধার্য্য ।

(ভগন্দর ব্যাধির প্রবেশ)

শঙ্কর । তুমি কে ?

ব্যাধি । আমি ভগন্দর ব্যাধি, অভিনব গুপ্তের অভিচারে প্রেরিত হ'য়েছি । কিন্তু অমুমতি ব্যতীত আপনার দেবদেহে প্রবেশ করতে সাহস ক'চ্চি না ।

শঙ্কর । কেন, দেহমাত্রই তো তোমার অধিকার ?

ব্যাধি । হে সর্বজ্ঞ, নিষ্পাপ শরীরে তো আমাদের অধিকার নাই ।

শঙ্কর । আমি নিষ্পাপ নই, আমি জগতের পাপ-তাপ গ্রহণ ক'রে ভ্রমণ করছি ; তুমি আমার দেহে প্রবেশ করো ।

ব্যাধি । প্রভু, জগতের পাপ গ্রহণ ক'রেছেন মতা, কিন্তু সে পাপ আপনার অমুমতি ভিন্ন আপনাকে স্পর্শ ক'রতে পারে না । আর আমরা ব্যাধি, অশুচি অবস্থা ব্যতীত আমাদের প্রবেশ অধিকার নাই । আমার নিবেদন এই,—আমি অভিনব গুপ্তের অভিচার-বলে আহত হ'য়েছি, যদি আপনার দেহে স্থান না পাই, আমি সেই পাষণ্ডের দেহ অধিকার করে, তার পাপের দণ্ড বিধান ক'রবো ।

শঙ্কর । না, তাতে অভিচার বিজ্ঞা ব্যর্থ হবে । এ বিজ্ঞা শাস্ত্রমূলক, আমি শাস্ত্র রক্ষার্থে এসেছি, শাস্ত্র নষ্ট ক'রবো না । এসো, আমি পাপকে আমার শরীর অধিকার করতে প্রশ্রয় দেবো । ভোগ ব্যতীত পাপের নাশ হয় না, জগতের পাপের ভোগ আমার শরীরেই হোক ।

ব্যাধি । প্রভু, জগতের সমস্ত সৃষ্ট বস্তু আপনার সহায়, আমাদের কেন জন-অহিতকারী সৃজন ক'রেছেন ?

শঙ্কর । তোমরা জন-অহিতকর নও, তোমাদের তাড়নায় পাষণ্ডদেয়ে ধর্ম্য বুদ্ধি প্রবেশ করে । এসো গোপনে আমার দেহে প্রবেশ ক'রবে ।

[উভয়ের প্রস্থান ।

নবম গর্ভাঙ্ক । *

কামরূপ শঙ্করাচার্যের আশ্রম ।

সনন্দন, যশোদামিশ্র, শান্তিরাম, গণপতি, আনন্দগিরি,
চিংসুখ, তোটকাচার্য প্রভৃতি শঙ্করাচার্যের শিষ্যগণ ।

সনন্দন । ভাই, পবিত্র দেবশরীরে কিরূপে দুষ্ট
ভগবদ্রোগ প্রবেশ করলে ?

যশোদা । ভাই, এ সকল আমাদের পাপের ফলাফল ।
গুরুদেব আমাদের পাপ গ্রহণ করে এই ব্যাধি-
যন্ত্রণা ভোগ করছেন । আহা, দেখ দেখ—
রোগের তাড়নায় গুরুদেব শীর্ণ হয়েছেন ! আমি
অনেক অনুসন্ধান করলেম, এদেশে তো
সুচিকিৎসক নাই ।

সনন্দন । রাজা সুধা দুইজন ভীষক লয়ে এসেছিলেন,
তঁারা বলেন, এ রোগ তাঁদের অসামর্থ্য ।

(হস্তামলক ও শঙ্করাচার্যের প্রবেশ এবং হস্তামলকের
করঘোড়ে শঙ্করাচার্যের সম্মুখে দণ্ডায়মান)

শঙ্কর । কি হস্তামলক ?

হস্তা । প্রভু, আমার প্রার্থনা পূর্ণ করুন ।

শঙ্কর । তুমি আকাশের ত্রায় নিলিপ্ত পুরুষ, তোমার
আবার প্রার্থনা কি ?

হস্তা । প্রভু, আমি আপনার দাস, আমায় বঞ্চনা
করবেন না ।

শঙ্কর । ওহে, তোমরা শোন শোন—আজ মৌনী
হস্তামলক আমার নিকট কি প্রার্থনা করেছে ।

আনন্দ । গুরুদেব, আপনার নিকট তো বহু বস্তু
প্রার্থনীয় আছে ।

শঙ্কর । এ বাতুলের প্রার্থনা কি জানো ?

আনন্দ । আপনি অন্তর্ধামী, আপনিই জানেন ।

শঙ্কর । এ বাতুল আমার ভগবদ্রোগ প্রার্থনা
করে । আরে পাগল, রোগ তোমায় কিরূপে
প্রদান করবে ?

হস্তা । প্রভু, আজ্ঞা করুন, আমি আকর্ষণ করে
লই ।

শঙ্কর । (বাস্তবাবে) না না হস্তামলক, তোমার
শরীর রোগগ্রস্ত হলে আমি রোগের যন্ত্রণা
অপেক্ষা শতগুণ যন্ত্রণা পাব ।

হস্তা । ভাই পদ্মপাদ, গুরুদেব আমার প্রতি বিমুখ ।
গুরুদেব অভিচার বিচার সম্মান রক্ষার্থে অভিনব

গুপ্তের অভিচারে ভগবদ্রোগগ্রস্ত হয়েছেন ।
সেজন্য চিকিৎসকেরা এ রোগ শাস্তি করতে
অক্ষম ।

সনন্দন । ভাই তুমি কিরূপে সংবাদ পেলে ?

হস্তা । রাজ-বৈজ্ঞেরা অসাধ্য বলায় আমি অশ্বিনী-
কুমারদ্বয়কে আহ্বান করেছিলাম । তাঁদের
নিকট সংবাদ প্রাপ্ত হলেম, তর্কে পরাজিত হবার
ভয়ে, অভিচার করে গুরুদেবকে এই খল রোগ-
গ্রস্ত করেছে ।

সনন্দন । তুমি এখনো ছুরাচারকে ভয় করো নি ?
হস্তা । গুরুদেবের নিষেধ, তাই আমি নিজ শরীরে
রোগ গ্রহণের প্রার্থনা করছি ।

সনন্দন । হোক গুরুদেবের নিষেধ, আমি গুরুবাক্য
লঙ্ঘন-জনিত মহাপাপভার বহন করবো, তথাপি
কপটাচারীর প্রাণবধ করতে নিরস্ত হব না ।
হে গুরুদত্ত চেতন মন ! তোমার প্রভাবে খল
রোগ অভিচারী অভিনব গুপ্তের শরীরে প্রবেশ
করুক ।

(অভিনব গুপ্ত ও তৎশিষ্যের প্রবেশ)

অভিনব । ওহ ওহ—আমার অভিচারের বলটা
আহো—বগবদ্রে জেরে ফেল্চে ! (প্রকাশ্যে)
শঙ্কর কেতা ? আমি তর্ক করবার আইচি ।

সনন্দন । হে খলব্যাধি, যদি এই দণ্ডে গুরুদেবের
শরীর ত্যাগ করে এই পশু-শরীরে প্রবেশ না
করো, আমি অভিচারীর সহিত তোমায় বিনষ্ট
করবো ।

অভি । (অধীর হইয়া) ওরে বাপরে—বাপরে—
মইল্লাম রে—মইল্লাম রে—গ্যালাম !—

শঙ্কর । স্থির হোন্—স্থির হোন্—কি হয়েছে ?

অভি । আমারে ক্ষমা করেন, আমারে রক্ষা করেন !
ওরে গ্যালাম রে—গ্যালাম ! মইষে চড়া
আমারে মারবার আইস্তেচে—কনে যামু—

সনন্দন । যমালয়ে যাও ।

[শিষ্য অভিনব গুপ্তের পলায়ন ।

শঙ্কর । পদ্মপাদ কি করলে ? তোমার বাক্য তো
ব্যর্থ হবে না, নরহত্যা হবে যে ?

সনন্দন । প্রভু, পশুহত্যা সামান্য পাতক, আপনার
দর্শনে আমার দেহে স্থান পাবে না । ছুটির

মরণে পৃথিবীর ভার লাগব হবে, এ প্রদেশে সতীশ সতীত্ব রক্ষা হবে, অভিচারীরা এই পশুর পরিণাম দর্শনে ভীত হয়ে আর ছরস্ত ক্রিয়ায় প্রবৃত্ত হবে না। আর আমি আপনার নাম স্মরণ করে জনসমাজকে আশীর্বাদ করছি, যে শঙ্করলীলা আলোচনা করবে, তার প্রতি দুঃ-শক্তি বলহীন হবে।

শিষ্যগণ । জয় নররূপী শঙ্কর শঙ্করাচার্য্যের জয় !

শঙ্কর । বৎস, সকলে প্রস্তুত হও, এ প্রদেশে আমাদের কার্য্য সমাপ্ত, আমরা কাশ্মীর অভি-মুখে গমন করবো। যেমন সপ্তদ্বীপ ধরায় জম্বু-দ্বীপ সর্বোৎকৃষ্ট, জম্বুদ্বীপে যে রূপ ভারতবর্ষ শ্রেষ্ঠ সেইরূপ ভারতবর্ষ মধ্যে কাশ্মীর সর্বশ্রেষ্ঠ,—যথায় সর্ববিদ্যা-প্রকাশিনী সারদাদেবী বিরাজ-মানা। অদাই সকলে গমনার্থে প্রস্তুত হও।

[শিষ্যগণের প্রস্থান।

কতদিনে হবে মম কার্য্য অবসান,

কর্ম্মভূমে কত দিন করিব ভ্রমণ !

ধন্য মহামায়া—

ধন্য এ ভৌতিক দেহ মায়ায় গঠিত,

চৈতন্য আচ্ছন্ন যার অদ্ভুত প্রভাবে।

প্রারব্ধ-গঠিত দেহ না হইবে ক্ষয়

কার্য্য অবসান বিনা।

বলবান্ কার্য্যের আসক্তি অদ্যাবধি !

বিদ্যা বা অবিদ্যা মায়া উভয়ই শৃঙ্খল ;

স্বর্ণ-লৌহ শৃঙ্খলের প্রভেদ যেমতি

বিদ্যা আর অবিদ্যার প্রভেদ সেরূপ,—

উভয়ই বন্ধন,

কার্য্যে কার্য্য ক্ষয় বিনা বন্ধন না যায়।

কে বলিবে কতদিনে কার্য্য কুরাইবে !

(গোড়পাদের প্রবেশ)

একি, আমার পরম সৌভাগ্যের উদয়! পরম

গুরু গোড়পাদের পাদপদ্ম দর্শন কর্লেম !

গোড় । বৎস, তোমার চিন্তায় আমি আকর্ষিত।

আমার পরমগুরু ব্যাসদেবের দর্শনলাভ করেছ,

তাই আদেশে ভাষ্য-প্রচারে প্রবৃত্ত হয়েছ,

তোমার কার্য্য সম্পূর্ণ প্রায়। তোমার ভাষ্য-

প্রচারে অযথা শাস্ত্র-ব্যাখ্যা খণ্ডিত হয়েছে,

পুণ্যভূমি ভারতের এক প্রাস্ত হতে অপর প্রাস্ত পর্য্যন্ত ব্রহ্মজ্ঞান প্রচারিত। তোমার বেদান্তভাষ্য ব্যতীত বৌদ্ধ-দর্শন খণ্ডিত হতো না। ভগবান নারায়ণ বুদ্ধশরীরে বেদ অস্বীকার করে বৌদ্ধ-সত্ত্ব স্থাপন করেছিলেন, তোমার ব্রহ্মতত্ত্ব প্রচারে বেদমর্যাদা রক্ষা হয়েছে; বৌদ্ধ দর্শন যে বেদের অন্তঃগত তা তুমি সপ্রমাণ করেছ। তোমার অল্প কার্য্যই অবশিষ্ট আছে, কাশ্মীর গমনে কার্য্য পূর্ণ হবে। তথায় বাগ্‌দেবীর বিদ্যাভদ্রাসন স্থাপিত। সেই বিদ্যাভদ্রাসনে উপবেশন ক'রে সংসারে প্রচার করো যে, তোমার প্রবর্তিত পন্থাই শ্রেষ্ঠ। সর্বজ্ঞ ব্যতীত বিদ্যাভদ্রাসনে উপবেশনের কারো অধিকার নাই। তুমি সেই মন্দিরের দ্বাররক্ষক অপরাজিত পণ্ডিতগণকে পরাজিত করে, অদ্যাবধি অনুদবাটিত দক্ষিণ দ্বার উন্মুক্তপূর্ব্বক আসন গ্রহণ করো। পণ্ডিতবর্গের পরাজয়ে সকলের প্রতীতি জন্মাবে যে, তুমি সর্বজ্ঞ। তোমার মতই প্রকৃত মোক্ষপ্রদ গৃহীত হবে। আমার বরে যোগশক্তিতে শিষ্য মায়িক স্থান অতিক্রম ক'রে অচিরে তথায় উপস্থিত হও।

শঙ্কর । প্রভু, আপনার বাক্যে কৃতার্থ হ'লেম। আমার কার্য্য বিফল নয়, আপনার আশ্বাসবাক্যে প্রতীতি হ'চ্ছে। আপনার চরণে শতকোটি প্রণিপাত

গোড় । বৎস, বর প্রার্থনা কর।

শঙ্কর । প্রভু, আপনার দর্শন লাভ ক'রেছি, আমার আর বর প্রার্থনা কি! আজ্ঞা করুন, নিয়ত ব্রহ্মতত্ত্বে নিমগ্ন থাকি।

গৌর । তথাস্তু।

[প্রস্থান।

(মণ্ডন মিশ্রের প্রবেশ)

মণ্ডন । প্রভু, রাজা সুধম্মা আপনার নিমিত্ত রথ ল'য়ে উপস্থিত আছেন।

শঙ্কর । বৎস, সন্ন্যাসীর পদদ্বয় ব্যতীত তো অপর রথের প্রয়োজন নাই। চলো—রাজদর্শনে গমন করি।

[সকলের প্রস্থান।

দশম গর্ভাক্ষ ।

কাশ্মীর—সারদাপীঠ ।

মন্দির-রক্ষক ।

মন্দির-রক্ষক । এতদিনে কি কাশ্মীরের গৌরব, বীণাপাণি বাগ্গদেবীর মহিমা—এই বালক সন্ন্যাসীর দ্বারা বিলুপ্ত হবে। আর মন্দিরের দ্বার-সমূহ দিগ্বিজয়া পণ্ডিতগণ দ্বারা রক্ষিত। জনে জনে অদ্বিতীয় দার্শনিক; যাদের তর্কশক্তি সমস্ত ভারতে প্রচারিত, যাদের সম্মুখীন হ'তে কেহই কখন সাহসী হয় না,—এই দুর্দম বালক তাঁদের প্রতিভা বিনষ্ট ক'চ্ছে! যিনিই এই বালকের সম্মুখীন হ'চ্ছেন, তিনিই পরাজয় স্বীকার ক'রে অবনত মস্তকে এই বালককে দ্বারপরিভ্রমণ ক'রবেন। আর মনে কি আছে—কে জানে! এই বালক কি সর্বজ্ঞ? আর বিজ্ঞা-ভদ্রাসন কি অধিকার ক'রবে?

(কয়েকজন পণ্ডিতের প্রবেশ)

১ম পণ্ডিত । মহাশয় সর্বনাশ! কে এ কুহক? এর সম্মুখে বাক্শক্তি বিজ্ঞাভিত! বৈশেষিক নৈয়ায়িক, সৌগত, মামাংসক প্রভৃতি অদ্বিতীয় পণ্ডিতগণ পরাস্ত হ'য়ে দ্বার পরিভ্রমণ ক'রেছেন। সাংখ্য, দার্শনিক, দ্বার বিজয়-পতাকা এতাবৎকাল গর্বে উড্ডায়মান ছিল, তিনিও সন্ন্যাসীর নিকট পরাজয় স্বীকার ক'রেছেন। দিগম্বরপন্থী পথ-রোধ ক'রেছেন, কিন্তু তাঁর উদ্যম নিশ্চয়ই বিফল হবে। বালকের তর্কশক্তিতে কাহারও জয়-লাভের আশা নাই।

২য় পণ্ডিত । এখনও দেখুন—দক্ষিণদ্বার রুদ্ধ। দিগম্বরপন্থী সাধারণ পণ্ডিত নন, তিনি নিশ্চয়ই বালককে নিরস্ত ক'রবেন। মা সারদাদেবী—নিজ সিংহাসন নিজেই রক্ষা ক'রবেন, বিজ্ঞা ভদ্রাসনের গৌরব কদাচ নষ্ট হবে না।

দৈববাণী । না।

২য় পণ্ডিত । ঐ শোন—দৈববাণী শোনো।

১ম পণ্ডিত । ঐ দেখ—দক্ষিণ দ্বার উদ্বাটিত।

(দ্বার উদ্বাটিত হওন—শঙ্করাচার্য্য ও সনন্দন, মণ্ডনমিশ্র, আনন্দগিরি, তোটকাচার্য্য, হস্তামলক, চিৎসুখ, শান্তিরাম, গণপতি প্রভৃতি শিষ্যগণের প্রবেশ)

শিষ্যগণ । জয় সর্বজ্ঞ যতীশ্বর শঙ্করাচার্য্যের জয়!

মন্দির-রক্ষক । এই কি শঙ্করাচার্য্য? পবিত্র বিদ্যা-ভদ্রাসন কি এই বালক কর্তৃক অধিকৃত হবে? দৈববাণীও কি মিথ্যা? (শঙ্করাচার্য্যের প্রতি) পণ্ডিতবর, আপনি বিদ্যাবলে পণ্ডিতবর্গকে পরাস্ত করে দক্ষিণদ্বার উন্মুক্ত করেছেন, কিন্তু আমায় নিরস্ত করুন। যে ব্যক্তি নিশ্চলচিত্ত নয়, তারে সর্বজ্ঞ বলে স্বীকার করা যেতে পারে না। কেবল তর্কবলে অতীত পরাস্ত করে বিদ্যার পরিচয় হয় না, প্রকৃত জ্ঞানলাভই বিদ্যার পরিচয়। আপনি যদি শঙ্করাচার্য্য হন, এইরূপ লোকপরাম্পরায় শ্রুত আছে যে, অঙ্গনা-সঙ্গের নিমিত্ত আপনি পরকায় প্রবেশ ক'রেছিলেন। অতএব আপনার আসক্তিবর্জিত চিত্ত আমি কিরূপে অবগত হব? সে পরিচয় না পেলে, এ সারদাপীঠে বিদ্যা-ভদ্রাসনে আপনাকে স্থান দিতে আমি প্রস্তুত নই। মায়ের ক্রুপায় আমি এই স্থান রক্ষায় নিযুক্ত আছি।

তোটকাচার্য্য । আপনি সারদাদেবীর পীঠ রক্ষায় নিযুক্ত থেকেও কি নিমিত্ত এরূপ অযৌক্তিক ভাষা প্রয়োগ ক'রবেন? যদিও পূর্বজন্মে কেউ শূদ্র থাকে, পরজন্মে ব্রাহ্মণ হয়েও কি তার বেদে অধিকার হয় না?

শঙ্কর । হে মহাত্মন, আমি আমার আত্ম-তৃপ্তির জন্ত এই আসনে উপবেশনে ইচ্ছুক নই। আমি দেবদেব মহাদেবের আদেশে বেদান্ত-ভাষ্য প্রস্তুত করেছি। নারায়ণস্বরূপ বাসদেব ভাষ্যপাঠে আমার উপর সন্তুষ্ট হয়ে বরপ্রদান করেছেন। তথাপি জনসমাজে 'সর্বজ্ঞ' বলে যদি আমি প্রামাণ্য না হই, তা হলে আমার ভাষ্য জনসমাজে গৃহীত হবে না। এই আসনে স্থানলাভ সর্বজ্ঞতার পরিচয়। আমি দেবদেবের আজ্ঞানুবর্তী হয়ে আমার ভাষ্য-প্রচারে প্রবৃত্ত। যদি আমি কৃত-কার্য্য হয়ে থাকি, সারদাদেবী স্বয়ং আমার স্থান দান করবেন।

দৈববাণী । বৎস, তুমি একমাত্র এই আসনে যোগ্য ;

অসঙ্কোচে আসন গ্রহণ করো, তোমার উপবে-
শনে আসনের মর্যাদা রক্ষিত হবে ।

শঙ্কর । দার্শনিক ঋষিগণে,
কুটবুদ্ধি মানবের নিরাশ কারণে,
দমিবারে চার্কাক সকলে,
দেশকাল অনুসারে করেছেন দর্শন রচনা ।
যোগমার্গ, কৰ্ম্মমার্গ আদি
বিরচিত সময়-উচিত প্রয়োজনে ।
এবে মুক্তিপন্থা প্রসারিত জৈশ্বর-কুপায় !
বেদান্তসূত্রের অর্থ জগতে প্রচার
আত্মার প্রকাশ, অবিদ্যা বিনাশ,
ব্রহ্মজ্ঞানে আত্ম-দর্শন,
গুহ্যতত্ত্ব 'তত্ত্বমসি' প্রকাশ ভুবনে ।
মহাবাক্য হৃদিমাবে করিয়ে ধারণ—
জনগণে আত্মজ্ঞানে কর অবস্থান ।
মা সারদে তব পীঠে
মম কার্য্য হোক সমাধান ।

(শঙ্করাচার্য্যের সারদাপীঠে উপবেশন)

মহানন্দ-রক্ষক । প্রভু, অজ্ঞানের অপরাধ মার্জনা
করুন । আপনি যে সাক্ষাৎ জ্ঞানময় শঙ্কর,
অজ্ঞানতাবশতঃ তা আমার উপলব্ধি হয় নাই ।
সর্ব্বজ্ঞ যতীশ্বর আমার প্রণাম গ্রহণ করুন ।
এতদিন সারদামাতার আসন রক্ষক ছিলেম,
আজ হতে আপনার আসন-রক্ষক-পদে নিযুক্ত
ক'রে কৃতার্থ করুন ।

শঙ্কর । পণ্ডিতবর, আমার আসন নয়, জননৌ
সন্তানকে ক্রোড়ে স্থান দিয়েছেন মাত্র । মাতার
আসনের আপনিই যোগ্য রক্ষক ।

সকলে । জন্ম নরশঙ্কর শঙ্করাচার্য্যের জয় !

শঙ্কর । হে বিরক্ত সন্ন্যাসীগণ, এখনো প্রচার কার্য্য
সম্পন্ন হয় নাই । তোমরা দেশদেশান্তরে এই
অদ্বৈত-ভাষ্য প্রচার করো । আমি কেন্দ্র
নাথ দর্শন করে কৈলাস দর্শনে ইচ্ছুক । তোমা-
দের মধ্যে যারা আমার দক্ষী হবার ইচ্ছা করো,
—এসো—আমরা অদ্যই যাত্রা করি ।

[সকলের প্রস্থান ।

একাদশ গর্ভাক্ষ ।

কৈলাস-সন্নিকট পর্ব্বত প্রদেশ ।

(মহামায়ার প্রবেশ)

গীত ।

কব কারে আর সে বিনা কে জানে,
কি বেদনা তারি বিহনে ।
বিরহ-গাথা থরে থরে গাঁথা,
রহিবে নীরব বিজনে ।
নয়নবারি মিশাও নিহারে,
ঘন শ্বাস মিশ পবনে,
হৃদয়তাপ তপনে মিলাও,
কঠিন কারা মিল গিরিসনে,
শূন্য প্রাণ গগনে ।
বিনা প্রাণাধার, আমি আমি নই,
প্রাণে প্রাণে বাঁধা তাই প্রাণমই,
কতই সহিছি কত সহে আর,
মিছার কেন বা সই—

বিফল আশা হৃদয় মাঝে রাখিব কেমনে যতনে ॥

*[(গণপতির প্রবেশ)

গণপতি । (স্বগত) ওরে বাপ্প্রে ! সেই কাপালিক
ব্যাটার অবিদ্যা ! এখানে কি করতে মরুতে
এলো ! পালাই—বেটা না দেখে ।

মহা । বাবা—শোন—শোন—

গণ । কেন বাছা—তুমি পরের মেয়ে—পরের বউ,
আমি সন্ন্যাসী মানুষ, কেন তোমার কথা শুন্বো ?

মহা । আনি যে তোমাদের মা, আমার কথা শুন্বে
না ?

গণ । মা আছ মা-ই আছ, তুমি ভালয় ভালয় পথ
দেখ, আমিও ভালয় ভালয় পথ দেখি । আর
বাছা তোমার পাল্লায় পরছি নে ।

মহা । শোন না, তোমার গুরুর সংবাদ দিচ্ছি ।

গণ । কে—সেই তোমার কাপালিক ? সে বেটা
অন্ধা পেয়েছে, তা জানানো না বুঝি ? তাই
আমার ধোঁকা লাগাতে এয়েছ ?

মহা । তুমি কি মনে ক'চ্ছ ? আমি সে তো নই,
আমি যে তোমার সত্যি মা । তোমার চোখ
ঢাকা রয়েছে, আমি তোমার চোখ খুলে দিতে
এসেছি । তুমি আমায় কে মনে করেছ ? আমি

সে নই, সে তোমার বিমাতা, আমি তোমার সতি মা ।

গণ । বাছা, তোমার আর মা-গিরিতে কাজ নাই । মহা । বাবা, আমি না পথ ছেড়ে দিলে পথ দেখতে পাবে না । তোমার চোখের আবরণ এখনো ঘোচে নাই । তুমি এখনো তোমার গুরুকে চিন্তে পারো নাই । তাই তোমায় বস্তুতে এসেছি, তোমার গুরু মানুষ নয়, তোমার গুরু সাক্ষাৎ শঙ্কর । এই কথাটা মনে রেখো তা হলেই তুমি মোক্ষপ্রাপ্ত হবে ।

গণ । (স্বগত) না, সে বেটা তো নয় । (প্রকাশ্যে) তুমি কে মা ?

মহা । বাবা, আমি বল্লেও তো বুঝতে পারবে না । তোমার বিমাতাও মরেছে, আমি যেদিন মরবো সেই দিন চিন্বে ।]*

[মহামায়ার প্রস্থান ।

[গণ । তাই তো—তাই তো, আমি যেন আর এক রকম সব দেখছি ! আমি নিদ্রিত না জাগ-রিত ! আমি কোণায়, আমার শরীর কি হ'লো ! এ সব কি ? গুরুদেব—গুরুদেব—চরণে স্থান দাও !]

(মণ্ডনমিশ্র ও সনন্দনের প্রবেশ)

সনন্দ । অত্যাধি ভারতবর্ষের সমস্ত পণ্ডিতমণ্ডলীকে পরাজয় করে কাশ্মীরের সারদাপীঠে বাগ-দেবীর সিংহাসনে উপবেশন ক'রতে কেহই সক্ষম হন নাই । গুরুদেব যখন সমস্ত পণ্ডিতমণ্ডলীকে পরাজয় ক'রলেন,—অকস্মাৎ দৈববাণী হ'লো —“বৎস, আমার আসনে উপবেশন করবার তুমি একমাত্র যোগ্য । আমার আজ্ঞায় আসন গ্রহণ ক'রে ভারতবর্ষে ‘সর্বজ্ঞ’ নামে প্রচারিত হও ।” তাই সুরেশ্বর, সমস্ত ভারতে অদ্বৈত মত স্থাপিত, পুণ্যভূমি জ্ঞানসূর্য্যে আলোকিত । তাই, তুমি আনন্দ সংবাদে দীর্ঘনিশ্বাস তাগ ক'রলে কেন ?

মণ্ডন । ওন ভাই, অন্তর বিকল কিবা হেতু ।

তুমার-আবৃত ঘোর পর্ব্বত প্রদেশে,

নিত্য রজনীতে—

বামাকণ্ঠে কেবা করে সঙ্করণ গান ?

যেন কোন নারী বিরহবিধুরা,

মনোব্যথা কহে এই জনশূন্য স্থানে !

দেখ, দেখ, নারীমূর্ত্তি কে অগ্রগামিনী ?

সনন্দন । হ'তেছে স্মরণ,

পূর্বে যেন এই মূর্ত্তি ক'রেছি দর্শন ।

আছিলেন গুরুদেব যবে পরকারে,

নাহি পাই কোন মতে রাজ-দরশন,

অকস্মাৎ কৃপা করি আসি এক নারী—

সঙ্কটে করিল মাতা উপায় বিধান ।

হেরি অবয়ব মম হয় অনুমান,

অগ্রগামী রমণী-মুরতী সে সুন্দরী !

মহা হিতৈষিনী সেই জননী স্বরূপা,

তাহে কেন অনিষ্ট আশঙ্কা কর তুমি ?

মণ্ডন । নহে এ সামান্য নারী হয় অনুমান ।

প্রধানা প্রকৃতি ।

মহাশক্তি ধরি নারী-কায় ভ্রমেন ধরায়,

তঁার বিরহ সঙ্গীতে ভয় হয় চিতে,

লীলা বুঝি অবসান প্রায় ;

অচিরে বা শিবশক্তি হয় সংমিলিত ।

(শঙ্করাচার্য্য, শান্তিরাম হস্তামলক, আনন্দগিরি, চিংমুখ, তোটকাচার্য্য প্রভৃতি শিষ্যগণের প্রবেশ)

*[শান্তি । প্রভু প্রভু—দেখুন, অকস্মাৎ গিরিশঙ্কর ভেদ ক'রে সলিল উখিত হ'চ্ছে ! প্রভু, ফিরন, হেথায় বিপদ হ'তে পারে ।

শঙ্কর । না বৎস, ভগবতী কিরূপ কৃপাময়ী দেখ । তোমরা দারুণ শীতে ক্লিষ্ট হ'য়েছ, সেই নিমিত্ত এই উষ্ণ প্রস্রবণ গিরিভেদ ক'রে উখিত হ'য়েছে । এর উষ্ণতায়—স্থান উষ্ণ অনুভব ক'চ্ছ না ? আশঙ্কার কোন কারণ নাই ।

সনন্দন । প্রভু, সকলই আপনার করুণা ।

গণ । বাবা—বাবা, তুমি শিব আমি জেনেছি, মা আমায় বলেছেন ।

শঙ্কর । দেখ দেখ, গণপতি কি বলে শোনো ।

সকলে । জয় শঙ্করাচার্য্যের জয় ।]*

শঙ্কর । বৎস, এ জনহীন প্রদেশে কয়দিন রমণীকণ্ঠ-নিঃসৃত কোন সঙ্গীতধ্বনি শুনেছ ?

মণ্ডন । হ্যাঁ প্রভু, আমি পদ্মপাদকে সেই কথাই ব'লহিলেম,—বোধ হ'লো কোন রমণীমূর্ত্তি দূরে দৃষ্টিগোচর হ'লো ।

শঙ্কর । উনিই আমায় সংসারে এনেছেন, আবার

উনিই আমার সংসার ত'তে ল'য়ে বাবার জন্ত
এসেছেন । বৎস, আর আমি এ স্থানে কারে
অবলম্বন করে থাকবো ?

চিৎসুখ । প্রভু, কি নিদারুণ কথা বলছেন ? আমা-
দের পরিত্যাগ ক'রে যাবেন ? জানেন তো,
আপনি এই নরমূর্তিতেই আমার হৃদয়েশ্বর ।

শঙ্কর । বৎস, কারে পরিত্যাগ ক'রবো ?—তোমা-
দের হৃদয়ে আমার ভাষা স্থাপিত । তোমরা
আমার হৃদয় অপেক্ষা প্রিয়, তোমাদের সাহায্যেই
আমার কার্য্য সম্পন্ন । বৎস, চলো—কৈলাস
দর্শন করি । কৈলাস ত'তে প্রত্যাগমন ক'রে
নিজ নিজ কার্য্যে নিযুক্ত হ'য়ো !

[সকলের প্রস্থান ।

পট পরিবর্তন ।

(কৈলাস)

দেবগণবেষ্টিত বৃষভোপার হর-গোরা ।

শঙ্কর । বৎস, নরলালা অবসান মম ।

নিজ নিজ কার্য্য-শস্ত্রে তোমরা সকলে,

যোগবলে হবে অবগত—

তোমা সবে জনে জনে কেবা ।

কার্য্য অবসানে,

মম সম নিজ স্থানে করিও প্রয়াণ ।

সনন্দন । প্রভু, আপনি লীলা সংবরণ ক'রলেন,
কিন্তু আমরা অনাথ হ'লেম ।

শঙ্কর । বৎস, খেদ পরিত্যাগ করো । যে
স্থলে বেদান্তচর্চা হবে, জেনো—সেই স্থলেই
আমরা যুগলে উপস্থিত হ'ব, হৃদয়-মধ্যে নিয়তই
আমাদের দর্শন পাবে ।

(সমবেত সঙ্গীত)

বৃষভ-আসনে জগত পিতা, জগত জননী বামে ।
কনক-রজত মিলিত ললিত, রাজিত যুগল ঠামে ॥

হর—গোর কপূর, গৌরী—চম্পা স্নন্দর,
মনোমালিখ-হরণ মুরতি, দীন-শরণ চরণ-জ্যোতি,
জয় জয় জয় হর পার্শ্বতী, বিদল চণক পুরুষ প্রকৃতি
নিতা চেতন নিত্য শক্তি, লীলানিত্যধামে ॥

সবনিকা পতন ।

গৃহলক্ষ্মী

বা

আদর্শ-স্নাহিনী ।

(সামাজিক নাটক)

মিনার্ভা থিয়েটারে প্রথম অভিনয়—শনিবার, ৫ই আশ্বিন ১৩১৯ সাল ।

কৃতজ্ঞতা স্বীকার ।

আমার পূজ্যপাদ পিতৃদেব জীবনের শেষভাগে “গৃহলক্ষ্মী” লিখিতে আরম্ভ করেন ; কিন্তু শারীরিক অসুস্থতা নিবন্ধন এবং অন্যান্য নানা কারণ বশতঃ নাটকখানির চতুর্থ অঙ্ক পর্য্যন্ত লিখিয়া, রচনা স্থগিত রাখেন । তাঁহার স্বর্গারোহণের পর পুস্তকখানি অভিনয়ের বিশেষ উপযোগী দেখিয়া তাহা সম্পূর্ণ করিবার জন্য পূজ্যপাদ পিতৃদেবের পিতৃমস্ত্রেয় আমার পরম শ্রদ্ধাস্পদ শ্রীযুক্ত বাবু দেবেন্দ্রনাথ বসু খুল্লতাত মহাশয়কে অনুরোধ করি এবং ইহার দ্বারা পঞ্চম অঙ্কটি লিখাইয়া লই । দেবেন্দ্র বাবুর শ্রম যে বিফল হয় নাই, অল্প সংয়ের মধ্যে “গৃহলক্ষ্মী”র প্রথম সংস্করণ নিঃশেষিত হওয়ায় এবং অভিনয়কালে দর্শকবৃন্দের উচ্চ প্রশংসালভ করায় তাহা সুপ্রকাশিত হইয়াছে ।

শ্রীমুদ্রেন্দ্রনাথ ঘোষ ।

চরিত্র ।

(পুরুষ)

উপেন্দ্রনাথ	ধনাঢ্য ব্যক্তি ।
শৈলেন্দ্রনাথ	উপেন্দ্রের কনিষ্ঠ ভ্রাতা ।
নীরদ	ঐ পুত্র ।
মন্মথ	ঐ শ্রালিকা-পুত্র ।
বৈষ্ণনাথ	ঐ বন্ধু ।
নিতাই	ঐ বন্ধু (হাইকোর্টের উকীল) ।
হীরা ঘোষাল	ঐ প্রতিবেশী ।
ভৈরব	}	...	ঐ ভৃত্যদ্বয় ।
গ্রামা		...	
শিব	এর্টার্প ।
নকুলানন্দ	অবধূত ।
শরৎ	উচ্ছ্রাল যুবক ।
সতীশ	}	...	ঐ বন্ধুগণ ।
প্রমথ		...	
বিহারী		...	

ডাক্তার, উপেন্দ্রবাবুর বাটীর জমাদার ও দ্বারবান্ধয়, পুলিশ ইনস্পেক্টর, জমাদার ও পাহারাওয়ালাগণ, রেজিষ্ট্রার ও তৎকর্মচারী, জনৈক ভদ্রলোক, পাওনাদারগণ, আদালতের পিয়াদাগণ ইত্যাদি ।

(স্ত্রী)

বিরজা	উপেন্দ্রের বিধবা জ্যেষ্ঠ-ভ্রাতৃবধূ ।
তরঙ্গিনী	ঐ স্ত্রী ।
সরোজিনী	শৈলেন্দ্রের স্ত্রী ।
মণি	কীর্ত্তনওয়ালী ।
ফুলী	ঐ কন্যা ।
কুমুদিনী	বারাজনা ।

কুমুদিনীর মাতা, বারাজনাগণ ইত্যাদি ।

গহলক্ষ্মী

বা

আদর্শ শ্রমিণী ।

প্রথম অঙ্ক ।

(বিরজার পুনঃ প্রবেশ)

—:~:—

প্রথম গর্তীক ।

উপেন্দ্রের অন্তঃপুর ।

উপেন্দ্র ও তরঙ্গিণী ।

উপেন্দ্র । এবারটা পূজোর ঝগড়া আমার সঙ্গে চ'লবে না,—শৈলেন আছে, নীরদ আছে, তাদের সঙ্গে ক'রো ।

তরঙ্গিণী । দিদি, এসো না গো ।

নেপথ্যে বিরজা । যাচ্ছি । ফেমা, বামুনঠাকুরকে ব'ল গে, ছোটবাবুর ময়না-টয়না সব ঠিক ক'রে রাখে, তার আসবার সময় হ'লো । আর সব বেন দমে রেখে দেয়, ছোট বউএর উপর তার দিয়ে যেন তিনি না শুতে চ'লে যান ।

(বিরজার প্রবেশ)

বিরজা । কি রে, কি ?

তর । শুনু' গা, এবার পূজোর খরচের তার নীরের উপর,—বাশের চেয়ে কঞ্চি শক্ত । এক আধ-খানা লুচী পেতুম, এবার পূজোর তাও পাব না দেখছি !

বিরজা । দাঁড়া দিদি, আমি বুঝি ভাঁড়ার ঘরের চাবিটে ফেলে এসেছি ।

[বিরজার প্রস্থান ।

নেপথ্যে বিরজা । কোথা ছিল ?

নেপথ্যে বি । আমার তেল বার ক'রতে দিলে যে গো ?

নেপথ্যে বিরজা । মনেরও ঠিক নাই ।

বিরজা । হ্যা, কি বলছিলি ?

তর । দাঁড়াও, তোমার সাত পৃথিবী ঘোরা হোক, বনুমতী স্থির হোন, তবে ত ব'সে কথা শুনবে ।

বিরজা । না রে, সব হয়েছে, এইবার কাপড় ছেড়ে গায়ে ঘটি ছুই জল ঢেলে মালা ফিরিয়েই শোবো ।

উপেন্দ্র । এই রাত্রে গায়ে জল ঢালবে ?

বিরজা । ও আমার অভ্যাস আছে । (তরঙ্গিণীর প্রতি) নে—বল—কি বলছিলি ?

তর । বলছেন কি জানো, দিদি,—এবার ছোট ঠাকুরপো আর নীরের হাতে সংসার দিয়ে নিশ্চিত হয়েছেন । ওঁরে কিছু ব'ললে ব'লবেন,—“যাও নীরদের কাছে যাও ।” ছোট ঠাকুরপোর তব্‌চোখের চামড়া আছে, নীরের কাছে চাইতে গেলে কাঁট-কাঁট ক'রে শুনিবে দেবে ! তবে ইনি একেবারে বিবাগী হন নাই । ছোট বউএর আর বউমার পূজোর গয়না গড়ানর তার উনি রেখেছেন ।

বিরজা । হ্যাগা, তা ক'দিন হ'তে শুনু'চি বটে, নীরদ সব ক'ছে ক'রছে,—তা ওরা ছেলেমানুষ—সব শুছিয়ে পা'রবে ?

উপেন্দ্র । সব ব্যবস্থা করাই ত আছে, এদিক্কার খরচপাতি সর দাওয়ানজী ক'রবে, ওরা হিসেব-পত্র দেখবে । আর আমিও ওদের হাতে দিয়ে কিছু নিশ্চিত নাই । চিরকালই কি বাচ'বো, ওরা সব বিষয়-আশয় কোথায় কি আছে, বুঝে নেবে না ?

বিরজা । শুনু'চি নাকি খুড়ো-ভাইপোর খরচপাতি নিয়ে খিটিমিটি হয় ?

তর । নীরে সামলে সন্মুখে টেনে রাখেতে চার,
আর ঠাকুরপোর দরাজ হাত ।

উপেক্ষ । তোমার এ ধর কে দিলে ?

বিরজা । কেন, মোনা বলে,—“বড় মা, মেশো
মশায়কে বুলো যে, দাদাতে ছোট মেসোতে
ব'ন্বে না ।

উপেক্ষ । হ্যাঁ—হ্যাঁ—ওদের খুড়ো-ভাইপোর ধরচ
নিরে তর্ক হয়েছিল বটে । তা মোনা কোথেকে
জানলে,—ও ত ঘরে ব'সে প'ড়ছিল ?

বিরজা । কে, মোনা ? ও জানে না—তোমার
সংসারে এমন কিছু কাজ আছে ? ও দাসী-
চাকর কি দিয়ে ভাত খাচ্ছে—জানে । (তরঙ্গিনীর
প্রতি) এ দিকে ত তোমার বোনপো বোকার
মতন বেড়ায় দেখতে পাও,—ও সব জানে—সব
পারে । পড়া শুনায় ত শুনেছি, ওর সঙ্গে
কোন ছেলে পারে না ; সে দিন বাগান থেকে
সেই কাৎলা মাছটা এসেছিল,—কুটলে । সে দিন
ছকুর বেলায় ব'সে আমার সুপুরী কুচিয়ে দিলে ।
আর এমন সুন্দর তোড়া, ও যে খিড়কীতে ফুল-
বাগান ক'রেছে, সেই বাগান থেকে তোয়ের
ক'রে এনে ছোটবউ আর বউমাকে দেয়—
তোমায় আর কি বলবো । তোমার কাছে
ভয়ে আনে না, পাছে তুমি বকে । আজ ছানার
ডালনা খেলে, ও কার রান্না—ঐ মোনার ।
একটা উরুন কিনে এনেছে, আমার ঠেঙে
আনাঙ্গ নিয়ে এক একদিন রাখে ।

উপেক্ষ । তা তোমায় তোড়া এনে দেয় না ?

বিরজা । (হাসিয়া) একদিন এনেছিল, আমি
ব'কলুম, ঠাকুরপুজোর ফুল নষ্ট ক'রলি ? সেই
ইন্তক ওদের ঘরে দিয়ে আসে ।

তর । ও ঠাকুরপুজোর ফুল নষ্ট করে কেন ?

উপেক্ষ । ওঃ—মাসীগিরি ফলান হ'চ্ছে !

বিরজা । তাই বটে ! ও কি কিছু নষ্ট করে ?
তোমায় বোন ম'রে গেল, পাঁচ বছরের ছেলেটি
বাড়ীতে এসেছে । সেই দিন থেকে কখন
আব্দার ক'রে বলেছে—এই জিনিসটে খাব ?
বাগান থেকে বোড়া বোড়া ফুল আসছে, ও
আপনি ফুলগাছ পুতে ছোটো ফুলে তোড়া
বাঁধে, তাই নষ্ট করে । তুমি মাঝে মাঝে
ওকে শাসাও শুন্তে পাই । ও তোমায়

বোনপো নয় আমার বোনপো,—অমন ছেলে
হয়

উপেক্ষ । ওর মতন ছেলে হাজারে একটা দেখতে
পাই না । দাদা থাকলে এতদিন ওকে বাড়ী-
ঘর-দোর ক'রে দে হিতু ক'রতেন ।

(নীরদের প্রবেশ)

নীরদ । বাবা, হিসেবপত্র আমার যা দেখতে বলেন,
দেখছি, ধরচের দায়ী আমি হব না ।

উপেক্ষ । কেন ?

নীরদ । আমি কাঁহাতক লুকিয়ে রাখবো ? ছোট-
কাকা দশ পনের হাজার টাকার চেক কেটেছেন;
বলেন, দাদাকে বলিস্ নি । সে কাগজে জমা-
ধরচ ক'রতে দেননি । কাল আমার সঙ্গে তর্ক
কিসের ? উনি পাঁচ হাজার টাকার ফের চেক
কাটতে চান, আমি চেক-বই দিই নাই ।

উপেক্ষ । বা—বা—এখন বা ।

নীরদ । আপনি একটা বিল করুন, রোজ রোজ
আমি ঋগড়া করতে পা'রবো না ।

উপেক্ষ । আচ্ছা—আচ্ছা—তা হবে ।

[নীরদের প্রস্থান ।

তর । তোমাব ভয়ে আমি বলি নাই । ছোটবাবুর
একটু বেচাল হয়েছে । নীরে আমার বলতো,
আমি বিশ্বাস করি নাই । কিন্তু এখন দেখতে
পাই, দিন দিন রাত ক'রে আসে । ছোটবউ
সামলায়, সেই জন্তাই বামুনঠাকুরকে বলে,—
“চ'লে যাও, আমি খাবার দেব ।” বামুনঠাকুরের
দোষ নাই । আড়মড় কথা করও শুন্তে পাই,
বোধ হয় কিছু খায় টায় ।

বিরজা । এ কথাটি কেন মুখে গো দিয়ে চেপে
রেখেছ দিদি ?

তর । কি করবো, ব'লে কে দোষী হবে বল ?

উপেক্ষ । কিসের দোষ ? যদি তুমি এতটাই
বুঝেছিলে, আমায় এক দিন বলা উচিত ছিল ।

তর । বলবো আর কি, তুমি কি জান না,—না
দেখতে পাও না ?

উপেক্ষ । না, দেখতে পাই না,—দেখতে গেলে
তোমায় মত চূপ ক'রে থাকতেন না । ব'লে
দোষী হবে মনে ক'রে বলোনি—আশ্চর্য্য !

তর । তোমায় কাছে আমার সবই আশ্চর্য্য !

উপেক্ষ। তা হবে।

বিরজা। তা মন্দ কি ব'ল্ছে? এদের ছ'জনের ভাই-অন্ত প্রাণ! খণ্ডর ম'রে গেলেন, তার ছ'মাস পেরুলো না, শান্তডী ঠাকুরণ আট মাসের ছেলে রেখে চ'লে গেলেন,—আমি একদিন ধম্‌কালে আমার ভেড়ে আস্তো।

উপেক্ষ। বড়বউ, বা শুন্‌ছি, এ যদি সত্য হয়, আর সম্ভবও মনে হ'চ্ছে, তা না হ'লে ওর এত টাকার দরকার কি? বড়বউ, জানো ত, না খাওয়া না দাওয়া—মামলা-মোকদ্দমা ক'রে তাই কি সব বিষয় পেলুম? দেইজীদের আর বড়ো মল্লিকের গ্রাস থেকে দাদা বিষয় বার ক'রে গেলেন,—আর তিনি পুণ্যাত্মা, ভুগতে আমার রেখে গিয়েছেন। বড়বউ, তোমায় বলি নাই, এর মধ্যে ছ'বার ছাও নোটের টাকা চুপি চুপি চুকিয়ে দিয়েছি। মনে ক'রলুম, বিষয়-কর্ণের ভার দিই, তার পড়লে শুধুরে যাবে। তা এতদূর বাড়ি-বাড়ি করবে, আমি বুঝতে পারি নাই। সত্যি কি মদ খ'রেছে?

তর। সত্যি মিথ্যে আর কি! খেতে বসেছিল, মাংস দিতে গিয়েছিলুম, মুখে ভক্ ভক্ ক'রে গন্ধ পেয়েছি।

উপেক্ষ। তোমার পেটে যে এত কথা চাপা থাকে, তা আমি জানতুম না।

তর। চেপে রাখাই ভাল, অনেকবার ব'লে দোষী হয়েছি।

উপেক্ষ। যদি তোমার নীরে হ'তো, তা হ'লে চেপে রাখতে পারতুম না। (বিরজার প্রতি) বড়বউ, মিছে আটু-পাটু—সংসার রাখতে পারবে না। যখন মদ সের্‌খোলো, তখন আর উপায় নাই,—ও রোগের ওষুধ নাই। ওর বা মন বার করুক, আমি কোথাও চ'লে যাই, ওর ভাবনা ঢের ভেবেছি, আর পারি না।

বিরজা। রাগ ক'রো না, ঠাণ্ডা হও, নয় সব খানে-খারাপ হবে। মেজো বউ, তোরে বলবো কি, ওকে মাই দিয়ে আমার বাঁজা মাইয়ে ছদ এসেছে। ও এমন অধঃপাতে যেতে বসলো! এ আমারই পোড়া কপাল—আর কিছু নয়। ঠাকুর যে পরকে বিশ্বাস ক'রে বিষয় খুইয়ে-ছিলেন, সে ত ছিল ভাল। ওরা ছ'ভারে মোট

ক'রে আনতো নিতো খেতো। এ কি সর্বনাশ হলো—এ বাড়ীতে মদ সের্‌খোলো! নেপথ্যে শৈলেন্দ্র। কুচ পরোয়া নাই, আমি কারো এন্তাজারির ভেতর নাই। অত হিসেবকিতেবের ভেতর আমার চ'লবে না।

(শৈলেন্দ্রের প্রবেশ)

শৈলেন্দ্র। দাদা, নীরে কি না বলে—চেক-বই দেবে না? কেন—তোমার বিষয়ে হাত দিচ্চি নি, তুমি কোণে ব'সে থাকতে পার, আমি যদি না পারি। খরচ ক'রবো না—ভোগ ক'রবো না—তবে বিষয় হয়েছে কি করতে?

উপেক্ষ। নীরে—নীরে—

নেপথ্যে নীরদ। আজ্ঞে—

শৈলেন্দ্র। নীরেকে ডাকছেন কি,—আমি নীরের কি তোমাকা রাধি?

বিরজা। চল—চল, শুবি চল।

শৈলেন্দ্র। কে বড় বউদিদি, প্রণাম। দেখ—পাঁচশো টাকা মাসোহারায় কি আমার চলে? কম ক'রে একটা garden party তিন শো টাকার কমে হয় না। এই ধরো না—

বিরজা। নে চল—চল—

শৈলেন্দ্র। বাচ্চি, গাখ্য কথা ব'লো—

[শৈলেন্দ্রকে টানিয়া লইয়া বিরজার প্রস্থান।

উপেক্ষ। নীরে—

(নীরদের প্রবেশ)

নীরদ। আজ্ঞে—এই যে আমি।

উপেক্ষ। তোমারও কি কিছু মাসোহারা বাড়িরে দিতে হবে না কি?

নীরদ। আজ্ঞে খাতা দেখুন, ছ'মাসের মাসোহারা আমার জমা আছে।

উপেক্ষ। চল, বাইরে চল, দাওয়ানজীর বাসার লোক পাঠা।

তর। ই্যা গা, এই রাত্রেই—

উপেক্ষ। নাও নাও—খামো।

[উপেক্ষ ও নীরদের প্রস্থান।

(বিরজার পুনঃ প্রবেশ)

বিরজা। মেজাঠাকুর-পো কোথায় গেল?

তর । দাওরানজীকে ডাক্তে পাঠিয়ে বাপ-বোটার খাতা দেখতে চ'লো । আজ আমার তখি হচ্ছে—বলি নি কেন ? ব'লে দোবী হ'তুম, মনে ক'রতেন—ভারের নামে লাগাচ্ছি । উনি যে ছাওনোটো টাকা দিয়েছেন বল্লেন—সে ছাওনোটোটা কিসের ? নীরে খবর নিয়েছে, ছাওনোটো কেটে ইয়ারবন্ধদের ধার দিয়েছে । নীরে ব'লতে গিয়েছিল, তা ব'লছে কি জানো ? তোদের ও সব কথার থাকবার আবশ্যক নাই । তা কাজ কি বাপু ! দিদি, তুমি জানো না, ঢের দিন ঢের কথা হয়ে গিয়েছে । ব'লে, আমি মুখে কেন গো দিয়েছিলুম, আমি উত্তর করলুম না । ব'লে ব'লতো, কান-ভাঙ্গানি দিচ্ছে । বিরজা । তা তুই আমার চুপি চুপি বলিলি নি কেন ? তর । শেষটা আমার ঘাড়ে এসেই পড়তো । সেবার কাপড় বিলোনের কথা বলি নাই ? কত কথা শুনেছি, তা ত জানো ?

বিরজা । তা আর, তুই খাবি আর ।
তর । না দিদি, আমার মুখে আজ কিছু উঠবে না ।
বিরজা । তা তুই না খাস্, সমস্ত দিন খেটে মচি, আমার খাবার দিবি আর । মোনা আমার ব'লেছিল যে, বড় মা, বড় বড় সব জুড়ী ক'রে ছোট মেসোর কাছে ভাল ভাল সব ঘুঘু আস্চে । আমি তারে ধম্কে দিয়েছিলুম, ব'লেছিলুম,—“তা তোর কি, তুই ও সব কথার থাকিস্ নি ।”

(সরোজিনীর প্রবেশ)

সরো । ও দিদি, বমি ক'চ্ছে । চাপ্ চাপ্ মাসের মত কি উঠছে, বুঝি নাড়ী প'চে বেরুচ্ছে ।
বিরজা । দূর পোড়াকপালী !

[বিরজা ও সরোজিনীর প্রস্থান ।

তর । নীরে ঠিক বলে, ভাইয়ের চরিত্রটা নিজে বুঝুন ।

[প্রস্থান ।

দ্বিতীয় গর্তাঙ্ক ।

শৈলেন্দ্রের কক্ষ—শৈলেন্দ্র ও সরোজিনী ।

শৈলেন্দ্র । দাদা কাল কিছু ব'লেছেন ?
সরো । আমি ত তা জানি না ।

শৈলেন্দ্র । বড় বউদিদি কিছু ব'লেছেন ?
সরো । বড়দিদি কান্দলেন, ব'ল্লেন—পাঁচতুতে খারাপ ক'রেছে ।

শৈলেন্দ্র । তুমিও মনে মনে কত গালাগালু দিয়েছ ?
সরো । আমি তোমার গালাগালু দেব ?

শৈলেন্দ্র । সমস্ত রাত ঘুমোওনি দেখছি ।

সরো । না না—

শৈলেন্দ্র । তবে কি কেঁদে কেঁদে চোখ লাল করেছ ?
সরো । তুমি আর অমন করো না । তুমি যখন বমি করো, মনে হলো, তোমার দম আটকে যাবে ।

শৈলেন্দ্র । আচ্ছা, আমি রোজ রাত ক'রে আসি, মুখে একটু মদের গন্ধও পাও, আমার কিছু জিজ্ঞাসা করো নি কেন ?

সরো । আমি কি জিজ্ঞাসা করবো ?

শৈলেন্দ্র । আমি উচ্ছন্ন গিয়েছি ।

সরো । বালাই ।

শৈলেন্দ্র । শোনো, কুহুদিনো ব'লে এক ছুঁড়ী থিয়েটার করতো, তাকে শরৎ, যে আমাদের বাড়ী আসতো, সে রেখেছিল । সেই শরৎ আমাদের কজনকে একদিন তার বাড়ীতে গান শুন্তে নে যার ।

সরো । সে কথা আমি শুনে আর কি করবো, তুমি আর খেয়ো না ।

শৈলেন্দ্র । শোনো, শুন্লে বুঝবে, আমি পায়ে বেড়ি পরেছি ।

সরো । সে কি ?

শৈলেন্দ্র । তুই এক দিন অমুনি গান শুন্তে যাই, শরৎ সঙ্গে থাকে, এক দিন হীরা ঘোষাল আমাকে বলে—“ছোট বাবু, শুন্তে পাই, রোজ তোমরা গান শুনে এসো, আমার একদিন শোনাও না ।”

সরো । হীরা ঘোষাল শুনেছি, বড় ভাল লোক নয় ।

শৈলেন্দ্র । স্থির হয়ে শোনো, আমি হীরা ঘোষালকে নিয়ে সেখানে গেলুম ; মনে করলুম, শরৎ এখনি ইয়ার-বন্ধ নিয়ে আসবে, আসতে দেবী দেখে হীরা ঘোষালকে ডাক্তে পাঠালুম, সেও ফিরলো না । ক্রমে কথার কথার রাত হয়ে গেল, আমি উঠবো মনে ক'ছি, এমন সময় দেখি, শরৎ একলা এসে উপস্থিত হলো,—আমার

দেখে মুখ ভার করলে। আমার কথাই ভাল
ক'রে জবাব দিলে না।

সরো। কেন, তাঁর সঙ্গে কি ঝগড়া হয়েছিল?

শৈলেন্দ্র। না। শরৎ একটু ব'সেই কুমুদকে
ডেকে বাইরে গেল। আমি কিছু বুঝতে পার-
লুম না। মিনিট দশ বাদে ছুঁড়ীর গলা শুনে
পেলুম, বলছে—“আমি ইয়ার-বন্ধুকে ব'সতে
দেব না? এতে তুমি না থাকো, যাও, চাইনে।”
শরৎ ব'লে, “আচ্ছা তাই।” আমি ব্যাপার কি
জানতে উঠছি, এমন সময় কুমুদ ফিরে এসে
আমার হাত ধ'রে বসালে।

সরো। কেন—ওদের কি হ'লো?

শৈলেন্দ্র। ব'লছি, শোনো,—কুমুদ ব'লে—“দেখ ভাই,
আমার অজান্তেই বোঝা, তোমার সঙ্গে আমার
আলাপ ছিল না, উনিই তোমার সঙ্গে ক'রে
এনে আলাপ ক'রে দিয়েছেন। তুমি ভদ্রলোক
এসেছ, আমি তোমার খাতির ক'রে বসিয়েছি,
এই আমার অপরাধ। বাবু তোমার সন্দেহ
ক'রে, জবাব দিয়ে চ'লে গেলেন।” আমি
বল্লুম, “আমার সন্দেহ করেছে?” কুমুদ বলে,
“হ্যাঁ, নইলে আর বন্ধু কি? মনে করেছেন,
এক শো টাকা ক'রে আমার দিতেন, তা
না পেলে আমি আর খেতে পাব না? ওঁর
বন্ধুবান্ধবের স্খ্যাত গায়ে সয় না। তোমার
কথা এক দিন বলেছিলুম ব'লে কত ঠাট্টা!
আমার একটা পেট আর দু'খানা কাপড়, অত
ডব্‌ডবানির ধার ধারি নে। ওঁর এক শো টাকা
তোমাদের জুতো ফিরিয়ে দে আমি পাব।”

সরো। হ্যাঁগা, এক শো টাকা ক'রে দিত?

শৈলেন্দ্র। ও আর বেশী কি দিত,—গাইতে জানে,
নাচতে জানে, মজলিসি মেয়েমানুষ।

শৈলেন্দ্র। আমারও শরতের উপর মন চটে গেল,
আমি তারে বল্লুম, “তুমি শরৎকে আর আসতে
দিয়ো না, তোমার খরচপাতি আমি দেব।” এই
যাতায়াত শুরু হ'লো। পাঁচজন ইয়ারের খাতিরে
একটু একটু মদও চলো। কাল বাগানে বেট-
কর হয়ে গিয়ে এই চলাচলি।

সরো। তা বেড়ি পায়ে দিয়েছ কি?

শৈলেন্দ্র। বুঝতে পাচ্চ না, এক জনের অন্ন
মেরেছি।

সরো। তা তুমি তাকে কিছু খোকা দিয়ে দাও,
আর সেখানে যেও না।

শৈলেন্দ্র। সে কথা আমি তারে বলেছিলুম, সে
বলে, “আমি তোমার না দেখলে গলার ছুরি
দেব।” আর তার আটপাটু দেখে আমারও
কতকটা টান হয়েছে।

সরো। তা তুমি তার বাড়ীতে এক আধবার যেও,
কিন্তু মদ খেও না।

শৈলেন্দ্র। ওই ত হয়েছে মুন্সিল, তার বাড়ী গেলে
পাঁচ জন ঘোটে, উপরোধ এড়ান যায় না, একটু
একটু খেতে বেশী হয়ে যায়।

সরো। তা তুমি তাকে লুকিয়ে আমাদের বাড়ী
এনো।

শৈলেন্দ্র। সে কি হয়?

সরো। কেন হবে না? আমি কাকেও বলবো না,
আর আমি দোর বন্ধ ক'রে দেব, কেউ আমা-
দের মহলে আসতে পারবে না।

শৈলেন্দ্র। আচ্ছা, তোমার কি মনে হয়, সে সত্যিই
আমায় না দেখলে মরবে? এ কদিনেই কি
এত ভালবেসেছে?

সরো। তোমার ভালবাসা ত বিচির নয়, যে দেখবে,
সেই ভালবাসবে।

শৈলেন্দ্র। এখানে আনলে তোমার মনে রিষ হবে
না?

সরো। রিষ হবে? তুমি যদি দশটা বিয়ে করো,
তা হ'লে কি তুমি আমার পর হবে?

শৈলেন্দ্র। সেও তোমার সঙ্গে আলাপ করতে চায়
সরো। তা বেশ, তুমি এনো।

শৈলেন্দ্র। তুমি আর একটি কাজ করতে পারো?

সরো। কেন পারবো না?

শৈলেন্দ্র। আমি আর এক বিপদে পড়েছি, ব্যাঙ্ক
থেকে হাজার পনের টাকা বার ক'রে নিয়েছি।
তা সব আমি খরচ করি নি, এক জন বন্ধুলোক
বিপদে পড়েছিল, তারে জেলে নিয়ে যায়, তাইতে
বেশী ভাগ খরচ হয়েছে। আর কুমীর গয়না
ছিল না, খানকতক গয়না গাড়িয়ে দিয়েছি।
আর বন্ধু-বান্ধব নিয়ে বাগান-টাগান যেতেও
কতক খরচ হয়েছে।

সরো। তা আর বিপদ কি? মেজ ঠাকুর কি সে
টাকা দেবেন না?

শৈলেন্দ্র । দেখেন না কেন ? আমি ভাবছি যে, নীরোর পরামর্শ শুনে আমার যদি পৃথক্ ক'রে দেম । আমার বলতে ভয় করে, তুমি বড় বউ-দিকিকে ব'লে যদি এর কোন মীমাংসা ক'রে দিতে পার ত বড় ভাল হয় । আর বলো, আমার পাঁচশো টাকার আঁটে না, হাজার খানেক টাকা যদি আমার মাসোহারা ক'রে দেন, আর পূজার সময় যদি হাজার চারেক দেন, তা হ'লে আমার চলে যায় ।

সরো । তা আমি ব'লে ঠিক করতে পারি । তুমি যাও, চানটান ক'র গে, ভেবো না । তোমায় গলায় কাপড় দিয়ে মিনতি ক'চ্ছি, আর যা করো, মনটা খেও না ।

শৈলেন্দ্র । দেখ—আমি মদ খেতে চাই না, ভাল লাগে না, আর দেখতেই ত পাচ্চ—বরদাস্তও হয় না । পাঁচ জনে ধরে, চক্ষুলজ্জা এড়াতে পারি না ।

সরো । এমন কি চক্ষুলজ্জা ? তুমি ব'লো, অমন পেড়াপৌড়ি কর ত আমি তোমাদের সঙ্গে মিশবো না । তুমি ও ছাই ছুঁয়ো না । যাও, চানটান ক'রে ছুঁটি খেয়ে একটু শোও ।

শৈলেন্দ্র । আচ্ছা, কুমুদকে এখানে আনলে তোমার মনে কিছু হবে না ?

সরো । না, তোমার পা ছুঁয়ে বলছি—না । সে তোমায় ভালবাসে, আমি তোমায় বলছি, আমি তারে বোনের মত ভালবাসবো ।

শৈলেন্দ্র । আমি মেজদাদার কাছে কেমন ক'রে মুখ দেখাব ভাবছি ।

সরো । তুমি ভেবো না, তিনি খাড়ীর ভেতর এলে তুমি তাঁরে বলো, আর অমন কাজ করবো না ; তা হ'লে তিনি আর কিছু বলবেন না ।

শৈলেন্দ্র । তুমিও স্নানটান কর গে । তুমি সমস্ত রাত জেপেছ, আমি বুঝতে পেরেছি ।

[শৈলেন্দ্রের প্রস্থান ।

সরো । মন্থথ ত মিছে বলে না, ঐ পোড়ারমুখোরাই সর্বনাশের গোড়া ।

[প্রস্থান ।

তৃতীয় গর্তীক ।

উপেক্ষের বহির্কাটা ।

নীরদ, হীরা ঘোষাল ও মন্থথ ।

হীরা । ছিঃ ছিঃ, ছোটবাবুর মুখ একেবারেই আলগা হয়ে পড়েছে, একেবারে যাচ্ছেআই ! বেত্তাবাড়ী গিয়ে পাঁচ বেটা মাতালের সামনে মেজো কর্তাকে যা মুখে এলো, তাই বলেন । রাম রাম—শুনে কানে হাত দিতে হয় ! বলেন কি না, মেজো বাবু ওঁর বিষয়টা ফাঁকী দিয়ে নিতে চান !

মন্থথ । তা ঘোষাল মশায় কার ঠেঙে শুন্লেন ?

হীরা । আরে আমি স্বকর্ণে শুন্লুম ।

মন্থথ । আপনি সেখান যান না কি ?

হীরা । আরে না না, ছোট বাবুর পাল্লায় ত পড়ো নাই । আমি কি অজ্ঞ জানি, বলেন,—"চল ঘোষাল, বেড়িয়ে আসি ।" উনি যে হোঁতায়ে নে যাবেন, তা কে জানে ?

মন্থথ । তার পর বুঝি আপনাকে ঘরে দোর দিয়ে রাখলেন, আর বেরুতে দিলেন না ।

হীরা । সে একরকম দোর দেওয়াই, চাদর কেড়ে নিলেন, কি করি বল ?

মন্থথ । কাজেই মশায়কে ব'সে শুন্তে হলো । আমি শুন্লুম না কি, আপনার নাক টিপে ধ'রে মদ থাইয়ে দিয়েছেন ?

নীরদ । আরে, চুপ করো না মন্থথ, কি বলেন শোন না । (হীরা ঘোষালের প্রতি) বাবাকে বুঝি খুব গালমন্দ হলো ? কি বলেন ?

হীরা । সে আমার মুখে আর শুনে কাজ নাই ।

মন্থথ । তা হ'লে ওঁকে গিয়ে আবার জিব ছুলতে হবে, নইলে মুখ সাফ হবে না ?

নীরদ । তা আপনি বাবাকে সব বলবেন, বাবা আমাকেই দোষেন, তা ওঁদের টাকা, ওঁরাই খরচ করবেন, আর আমি ওঁদের কথায় থাকবো না । আজ আমি খাড়া বুঝিয়ে দিয়ে নিশ্চিন্ত ।

(বৈজ্ঞান্যথের প্রবেশ)

বৈজ্ঞ । কি ঘোষাল, খবর কি ? কার ব্যাটা হলো, কে জেলে গেল, কে বিধবা হলো, কার সর্বনাশ হলো—তুমি ত ঘুরে ঘুরে পেরের ভাল দেখেই বেড়াও ।

হীৰু । বড় আমুদে লোক, আমার দেখলেই ঠাট্টা করেন ।

(বিরক্তভাবে নীরদের প্রহানোভোগ)

বৈষ্ণ । নীরো, বাড়ীর ভেতর যাচ্চ, তোমার বাবাকে খবর দিও ।

[নীরদের প্রহান ।

হীৰু । তা তোমার দেখিনে যে—দেখিনে যে ?

বৈষ্ণ । আর দেখবে কি ক'রে বল ? এ বাড়ীতে কি ঢোকবার যো আছে, ঢুকলে হিংসের বুকের ছাতি ফেটে যায় ।

মন্মথ । কেন বৈষ্ণনাথ বাবু - কেন বৈষ্ণনাথ বাবু ?

বৈষ্ণ । ঐ জিজ্ঞাসা করো না ঘোষালকে ! ওর বরদাস্ত আছে, আমরা এত বরদাস্ত করতে পারি না । ঘোষাল, তোমার খুব বদরাস্ত,--তুমি শুন্তে পাই, ছুবেলা এ বাড়ীতে এস

মন্মথ । তা ওঁর অহুগ্রহ আছে । ছোটবাবুর সঙ্গে গাড়ী ক'রে যাওয়া আসা আছে ।

বৈষ্ণ । অ্যা ! তুমি সব কখন করো ঘোষাল ? আর পরোপকারই বা ক'রে বেড়াও কখন ?

হীৰু । বসো না—তামাক খাও না ।

বৈষ্ণ । বসবো কি, আগে খাবারটা দাও, ভায়ে ভায়ে বাধবে ? কি বুঝ্ছ ?

হীৰু । সেইটে কি ভাল ?

বৈষ্ণ । ভাল নয় ?—সংসারটা ছারখারে যাবে ;—

আমরাও যেমন বাজার করি গামছা কাঁধে ক'রে,

এরাও তেমনি বাজার করবে, দেখে চক্কু জুড়াবে ।

মন্মথ । না মশায়, উনি তেমন নয়, উনি মেটামেটি করতেই এসেছেন । তাই বলছিলেন, ছোটবাবু মেজো মেশো মশায়কে গালাগালি করেছেন ।

হীৰু । দোষগুণ সব বলতে হয়—দোষগুণ সব বলতে হয়, নইলে মিটেবে কিসে ? আমি তো আর পরের কাছে বলতে যাই নি ।

বৈষ্ণ । বলছিলে বই কি ! চোরাস্তায় দাঁড়িয়ে হাত নেড়ে সব পরিচয় দিচ্ছিলে, নইলে আমি আর শুনলুম কোথেকে যে, এদের সব বাধাবাধি হয়েছে ।

হীৰু । সে এঁদের এই পুরুত বলছিল । আমি তারে ধমকে দিলুম ।

বৈষ্ণ । সে বলবে কেন ? তুমি তাকে সাক্ষী মানলে,

সে বলে, আমি চালকলা বেঁধে খাই, অত খবর রাখিনে ।

হীৰু । নাও, বসো, আমি তোমার সঙ্গে ছড়া কাটতে পারবো না । আমি চলুম ।

বৈষ্ণ । চলো কেন, ছোট বাবু কি বলেছে, উপেনকে বলে যাও । যা মুখে এসেছে—বলেছে, তুমি আর সহিতে পারলে না, তাই উঠে চ'লে এসেছ—কি বল ?

মন্মথ । উনি যাচ্ছেন না ; আপনি চ'লে গেলে, মেশো মশায়ের কাছে আসবেন এখন । আমি মেশোমশায়কে বলবো—কি বলেন ঘোষাল মশায় ?

হীৰু । আমার আর কি, ভায়ে ভায়ে পৌরিত-প্রণয় থাকে, দেখতে ভাল হয় ।

বৈষ্ণ । কেন, ভায়ে ভায়ে বাদাবাদি ক'রে অকুটি হয়েছে না কি ? একটা তোমার পরামর্শ জিজ্ঞাসা করি, কোন্ দালালীতে সুবিধা বল দেখি ? মনে ক'ছি, পেন্সনটা নিয়ে সেই শুরু করবো । বেস্তার দালালী সুবিধা, না হাওনোটের দালালী সুবিধা, না মকদ্দমার দালালী সুবিধা ? তুমি পাকা লোক, তিন রকমই তো চালাচ্চ ।

হীৰু । নাও নাও, আমার তোমার মতন বখাষো করবার সময় নাই ।

(প্রহানোভোগ)

(নকুলানন্দ অবধূতের প্রবেশ)

অব । (হীৰু ঘোষালকে ধরিয়া) কোথা যাও, শোনো—তোমার ভারি বিপদ দেখছি । সে দিন তুমি সন্ধ্যার সময় বটতলা দে' চ'লে যাচ্ছিলে, অমনি তোমার ভূতো চাঁড়াল পেয়েছে ।

হীৰু । কি অবধূত—কি অবধূত—ক' ছিলুম উড়লো ?

অব । ভূতো ব'স, তুই আমার হাত এড়াতে পারবি না, আমি তোরে ছ' হুঁরে তাড়াব ।

বৈষ্ণ । তুমি তাড়াতে পারবে না—তুমি তাড়াতে পারবে না, ওরে অঁকুড়ে চাঁড়াল ভূতে পেয়েছে ।

অব । তা'হতে পারে, তবে সে ভূতোর বাপ ।

হীৰু । নাও, ছাড়ো—ছাড়ো, আমার কাজ আছে ।

বৈষ্ণব । ছেড়ে দাও অবধূত, ওর এখন চের কাজ,
ও এখন বিম্লির ছুকুরীর দালালী করতে
যাবে ।

হীরা । দেখ, ও রকম ঠাট্টা-তামাসা ক'রো না,
ও সব আমার ভাল লাগে না ।

অব । না, ও বুদো স্তাকুরার মটকা ভাঙবে ।

হীরা । তোমার আজ খুব দোস্তা কম হ'য়েছে,
দেখতে পাচ্ছি ।

অব । চাঁড়ালের ভূত কি না, তারি জোর করেছে,
একটা ছাঁদন-দড়ি পেতুম, কেমন চাঁড়ালভূত
দেখতুম, তোমার আড়কাটার টাঙ্গাতুম ।

মন্মথ । অবধূত ম'শায়, আমি আনুচি ।

হীরা । না বাবা, ও তামাসা নয় । কি জানি,
ও গাঁজাখোর বেটা এখনই বেঁধে ফেলতে
পারে ।

অব । হুঁ হুঁ—ভূতো—(মুখে হুঁ দেওন) ।

হীরা । দেখ দেখি, বেটা হুঁ দিয়ে থুথুতে মুখটা
ভরিয়ে দিলে ।

অব । ব্যস্, ঘোষাল বেঁচে গেলে ।

মন্মথ । না অবধূত ম'শাই, এখনো বেঁচে নাই,
ভূতো ওর মাথায় চেপে আছে ।

অব । তবে চট্ ক'রে ছ'খটি চোনা নিয়ে এসো
দেখি, ওকে নাইয়ে দিই ।

(উপেক্ষার প্রবেশ)

উপেক্ষ । এই যে ব'দে, মরিস্ নি ?

বৈষ্ণব । ম'বুঝো তো তোদের ভায়ে ভায়ে লাঠালাঠি
দেখবে কে ?

উপেক্ষ । মন্মথ, দেখ্ তো ছোট বাবু কোথায় ?

হীরা । তিনি অনেকক্ষণ বেরিয়ে গেছেন ।

উপেক্ষ । বটে ! এই যে সকালে পা ছুঁয়ে মাপ
চাইলে, ব'ল্লে আর বেকব না ।

অব । সোঁজো পেদ্বীতে টেনেছে—সোঁজো পেদ্বীতে
টেনেছে—

বৈষ্ণব । অবধূত, সোঁজো পেদ্বীতে কি ক'রে পেলো ?

অব । ঐ ভূতো চাঁড়াল জুটিয়েছে ।

বৈষ্ণব । ঠিক বলেছ অবধূত ।

উপেক্ষ । ভূতো চাঁড়ালটা কে ?

বৈষ্ণব । কে হে ঘোষাল ?

হীরা । এই দেখ দেখি মেজো বাবু,—এই গাঁজা-

খোর বেটা বলছে, আমার ভূতো চাঁড়ালে
পেয়েছে—আমার ছাঁদনদড়ি দে' বাঁধতে চার—
আমার মাথায় চোনা ঢালতে চার । আর
বৈষ্ণবনাথ বাবু টোরাচ্ছেন ।

উপেক্ষ । ছেড়ে দাও অবধূত—ছেড়ে দাও ।

অব । যা ভূতো, আজ হাত এড়ালি, তোর মাথা
আমি মুড়াবো ।

উপেক্ষ । কি হ'য়েছে বদ্বিনাথ ?

বৈষ্ণব । ও ঠিকঠিক বলে, বলে—ওরে চাঁড়াল ভূতে
পেয়েছে ।

উপেক্ষ । কি অবধূত, তুমি সোঁজো পেদ্বী ছাড়াতে
পারো ?

অব । বড় শক্ত পেদ্বী । কামিফে থেকে ডাকিনী
আনতে হয় ।

বৈষ্ণব । কেন—তুমি বাড়াও না ?

অব । না—ও বড় খারাপ—সে আমারও কাঁধে
চাপবে ।

উপেক্ষ । মন্মথ, যা তে ।

মন্মথ । আসুন না অবধূত ম'শায় ।

উপেক্ষ । না না—থাক থাক ।

[মন্মথের প্রস্থান ।

তবে কি অবধূত—তুমি সোঁজো পেদ্বী ছাড়াতে
পারো না ?

অব । ও এ পারে ছাড়বে না । গাঙ্গ্ পারে গিয়ে
গণ্ডী দিতে হয়, তবে ছাড়ে ।

উপেক্ষ । (বৈদ্যনাথের প্রতি) কিছু শুনেছ ?

বৈষ্ণব । শুনেছি বৈ কি ।

উপেক্ষ । কি করি বল দেখি ?

বৈষ্ণব । ফেরাতে হ'লে একেবারে লাগাম করলে
ফিরবে না ; একটু ছুটতে দিতে হবে ।

উপেক্ষ । তাই তো আমি কিছু বলিনি । বলি
একটু আধটু বেড়ায়-চেড়ায়—বেড়াক । কিন্তু
মদ ধরেছে—আর তো রক্ষে নাই ? এরই মধ্যে
হাজার পঁচিশ টাকা খরচ ক'রে ফেলেছে ।

বৈষ্ণব । Double W—(woman and wine)
এ তো সোজা নয় ?

অব । সোজা !—একেবারে গাছে তুলে আছাড়
দেবে ।

বৈষ্ণব । তা তুমি ছাড়াতে পারবে না—তবে আর কি
তুমি অবধূত ?

অব । ও পেত্নী ছাড়ে পেত্নী দিয়ে । ভূতটুত হয়
—জলবিছুটিতে যায় ।

উপেন্দ্র । কি করা যায় ? পাঁচশো টাকা ক'রে
মাসোহারা নিচ্ছে, তাতে চলে না, এত কি
খরচ ?

বৈদ্য । খরচ করলে খরচ কি ? দাও দেখি তোমার
বিষয়টা, তিন মাসে না ফুঁকে দিয়ে আবার দেনা
ক'রে জেলে যেতে পারি ? তোমার মতন তো
রাত্রে দু'জনকে ডেকে পোলাও খাওয়া নয়, আর
ব্রাহ্মণপণ্ডিত নিয়ে দুটো খোসগল্প ক'রে টাকাটা
সিকেটা দেওয়াও নয় ? একটা নামজাদা মেয়ে-
মামুষ নীলামে ডেকে নিতে এক রাত্রে দশ
হাজার টাকা খরচ হয়ে যায় । খরচ করবে ?
তা বল—হীরে ঘোষালের নতন দু'একটা দালাল
ধরিয়ে দিচ্ছি ।

বৈদ্য । তা তুমি একটা পেত্নী জোগাড় করো ।

অব । একটা কুনো পেত্নী মজবুত—পাই তবে তো ।
এ সেক্সো পেত্নীর হাত ছাড়াতে কুনো পেত্নী
পারে, আর কারো সাধ্য নাই ।

বৈদ্য । ও নেমার ঝাঁকে বলে ঠিক । তা তোমার
হাতে ঢের যে পরীটরা আছে শুন্তে পাই,
তার কিছুর করতে পারে না ?

অব । ওরে বাপু রে—পরীর ঝাঁকে ফেলে, তা হ'লে
একেবারে উধাও ক'রে নিয়ে যাবে, ইডেন
গার্ডনে হাওয়া খাওয়াবে ।

উপেন্দ্র । দেখ, একবার ভাবি পৃথক্ ক'রে দিই,
আবার ভাবি, আজ পৃথক্ ক'রে দেবো, কাল
পথের ভিকিরী হবে ।

অব । সেক্সো পেত্নীকে চার খাওয়াতে হয় । না চার
খাওয়াতে গেলে ঘাড়ে চাপবে । তবে আলাক-
লতার বিচি আর কনক ধুতরোর শেকড়—না
—রুগী না গাঙ্গ পার করলে উপায় নাই । বেটা
গঙ্গা পেরতে পারবে ? পারে—পোল হয়েছে ।

উপেন্দ্র । দেখ—ও কথা বলছে মন্দ নয়, কোথাও
বেড়াতে নিয়ে যাবো ।

বৈদ্য । যাবে কি ?

অব । ও কি যেতে চায়—কুঁপোয় পুরে নে যেতে
হয় ।

উপেন্দ্র । কে সে বেটা, সন্ধান করতে পারলে না হয়
কিছু টাকাকড়ি কব্জাই ।

বৈদ্য । কি অবধূত—কোন গাছের পেত্নী, সন্ধান
করতে পারো ?

অব । আমার কর্ম নয়, ও ভূতো চাঁড়াল পারবে ।
ও পেত্নীকে বাগাতে পারবে না—ও পেত্নীকে
বাগাতে পারবে না । ও সেক্সো পেত্নীর তিন
পুছরে একটা ভূত থাকে, সেই ভূতটো বেটীকে
ঘোরায়, তাকে যদি দুধ-কলা দে বশ করতে
পারো, তা হ'লে বাগলে বাগতে পারে ।

বৈদ্য । এই যে অবধূত সব জানো দেখছি ?

অব । জানি বৈ কি—আর জন্মে যখন রাজপুত্র
ছিলুম, ঐ সেক্সো পেত্নীর ঝাঁকে পড়ি, দেখলুম,
তিন প্রহর রাত্রিটিও হয়, সেই ভূতটো এসে সিস্
দেয়, আর বেটা অম্নি ধড়মড়িয়ে উঠে “বাবা
বাবা” বলে ছুটে যায় ।

বৈদ্য । দেখ, মাথা খারাপ হয়ে এক রকম পাগ-
লামো করে, কিন্তু ঠিক বলে । ও বেটীদের এক
জন ভালবাসার মানুষ থাকে, সেই বেটীকে যদি
কিছু দিয়ে বশ করতে পারো, তা হ'লে হলেও
হ'তে পারে ।

অব । উঁহু—গাঙ্গ পার করতে হবে—গাঙ্গ পার
করতে হবে ।

বৈদ্য । আজ চলুম ।

উপেন্দ্র । যাবে কেন—একত্রে খাই গে এসো না ।

বৈদ্য । না হে, আমি থেয়েছি ।

[প্রস্থান ।

উপেন্দ্র । এস অবধূত, তুমি রাজপুত্রের আগের
জন্মে কি ছিলে বলবে চল—শুন্তে শুন্তে যাই ।

অব । না, সে জন্মে ছিলুম—কাল-পেঁচা । যার
চালে গিয়ে বস্তুম, তার ভিটে মাটি চাঁটি হতো ।
না—রাজপুত্রের পরের জন্মে সেটা ।

উপেন্দ্র । অবধূত, তোমায় একতাড়া তুরিতানন্দ
পাঠিয়েছি পেয়েছ ?

অব । হ্যাঁ—হুঁসের গোলালানন্দও ছিল ।

| উভয়ের প্রস্থান ।

চতুর্থ গর্তাঙ্ক ।

কুমুদিনীর বাটীর কক্ষ ।

সতীশ, বিহারী, প্রমথ ও কুমুদিনী ।

সতীশ । কই, এখনো যে বাবু আসেনি ?

কুমু। বাবু আজ আসবেন না, আমার সেখায় বাবার জুতুম হয়েছে ।

সতীশ। যাবে না কি ?

কুমু। রাম ! আমি শরতাকে বলে পাঠিয়েছি, সে আসবে ।

প্রমথ। অমন কাজ ক'র না, ধরা পড়ে যাবে । সে দিন রাত ছপুয়ে চাবি ফেলে গেছি বলে এসেছিল—জান তো ?

কুমু। আমি সব দিক্ না সামলে কি শরতাকে আনি ? সদর দেওয়া থাকে, ওর সাড়া পেলেই শরতাকে ভাড়াটের ঘরে পাঠিয়ে দিই ।

প্রমথ। আমার কিছু জুয়েলারি কিনিয়ে দাও, তোমারই তো লাভ ।

কুমু। আমি কি চেষ্টা করিনি ? আমি তারে রিষ দেখিয়ে বলেছিলুম, “শরতার নূতন মেয়েমানুষ আমার হীরের ঝাপ্টা দেখিয়ে গেল ।” ও বলে, “আমি টাকা হাতে পাচ্ছি, দাদার সঙ্গে গোলমাল যাচ্ছে ।”

প্রমথ। তা তোমার কি ? টাকার ভাবনা কি ? হাওনোট কাটুক না, দশটা মহাজন মুখিয়ে আছে । এই বেলা কিছু হাতিয়ে নাও, বুঝলে ? হাতে থাকতে থাকতে বাগিয়ে নাও । মনি কীৰ্ত্তনী তার মেয়ে দুলাকে জোটাবার চেষ্টায় আছে । সে বেটা আড়্‌চে, ঘরে মানুষ আনতে চায় না, নইলে এতদিন তোমার বেহাত হয়ে যেতো ।

কুমু। তা হোক, আমি আর পারি না । রোজ রোজ ঘ্যান্‌-ঘ্যানানি, ইয়ার-বন্ধু এলে বেজার, মুখো-মুখি ক'রে থাকো !

বিহারী। আরে অত কেন ? শরতের কাছে তো পেটভাতা, কিছু বাগিয়ে নাও না, আর প্রায় তো দশটার পর চ'লে যাচ্ছে, তোমার তো কোন দিকে আটক নাই ।

কুমু। এখন আর দশটা কি ? ছপুর, সাড়ে ছপুর—শরৎ ফিরে ফিরে যায়, আর আমার উপর রাগ করে ।

বিহারী। তুমি বলতে পার না, মাছটা গোঁথে ছিপ হাতে দিয়েছ, খেলিয়ে তুলি ।

সতীশ। শুনছি নাকি—বাবু মদ ছাড়বেন ?

বিহারী। ঢের দেখেছি—যেতে দাও না আপনা

আপনি । কুমুদবিবি এক গ্লাস হাতে ক'রে দিলেই তখনই মদ ছাড়া দেখতে পাবে ।

কুমু। না না—ছাড়ব মনে ক'রেছে—ছাড়ুক । মদ খেলেই নানা রকম রিষ করে আর ঝগড়া করে ।

প্রমথ। মদ ছাড়বে কি ? তা হ'লে কি আর কিছু বাগাতে পারবে ? শুঁড়ী মামা আছে বলেই ক'রে খাচ্চ, নইলে কি শুধু সাবানে আর ছেঁড়া চুলে খোঁপা বেঁধে চ'লতো ?

কুমু। নে নে, কামদেব পুরুষ কি না । চুপ্‌ কবু—বুঝি আসছে । এসেই খানিক গজ্‌ গজ্‌ করবে ।

(শৈলেন্দ্রের প্রবেশ)

সতীশ। আস্তে আজ্ঞা হয়, এত late কেন, বিবি-সাহেব ব'ল্‌চে, হাজরে কাটবো ।

শৈলেন্দ্র। তোমার গাড়ী পাঠিয়ে দিলুম—গেলে না কেন ?

কুমু। তোমার যেমন আকৈল—কোথায় বাবো ? (বন্ধুগণের প্রতি) শোনো ভাই, ওর বৈঠক-খানায় বাই, আর ওর ভাই-ভাইপো আমার দরওয়ান দিয়ে গলাধাক্কা দিন !

শৈলেন্দ্র। কি ! এত ভাই-ভাইপোর তোয়াক্কা রাখি নে ।

কুমু। না—ভয়ে খুন হন, আর বলেন—তোয়াক্কা রাখি নে ! এত যদি, একটা মিনিস কিনে দিতে বল্লে—কেন বল “মেজ্‌দাদা টাকা আট্‌কেছে ?” মুখের সাপট এমন অনেকে করে !

(হীৰু ঘোষাল ও শিবু উকীলের প্রবেশ)

হীৰু। ম'শায়, বিশ্বাস করেন না, এই শুনুন শিবু বাবুর ঠেঙে ।

শিবু। কি বিবি সাহেব, ভাল আছেন তো ?

কুমু। যেমন পায়ে রেখেছেন ।

শিবু। আমাদের পুঁটিমাছের প্রাণ, আপনাকে কি আমরা রাখতে পারি ? যে রাখবার, সে রেখেছে ।

হীৰু। যাক্ ম'শায়—কাজের কথা হোক । আমি ধ'রে আনলুম, মকেল বসিয়ে রেখে চ'লে এসেছেন ।

শিবু। হ্যাঁ হে, বিষয়টা পেলে, দাদার হাত-তোলার ভেতর রয়ে গেলে ? আবার যে নিতাই বাবু কি ডিড্‌তোয়ের করছেন শুনচি ।

শৈলেন্দ্র । কিসের ডিড্ ?

শিবু । সে বাই হোক, আমাদের না দেখিয়ে থপ ক'রে একটা সই ক'রে ফেলো না ।

হীরা । মশায়, অত শতর কাজ কি ? ওর বিষয় ওকে কেন বার ক'রে দিন না ?

শৈলেন্দ্র । মেজ্ দাদা তো বলছেন ।

হীরা । সে বলছেন যুখে, ছোট বাবুর সরল প্রাণ, তাই বুঝে গেছেন ; অত বড় বিষয়টা নাড়ু'চেন, চাড়ু'চেন—ওতে লাভ কত !

শৈলেন্দ্র । না না, উনি বলছেন—আমিই পেছুছি । নানা ভজকট, আমি ম্যানেজ করতে পারবো না ।

শিবু । ম্যানেজটা আর কি ? বাঁধা বিষয়, আপনি না পারেন, একটা ম্যানেজার রাখুন, retired Sub Judge ঢের আছে । আর শুন্তে পাই, ছ তিন লাখ টাকা ব্যাংকে বসিয়ে রেখেছেন, ও তো টাকা পুঁতে রাখার সঙ্গে সমান । আপনার কিছু করতে হবে না, সেই টাকা বার ক'রে নিন দেখি, আমি ছত্রিশ পার্সেন্ট সুদে খাটিয়ে দিচ্ছি, সেই সুদ থেকেই আপনার আদেক হাত-খরচ চ'লে যাবে ।

শৈলেন্দ্র । অত সুদ খেতে গেলে সে টাকা আদায় হয় না, মেজ্ দাদার কাছে দালাল এসেছিল, ঐ জন্তে দেন নাই ।

শিবু । পাটি বুঝে দিতে পারলে আদায় হয় না ? আদায় হয় না হয়—সে আমি বুঝবো, আপনি টাকা বার ক'রে নিন ।

শৈলেন্দ্র । মেজ্ দাদা যরোয়া একটা পার্টিসন করতে চাচ্ছেন, তা আমি রাজী হই ?

শিবু । না, যরোয়া করো না, তাতে ঠকবে ।

হীরা । ঠকাবার মতলবেই তো যরোয়া করতে যাচ্ছেন ।

শৈলেন্দ্র । না না, মেজ্ দাদা সে মাছুষ নয় ।

শিবু । তাই তোমাদের বড় বউকে হাত-তোলায় রেখেছেন । ওর life interest এ যে আর, তা তোমার বড় দাদা মরা ইস্তক জন্মে একটা বিষয় কেনা চলতো । যরোয়া পার্টিসনে রাজী হবেন না—যরোয়া পার্টিসনে রাজী হবেন না । আর নেহাৎ রাজী হন, আপনার পক্ষ থেকে একজন ল-ইয়ারকে দেখিয়ে নেবেন ।

হীরা । আপনিই ল-ইয়ার, আবার কোথায় ল-ইয়ার খুঁজতে যাবেন ?

শিবু । তার জন্তে আটকাবে না । তবে দেখ কিছুতে সই ক'রে যেন হাত-পা বাঁধা দিও না, সালিসিনামাটা বুঝে বুঝে সই করো ।

শৈলেন্দ্র । সে আপনাকে দেখিয়ে সই করবো ।

শিবু । বেশ কথা, আমি চল্লুম, client বসিয়ে রেখে এসেছি ।

[প্রস্থান ।

বিহারী । তোমাদের তো মামলা-মকদ্দমা চুকলে, এখন আমাদের কাছারী বন্ধক ।

শৈলেন্দ্র । তোমরা ভাই আশ্বাস করো, আমি ওতে নেই । (কুমুদিনীর প্রতি) চলো—তোয়ের হও ।

কুমু । না, আমি গলাধাক্কা খেতে যাব না ।

সতীশ । বাঃ ! তুমি তো বেশ লোক হে ! আপনি থাকবে না, মেয়েমানুষ নিয়ে চ'লে, তবে আমরা কাছারী করব কাকে নিয়ে ?

হীরা । না না—যাও না কুমুদ, ওর কি একটা মতলব আছে ।

কুমু । মতলব আর ছাই, মাথায় ভূত চেপেছে, আমি যাব না ।

শৈলেন্দ্র । যেতেই হবে ।

কুমু । আমি চল্লুম—তুমি বকে ।

[কুমুদিনীর প্রস্থান ।

শৈলেন্দ্র । কোথা যাও ?—

[পশ্চাৎ পশ্চাৎ প্রস্থান ।

হীরা । দেখ, ব'লে ক'রে এরে পাঠিয়ে দাও, মজা আছে ।

সতীশ । ও আজ শরতাকে ব'লে পাঠিয়েছে, ও যাবে না ।

হীরা । চলো চলো—বুঝিয়ে পড়িয়ে পাঠিয়ে দিই । আজ গেলে রগড় বাধবে ।

প্রমথ । দাঁড়াও বাবা—একটু টেনে নিই ।

[হীরা ঘোষালের প্রস্থান ।

হীরা । নিজেই এসো না ।

বিহারী । হীরে যেটা ওদের পথে না বসিয়ে ছাড়ু'চে না ।

সতীশ। আমাদেরই কোন্ পথে বসতে বাকী! আর
গোটা ছুই ডিক্রীজারি হলেই ভ্রাসনখানা
গিয়েছে।

বিহারী। তুই যে বুঝে চলি নি?

সতীশ। আচ্ছা বাবা, দেখি, তুমি কত দিন বুঝে
চলো। দেখ, একটা কথা ভাব্‌চি—আমাদের
যা হবার, তা তা হয়েছে; এটা কেন আর
আমাদের সঙ্গে মাথা মুড়োর! বা হোক, দশদিন
টেকে থাকলে আমাদের চলবে!

প্রমথ। আরে নে নে—কাণ্ডেন ঢের মিলবে, ঐ বই
আর সহরে কাণ্ডেন নাই?

সতীশ। সাদা লোকটা!

প্রমথ। রাজা সাদার আমাদের কি এসে যায়!
ঝাপটাটা গচাবো মনে করেছিলুম, তা কাল
দেখা যাবে।

[সকলের প্রস্থান।]

পঞ্চম গর্তাক।

গঙ্গাতীর।

(গীত)

হে দীনশরণ, বন্ধন-মোচন,

তাপে তাপ বার ত্রিতাপ-বারণ,

নিষ্ঠুরতা নয়, হে করুণাময়,

করুণা তোমার কল্য-হরণ।

তোমারে পাসরি, ভবে আমি হরি,

বন্ধ মায়া-দোরে মোহে ডুবে মরি,

ঘোর পাপ-পঙ্কে কেমনে হে তরি,

বিনা পাপহারী পঙ্কজ-চরণ ॥

ভীষণ পাথার না করি বিচার,

সুখ-সাধে দুখ-মাগরে সাঁতার,

বাসনার ছলে উদ্গাদ চীৎকার,

শাসন-মন্ততা দমন কারণ ॥

জনম-মরণ নিয়ত ভ্রমণ,

অন্ধের নয়ন নহে নিমোলন,

নিবিড় তিমির তাহে আবরণ,

কতু নাহি পশে বিবেক-কিরণ,

অন্ধ অঁধি পার—তোমার কৃপায়,

আলোক-ঝলকে আগে ব্যথা পার,

অস্তর নির্মল আলোক-প্রভার,

তাপেতে কাকন উজ্জল-বরণ ॥

(মণি কীর্তনীর প্রবেশ)

মণি। এই যে বাড়ী ছেড়ে এখানে এসে মোনা
বাবুর বাঁধা গান গাওয়া হচ্ছে। দ্যাখ্—এখনও
বোঝ্,—আজ যেন ঠাকার ক'রে কাককে ঘরে
আসতে দিচ্ছি না, তার পর তোমার রাজপুত্র
এসে বে ক'রে নিয়ে যাবে নয়! ওঃ, সাবিত্রী
এসে জন্মেছে কি না, চারকাল সতী থাকবেন!

ফুলী। আচ্ছা আচ্ছা, তুই যা—

মণি। আচ্ছা, তুই অমন করিস্ কেন? তোরে
মল্লিকবাড়ী কীর্তন করতে নিয়ে গিয়েছিলুম।
হীরা ঘোষাল বলে, মল্লিকদের ছেলে তোরে চার
হাজার টাকা দিতে চায়, আর তুশো টাকা ক'রে
মাসোহারা দিতে চায়। কদিন আমাদের বাড়ীর
সামনে জুড়ী ক'রে ঘুরেছে—দেখেছি।

ফুলী। মা, তুমি এই গঙ্গার তীরে কি বলছ? তুমি
কীর্তন গাও, কৃষ্ণনাম করো, আর আপনার
পেটের মেয়েকে এই সব কথা বলছ? তুমি
আসবে গাও যে, ব্যতিচারিণীর উদ্ধার নাই, আর
তুমি গঙ্গাতীরে এই সব কথা বলছ? বাও,
আমি দোরে দোরে গান গেয়ে ভিক্ষা ক'রে খাব।
তুমি ও সব কথা যদি বল, তোমার বাড়ীতে
থাকবো না।

মণি। ওলো, বুঝেছি লো বুঝেছি। আমাদেরও
তোদের বয়স ছিল, মোনা বাবুর পীরিতে
প'ড়েছ, মোনা বাবুকে বিয়ে করবে—নয়?

ফুলী। সে যে বড় ভাগ্যমানী, যে মাথা কেটে
তপিস্ত্রে ক'রেছে, সে তার গলায় মালা দেবে।
আমার যা জন্ম, আমি তার পা ধোয়াতেও
পারি না।

মণি। আচ্ছা, তোর মল্লিকদের ছেলে পছন্দ না
হয়, আরও তো সব ঘুরছে, তাদের ঘরে আরপা
দে। আর মোনা বাবুকে আনতে চাস্, তাও
আন্—আমি কিছু বলবো না।

ফুলী। মা, তুমি যদি ফের ও সব কথা বলবে,
আমি গঙ্গায় গিয়ে উলবো।

মণি। তবে থাক এই গঙ্গাতীরে,—আমার আর
বাড়ী ঢুকিসুনে।

ফুলী। মা, আশীর্বাদ করো, মা গঙ্গা আমার হান
দেন।

মণি। হাঁ, হ্যাঁ, অমন ঢের ঢং আমি জানি—আমার

আর শেখাতে হবে না। আমার এক কথা,
যদি আমার মতে চলিস্, তবে বাড়ী ফিরিস্,
নইলে এই গঙ্গাতীরেই থাক্—আর ভিক্ষে ক’রে
খাস্,—আমি তোরে বাড়ী চুকতে দেব না।

[প্রস্থান।

ফুলী। (গঙ্গার প্রতি) মা, এই পৃথিবীতে কি
আশ্রয় পাব না, না পাই—তোমার কোলে
আশ্রয় দিও।

(জনৈক বৃদ্ধকে লইয়া মন্মথের প্রবেশ)

মন্মথ। এই যে ফুলী!—আচ্ছ—এই বুড়ীটা গাড়ী
চাপা পড়েছে, ডান্ হাতটা একেবারে গেছে।
একে হস্পিটালে নিয়ে যেতে হবে। তুই একে
নিয়ে ঐ গাছতলাটার ব’স্, আমি ত তক্ষণ এক-
খানা গাড়ী নিয়ে আসি।

[সকলের প্রস্থান।

যষ্ঠ গর্তাক্ষ।

সরোজিনীর কক্ষ।

সরোজিনী ও শৈলেন্দ্র।

সরোজিনী। তুমি আবার মদ খেয়ে এসেছ?

শৈলেন্দ্র। একটু খেয়েছি, এস হে—

(পুরুষবেশী কুমুদিনীর প্রবেশ)

দেখ, কেমন আমার ইয়ার এনেছি, এর কাছে
একটু ইয়ারকি শেখো, নইলে কি খালি প্যান-
প্যান্ ক’রে কাঁদলেই আমি বাড়ীতে থাক্‌বো?
আমাদের ইয়ারের প্রাণ, ইয়ারকি চাই—
বুঝলে?

সরো। ও মা—কে গো?

শৈলেন্দ্র। চেয়ে দেখ, তোমার খেয়ে ফেল্‌বে না।

দেখ দেখি—কেমন ফিট্ ইয়ার ছোক্রা—পছন্দ
হয়?

সরো। বাড়ীর ভেতর কাকে নিয়ে এসেছ গো?

কুমু। কেন প্রাণ, পছন্দ হচ্ছে না? তোমার ভাতার
বাড়ীতে থাকে না, আমি একটিন্ থাক্‌বো,
তোমার তুলে সমস্ত রাত বুকে ক’রে রাখ্‌বো।

সরো। ও মা, কাছে আসে যে গো!

(ঘোমটা দিয়া এক পার্শ্বে অবস্থান)

কুমু। আবার ঘোমটা কেন প্রাণ! বদন তুলে
ছটো হেসে কথা কও।

(কুমুদিনীর নৃত্য-গীত)

রমণীর মুখের হাসি, গরলরাশি সূধা করে।

সে হাসি প্রেমের ফাঁসি, সাধ ক’রে প্রাণ গলায় পরে ॥

যে বলে মন মজে না, আপন মন তো সে বোঝে না,

দেখেনি যে,—ভুচ্ছ করে,

নারী কে চিন্তে পারে?

যে বলে পারি—চিন্তে নারে।

দেখেছে যে নারীর আঁধি,

জানতে কি তার আছে বাকী,

সূধা-গরল একাধারে,—

জেনে শুনে প্রাণ না মানে,

তবু গরল ছদে ধরে ॥

কুমু। মানময়ি! পায়ে ধরি, মান ভিক্ষা দাও!

বদন তোলো, একটি চুমো খাই।

(আলিঙ্গন করিতে অগ্রসর হওন)

সরো। (সরিয়া গিয়া) ও দিদি—ও দিদি—ও

দিদি—ছোঁড়া, কাছে আসিস্‌নি। (উচ্চৈঃস্বরে

ও দিদি—ও দিদি—

শৈলেন্দ্র। চুপ করো না কুমুদ; তুমি তো আন্তে

ব’লেছ, মেয়েমানুষ দেখতে পাচ্ছ না?

নেপথ্যে বিরজা। কি রে—কি রে—

সরো। তুমি নিয়ে যাও—নিয়ে যাও, ওরা সব
আসছে।

(বিরজা ও তরঙ্গিনীর দ্রুত প্রবেশ)

শৈলেন্দ্র। (স্বগত) সব ইয়ারকি মাটি করলে!

বিরজা। ও মা—এ কে? কে রে তুই? বি,

বি—মেজো কর্তাকে খবর দে তো। কোঁটিয়ে

তোর মুখ ভেঙ্গে দেবো, তা জানিস্?

শৈলেন্দ্র। বউদিদি, মুখ সামলে কথা কও বল্‌ছি।

কুমু। দেখি না—দেখি না—ওঁর ঝাঁটা কত

দেখি না। আমি এ বাড়ীতে পা ধুতেও আসি

না। পায়ে ধ’রে সেধে এনেছে, তবে

এসেছি।

বিরজা। এ কে! মেয়েমানুষ না কি?

শৈলেন্দ্র। মেয়েমানুষ নয় তো পুরুষমানুষ?

আমি যদি আমার ইয়ারবন্ধুকে আমার জীব

কাছে আলাপ ক’রে দিতে আনি, তাতে কার

কি?

বিরজা । হতচ্ছাড়া ছোঁড়া, এই কুঁজড়ো খান-
কৌকে বাড়ীর ভেতর বেটাছেলে সাজিয়ে
এনেছ ? তোর আকুল নাই, একেবারে
উজ্জর গেলি ?

কুমু । কি, আমি কুঁজড়ো খানকী ? শৈল, তোর
সঙ্গে এই পর্যন্ত, আমার অপমান করতে
এনেছিস ? এই চাল-ঝাড়ুনী মাগীকে দিয়ে
আমার অপমান ক'ছিস ?

তর । ও মা !—আম্পর্ক দেখ !

বিরজা । বি, ছুঁড়ীকে খোঁটিয়ে বিদেয় ক'রে দে তো ।

কুমু । এসো না—এসো না,—চলো না—দেখি
কেমন ঝাঁটা । ধুনীর মাকে দিয়ে একবার
ঝাঁটা দেখিয়ে দিচ্ছি । শৈল, বাড়ীতে পূরে
অপমান করলি ! এঁয়া ! আমার কপালে এই
ছিল—আমার কপালে এই ছিল !

(মাথা খুঁড়িবার ভাণ)

শৈলেন্দ্র । (বাধা দিয়া) থাম্ না—থাম্ না—
তোমার পারে পড়ি—থাম্ না, আমি অপমান
দেখিয়ে দিচ্ছি । (বিরজা ও তরঙ্গিনীর প্রতি)
আমার ঘর থেকে তোমরা সব বেরোও । উনি
পাড়ার পাড়ার ঘোরেন, গঙ্গা নাইতে যান, গুর
আবার ইজ্জত !

তর । ঠাকুরপো, বড়দিকিকে কি বল'ছ ?

শৈলেন্দ্র । যাও—যাও, আর ফোড়ন দিয়ে কাজ নাই ।
মণি কীৰ্ত্তুনীর মেয়ে ফুলীকে এনে যে ইয়ারকি
হয়, তাতে কিছু হয় না ? বাড়ীর ভেতর
এনে যে দশজনের সামনে নাচ হয়, গান হয়—
তাতে কিছু হয় না ?

বিরজা । হতচ্ছাড়া, যা মুখে আসছে—বল'ছিস,
ছর হ' ছুঁড়ি—দূর হ' ।

কুমু । আর অতর কাজ নাই, দূর কে হয়—দেখে
যাচ্ছি,—আমি শেবনা দেখে যাচ্ছি নে । আমি
তো কারো দাসীবৃত্তি ক'রে : বাড়ীতে থাকি
নি । গলার কাপড় দিয়ে সেধে এনেছে,
বে এসেছি ।

বিরজা । (শৈলেন্দ্রের প্রতি) এই সব কথাগুলো
ছুই দাড়িয়ে শুন'ছিস, মুখে লাগি মার'ছিস নি ?

শৈলেন্দ্র । খবরদার—খবরদার বল'ছি—বেরোও,
আমার ঘর থেকে বেরোও—নইলে হাত ধ'রে
ঝার ক'রে দেবো ।

বিরজা । ভগবান, এত অদৃষ্টে ছিল !

(উপেক্ষের প্রবেশ)

উপেক্ষ । এ কি হচ্ছে !

শৈলেন্দ্র । কিছু না, আপনি কেন হেথায় এলেন ?

বিরজা । উনি খানকী এনেছেন বাড়ীতে, আর
আমাদের সব বার ক'রে দিচ্ছেন ।

উপেক্ষ । শৈলেন, শেষ এত দূর হ'ল ! আমার না
মানো, যে তোমার মাই দিয়ে মাহুব করেছে,
তারে বল'ছ—বেরোও । তুমি কি সব ভুলেছ ?
তোমার বংশ ভুলেছ—মান ভুলেছ—মর্যাদা
ভুলেছ—ভ্রাতৃস্নেহ ভুলেছ—মাতৃতুল্য বড়
ভাজকে ভুলেছ ? শৈলেন, তোমাকে বরাটে
বলে আর ভেমোর গাল হয় না । আজও এমন
বরাটে নাই যে, তার মার মত বড় ভাজকে বলে
—বেরোও— বড় ভাইকে মুখের উপর এমনি
জবাব করে,—সাধ্বী জীর সঙ্গে কুলটাকে
আলাপ ক'রে দিতে আসে ! ছিঃ ! তোমাকে
আর কি বল'বো,—আমার মৃত্যু-ইচ্ছা হচ্ছে ।

শৈলেন্দ্র । (অশ্রুট স্বরে) ফুলী বাড়ীতে আসতে
পারে, সে বুঝি খড়দর মা-ঠাকুর !

[কুমুদিনী ও তৎপশ্চাৎ শৈলেন্দ্রের প্রস্থান ।

নেপথ্যে কুমুদিনী । খবরদার, আমার গায়ে হাত
দিস্ নি, আমার বাড়ীমুখো হবি তো জুতো
খাবি ।

নেপথ্যে শৈলেন্দ্র । দাঁড়া না—দাঁড়া না,—ঘাট
মান'ছি—ঘাট মান'ছি—

উপেক্ষ । বড় বউ, কি সৰ্কনাশ হ'ল ! আর এ
বাড়ীতে কেন ? ওই হেথায় থাকুক, আমরা
চল—কোথাও চ'লে যাই । ভগবান ! আমার মৃত্যু
নাই ! দাদা, আমার এই দেখতে হাতে হাতে
সংপে দিয়ে গিয়েছিলে ? সব গেল—পিতৃপুরু-
ষের কীৰ্ত্তিকলাপ সব লোপ হলো, দিক্ আমার
জীবনে !

বিরজা । ঠাকুরপো, তুমি ও কি কচ্ছ ? আমি
স্থির আছি, আর তুমি অমন চঞ্চল হচ্ছ ? তুমি
কাকে বল'ছ, কার উপর অভিমান কচ্ছ ? ও
অধঃপাতে গেছে—যাক্, ও আলাদা হয়ে যা খুসী
তা করুক । ও বয়ে গেছে বলে সব ক্রিয়াকর্ম
বন্ধ করবে ? তুমি বাড়ী থেকে চ'লে যাবে ?

কেন—কি হয়েছে ? ও যাক্—ও অধঃপাতে
যাক্—ওর কর্ত্তভোগ—ও করুক,—তুমি
কাল পাঁচজনকে ডেকে একটা ব্যবস্থা করো ।

উপেন্দ্র । আর ব্যবস্থা নয়, আর আমি বস্তু
দাও করবো না, সংসার ছাড়েখানে যাক্, কীর্ত্তি-
কলাপ : লোপ হোক, বিষয় ছাড়বার হোক,
পুজোর টাকা নেড়ে প্যারদার থাক্—ওর আর
আনি মুখ দেখতে চাই নে । যা অদৃষ্টে থাকে
হবে ।

বিরজা । মেজো বউ, ঘরে নিয়ে যা ।

উপেন্দ্র । উঃ, এত বড় স্পর্ধা—তুমিরা দুকপাত নাই ।

ভর । মিছে রেগে মাথা গরম করছ কেন, সমস্ত
রাত ঘুম হবে না । শোবে এসো ।

উপেন্দ্র । যথেষ্ট হ'লো ।

[ভরজিনী ও উপেন্দ্রের প্রস্থান ।

সরো । দিদি, আমার দশা কি হবে ?

বিরজা । কেন দিদি, তুমি রাজলক্ষ্মী, রাজলক্ষ্মী
হয়েই থাকবে ।

সরো । তোমরা যে ভিন্ন ক'রে দেবে, আমি
কোথায় দাঁড়াব ?

বিরজা । ছোট বউ, কাকে ভিন্ন করবো ? যে
দিন আমার দেহ-প্রাণে ভিন্ন হবে, সে দিন শৈল
আমার প্রাণ থেকে যাবে কি না, জানি না ।
তুই কি ভাবছিস্, শৈলেনের উপর আমি
রেগেছি ? ও নেসার কোঁকে বেরিয়ে যেতে
ব'লেছে, সত্যি সত্যি যদি গলাধাক্কা দেয়, তা
হ'লেও কি আমি ওরে পর ক'রতে পারবো ?
তুই জানিস্ নি, কি ক'রে ওরে মারুয করেছি !
ভগবতি, কি করলে ! শৈলেন আমার, আমি
না থাইয়ে দিলে খেতে পারতো না—দাদা বকলে
আমার আঁচলে মুখ লুকিয়ে এসে কাঁদতো ।
সেই শৈলেন আমার এমন হ'লো কেন ?

সরো । ও দিদি, ওর অপরাধ নাই, আমি না বুঝে
আসতে বলেছিলুম । রোজ বাড়ী থেকে
বেরিয়ে যার, আমি মনে করেছিলুম, ওকে
আনলে ঘরে থাকবে । আমার মাপ করো
দিদি ! আমি এত হবে জানি নে । পুরুষ-
স্বভাব মনে ক'রে চোঁচিয়ে উঠেছিলুম ।

বিরজা । তোমার অপরাধ কি দিদি, তুমি সতীলক্ষ্মী,
তুমি বেশ করেছে, কেঁদো না ।

সরো । কি হবে দিদি ?

বিরজা । রাখাবলতলী কি এমনই করবেন । শুধু
যাবে—ভাবিস্ নি, আর আমার ঘরে আর ।

[উভয়ের প্রস্থান ।

দ্বিতীয় অঙ্ক ।

—:~:—

প্রথম গর্ত্তাঙ্ক ।

উপেন্দ্রের বহির্কীর্টি ।

উপেন্দ্র, নিতাই, শৈলেন্দ্র ও নীরদ ।

শৈলেন্দ্র । নিতাই বাবু, আপনি মেজদাদাকে বলুন,
আমার মাপ করুন ; আমি বড় হয়েছি বটে—
কিন্তু বুদ্ধিতে বড় হইনি । আমি ছেলেবেলার
বেমন ছুঁট ছিলুম, তেমনি আছি । ছেলেবেলার
ওঁরে ছুঁটুমি ক'রে কত গালাগালি দিয়েছি,
তখন তো মাপ করেছেন—তবে এখন কেন
আমাকে পৃথক্ ক'রে দিতে চাচ্ছেন ? বিষয়-কর্ম্ম
তো আমার শেখান নি, বিষয় পেলে তো আমি
রাখতে পারবো না ।

নিতাই । তা বেশ, বিষয় যদি না তুমি manage
করতে পারো, তোমার মেজদাদার উপর ভার
দিও, আর তোমার মেজদাদার সঙ্গে সঙ্গে থেকে
ক্রমে বুঝতে শেখো । তোমরা পৃথক্ হচ্ছে না,
কারণ কি বিষয়, সেইটে ঠিক ক'রে নিচ্ছ । এ
ভাল শৈলেন, আমি তোমাদের বন্ধু, আমি সং-
পরামর্শ দিচ্ছি, তোমরা বেমন এক সংসারে এক
অঙ্গে আছ, তেমনিই থাকবে ।

শৈলেন্দ্র । বিষয় বখরা না হ'ল কি নয় ?

উপেন্দ্র । না, তোমার কি আছে না আছে—জেনে
নাও । তুমি খরচ করতে গেলে আমি বাধা
দিই ; তুমি পাঁচজনের কথায় হয় তো মনে
করো, বুঝি আমার কিছু ভাতে লাভ আছে ।

শৈলেন্দ্র । না মেজদাদা, আমি তা কখনো মনে করি
না । খরচের টানটানি হ'লে ছেলেবেলা বেমন
কাঁদতুম, সেই রকম করি । তবে মাথা খারাপ
হয়ে গিয়ে কি ব'লে কেলেছি, তা আমার মনে

নাই। আমি যেরূপে গেছি, আমার শুধরে দাও, তা না হ'লে আমার সর্বনাশ হবে। আমি কিছু জানি নি শুনি নি, আমার হাতে বিষর পড়লে ছদ্মিনে সব ঠিকিরে দেবে।

উপেক্ষ। তুমি যাতে জানতে শুন্তে পারো, সেই ভাবে নীরেকে আর তোমাকে বিষর দেখতে শুন্তে দিয়েছিলুম, তা তুমি বুঝে চলে কই ?

শৈলেন্দ্র। নিতাই বাবু, আপনি বলুন, উনি আমার শেখান, ঐ নীরের সঙ্গে আমি পারিনি। ও টিপে টিপে বুড়ো পিতামহর মত কথা কর, আমার সর্বশরীর জ'লে বার।

নীরদ। কেন কাকাবাবু, আমি আপনার কখনো অসম্মান করি, তবে কেন বাবার কাছে এমন মিছে বলছেন ?

নিতাই। নীরদ, তুমি এখান থেকে বাও।

নীরদ। (উঠিয়া) আমি যাচ্ছি, কাকাবাবু অজ্ঞার বলছেন।—যেমন নিয়ম বাবা বেঁধে দিয়েছিলেন, সেই নিয়মে আমি চলতে চেয়েছি—এই আমার দোষ। বাবার কাছে হিসেব নিয়ে আমার যেতে হ'তো, উনি তো যেতেন না।

শৈলেন্দ্র। নীরো, ব'স, আমি তোমার নামে লাগাই নি, তুই যদি আমার সঙ্গে ঝগড়া কত্তিস, গালাগাল দিতিস, তাতে আমার কিছু হ'তো না। আমি বলতুম—“বাবা, আমার খরচটা না হ'লে চলবে না, তুই মেজদাদাকে ব'লে এটা পাশ ক'রে দিস। তুই “জাযা—অজাযা—উচিত—অজুচিত” এই সব বলতিস—তাই তো আমার—

নীরদ। তাইতে বলতেন,—“তোমার তো বাপের বিষর খরচ কচ্ছি নে—”

শৈলেন্দ্র। সেটা কি আমি সত্যি সত্যি বলছি ? তা হ'লে ভয় ভয় ক'রে, তোমার কাছে চাইবো কেন ?

নীরদ। সত্যি মিথ্যে আমি জানি নে, সে আপনারা বুঝুন।

[প্রস্থান।

উপেক্ষ। আমি বুঝছি, তোমাদের ছদ্মিনে ব'লবে না ; কিন্তু আমি তো চিরদিন থাকবো না ? তুমি তোমার বিষর বিভাগ ক'রে নাও।

শৈলেন্দ্র। কি করতে হবে ?

নিতাই। এই মধুর বাবু, কুঞ্জবাবু, ভদ্রানী বাবু—এঁদের ভিন্নজনের উপর তোমরা ছ'ডারে ভার

দাও, এঁরা তোমাদের বিষর বিভাগ ক'রে দেন।

শৈলেন্দ্র। যদি না করলে না হয়—তা দিন।

নিতাই। তবে এই মধ্যাহ্নমা কাগজখানা তুমি নাও, পড়ে দেখো, এতে কি তোমার আপত্তি আছে, বলো—

শৈলেন্দ্র। আমার আর আপত্তি কি ? আমি কি বুঝি ? দিন—আমি সহি ক'রে দিচ্ছি—

(সহি করিয়া দেওন)

নিতাই। দেখ, আর মত ব'দলো না। এতে সকল দিক ভাল হবে। নইলে, দেখলুম তো—তোমার ভাইপোর সঙ্গে বনে না, তোমার দাদার শরীরের ভজাভজ আছে ; আর হাজার হোক নীরো ও'র ছেলে, তোমার একটু বা'র-দোষ হয়েছে, নীরোর কথাই হয় তো ও'র বেশী বিশ্বাস হবে,—হয় তো তোমার কি একটা ব'লবেন, তুমি সরল-প্রকৃতি, পাঁচজনের কথায় এক দিন রাগ ক'রে কোন উকীলের হাতে গিয়ে পড়বে, আর বিষয়টা ছন্ননন হয়ে যাবে। তুমি জানো না, দশ বেটা ঘুরছে—কিসে তোমাদের সর্বনাশ করতে পারে।

শৈলেন্দ্র। মেজদাদা, যা করতে হয় করুন, কিন্তু আমার পর করবেন না।

উপেক্ষ। আমি তোমার পর করবো ? তুমি কেন এমন হ'লে ? কেন এ ছাই খেতে শিখলে ? কেন তুমি ঘরের লক্ষ্মী ছেড়ে অনাচারী হ'লে ? আমি পর করবো !—শৈলেন—শৈলেন—তুই জানিস নি, তুই আমার কে ? আমার স্ত্রীপুত্র একদিকে—সর্বস্ব একদিকে—তুই একদিকে ! তোমার সঙ্গে পৃথক হবো—তোমার সঙ্গে পৃথক হবো !

নিতাই। ও কি—ও কি উপেন—ঠাণ্ডা হও !

উপেক্ষ। শৈলেন—শৈলেন—আমার মাথার ভেতর কেমন ক'ছে, আমি চমু—আমার দম আটকে যাচ্ছে।

[প্রস্থান।

[শৈলেন্দ্রের পশ্চাৎ পশ্চাৎ গমন।

(নেপথ্যে উপেক্ষের পতন-শব্দ)

নেপথ্যে শৈলেন্দ্র। ওরে শীগ্গির জল আন—শীগ্গির জল আন। নিতাই বাবু শীগ্গির ক্ষান্তন, মেজদাদা প'ড়ে গেছেন

[নিতাইয়ের দ্রুত প্রস্থান।

দ্বিতীয় গর্তাক ।

কুমুদিনীর গৃহ ।

হীরা ঘোষাল, সতীশ ও শিবু উকীল ।

হীরা । বা—সব বুঝি কেঁসে গেল ! নিতে
ব্যাটা সব মাটি ক'রলে !

সতীশ । কি হীরা, গলার ছুরি দিতে দিলে না ?

হীরা । আরে নাও, ঠাট্টা রাখো । ছ'মাস মেহনত
ক'রে বাগিরে এনেছিলুম, নিতে বেটা সব ভেঙে
দিলে ।

শিবু । কি—কি—হ'য়েছে কি বল না ?

হীরা । ঘরোয়া পার্টিসন হবে!—বেকুবকে এত
বোঝালুম যে, নিতের কথার কান দিস্ নে ।

সতীশ । শিবু বাবুর হাতে পড়, খাঁড়া শাণিয়ে
রেখেছেন ।

শিবু । কেন—কি খাঁড়া শাণিয়ে রেখেছি ?

সতীশ । তবে কি ছুরি বাগিরে রেখেছেন, আমার
মত জবাই ক'রবেন ?

শিবু । আমি আছি ব'লে এখনো ওয়ারেন্ট ধরে
নাই, সাতখানা ওয়ারেন্ট থামিয়ে রেখেছি ।

সতীশ । বল কি !—এমন ? তোমার খরচায়
ওয়ারেন্ট বার ক'রে একত্রে আমার ধ'রবে
না কি ?

হীরা । আরে নাও—নাও—কাজের কথা কইতে
দাও । (শিবুর প্রতি) শিবু বাবু, এখন ও
কথার কান দেবেন না, এখন উপায় কি করি
বলুন । বলুন যে—এখন ওদের ঘরোয়া পার্টিসন
হ'তে চ'লো !

শিবু । হ'—ছেলেমানুষ পেয়ে ঠকাবে আর কি !

সতীশ । তাই তো শিবু বাবু, আজ তোমার ঘুম হবে
কি ? তা এক উপায় আছে ঘোষাল ! পার্টিসনটা
হ'রে বাক্, বিষয়টা বাড়িতে শিবু বাবুর হাতে
কেলে দিও, আমার মতন বাড়িরে দেবেন !

শিবু । তিনটে মর্টগেজ আদার ক'রে দিলুম কি না !

সতীশ । তা দিচ্ছে বই কি ? সে টাকা আদার
ক'রে নিরে, তোমার খরচা কত হ'লো ? এখন
খরখোর ক'রে সে তো আমার এনে দিতে হবে ?

শিবু । তোমার চেঁঙে আদেক খরচাও নিই নে, যা
আউট পকেট ।

সতীশ । আর ঠেলেনের বিষয় পেলে আদেকও
নেবেন না. হয় সিকি, নয় ছ'আনা ।

শিবু । (স্বগত) থাকো, তোমার দেখে নিচ্ছি ।

সতীশ । ভাবছেন কি ?—মরার বাড়ি গা'ল নাই,
আমি ইন্সলভেন্ট নেব ।

(কুমুদিনীর প্রবেশ)

হীরা । কি—কি—চাকর এয়েছিল কেন ?

কুমু । দেখ দেখি—আমার মাথানুড় খুঁড়তে ইচ্ছা
কচ্ছে ; চিঠি লিখেছেন, আজ আর আসবেন না ।

সতীশ । তা কাঁদবে না কি ? চোখে আঙ্গুল দেবো,
না শরতাকে খবর দেবো ?

কুমু । বাও—মিছে ভাল লাগে না । আজ তিন দিন
হীরের ব্যাটাটা ঘরে রেখেছি, প্রথম বেচারী
তিন দিন দামের জন্ত আনাগোনা ক'চে । বুঝুন
না শিবু বাবু, ভদ্রলোকের কতটা কথার খেলাপ
হ'চ্ছে !

সতীশ । তাই তো ! কথার খেলাপ তো তোমাদের
জা'তে হবার ঘো নাই ! সত্যভঙ্গ হলো !

হীরা । কেন—কেন—বাবু আসবেন না কেন ?

কুমু । তার মেজো ভাইয়ের কি মাথা গরম হ'য়েছে ।
তা হ'য়েছে তো কার কি রে বাপু!—টাকা
ক'টা তো পাঠিয়ে দিলে হ'তো !

সতীশ । ওঃ ! বেজায় অত্যা—বেজায় অত্যা !

হীরা । শিবু বাবু, আমি চল্লম—আমি চল্লম,
দেখি কত দূর হ'লো । যদি ফেরাতে পারি, চেষ্টাটা
করি । আর তোমার নিতাইএর কি আকল !
সে কোন্ না মেজোর তরফ থাকতো ? এই যে
আপনি ছপয়সা পেতেন, সেইটে সইছে না,
পরের ভাল দেখতে পারে না ।

শিবু । বে জা বুঝবে—তার আর কি ক'রবে বল ?
একলা খেতে চাচ্ছেন, তা খান ; স্টুটটা হ'লে যা
পেড়েন, তার সিকিও পাবেন না ।

হীরা । বেকুবি !—

সতীশ । চামার—চামার,—অমন বড় কাংলা
প'ড়েছে, পাঁচ জনে বখরা ক'রে খেতে চায় না !

হীরা । আমি চল্লম—চল্লম, যা খবর হয়, আপনার
ওখানে দিচ্ছি ।

শিবু । এসো না—আমার গাড়ীতে । (অনাভিক)
ভেবো না, যখন আগুন ধ'য়েছে—খুঁইয়ে আ'লে

উঠবে। তুমি এই নীরো বাবুকে বাগিয়ে রাখো,
সে মজবুত আছে, হৃদিয়ে চট্টিয়ে দেবে।

[হীক ঘোষাল ও শিবু উকীলের প্রস্থান ।
সতীশ । আর ভাবনা কিসের ? আমি বাচ্ছি, শরৎকে
খবর দি গে।

কুমু । সে আবার ক'দিন বগড়া ক'রে গিয়েছে ;
বাবু অনেক রাত্রি অবধি ব'লেছিল—সে এসে
ফিরে গেছে।

সতীশ । সে এখন পাঠিয়ে দিচ্ছি ; তুমি আমার
একটা কথা শুনবে ?

কুমু । কি ?

সতীশ । শরতাকে আনো আর যাই করো, সে ওর
চোখে ধুলো দিয়ে চ'লবে। কিন্তু কাপ্তেনটা
পেরেছ, বেশ বাগিয়ে নিতে পারবে, পাঁচ
বেটাকে দিয়ে ছোঁড়াকে নষ্ট ক'রো না। শিবে
উকীল আর হীরের সঙ্গে শৈলেনের চটাচটি
ক'রে দাও। তুমি যা দোহাতা মেরে নিতে পারো
নাও ; পাঁচ জনকে খাইয়ে কি হবে ?

কুমু । কি ক'রে চটাচটি ক'রবো ? এই হীরে
ঘোষাল—শরতার কথা সব জানে।

সতীশ । তুমি ব'লো না,—এই হীরে, শিবু উকী-
লের সঙ্গে তোমার জোটাতে চার।

কুমু । ও হীরে সব ব'লে দেবে।

সতীশ । তুমি এ কথা ব'লে হীরের ছায়া দেখলে,
জুতো নিয়ে তাড়া ক'রবে।

কুমু । তুমি যাচ্ছ—চলো, আমার নূতন বেহারাকে
তোমার সঙ্গে পাঠিয়ে দিই ; শরতার বাড়ীটে
দেখিয়ে দিই ; সে ভারি রাগ ক'রে গিয়েছে।
আমি একখানা চিঠি লিখে রেখেছি, সে চিঠি-
খানা দেবে। তোমারই চিঠিখানা দিই, আমি
লোক পাঠালে আর একটু মান ভাববে।

[উভয়ের প্রস্থান ।

তৃতীয় গর্তাঙ্ক ।

উপেন্দ্রবাবুর বাটার সম্মুখ ।

হারদেশে জমানার উপবিষ্ট ।

(অদূরে মন্থ ও তৎপশ্চাৎ ফুলীর প্রবেশ)

ফুলী । মোনা বাবু—

মন্থ । কি রে ফুলী ?

ফুলী । কি ক'রে নূতন নূতন ফুল তৈরি করো,
আজ যে শেখাকে ব'লেছিলে ?

মন্থ । সে আমি একখানা বই দেখে—পড়িস্,—
এখন যা। আর শিখতে চাস্, আমি শেমসীকে
অনেক শিখিয়েছি, আমি ব'লে দেব, তার কাছে
শিখিস্।

ফুলী । আজ যে একখানা নূতন গান বেঁধে দেবে
ব'লেছিলে ?

মন্থ । এখন আমি বড় ব্যস্ত আছি।

ফুলী । আমি আর একটা কথা বলতে এসেছি।

মন্থ । সে বলিস্ এখন।

[মন্থের প্রস্থান ।

ফুলী । আমি তোমার মনের কথা টের পাই। পাজী
হীরে ঘোষালটা সৃষ্টির লোকের সর্বনাশ ক'রে
বেড়ার, এখন তোমাদের সংসার ভাঙ্গবার জন্তে
উঠে প'ড়ে লেগেছে। তুমি তারে জব্দ করতে
চাও ; আমি ওরে এ বাড়ী থেকে ছল ক'রে
তাড়াব। আমি ছল শিখেছি ; ছল শুনে তুমি
রাগ ক'রো না।

জমা । আরে বেটা তু আরি ? তেরি ওয়াস্তে রোটি
রাখাখা, তু বব্ আয়েগি লে যা না। একটো
পদ গা বেটা।

ফুলীর গীত ।

ঠুমুক্ চলত রামচন্দ্র বাজত পায়লনিয়া,
কিন্ কিলার, উঠত ধার, গীরত ভূমি লটপটার
ধার মায় গোথলেত্ দশরথ কি রাণীয়া।
অঞ্চল রজ অঙ্ক বাড় বিবিধ ভাঁত সো ছলাড়
তন্ মন্ ধন্ বাড় ডাড় কহত মুহু বাণীয়া,
ঠুমুক্ চলত রামচন্দ্র বাজত পায়লনিয়া।
মেওরা মিষ্টান্ হাল ভাউয়ে সো লে ছলান্
আউয় লেছলান পান বাশি তন্মনিয়া,
তুলসীদাস অতি আনন্দ দেখ্ সুখারবিন্দ
রঘুবরকে ছবি সমান রঘুবর ছবি বনিয়া,
ঠুমুক্ চলত রামচন্দ্র বাজত পায়লনিয়া।

জমা । বহুৎ মিঠি পদ, দেল্ তর হো যাতা !

ফুলী । হ্যাঁ বাবা, তোমার মেরেটির খবর সত্যি ?

জমা । আরে বেটা, কিবগজি দিয়া, কিবগজী লিয়া—
ক্যা করে ! দেখ্ বেটা, তু এক্ এক্ হকে মেরা
পাশ আয়া কিয়ো ; তেরি য়্ মেরা বেটীকা
মাফিক, দেখ্কে জীউ ঠাণ্ডা হোতা !

ফুলী । তা তুমি পুজো ক'রবার ফুল ফুলে না ?
 জমা । দরোয়ান লোক কই হার নেই, জানমে
 গিয়া, দেউড়ি ছোড়কে ক্যায়সে যাব ?
 ফুলী । ওই তারা এলো ব'লে, তুমি ফুল তোলো
 গে, আমি দাঁড়িয়ে আছি । এই তো বাবুদের
 বাগানে ফুলবে । কেউ এলে আমি তোমার
 ডাকবো ।

জমা । আচ্ছা বেটী, জিতা রও—জিতা রও ।
 [জমাদারের প্রস্থান ।

(হীৰু ঘোষালের প্রবেশ)

হীৰু । কি ফুলী, তোর বরাত খারাপ, আমার কথা
 কামে কচ্ছিস্নি । শুন্লে এতদিন তে-তোলায়
 থাক্‌তিস্, জুড়ী চ'ড়ে হাওয়া খেতিস্ ।

ফুলী । কই, তুমি পরখ দেখাও দেখি, একজনের
 মাহুব জুটিয়ে দাও দেখি । দেখি—তার—কি
 ক'রে দাও ?

হীৰু । কে—কে—তোর মা ছুকরী এনেছে না
 কি ? কে—কে ?

ফুলী । এই জমাদারের মেয়ে !

হীৰু । জমাদারের মেয়ে কি ?

ফুলী । হ্যাঁ গো—দেশ থেকে এসেছে । রং যেন
 ফেটে পড়ছে—আমার মতন বয়েস—মাথায়
 ঠিক আমার মত । তার কি নাক, কি মুখ, কি
 চোখ ! আমি তার বাঁদীর বুগিয়াও নই । এই
 জমাদারের কাছে এসেছিল ! জমাদার বলে,
 তোর মাকে ব'লে এর একটা হিলে ক'রে দিতে
 পারিস্ ? আমি বল্লুম—হীৰু ঘোষালকে ব'লো ।

হীৰু । দূর ! তোর মিছে কথা !

ফুলী । তুমি তারে জিজ্ঞেস করো না, মিছে কি
 সত্যি বুঝবে । আমি তারে পাঠিয়ে দিচ্ছি, ফুল
 ফুলতে গেছে ।

[ফুলীর প্রস্থান ।

হীৰু । নবীন বাবুর হিন্দুস্থানী মেয়ে মাহুবের উপর
 কোঁক ! দেখি যদি হাতে লাগে !

(দূরে ফুলীর সহিত জমাদারের প্রবেশ)

ফুলী । আমি আর তোমার কাছে আসবো না ।
 দাঁড়িয়ে দাঁড়িয়ে তোমারও গালাগাল দিচ্ছে,
 আমার গালাগাল দিচ্ছে ।

জমা । কোন্‌ রে ?

ফুলী । বাও, দেখতে পাবে এখন ।

[ফুলীর প্রস্থান ।

জমা । বেটা খোড়া দেওয়ানাকা মাকিক ! বহুত
 মিঠি পদ গাথাখি !

হীৰু । জমাদারজী, সত্যি না কি ?

জমা । হ্যাঁ বাবু—

হীৰু । তোমার মেয়ে ?

জমা । হ্যাঁ বাবু—

হীৰু । বড় চমৎকার দেখতে ?

জমা । হ্যাঁ বাবু—প্রতিমাকা মাকিক থি । তা'
 মেয়া বকৃত !

হীৰু । তোমার বকৃত তো ভালই ! আমি আছি,
 তুমি কি ?

জমা । কেয়া ব'লতে হোঁ বাবু ?

হীৰু । তুমি তো একটি জামাই জোটাতে চাচ্ছ ?

জমা । সো তো ঠিক হুয়া থা, মন্‌ গিয়া—কেয়া
 করে !

হীৰু । সে তোমার ভাবনা নেই ! সে তোমার ভাবনা
 নেই, আমি তোমার ভাল জামাই জুটিয়ে দেবো !
 তোমার বেটীকে খুব বড় মাহুবের কাছে রাখিয়ে
 দেব, তোমার বেটা খুব সুখে থাকবে । তোমার
 হুঃখ যুচে বাবে, * তুমি মাসোহারা পাবে ।
 তোমার বেটীকে আমার দাও ।

জমা । কেঁও শালে ! মেয়া বেটীকা পাশ তোমকা
 ভেজতা হায় !

হীৰু । আচ্ছা আনো—আনো তোমার বেটীকে
 আনো ।

জমা । এই তোমকো ভেজে হুয়া !

(হীৰু ঘোষালের গলা টিপিয়া ধরণ)

হীৰু । ওরে বাপ রে—খুন করলে রে—খুন
 করলে রে !

(দান করিয়া দরোয়ানঘরের প্রবেশ)

দরোয়ানঘর । আরে কেয়া করে জমাদার—কেয়া
 করে জমাদার, মন্‌ যাগা—মন্‌ যাগা—

(হীৰু ঘোষালকে ছাড়াইয়া দেওন)

(নীরদ, মন্‌থ ও ভায়া ভৃত্যের প্রবেশ)

সকলে । কি হয়েছে—কি হয়েছে ?

জমা । শালেকা হাম লউ দেখে—

নীরদ । দরোয়ান, জমাদারকে নিয়ে যাও, তাঁকে
করো ।

(হীকর বেগে বাটীর ভিতর পলায়ন)

১ম দরোয়ান । আরে বানে দেও জমাদারজী—বানে
দেও ।

[জমাদারকে লইয়া দরোয়ানদ্বয়ের প্রস্থান ।

[নীরদের বাটীর ভিতর প্রস্থান ।

শ্রামা । ছোট দা বাবু, ঐ ফুলী বেটা বলছিলো
তোর ঐ ঘেট ঘেটের কি কর্ম ? কি ক'রে
জব করতে হয়, জাখ । ছুঁড়ী খুব বাধারে !

মন্মথ । ও কি ক'রেছে ?

শ্রামা । ঐ হীক বাবুকে দিয়ে জমাদারের বেটা
বার করতে ব'লেছে ।

মন্মথ । বটে ! এখনি খুন হ'রে যেতো । ফুলী
কোথায় ডাক তো ।

[উভয়ের প্রস্থান ।

চতুর্থ গর্তাক ।

উপেন্দ্র বাবুর বহির্কীর্টি ।

নীরদ ও হীক ঘোষাল ।

নীরদ । বটে ! মোনা—মোনা—

(মন্মথের প্রবেশ)

মন্মথ । কি বলছ ?

নীরদ । পাজী, ভেতুড়ে, তুই হীক ঘোষাল ম'থা-
য়ের সঙ্গে লাগিস্ ?

হীক । না না, নীরো বাবু—যেতে দাও ।

নীরদ । দূর ক'রে দেবো—জুতো মেরে দূর ক'রে
দেবো !

(পত্রহস্তে শৈলেন্দ্রের প্রবেশ)

শৈলেন্দ্র । কি ক'চ্ছিস্ নীরো—কি ক'চ্ছিস্ ?

নীরদ । দেখুন দেখি—সে দিন শেম্বোকে শিথিরে
দিলে, শেম্বো কেপা কুকুরে কামড়েছে ব'লে ঘেট
ঘেট করলে, ব্রাহ্মণ ছাতাচানর ফেলে পালালো !
আজ বাবার অস্থখ শুনে দেখতে আসছেন,
দরোয়ানকে দিয়ে মা'র খাওয়ালে !

শৈলেন্দ্র । কি, হীরে দেখতে এসেছে ? ঘর তাড়তে

এসেছে ? মোনা, বেণ ক'রেছিস্ । শ্রু (হীক
ঘোষালের প্রতি) পাজী বেটা, ফের যদি বাড়ী
চুকবি—জুতিরে তাড়াবো । ছুঁচো বেটা, বেঙা-
বাড়ী ব'সে শিবু উকীলের সঙ্গে পরামর্শ করো,
আর যার খাও, তার বুকের উপর ব'সে দাড়ি
ওপড়াও ! আমি মাসোছারা দিই, তাই সংসার
চলে, আর আমার সঙ্গে লাগো ?

হীক । কেন ছোট বাবু, আমার তো সে ধর্ম নয়,
আমি তো আপনাদের হিত বই অহিতে নাই !

শৈলেন্দ্র । ফের পাজী, মোনা—মার গালে খাবড়া !

হীক । অত রাগ কেন—অত রাগ কেন, আমি
নীরো বাবুর কাছে এসেছিলুম, তা আমি যাচ্ছি,
আমি যাচ্ছি । আমি ভালর বই মনে নেই ।
বিনা অপরাধে অপমান ক'লেন, তা করুন ।

শৈলেন্দ্র । তবে রে পাজী ! এ চিঠিতে কি লিখেছে ?
তুই ঘরের বউ বা'র ক'র্তে পারিস্ ।

নীরদ । কি—কি—কিসের চিঠি ?

হীক । বুঝি কুমুদ কি চিঠি লিখেছে ; তার আমার
উপর রাগ, বুঝি আমার নামে কি লাগিয়েছে !

শৈলেন্দ্র । কি লাগিয়েছে ? শিবু উকীলের সঙ্গে
ভারে জোটাতে চাও ?

নীরদ । তাই বেঙার চিঠি প'ড়ে, আপনি ওকে
অপমান ক'ছেন ?

শৈলেন্দ্র । নীরে, মুখ সামলা ।

নীরদ । কিসের মুখ সামলান ? বাড়ীতে বেঙা
আনবেন, বেঙার কথা বাড়ীতে ভদ্রলোকের
অপমান ক'রবেন ! যান হীক বাবু, আপনি
আমার ঘরে বসুন গে ।

হীক । না—না—আমাকে নিয়ে গুণগোল কেন,
আমাকে নিয়ে গুণগোল কেন ?

শৈলেন্দ্র । নীরে, হেঁখ, মেজ্জার মুখ চেয়ে অনেক
সহ ক'রেছি, জুতিরে তোর মুখ ছিঁড়ে দেবো ।

নীরদ । সে পারেন পাঁচশো বার, আপনি গুরুলোক ;
কিন্তু তাই ব'লে আপনি একজন ভদ্রলোককে
অপমান ক'রে তাড়াতে পারেন না, আপনার
একলার বাড়ী নয় ।

শৈলেন্দ্র । একলার বাড়ী নয়—তোর বাড়ী,
দেখি তুই কি ক'রে হীরেকে রাধিস্ ? মোনা,
বেটার হাত ধ'রে বার ক'রে দে ।

নীরদ । ওঃ ! তাই তো বলি, ভেতুড়ের এত আশ্পর্ক

হলো কি ক'রে ? আপনিই সব শিখিয়ে শিখিয়ে
দেন ?

শৈলেন্দ্র । শিখিয়ে দিই—খুব করি । (হীরা
ঘোষালের প্রতি) বেরো শালা—দরোরান—
দরোরান—

নীরদ । দরোরান ডাকবেন না, দরোরান আমা-
দেরও মাইনে খায় । হীরাবাবু, বাবার বৈঠক-
খামার গিয়ে বসুন ।

শৈলেন্দ্র । বেরো বেটা—

(হীরা ঘোষালের হস্ত ধরিয়া আকর্ষণ)

(নীরদের মাঝে পড়িয়া হাত ছাড়াইয়া দেওন)

(শৈলেন্দ্রের ক্রোধে নীরদকে প্রহার)

মম্বথ । (মাঝখানে পড়িয়া) ছোট বাবু—ছোট
বাবু, মেসো ম'শারের বড় অসুখ !

[অপ্রতিভ হইয়া শৈলেন্দ্রের প্রস্থান ।

হীরা । নীরো বাবু, অপরাধ কি জানেন ? উনি
পাঁচ হাজার টাকার হীরের কাপটা কিনে দিছি-
লেন, তাতে প্রতিবন্ধক হ'য়েছি ।

মম্বথ । কি ঘোষাল মশায়, তা কার্য্যসিদ্ধি ক'রেছেন !

নীরদ । কি মম্বথ বাবু, ছ'বা মারবার জন্ত
দাঁড়িয়ে আছ না কি ? না তুমিই হীরা ঘোষালকে
বাড়ী থেকে বার ক'রে দেবে ?

মম্বথ । আজ্ঞে না, আমার এত বড় কি আশ্পর্ক ;
আমি বড় মাকে প্রণাম ক'রে চ'লে যাব ।

হীরা । মম্বথ বাবু, কথাটা বেইমানি কথা হয় ।
আপনি নীরো বাবুর মাস্তুতো ভাই, নীরো বাবুর
মা আপনার মাসী ; বড় বউ ঠাকরণ তো
আপনার কেউ নন ; তবে যদি তাঁর সম্পত্তির
লোভ থাকে, খোষামোদ করেন, সে অস্ত
কথা । ব'লতে হয় 'মাসীকে ব'লে চ'লে যাবো !'
আর যাবেনই বা কোথা ? বড় ভাই রাগ ক'রে
একটা কথা বলেছে, তাতে কি অমন কাটান
ছিটেন ক'রে জবাব দিতে হয় ?

মম্বথ । মশায়, চুপ করেন কেন ?—আর একটু
উপদেশ দিন ।

হীরা । না না—তুমি ছেলেমানুষ, উপদেশের কথা
বলতে হয় বই কি—উপদেশের কথা বলতে
হয় বই কি ?

মম্বথ । নীরো মাসী, আপনাদের অরে আমি মানুষ,

যখন আপনার অগ্রিম হয়েছি, আপনার পাঁচ
ধুলো নিরে চলে যাবো । কিন্তু একবার বুঝে
দেখবেন, মেজো মেসো ম'শারের এই সড়ট
বামো, ঘোষাল মশায় মাঝে থেকে কতদূর হ'য়ে
গেল !

নীরদ । হুঁ—তুমি লেখাপড়া শিখেছ, তোমার লোকে
জুঝি বলে, তোমার পরামর্শ নেব বই কি ?—
বলো—আর কি বলবে ?

মম্বথ । নীরো দাদা, যদি হেতায় থাকতুম—বলতুম ।
আপনি জুতো মারলেও নিরস্ত হতুম না । কিন্তু,
বোধ হয়, আপনার কোন বিশেষ কার্য্যে আমি
বাধা দিছি, নইলে অত বিরক্ত আমার উপর
হ'তেন না । কিন্তু অনেক সয়েছেন, এইটি ভিক্ষা
চাছি,—মেসো ম'শারকে দেখবার জন্ত একজন
চাকরেরও তো দরকার, যে ক'দিন না উনি
আরাম হন, আমি রাত্রে এসে তাঁর কাছে
থাকবো ।

হীরা । তুমি থাকবে না—তুমি যাবে কোথা ? সব
দিক্ দেখবে শুনবে কে ?

নীরদ । বটে তো ? আজ্ঞে ঘোষাল ম'শায়, কথাটা
কি, শুনি ।

[উত্তরের প্রস্থান ।

মম্বথ । মোনা বাবু, একটু ফাঁসাদে প'ড়েছ ?
ছনিয়া আছে, খেতে পাবে,—ভেবো না । তবে
এই,—বড় মাকেই বা কি বলি, আর মেসো
ম'শারের বামো দেখেই বা কি ক'রে যাই ? বড়
মাকে বলা হবে না, তা' হ'লে হীরে ঘোষালের
বাধা হ'বো, আমার জন্ত বড় মা আপনি পৃথক্
হবে । পেটের ছেলে থাকলে এতটা টান হ'তো
কি না—জানি নে । ইস্, চোখ দিয়ে জল
আনতে জানে ! কিছু ঠিক হ'লো না ।

(ফুলীর প্রবেশ)

ফুলী । মোনা বাবু, আমার ডেকেছ ?

মম্বথ । হ্যাঁ, তুই হীরা ঘোষালকে দরোরান দিয়ে
মায় খাইয়েছিস ?

ফুলী । হ্যাঁ ।

মম্বথ । দেখ, তোরে আমি ভালমানুষ জানু'ম,
তুই তৌ তারি বজাত ! হীরা ঘোষালের সঙ্গে
লাগতে গেলি কেন ?

ফুলী : তুমি যে মীর্জা মোহনকে মারি খেতে ডাকতে
লাগে ?

ময়নথ : ডাকতে কে মারবে ?—তুমি ব'লেছো বরি ?

ফুলী : খিচু ক'র ক'রিস ?

ময়নথ : মারি মারিবে তোমার কাছে নিচে ক'র
ক'রবে না।

ময়নথ : আমি ডাকতে চাই, তা তোর কি ?

ফুলী : তুমি যা চাও, তা আমি করবো, তা বাজাই
করো আর বাই করো।

ময়নথ : তোর পেটে পেটে এক, তা আমি জানুই
না ; ভালমাসুটির মতন থাকিস্ :

ফুলী : জানবে কোথেকে—তুমি তো আমাদের
ঘরে বসেও নি। আমি সাপের ছানা, বি-
দাতাও উঠেছে—টের পেরেছি। কিন্তু আমি
কামড়াবো না। পারি বরি, কেউ কামড়ালে
বিব তুলে নেবো।

ময়নথ : আ মন ছুঁড়ি, তোর সব ছুঁড়ি জন্মেছে।

ফুলী : ম'বো—তা দেখবে—কেমন ক'রে মরি।

ময়নথ : তুই যে বড় ম'র পারে ধ'রে, আমার
সামনে ধর্ম সাক্ষী ক'রে ব'লেছিস্ যে, কুপথ-
গামী হবি নি ?

ফুলী : তা তো হবোই না। তবে সাপের স্বভাব
—কণা ধরে—কোন্ করে—না কামড়ালেই তো
হলো ?

ময়নথ : তুই অমন বুদ্ধি করিস্ তো আমার কাছে
আসিস্ নি।

ফুলী : অমন বুদ্ধিও ক'বো, তোমার কাজ ক'রেও
বেড়াবো।

ময়নথ : আর তোকে আমার কাজ ক'রতে হবে
'না, দূর হ'—

ফুলী : দূর ব'লেই কি দূর হব ?—তা হব না।

[ফুলীর প্রস্থান।]

ময়নথ : তর মা ঠিক বলে, ও পাগল বটে। ছুঁড়ি
কি ব'লে ! ওর কি মন-টন খারাপ হ'য়েছে ?
এ দিকে তো চমৎকার ঘোরে, চমৎকার শেখে !
বড় মা বলেন—ও ছোটবড়ের ঘরে বটে, কিন্তু
ও নির্দম, ও ছেলেরো থেকে পাগলেটে, বা
মুখে এসে ব'লে গেল।

ডাক্তারের প্রবেশ :

ডাক্তার : কি ?—তোমার
কোনো ম'র ঘরে উঠেছেন। আমি তোমার
বলেছিলাম, তোমার কুলে সব ঠিক করে থাকে।

ময়নথ : আর কোন ভর নাই।

।। না হে না, ও তোমার সাহেব ডাক্তারে
বসে—apoplexy—হেন-ডেন,—ও একটু মাথা
গরম হ'য়েছিল, আর কিছু নয়। আর তুমি তো
জানো, অল্প অল্প কেসে তো বেশ diagnosis
করো ; যেসো ম'রারের বেলা সাহেবের কথার
ত'ড়কে গেলে কেন হে ? তবে একটু ঠাণ্ডা
রেখো, এখনি আবার ভেড়ে বিষয়কর্মে না
লেগে বান +

ময়নথ : আর কোন ভর নাই ?

ডাক্তার : No—no—no—

[ডাক্তারের প্রস্থান।]

ময়নথ : বাক—একটা সমিতে কাটিলো, এখন বড়
মার হাত ছাড়াতে পারলে হব।

[প্রস্থান।]

পঞ্চম গর্তাক।

উপেন্দ্রের অন্তঃপুর।

বিরজা ও তরঙ্গিনী।

তর। বিবি, তুমি নীরেকেই দোবো, আজ ছোট-
বাবু নীরেকে ঘেরে হাড় ভেঙ্গে দিয়েছে। অপরূপ
এই—বামুনের ছেলে বাড়ীতে এসেছে, উনি ওর
ঘেরেমাছুষ কি চিঠি লিখেছে, সেই রাগে তাকে
জুতো ঘেরে বাড়ী থেকে বা'র ক'রে দিবেন।
নীরে সোঘের মধ্যে ব'লেছে,—“বাড়ীতে এসে-
ছেন, অপমান ক'রছেন কেন ?” এই নীরেকে
ধ'রে চোরের মা'র !

বিরজা : চোরের মা'র নয়, আর এক মুখে বা
তনেছ, তাও নয়। হাজার হোক খুড়ো, তা'র
খাতির বেশী, না ঐ ঘরতারা বামুনের খাতির
বেশী ?

তর। তুমিই এক মুখে তনে বলছ,—ঘরতারা বামুন
নয়, ঘরতারা ঘোনা,—ঐ তো সব তাকাতাকি
কচ্ছে।

বিরজা । ঐ ভাণ্ডাভাঙ্গি ক'ছে ? কথাটা বখন
তুল, তখন বলি,—এই নীরে আজ ক'দিন ধ'রে
ঠেসিয়ে ঠেসিয়ে কথা বলছে, আজ তো শুনলুম
—“ভেতুড়ে টেতুড়” যাচ্ছেতাই ব'লে গলাধাক।
দিয়ে বিদেয় ক'রতে চায় ।

তর । তাই এসে তোমার লাগিয়েছে বুঝি ? ও
ঝাড়ই এক আলাদা ।

বিরজা । ও ঝাড় কি, তা তুমিই জানো, কিন্তু
মোনা লাগাবার ছেলে নয় ।

তর । নীরে ব'লেছে,—‘ও বাড়ীতে থাকলে আমি
বাড়ীতে থাকবো না ।’

বিরজা । সে নীরে বুক ! ওকে যে ভেতুড়ে বল-
বেন—তাড়াবেন, সে আমি থাকতে হবে না ।
বড়কর্তা ওকে এনেছিল, ও বড়কর্তার খায়—
বড়কর্তার বাড়ীতে থাকে । ও নীরের ভেতুড়ে
নয় ।

তর । ওঃ ! তোমার যে মার চেয়ে দরদ ! আমার
বোনপো, আমি এনেছিলুম, আমি যদি এখন না
রাখি, তা বড়কর্তারই কি, আর তোমারই কি ?

বিরজা । বোনপো তোমার বটে, কিন্তু ছেলেবেলা
থেকে তুমি ওকে নখে মারো । নীরে পড়া
পারতো না, স্কুল পালাতো, ও সব বলতো
ব'লে সেই ইস্তক তোমাদের রাগ । এই যে
মেজঠাকুরপোর অসুখে প্রাণমন উৎসর্গ ক'রে
সমস্ত রাত জাগলে, সেটা হলো না—আর ও
হলো ঘরভাঙ্গা !

তর । তুমি বড় কেঁটিয়ে শোনাও ।

বিরজা । আমি কেঁটিয়ে শোনাই না—হক্ কথা বলি ।

তর । হক্ কথা নয়—এক-চখো কথা কও । ওর
টিপ্নিতে ছোটবাবু নীরেকে মেরে হাড় ভেঙ্গে
দিলে, আর মোনা হ'ল ওঁর সো ।

বিরজা । এক-চখো কথা করে থাকি—করেছি,
আর কথা বাড়াসনে ।

তর । কথা বাড়াবাড়ি কি ? ছোটবাবু যে মাত-
লামো করবেন, ধ'রে মারবেন, আর মোনা
তারে রোজ রোজ টোরাবে, আর তুমি মোনাকে
আগলে প'ড়বে, এ কেন সইব গা ?

বিরজা । কি—হ'য়েছে কি, কথাটা কি শুনি ?
ছোটবাবুর সঙ্গে পৃথক হবে ? তা হও—মোনার
কথা নিয়ে খেচকা না ।

(সরোজিনীর প্রবেশ)

সরো । ও দিদি—তোমার পায়ে পড়ি গো—তোমা-
দের পায়ে পড়ি গো !

বিরজা । নে নে সর । (তরঙ্গিনীর প্রতি) পৃথক
হ'তে চাও, পৃথক হও ; হাঁড়ি আলাদা হয়, ভেয়ে
ভেয়ে মুখ দেখাদেখি না থাকে, সে তোমরা
বোঝ গে,—আমায় দেখিও না, আমার টানাটানি
কি ?—সংসারটা বজায় থাকতো এই, না থাকে
—আমায় হাত কি ?—ব'লতে এসেছ—তোমার
নীরেকে মেরে হাড় ভেঙ্গে দিয়েছে,—রাগের
মাথায় একটা গায়ে হাত তুলেছে, সেইটে শুনে
আর নীরে যে চোপা ক'রেছে, নীরে আঁক
পেড়ে কথা করেছে, যে হারে ঘোষাল তোমার
ঘরে আসে নি, দরোয়ান একা তোমার মাইনে
খায় না,—এ সব দেইজিগিরি কথা শোনানি,
এ সব দাবোনি, ছেলেকে একটা কথা ধ'মকে
বলতে পারোনি,—মোনাকে তাড়াতে এসেছ—
আর বখরা ক'রতে এসেছ ? তা ভাগ-বখরা
ক'রতে চাও—ভাগ-বখরা করো, আমারও ভাগ-
বখরা ক'রে দিয়ে । তুমি ক'দিন ধ'রে খালি
ছোট বাবুর দোষই দেখাচ্চ ! জোয়ানকি বরসে মদ
খায়, একটা কাজ ক'রে ফেলেছে ; যদি তোমারই
ছেলে ক'রতো, তা হ'লে সইতো, —এ দেওর,
তাই তোমার সইছে না ।

তর । তুমি বড় কেঁটিয়ে বলো, কেন গা—
কিসের এত কাঁটকাঁটানি ? ছোটবাবু না হ'লে
সংসার না চলে, না চলুক, তোমার মেজ দেওর
ব'লে আমাদের মা-পোকে বা'র ক'রে দাও,
আর তোমার মোনা আঁটকুড়ো ঘরের পো হ'য়ে
থাকুক ।

সরো । ও দিদি !—ও দিদি, তোমাদের পায়ে পড়ি ।

বিরজা । নে—খাম্ ছুঁড়ি ! (তরঙ্গিনীর প্রতি)
কি বলি—কি বলি—মারে-পোয়ে চ'লে যাবে ?

তর । যাব না তো কি ? রাত্তিনি কে সইবে ? আর
তোমারই এত ঠেসিয়ে ঠেসিয়ে কথা কিসের ?
অত কথার আমি এলেকা রাখিনে ।

বিরজা । মেজো বউ, বুঝলুম, আর মুখের ঝগড়ার
কথা নয় ; ঘর ভাঙ্গলো তো ভাঙ্গুক । তোমার
বখন আমার সঙ্গেই বনচে না, আমার আর
বনানর দরকার নাই ; ওঁদের ভেয়ে ভেয়ে

একত্রে থাকুন আর ভিন্ন হোন, আমার ভিন্ন ক'রে নাও ।

। বলি সে ভিন্ন ক'রবার কর্তা তো আর আমি নই ।

বিরজা । তুমি বই আর কে ? ওদের ছ'ভেয়ের তো নিতাই উকীল এসে মিটমাট ক'রে দিচ্ছিল, তোমার তর সচে না ! আমি বকাবকি করতে চাইনে, যা ভাল হয় ভাই—তোমার ভাতারকে ডেকে করো ।

তর । এর আর ভাল মন্দ কিসের ? ভাই ভাই ঠাই ঠাই—আছেই । ছোটবাবু মারবেন, মাত্লামো ক'রবেন, ভদ্রলোক বাড়ী এলে তারে অপমান ক'রে তাড়াবেন, আমি বলি গে যে বড়গিন্নীর ছকুম, এ সব স'রে থাকতে পারো—থাকবে, নইলে যে যার পথ দেখ । ও মা, এত কিসের গা ?

বিরজা । যা ক'রতে হয় করিস্, একদিনে পালাবে না, সবে ব্যামো থেকে সেরে উঠেছে, একটা কিচিকিচি ক'রে ব্যামোটা বাড়াস্নি—ভিন্ন হ'তে চাস্—আমি ব'লে ভিন্ন ক'রে দেবো, ছ'দিন সবুর কর ।

তর । উঃ, কত দরদ !

[প্রস্থান ।

সরো । হ্যাঁ দিদি—তোমরা ভিন্ন হবে ?

বিরজা । না না—তুই এ সব কথা কিছু ছোটবাবুকে বলিস্নি ।

সরো । আমি ব'লবো—আমি তোমাদের দাসী ; দিদি ! আমি তোমাদের পায়ে পায়ে থাকবো । দিদি, ছোটবাবু সংসারের কিছু জানে না, আমিও কিছু জানিনি ; তুমি নীরোকে বোঝাও, আমাদের যেন ভিন্ন ক'রে না দেয় । আমি ছোটবাবুর পায়ে ধ'রে ব'লবো, নীরোকে কখনও আর কিছু ব'লবে না ।

বিরজা । না—না,—যা—আমি নীরোকে ব'লবো, তুই কাঁদিস্নি ।

সরো । (পদধূলি গ্রহণ)

বিরজা । জন্ম-এরো হও, ব্যাটা কোলে ক'রে রাজ-রাণী হ'য়ে ঘন-ঘরকরা করো ।

[সরোজিনীর প্রস্থান ।

ছোঁড়া-ছুড়ী ছ'জনেই সংসারের ভালমন্দ কিছুই জানে না ।

(মন্মথের প্রবেশ)

হ্যারে মোনা, নীরে না কি তোকে ভেতুড়ে ব'লে বাড়ী থেকে বেরিয়ে যেতে ব'লেছিল ?

মন্মথ । কে বলে বড় মা ? নীরো'না রাগলে অমন কত কি বলে, আমিও কত কি বলি ! বড়মা, আমার এই টাকা ক'টা রাখো । (নোট প্রদান)

বিরজা । হ্যারে, তুই টাকা কোথা পাস্ ? জলপানি থেকে জমাস্ না কি ?

মন্মথ । না—না ..

বিরজা । এ যে ছ'হাজার টাকার ছ'খানা নোট দেখছি ! কোথায় পেলি ?

মন্মথ । কেন, বড় মা—আমি যে ফুলের বাগিচা ক'রেছি, ফুল বেচি, সাহেবেরা খুব পছন্দ করে, খুব দাম দিয়ে নেয় ।

বিরজা । তা এ টাকা আমার কাছে রাখ'ছিস্ কেন ? ব্যাঙ্কে জমা দে না, সুদ পাবি ।

মন্মথ । সে এখন ব্যাঙ্কে কোথায় রাখ'বো ; আমার চাকরী হয়েছে, বড় মা !

বিরজা । কোথা ?

মন্মথ । বিদেশে—আমি যাব ।

বিরজা । বিদেশে—কোথা যাবি ? বুঝেছি—বুঝেছি—নীরের কথায় অভিমান ক'রেছিস্ বুঝি ?

মন্মথ । না—বড় মা !

বিরজা । দেখ, মোনা—আমার সঙ্গে মিছে কথা ক'স্ নি । খবরদার, যেতে পাবি নি, তুই কেন অভিমান করেছিস্ ? তুই কি ওদের খাস্, না ওদের বাড়ীতে থাকিস্ ? আমি তোর মা ! তুই আমার কাছে থাকিস্ । আর রাগ ক'রে যে বেরিয়ে যেতে চাচ্ছিস্, আমি বুড়ো মানুষ, যদি ব্যামো-শ্রামো হয়, কে দেখবে ? ওদের তো সব ভাগবত'রা হ'তে চ'লো । আমার দেখবে শুনবে কে ? নে—নে—তুই রাগ করিস্ নি ।

মন্মথ । বড় মা, তুমি যে আমার মা, তা কি আমি আজ জানি ? আমার মা বেঁচে থাকলে এত স্নেহ করতেন কি না জানিনে । যেথায় থাকি, এক দণ্ড কি তোমার খোঁজ না নিয়ে থাকবো আমি ? আমার মনে হয়, মা ভগবতীর মূর্তি

তোমার মূর্তি ; তোমার প্রশাসন ক'রে যে কাজে
বাই, সেই কাজ আমার পূর্ণ হয় ।
বিরজা । নে নে ছোঁড়া, ট্যাগর ট্যাগর কথা
রাখ, তোর কিসের অভিমান ?
ময়খ । বড় মা, এদের সংসার ভাঙবে । তুমি
আমার রেখে কেন লোকের কাছে দোষী হবে ?
তোমার নামে যদি কোন কথা শুন্তে হয়,
আমার বুকে বজ্রাঘাত হবে । তুমি আমার
মানা ক'রো না । তুমি আজই বুঝতে পারবে,
কতদূর কি হয়েছে । তুমি পা'র খুলা দাও, তুমি
ভেবো না, আমি যেখানে থাকবো, তোমার
পা'র খুলোতে আমি রাজরাজেশ্বর হব ।

(পদ-খুলি গ্রহণ)

বিরজা । আচ্ছা, তুই বা'স, বাবি । আজ কিছু
করিস্ নে, আমি কাল বা হয় তোকে বলবো ।
(ময়খ গমনোদ্ভূত)

দেখিস্, আমার দিবা, কোথাও যাস্নি ।

[উভয়ের উভয় দিকে প্রস্থান ।

ষষ্ঠ গর্তাঙ্ক ।

পথ ।

হীরা ঘোষাল ও ভৈরব ।

হীরা । ভৈরব, তুই এক কাজ করতে পারবি ?
ভৈরব । খুব পারবো, আমি এখন খুব সেরানা
হয়েছি ।

হীরা । আমার মাচার সব লাউ পাড়তে পারবি ?
ভৈরব । খুব পারবো, আমার হাত খুব সাক্ষাই
আছে ।

হীরা । আমার মাচাটা ভেঙ্গে দিতে পারবি ?

ভৈরব । খুব পারবো, তিন লাড়ার ভাঙবো ।

হীরা । পারবি বল্ছিস্—মেজোবাবু তোরে যে
বক্বে ?

ভৈরব । তাই তো, তার একটা হমিশ্ করো ।

হীরা । তুই পারবি নি ।

ভৈরব । খুব পারবো, তুমি বল কেন ।

হীরা । তোকে যখন মেজোবাবু বলবে—“মাচা
কে ভাঙলে ?” তুই বলবি—“ছোট বাবু হুকুম
দিয়েছে ।”

ভৈরব । কই, ছোট বাবু তো হুকুম দেন নাই ?
হীরা । ছোট বাবু হুকুম দিলে বৈ কি ? তুমিস্ মি ?
এই যেটা বকুনি খেয়ে মরবে !

ভৈরব । অ্যা—ছোট বাবু হুকুম দিয়েছে ?
হীরা । দিলে না ? তোর সাক্ষাতে এই যে এইমাত্র
হুকুম দিয়ে গেল ?

ভৈরব । ছোট বাবু হুকুম দিয়েছে, ঠিক বল্ছ ?
হীরা । ছোট বাবুর যে লাউ খেতে ইচ্ছা হয়েছে রে ?
ভৈরব । লাও তবে, তোমার মাচা ওজড় করি ।

[উভয়ের প্রস্থান ।

সপ্তম গর্তাঙ্ক ।

উপেন্দ্রের অন্তঃপুর ।

উপেন্দ্র, তরঙ্গিণী ও নীরদ ।

উপেন্দ্র । তোমাদের মন্তব্যটা কি ?—বাড়ী ছেড়ে
পালাবো—কি ফেপে গিয়ে ধেই ধেই ক'রে
নাচবো—না ভাইকে খুন ক'রে কাঁসী যাব ?
কি হ'লে ভাল হয় বল—তাই ক'ছি ।

তর । তুমি ভাইকেই বা খুন করবে কেন—জাংটো
হয়ে না'চবেই বা কেন ? আমাদের মায়ের-
পোরের একটা ব্যবস্থা ক'রে দাও । ভাল কথা
নেই, মন্দ কথা নেই—দিনি মুখ-বামটা দেবেন,
আঁত জালিয়ে কথা ক'বেন যে, ভাতারকে
নিরে তির হবি । তোমার ভাই আসবেন
হম্কে হম্কে মারতে, তিনি মদ খাবেন, নাচ-
বেন, খান্কা আনবেন, আমার এই বউটিকে
আজ বাদে কাল আনবো মনে কছি । এর
ভেতর আমরা থাকতে পারবো না, এ তুমি
ভালই বল, আর মন্দই বল ।

উপেন্দ্র । নীরো বাবু, তোমারও ওকালতী কি
তোমার গর্তধারিণী ক'ছেন ?

নীরদ । কেন ম'শার, আমি তো কিছু বলি নাই ।
মা'র খেয়েছি, লেগেছে, মার কাছে এসে ব'লেছি,
এই অপরাধ আমার—এতে আপনি বা বলেন ।
ব্রাহ্মণ আপনাকে দেখতে এসেছেন, তাঁকে উনি
একটা বেস্তার কথার অপমান ক'রবেন, দরো-
য়ানকে দিবে বাড়ী থেকে বা'র ক'রে দেবেন,
আমি একটা কথা ক'রেছি, এই অপরাধে মা'র ।

কোন অপরাধ কর্তব্য, উনি শাসন কর্তব্যে,
তাতে মাথা তুলে কথা কইতুম, উনি মার্ত্তে
বর্ত্তেন, বা কর্ত্তেন—আমি মইতুম । এ চাকর-
নকরের সাফাতে বিনা দোষে অপমান করবেন ?
উপেক্ষ । এ অর্জি শুনেছি, এ অর্জি শুনেছি, এখন
আমার কি কর্ত্তে হবে, সেইটে বলো । এই
তো আমি মরণাপন্ন, তোমাদের দর নাহি, ধর্ম
নাহি, তা ভাল, কি কর্ত্তে হবে বল ।

তর । তা বেশ তো, তুমি সারো না—আমি না হয়
ছেলেকে নিরে বাপের বাড়ী যাই, এমন কি
লোক যায় না ? এখানে থেকে রোজ কচকচি,
তুমিও বেজার হও ।

উপেক্ষ । হ্যাঁ, আমার শান্তিতে রেখে চলে যাবে—
সোজা মীমাংসা করছে, তার পর বাড়ী ঘর-দোর
বধূরা হ'য়ে, মাঝে পাঁচিল উঠলে আসবে ।

তর । ভাগ-বধূরা হয়, বাড়ীর ভেতর পাঁচিল ওঠে,
তার সঙ্গে আমার সুবাদ কি ? আমি বারোমাস
ত্রিশদিন এই খোঁটা খেয়ে থাকবো, তা পারবো
না ।

নীরদ । আপনার অন্তর ব'লে সব কথা বলি নাই ।

উপেক্ষ । খুব অসুগ্রহ, সকল কথা খুলেই বল ।

নীরদ । ছোটবাবু ভৈরবাকে হুকুম দিবে ঘোষাল
ম'শায়ের লাউ-মাচা ভেঙ্গে লাউ পেড়ে আনিয়ে-
ছেন, ব্রাহ্মণ কাদতে কাদতে এসেছিল ; আমি
আর কি ব'লবো !

উপেক্ষ । কেন, ট্রেস্পাসের নালিস কর্ত্তে বলো
না ।

নীরদ । আপনি আমার উপরেই রাগ করছেন, তা
কি ব'লবো ।

(শৈলেন্দ্রের প্রবেশ)

শৈলেন্দ্র । মেজ্জা, দেখুন, আপনার ব্যামো ব'লে
কোন কথা আমি আপনাকে জানাই নাই ।
নীরো রটাচ্ছে, আমি ভৈরবাকে হুকুম দিবে হীক
ঘোষালের লাউ-মাচা ভাঙ্গিয়েছি ; ভৈরব তা
হাঁড়ি নষ্ট করেছে, এ সব কি বলুন ?

উপেক্ষ । আমি আর কি বলবো বল ? আমার
ব'লবার আর কিছু নাই ।

(বিরজার প্রবেশ)

বিরজা । থাক—থাক, আজ ও সব কথা থাক না

শৈলেন ! মাচা ভেঙেছে, খুব করেছে ; ও বা
পারে করুক গে । হীক ঘোষাল ভৈরবাকে
আপনি সঙ্গে করে নে গিয়ে মাচা ভাঙ্গিয়েছে ।
তর । দিদি, হাত গোপো না কি—না ঘোষা
ব'লেছে ।

উপেক্ষ । কেন, থাকবে কেন ? সব মীমাংসা আজই
ক'ছি । শুনি নাকি তুমিও তোমার সব বুকে
প'ড়ে নিতে চাও ?

বিরজা । তুমি ঠাণ্ডা হও ; সে কথার গিঠে কথা
একটা হয়ে গেছে ।

উপেক্ষ । কেন, কথার গিঠে কথা কেন ? বখশ
মিটছে, তখন সব দিক্ মিটে যাক ।

শৈলেন্দ্র । নীরদ, তোমার কাছে কি অপরাধে
অপরাধী আমি যে, এই অপবাদটা রটাচ্ছ ?
কত বড় কথাটা বল দেখি ?

নীরদ । বড় ছোট কথা তো আমি জানি নি, বা
সত্যি, তা বলেছি ।

শৈলেন্দ্র । তুই ভারি পাজী ! আমার কি কর্ত্তি
মনে করছিস ? পৃথক্ করে দিবি—দে । অত
ফন্দীফান্দা করছিস কেন ?

বিরজা । থাম না শৈলেন !

শৈলেন্দ্র । থামবো কি গো ? শুনি, হীক ঘোষালকে
ব'লে দিয়েছে, পুলিশে নালিশ কর্ত্তে !

উপেক্ষ । হ্যাঁ নীরদ ?

নীরদ । উনি এখন কত রকম বলবেন ! উনি
আমার নামে কি না ব'লছেন !

শৈলেন্দ্র । কি কি, তোর নামে কি কি ব'লেছি বল ?

নীরদ । আর কি ব'লবেন ? বাবা কবে মরবেন,
আমি টাঁকছি, আমি কার সঙ্গে ইসারা করি !
আর কি ব'লে সন্ট হ'ন—হোন । আমি সত্য-
পথ ধরে আছি, আমি তাতে ভয় করি না ।

শৈলেন্দ্র । তোর আগাগোড়া মিছে ।

নীরদ । আপনার মত অত শিক্ষা আমার নাই ।

শৈলেন্দ্র । দেখ, ছুঁচো, জুতো খাষি ।

নীরদ । দেখুন—আমার অপরাধ কি দেখুন ।

উপেক্ষ । হুকুমের কাছেই ঘোড় হাত ক'ছি, হির
হও । সব বুঝেছি, যাতে তোমাদের মনোবাহা
পূর্ণ হয়—তা ক'ছি ।

শৈলেন্দ্র । কেন মেজ্জা—আমার কি অপরাধ হ'ল ?

উপেক্ষ । অপরাধ কারো নয়—অপরাধ আমার !

এতদিন বুঝতে পারি নাই, তাই টানাটানি ক'রেছি ; তা দেখে বাবা নীরদ, শৈলেনের সঙ্গে আমি প্রাণ ধ'রে পৃথক্ হ'তে পারবো না, তুমিও এক ছেলে,—জীপুত্রও ত্যাগ করতে পারবো না । এতদিন শান্তিতে চ'লে এসেছে—তোমাদের ভাল লাগে নাই ; মারামারি, দাঙ্গা, কোরামারী, হাইকোর্ট ক'রতে চাও, তার উপায় ক'রে দিচ্ছি, প্রাণ ভ'রে ক'রো । ছ' একদিন সবুজ করো, আমার বা আছে, তা তোমার নামে লিখে দিচ্ছি ; তার পর তোমরা খুড়ো-ভাইপোয় ভাগবৎস্রা ক'রে নাও, আমায় ছুটি দাও ।

বিরজা । কেন, তুমি অত ব্যস্ত হচ্ছ কেন ? নিতাই তো ব'লে গেল, ভাগ-বৎস্রা ক'রে দিচ্ছে । তোমার যে অমুখ বাড়বে, স্থির হও না ।

উপেন্দ্র । আর আমার কারো দরদ ক'রতে হবে না । দরদের আর দরকার নাই ! আমার এ যন্ত্রণা আর সহ্য হবে না । বউদিদি, তোমায়ও বলছি, বিষয় বইলো, আমি সঙ্গে নিয়ে যাচ্ছি নে ; তোমার আপনার কড়াগুণ্ডা বুঝে নাও ।

বিরজা । সে আমার বা হয় ক'রবো ; যা যা—তোরা যা ।

উপেন্দ্র । না—কেউ যেও না । শোনো নীরদ, ডাক্তারেরা হাওয়া বদলাতে যেতে ব'লুছে । বিষয় আমার স্বকৃত রোজগারের নয়, বিষয় পৈতৃক, তুমি ওয়ারিসান, তোমায় লেখাপড়া ক'রে দিয়ে যাচ্ছি । তুমি যা বোঝো, তাই ক'রো । আমার খাবার মত আমি রাপছি, আর সব তোমায় দিচ্ছি । বড়বউদিদি, তোমায়ও কেয়ালো ক'রে নাও ; না ক'রে নাও, তোমায় দিবি আচ্ছ ।

বিরজা । ছিঃ ! দিবি দিও না ।

উপেন্দ্র । একশোবার দিবি দেবো ; নাও, সব বুঝে স্নেহে নিয়ে আমার ছুটি দাও । দাদা ছুটি নিয়ে গেছে, আমিও ছুটি নিয়ে যাবো । নাও নাও, বুঝে স্নেহে নাও, এখনি নাও, দেবী ক'রো না । না নাও, সকলকে খুন ক'রবো । আমার পাগল পেরেছ—আমায় নাচাবে মনে ক'রেছ ? সে জো নাই, আমি শক্ত আছি ।

বিরজা । দেখ—দেখ—কি সর্বনাশ হয় দেখ !

উপেন্দ্র । সর্বনাশ হোক—সর্বনাশ হোক, সকলের মনোবাঞ্ছা পূর্ণ হোক । দাদা আমার ব'লেছে—

উড়িয়ে পুড়িয়ে দে, পথে পথে মর্ষভিক্ষে করুক । দাদা—দাদা—শৈলেনকে দূর ক'রে দাও, আমার নীরোকে সব দিয়ে যাও । শৈলেন আমার কে ? ভাই বই তো নয় !—ভাই ভাই ঠাই ঠাই আছে । নীরে আমার আপনার, জীপুত্র আপনার !

বিরজা । তোরা দেখছিস্ কি ?—শীগগির ডাক্তার ডাকতে যা ।

উপেন্দ্র । না না—ডাক্তার কেন—ডাক্তার কেন ?—উকীল ডাকো—আমি নিজেই যাচ্ছি । বাড়ীর মাঝখানে পাঁচিল তোল, পূজোর দালান ভাঙ্গ—ভাঙ্গ—ভাঙ্গ—পাচ্ছিস্ নি ! (মুচ্ছা)

(মন্থথের প্রবেশ)

মন্থথ । বড় মা, তুমি দাঁড়িয়ে র'য়েছ, এইটে হ'লো !

উপেন্দ্র । (উঠিয়া) বেগ হ'য়েছে—থর হ'য়েছে—তোর কি—তোর কি !

মন্থথ । মাসীমা, ব্রাণ্ডীর বোতল কোথা ? ইস্—নাড়ী যে ভারি ক্ষীণ ! নীরো দাদা—শীগগির ডাক্তারকে খবর দিন—শীগগির ডাক্তারকে খবর দিন—

শৈলেন্দ্র । আমি যাচ্ছি—আমি যাচ্ছি—

[প্রস্থান ।

মন্থথ । মেশো ম'শায়,—মেশো ম'শায়—একটু জল খান !

উপেন্দ্র । না না—জল খাবো না—জল খাবো না—এ বাড়ীতে জলখাওয়া আমার হয়েছে !

নীরদ । মন্থথ—মন্থথ !—মদ দিও না, মদ দিও না—স্বাভাবিক গরম হবে ।

মন্থথ । না, নীরো দাদা, আমি কি কচ্ছি, আমি জানি, মেডিকেল কলেজ আমার সে অধিকার দিয়েছে ।

(ডাক্তার ও শৈলেন্দ্রের প্রবেশ)

বিরজা । ডাক্তার বাবু—ডাক্তার বাবু—সর্বনাশ হ'য়েছে । বুঝি ক'জনে মিলে মানুষটাকে আমরা আছড়ে মারলুম । অহা ! সংসার নিয়ে পাগল ; আমরা ওরে চিরদিন জালালুম, শেষে প্রাণ মিতে ব'সেছি !

ডাক্তার । ঠাণ্ডা হোন, ঠাণ্ডা হোন—দেখতে দিন ।

শৈলেন্দ্র। নীরো, বাবা—তোমার হাতে ধ'রছি, তুমি সব তুলে যা, দাদা বেঁচে উঠুক, তুমি বংশের এক ছেলে, তুমি সর্বস্ব নিস, আমার হাততোলার উপর রাখিস। বড় বোদিদি, কি ক'রলুম—কি ক'রলুম—কেন ঝগড়া ক'রেছিলুম!

মমথ। আমি 30 drops ত্রাণী দিয়েছি।

ডাক্তার। আর এক ডোজ দাও, you have saved the patient's life. Terrible nervous weakness. একটু stimulant ক'রে যাও, collapse না হয়ে পড়ে। সকলে ঘর থেকে সরে যান। এ ঘরে আপনাদের কারো অধিকার নাই। মমথ থাকবে, আর আমি যে nurse পাঠিয়ে দিচ্ছি, সে থাকবে।

শৈলেন্দ্র। হ্যাঁ ডাক্তার বাবু, ভয় নাই তো?

ডাক্তার। ভয় নাই আর কেন? রোগের চেয়ে তোমাদের ভয়! এই অবস্থায় খেয়োখেইয়ি ক'রে যেন মানুষটাকে না মারো, একটু ঠাণ্ডায় থাকতে দাও।

বিরজা। বাবা, বল বল—প্রাণটা পাবে তো?

ডাক্তার। উপাস্ত তো বিশেষ ভয়ের কারণ দেখছি নে। আর গোলযোগ কিছু না হয়।

উপেন্দ্র। ভয় নাই—ভয় নাই—ম'রবো না,—ম'লে এত দেখবে কে? ভয় নাই—ভয় নাই—

ডাক্তার। ঘুমের ওষুধটো দিয়েছে।

তৃতীয় অঙ্ক।

—:~:—

প্রথম গর্তাঙ্ক।

উপেন্দ্রের অন্তঃপুর।

উপেন্দ্র, বিরজা ও তরঙ্গিনী।

বিরজা। ডাক্তাররা ব'লছে, তুমি বেড়িয়ে এস।

তোমার প্রাণ থাকলে সব বজায় থাকবে।

তুমি বেরিয়ে পড়, সংসারের যা হয়—হবে।

উপেন্দ্র। ডাক্তার তো ব'লছে, কিন্তু আমি তো না নিশ্চিত হ'তে পারলে নয়! দাদার উইল-মতে তোমার বিষয়ের আমি একজিকিউটার।

তুমি যেন আমাদের মাঝারি প'ড়ে, আমার হাত-তোলায় উপর থেকে সংসারে বাদীর মতন খাটছো। কিন্তু আমি তো মনে-জানে আনি, তোমার বিষয় তোমার, আমরা তার অধিকারী নই।

বিরজা। তোমার ঐ এক আজগুবি ভাবনা, আমার বিষয়ের আবার অধিকারী কে? আর কার সংসারে বাদীগিরি ক'চ্ছি? আমি হাতে তুলে দিলে তবে তোমরা খেতে পাও।

উপেন্দ্র। এই বোঝো; আমার নিশ্চিত হ'তে ব'লছো;—তুমি বিধবা মানুষ, তোমার এত টানাটানি কেন? তুমি এ সব ছেড়েছুড়ে দিয়ে তীর্থধর্ম কেন কর না?

বিরজা। তা'চলো, কোথা বেড়াতে যাবে, আমি তোমায় রেখে আসি।

উপেন্দ্র। আমায় রেখে আসবে, আমার মন রেখে আসতে পারবে না। তুমি ঠিক অবস্থা বুঝতে পাচ্ছ না, তাই আমাকে বেড়াতে যেতে ব'লছ। আমি দেখছি, নীরের বুদ্ধি ভাল নয়। শৈলেনে ওতে ব'নিয়ে থাকতে পারবে না। ও আইন শিখেছে, খালি আইন তোলে। আর হীক ঘোষালকে যদি সত্যি শৈলেনের নামে নালিশ ক'রতে ব'লে থাকে, এ কি তুমি সহজ মনে ক'চ্ছ?

বিরজা। তুমি শৈলেনের জন্তে ভেবো না। ও কুচুটেপনা জানে না; বয়েস-দোষে খারাপ হ'য়ে প'ড়েছে, শুধরে যাবে; অমন হয়। এই তোমার ব্যামোর ক'দিন একবার বিকেলে ঘুরে আসতো, একদিনও মদভাজ ছোঁয় নাই। আমার পারে ধ'রে কেঁদে ব'লেছে, দাদা যা করবেন করুন। ওর সরল প্রাণ, ও ব'লেছে—একটা ঝোঁকে প'ড়েছি, কাটাতে পাচ্ছি নি; যখন বুঝেছে, শুধরে যাবে।

উপেন্দ্র। তা'হলে আমায় বেড়াতে যেতে হয় না, আমি আজই আরাম হই। আমি মনে করি, ওরে তফাৎ করি, কিন্তু আমি দেখতে পাই, ও সম্পূর্ণ আমার মুখ চেয়ে আছে।

(শৈলেন্দ্রের প্রবেশ)

বিরজা। ঐ দেখ, দেখি, তোমার জন্তে তোমার দাদা

বেড়াতে যেতে পাচ্ছেনা। বলে, তোকে নীরেতে বগড়া ক'রবি, ও সেখানে নিশ্চিন্ত থাকবে কি ক'রে ?

শৈলেন। বড় বউ-দিদি, আমি আর কিছু করবো না; নীরে যা করে করুক, আমি আর কিছু বলবো না।

উপেন্দ্র। তুমি কি বল ?—তোমার যে ভুতে পার।
শৈলেন্দ্র। না মেজ্‌দা, আমি শোধরাবার চেষ্টা করবো। তবে আমার মাসোহারা বাড়িরে দেন, আমার ওতে চলে না।

উপেন্দ্র। শৈলেন, তুমি আমার বিপদগ্রস্ত ক'রেছ।

শৈলেন্দ্র। কেন মেজ্‌দা—কেন ?

উপেন্দ্র। তোমার মাসোহারা বাড়িরে দেবো, সে অতি সহজ কথা। সে তোমারই টাকা—তোমার দেবো। তুমি খরচ ক'রে সর্ব্ব্ব উড়াও, সে তোমারই যাবে। আমি তোমার বখরা তোমার দিরে এখনি নিশ্চিন্তি হ'তে পারি। আমি অনেক ভেবেছি—নিশ্চিন্তি হই; কিন্তু মনে করি, আর আমার মাথার আশুন অলে। তুমি কিছুই বোঝো না, সংসারের কিছুই জানো না, বিষয় পেলে তুমি তিন দিনে ওড়াবে। এ অবস্থায় আমি কি করবো—আমি বিষয় সঙ্কটে প'ড়েছি। অন্তের যেমন ভাই হয়, তুমি যদি সেই ভাই আমার হ'তে, চিন্তার কোন কারণ ছিল না। আমি বিষয় বাড়িরেছি বই নষ্ট করি নাই। আমি তোমাদের কড়ার-গড়ার বিষয় বুঝিয়ে দিতে আজই পারি।—তুমি বুঝেছ কি—আমার কি সঙ্কট ?

বিরজা। না—না—ও বুঝেছে। বুঝে চ'লবে বই কি।

উপেন্দ্র। না বড় বউ, তুমি বোঝ না; তুমি মনে কচ্ছ—যেমন বিরজা দশমীতে সিদ্ধি খেয়ে নেসা করে, এ সেই রকম, মনে করাই ছাড়া বার—কিন্তু তা নয়। আমি সন্ধান নিরেছি, ও'র সদ জুটেছে, বারা উচ্ছন্ন দেয়—এমন সব লোকের সঙ্গে ও'র আলাপ। এ যে কতদূর শৈলেন সামলে উঠতে পারবে, তা আমি জানি না। শোনো শৈলেন, যদি এ সংসর্গ তুমি ত্যাগ না করো, একেবারে ত্যাগ—কা'ল ক'রবো নয়, তাহ'লে তুমি সামলাতে পারবে। নচেৎ জেনো তোমার সামলাবার আর কোন উপায় নাই।

শৈলেন্দ্র। আপনি যা বলবেন, আমি তা করবো।
উপেন্দ্র। পারবে ? দেখ—ভাল ক'রে বিবেচনা করো।

বিরজা। হ্যাঁ গা, তুমি অমন ক'চ্ছ কেন ? শোধ-রাবে তো বলছে।

উপেন্দ্র। বড়বউ, দাদাকে দেখেছিলে—দেবুতাকে দেখেছিলে। দাদার সঙ্গীতেরই জানো; বাজ-কির মতন সংসার মাথার ক'রে আছে, খাওয়াচ্ছ দিচ্ছ—লোকজনকে প্রতিপালন ক'চ্ছ,—এর বাইরে যে কি দৈত্যের সংসার আছে—তা জান না! কি পিশাচের নৃত্য, তা শুন্লে তুমি কানে আঙ্গুল দেবে। বেড়া, মাতাল কথার শুনেছ, তারা কি পদার্থ যদি জানতে, তাদের কি কুহক, তা যদি তোমার ধারণা থাকতো, তাহ'লে শৈলেনের সঙ্গে আমারই মত ব্যাকুল হ'তে ! তোমার শৈলেন ঘূর্ণিপাকে প'ড়েছে, তা থেকে তুলতে পারবো কি না—জানি নে।

বিরজা। হ্যাঁ—কি ক'রেছিস্ ?

উপেন্দ্র। ও জানে না কি ক'রেছে—ও সরলপ্রকৃতি, কালসর্পকে বিশ্বাস ক'রেছে, উচ্চ আমোদের অশ্বাদ না পেয়ে, নীচ আমোদে রত হয়েছে। সঙ্গুণে বুঝেছে, জীবনের সার এই কুৎসিত আমোদ। শৈলেন, শোনো—আমি যা বলি, শুনবে ?

শৈলেন্দ্র। আজ্ঞে হ্যাঁ, শুনবো।

উপেন্দ্র। দেখো, পেছোবে না ?

শৈলেন্দ্র। আজ্ঞে না, আপনি যা বলবেন—শুনবো।

উপেন্দ্র। তবে প্রস্তুত হও; আজই আমি বেড়াতে যাবো, তুমি আমার সঙ্গে চলো। তুমি এই কোন্‌কাতা সহর দেখেছ, আর তো কিছু দেখ নি ?—সংসার কি, দেখবে চলো। যে অর্থ তুমি ধুলো জানে খরচ ক'চ্ছ, দেখবে—সেই অর্থে শত শত ব্যক্তির জীবন দান ক'রতে পারবে। খরচ করতে চাও, চলো দেখাই গে—কত খরচ করবার জায়গা আছে। দেখবে, কত দেখবার স্থানের জিনিস আছে। প্রস্তুত হও, আমি গাড়ী রিজার্ভ ক'রতে পাঠাচ্ছি।

শৈলেন্দ্র। আজই ?

উপেন্দ্র। হ্যাঁ—আজই—এখনই।

শৈলেন্দ্র । যে আছে ।

বিরজা । কি ভাবছ ?

উপেন্দ্র । আজ তো গাড়ী রিজার্ভ হবে না ; একদিন আগে নইলে হয় না । রিজার্ভ গাড়ীতে না গেলে শৈলেন্দ্রের কষ্ট হবে । কিন্তু ওকে বাড়ীতে রাখতে আমার ভরসা হয় না, কখন কুক'রে বেরিয়ে পড়বে । রাত হ'লে ওর মন আন্টান করবে, লুকিয়ে পালাবে । আর তারা ফিরতে দেবে না ।

বিরজা । কা'লকের দিনটে ভাল নয়—কা'ল তেরম্পর্শ ।

উপেন্দ্র । সন্ধ্যার পর দিন ভাল আছে, আমি পাঁজী দেখেছি । ভাবছি, সেই সময় যাত্রা ক'রে, সিঁথির বাগানে গিয়ে থাকবো । বন্ধুবান্ধব নিয়ে খাওয়া-দাওয়া ক'রে কাল ষাটটার ট্রেনে বেরিয়ে যাবো ।

বিরজা । বেশ পরামর্শ ঠাউরেছ ।

উপেন্দ্র । ও যাবে কি ? আমার পাঁচজনের পরামর্শে মত বদলাবে না তো ?

তর । মত বদলিয়েই আছে, দেখলে না, গৌজ গৌজ ক'রে চ'লে গেল ।

উপেন্দ্র । তা আমি তো চেষ্টা ক'রে দেখি ।

বিরজা । এদিক্কার কি বন্দোবস্ত করবে ?

উপেন্দ্র । ভাবছি, নীরোর নামে মোস্তারনামা দিয়ে বাব, অবিশ্তি নিতাই উকীল সব করবে কন্মাবে ব'লেছে ; কিন্তু তবু আমার নাম সহি করবার ভার রইলো, ও কি করতে কি করবে, তাই ভাবছি ।

বিরজা । কি—ও টাকাকড়ি নষ্ট করবে—ভাবছ ?

উপেন্দ্র । যাক—যা হবার হবে, আমি তো ওকে নিয়ে বেরিয়ে যাই ।

[প্রস্থান ।

দ্বিতীয় গর্তাক ।

কুমুদিনীর গৃহ ।

কুমুদিনী ও শরৎ ।

শরৎ । তোমরা যে ব'সে ব'সে রাত ছপুর পর্যন্ত ইয়ারকি দেবে, আর আমি কিরে/কিরে যাবো, তা বাবা পোষাবে না ।

[১৪]

কুমু । তুই তো জোটালি, আমি কি জুটতে চেয়েছিলুম ?

শরৎ । আমি জুটিয়েছিলুম—বড় মন্দ করেছিলুম ? জুটিয়েছিলুম—ত'পরসা পাবে,—রা'ত ৯টা ৯টার সময় বিদায় করবে । তা নয়, গালাগালি ইয়ারকি চালাবে । এক যুগের পর যে উঠে আসা, তা আমার পোষাবে না ।

কুমু । তা এখন কি তুই ছেড়ে দিতে বলিস ? তা চল, কোথা নিয়ে যাবি, চল—এ বাড়ীতে থাকা চ'লবে না । আমি ছেড়ে দিলে, মা কুলুতামাদি ঝগড়া করবে । এই মাসে প্রায় চার পাঁচ হাজার টাকার গয়না দেবার কথা । প্রথমতঃ হীরের ঝাপটাটা কিনে দিবে ব'লেছে ।

শরৎ । চার পাঁচ হাজার ! কই, আমার পাঁচ শো টাকা দে দেখি, আমার দেনাপত্র হয়েছে ।

কুমু । হ্যাঁ, হাতে টাকা পেলে ভুতীর ঘরে গিয়ে ওঠো, তোমার কি আমি চিনি নি ! পরসার জন্তে ঝাঁটা মেরেছে, তাই আমার কাছে এসো । আমিই তোমার জন্তে মরি, তোমার কি আমার উপর মন আছে !

শরৎ । তবে কি বাবা, আমি রাস্তার রাস্তার কার ঝি যাচে, খুঁজবো, আর তুমি দোতলার পাঁচ ইয়ার নিয়ে মজা ওড়াবে !

কুমু । তুই এই পূজোটা পর্যন্ত সবুর কর, আমি মাকে বুঝিয়ে ওকে ছেড়ে দিচ্ছি ।

শরৎ । আমি ছাড়তে বলছি নি বাবা ! আমার মদ-ভাজের খরচটা জুটিও । পাঁচশো টাকা না পারো, বড় দেনায় জড়িয়ে প'ড়েছি, শ'হুই তিন টাকা জোগাড় ক'রে দাও । ধোবারই দেনা পাঁচশ টাকা হয়ে প'ড়েছে, চার আনা ক'রে কামিজটে কাচতে নেয় ।

কুমু । আচ্ছা, দেখি । আমার হাতে টাকা নেই ।

শরৎ । তোমার একখানা গয়না দাও না, বাঁধা দিয়ে নিচ্ছি । আমার বাবা স্পষ্ট কথা, ফাঁকা পীরিত তোমার সঙ্গে চ'লবে না । তোমার কাপ্তেন জুটিয়ে দিয়েছি, আমারও কিছু চাই । তা নইলে বাবা, আমিও আর এক বেটীকে বাগিয়ে সাগিয়ে নেব ।

কুমু । তা নেবে বই কি ! তুই ভারি বেইমান ! আমি ওর জন্তে মরি—আর আমার মুখের সামনে

কথা শোনো না! তা ব'স্—তোমার যেথা ইচ্ছা
ব'স্! উনি না এলে আর আমার মুখে ভাত
উঠবে না!

শরৎ। আচ্ছা বাবা, চল্লস—এই পর্য্যন্ত। ফের
যদি ডাক্তারে পাঠাও, টের পাবে।

কুমু। আচ্ছা, যখন ডাক্তারে পাঠাবো তখন। (বালা
খুলিয়া) নে—এই নে, আর যদি কিছু চাইবি,
তখন দেখবি।

শরৎ। এ বালা তো আমিই দিয়েছিলুম, এর চৌদ্দ
আনা পেতল, এ বেচে আর কি হ'বে।

কুমু। তুই এমনিই বেইমান! আর আমি কোথায়
কি পাব, রেখেছিস্ কি? এক এক ক'রে তো
সবই নিয়েছিস্।

(হীরা ঘোষালের প্রবেশ)

হীরা। কিসের ঝগড়া? এ দিকে সন্ধ্যাশ! বাবু
ভাই নিয়ে বেড়াতে বেরলো। ছ'তিন মাস
ফিরছে না। মতলবটা, বেড়িয়ে মন শোধরাবে,
তোমায় ছেড়ে দেবে। এখন ঝগড়া রাখ, যদি
রাখতে পার ত' তার উপায় দেখ।

শরৎ। কি! কি! ব্যাপার কি?

কুমু। এই তোরই নিষ্পেসে নিষ্পেসে তো আমার
বাবুটি যেতে ব'সলো!

শরৎ। আরে থাম্—জোটালে কে? কি হীরা!
ব্যাপারটা কি?

হীরা। আরে, সে ব্যাপার ঢের। কোন রকমে
যাওয়াটা ভুল করতে পারো—দেখ। গাড়ী
রিজার্ভ হয়নি ব'লে আজ রাতটে সিঁথির বাগানে
থাকবে, কা'ল রেল চড়বে,—তা' হলেই
ফাঁকে পড়লে।

কুমু। তা আমি কি করবো?

হীরা। একখানা পত্র লেখ যে, তিন দিন যদি না
দেখা পাই, বিষ খাবো।

কুমু। কি ক'রে পাঠাবো, তুমি ত ব'লছ—বাগানে
গিয়েছে?

হীরা। তুমি শীগ্গির লেখো। ওদের শেমো চাকর
কাপড়-চোপড় নিয়ে বাগানে যাবে, তারই হাতে
দেব। তুমি চিঠি লেখ, নীরো বাবু ঠিক পৌছে
দেবে।

শরৎ। লেখ—লেখ।

কুমু। কেন, ছেড়ে যাক না, ব'ল্ছিলি যে?

শরৎ। সোনার চাঁদ, তুমি ঝগড়া করো, আমি
তোমার ভালই খুঁজি। তুমি ছ, একশো টাকা
দিতে আমার সঙ্গে খিচিমিচি ক'রো, আর আমি
তোমায় গাদা গাদা পাইয়ে দিচ্ছি। নে—লেখ
লেখ, হাত ছাড়া হ'লে এমন একটা কাপ্তান
বাগানো তার হবে।

কুমু। দোয়াত-কলমটা আবার কোথায় ফেলেছি,
ও ঘরে বুঝি।

[গ্রন্থান।

হীরা। ওহে, নীরদ তোমায় ডেকেছে।

শরৎ। কেন বল দেখি, কেন বল দেখি? সে আমার
চেনে না কি?

হীরা। সে সব জানে, সে বিচ্ছু ছেলে।

শরৎ। তা চল না যাই, মতলবটা দেখি।

হীরা। সে বাড়ীতে দেখা করতে চায় না, বলে
মোনা দেখবে। সে তোমাদের ক্লাসে প'ড়তো,
তোমায় চেনে।

শরৎ। বাড়ীতে দেখা করাটা ঠিক নয় বটে,
শৈলেন আমার উপর চটা; তবে কোথায় দেখা
করি?

হীরা। তার বাড়ীর সামনে ক বেটা গাঁজাখোর
আছে।

শরৎ। সে আবার কে?

হীরা। সে এক বেটা পাগল, ওর বড় দাদার ইয়ার
ছিলো, তার পর শবসাধন না কি ক'রতে গিয়ে
ক্ষেপে গিয়েছে। সেই ইস্তক ওর বাড়ীর
সামনে শিবের মন্দিরে একটা ঘর ক'রে দিয়েছে,
আর ওর খরচপাতিও সব দেয়!

(কুমুদিনীর প্রবেশ)

কুমু। ও আমি পারলুম না।

শরৎ। কি লিখলি?

কুমু। শৈলেন, যদি না দেখা করিস্ তো বিষ
খাব।

হীরা। ঐ হবে, ঐ হবে—দাও। এসো—যাবে?

শরৎ। চলো।

কুমু। যাবি কেন, আজ থাক না। এখানে খাওয়া-
দাওয়া কর না, আজ এখন তো সে আসতে
পারবে না।

শরৎ । তোমার মুখ দেখে প'ড়ে থাকলে কি হবে
টান, পরসা-কড়ির তো চেঁচা করতে হবে ?
কুমু । মরু গে যা, তোর মুখ দেখতে নাই ।

[শরৎ ও হীরু ঘোষালের প্রস্থান ।
আমায় কি গুণ ক'রেছে ! মা তো বলে মিছে
নয়, ও হ'তেই আমি মজবো । এত মনে করি,
আর দেখা ক'রবো না, ও ডেকে গিয়েছে—এক
আধ দিন ফিরিয়েও দিবেছি, আবার বিছানায়
মুখ গুঁজে সমস্ত রাত কেঁদেছি । ও চ'লে গেল,
আমার ঘেন নাওয়াখাওয়া ভাল লাগচে না ।
[প্রস্থান ।

তৃতীয় গর্তাঙ্ক ।

সরোজিনীর কক্ষ ।

শৈলেন ও সরোজিনী ।

শৈলেন্দ্র । তুমি কেঁদো না, বেড়াতে যাচ্ছি, তার
জন্ত তোমার ভয় নাই, আমি বেশ ভালই
থাকবো । কিন্তু আমি থাকতে পারবো না ;
আমার প্রাণ কেমন ক'চ্ছে !

সরো । আচ্ছা, তা'হলে বড়ঠাকুরকে ব'লে তুমি
থাক না, তুমি যাবে কেন ?

শৈলেন্দ্র । না না, তুমি বুঝতে পাচ্চ না, আমার কি
হয়েছে । এখানে থা'কলে আরও অধঃপাতে
যাবো । কি করবো, তুমি আমায় বশ করবার
জন্ত গুণগান করতে পারো ?

সরো । সে কি ?

শৈলেন্দ্র । স্বামি-গুণগান করা আছে, আমি শুনেছি,
ও কেউ কেউ জানে । তুমি সন্ধান করো ।
আমার বোধ হয় কি ক'রেছে, নইলে আমি
এমন হলুম কেন ? তুমি বউ-দিদিকে ব'লে লোক
খোঁজো, যদি কেউ গুণগান করতে পারে, কেউ
যদি কিছু খাইয়ে আমার তোমার বশ করিয়ে
দিতে পারে ।

সরো । ও মা, না না, এমন কথা মুখে এন না ।
আমি মার কাছে শুনেছিলুম, কার কথায় কি
খাইয়ে, তার স্বামীকে মেরে ফেলেছিল ।

শৈলেন্দ্র । সেও ভাল, এ ভারি যাতনা । আমার
মনে হ'চ্ছে—মেজদা রাগে রাগুক, আমি ছুটে
সেইখানে চ'লে যাই । সেখানে গেলেও জলি,

এখানেও জলি, অ মি এক :দণ্ড স্থির থাকতে
পারি না ।

(নীরদের প্রবেশ)

নীরদ । কাকাবাবু, আপনার সেই রিভলভারটা
ফের পাশ করাতে হবে ।

শৈলেন্দ্র । তা তুমি পাশ করিও ।

নীরদ । তাতে একটা নম্বর থাকে, আমি নম্বর
জানি না, সে নম্বর না হ'লে তো পাশ হবে না ।

শৈলেন্দ্র । সে কি—কই—নম্বর টম্বর তো দেখি
নাই । এই চাবি নাও, আমার বৈঠকখানার
আলমারীতে আছে, দেখে নাও গে । এই
চাবি নাও, আমাকে দিয়ে পাঁচ হাজার টাকা
চেক কাটা'লে কেন ?

নীরদ । টাকার তো দরকার হবে । আমার নামে
মোক্তারনামা তো আজ সবে রেজিষ্টারী আফিসে
গিয়েছে, পেতে দেবী হবে, তা না হ'লে তো
আমি চেক কাটতে পারবো না । ওঁর কাছে
চেক কাটাতে গেলে এখনই ব'লবেন—“কি
হিসেব—কি কিতেব” এখন তাড়াতাড়িতে কি
ক'রে হিসেব করি ?

শৈলেন্দ্র । তা বেশ ক'রছে ।

[চাবি লইয়া নীরদের প্রস্থান ।

শোন,—তুমি না হয় সঙ্গে চলো । আমি
একদিনও দাদার সঙ্গে থা'কতে পারবো না ।
আমার এখন থেকে মন ছ ছ ক'চ্ছে । কেন
তার জন্তে এমন করি—বুঝতে পারি নে । সে
পাজী, সে আমায় ভালবাসে না, সে ঝগড়া
ক'রে, তবু তারে না দেখলে থাকতে পারি
না ! কি হ'লো—এ আমার কি হ'লো !

সরো । তোমার যদি এমন প্রাণ কেমন করে,
তাহ'লে তুমি বেড়া'তে যেও না, আমি বড়
দিদির পায়ে ধ'রে বলছি ।

শৈলেন্দ্র । তুমি কিছু বোঝ না, তুমি বোকা,
আমার সর্বনাশ হ'য়েছে বুঝতে পাচ্চ না ?
আমায় গুণ করেছে ।

(নীরদের পুনঃ প্রবেশ)

নীরদ । কাকাবাবু, সে আলমারী খোলা র'য়েছে,
তাতে তো রিভলভার নাই । খালি গোটা-
কতক ডিকেনটার র'য়েছে, আর বোতল আছে

আপনি আর কোথায় রেখেছেন—মনে করুন ।
একদিন আপনি হাতে ক'রে নিয়ে গিয়েছিলেন,
আমি দেখেছি । মন্থ জিজ্ঞেসা ক'রেছিল,
আপনি বলেছিলেন—কাকে দেখাবেন ।

শৈলেন্দ্র । উ—সেখানে কি ফেলে এসেছি ! না,
হাতে ক'রে এনেছি, আমার—

নীরদ । তা থাক—আমি এক রকম পাশ করাবো
এখন । কাকীমা, দেখেছ—উনি কোথায় কি
রাখেন, তার ঠিক রাখতে পারেন না । দেখলে
তো—দেখলে তো ?

শৈলেন্দ্র । সত্যি আমার ভুলো মন, সব ভুলি ।
কিন্তু একবারও তো তাকে ভুলি নি । কি
সর্বনাশ হ'লো !

(বিরজা ও তরঙ্গিনীর প্রবেশ)

মেজ বউদিদি, আমি পাগল, আমি তোমার কত
কি ব'লেছি,—কিছু মনে ক'রো না, তোমার
নীরোও যেমন, আমিও তেমন ।

তর । মনে আর কি করবো—মনে আর কি
করবো ? তুমি নেশার ঝোঁকে কি ব'লেছ—
তা কি ধরি ?

শৈলেন্দ্র । বড় বউদিদি, তুমি দাদাকে ব'লো, আমি
একেবারে ছ'মাস বেড়াতে পারবো না ।

বিরজা । তা না পারিস্ নেই পারবি, তোর মেজ-
দাদাকে এক জায়গায় রেখে ব্যবস্থা-ট্যাংস্থা
ক'রে চ'লে আসবি ! আর তোদের বাগাটাসা
ঠিক হ'লে, হয় তো আমিও ছোট বউকে নিয়ে
যাবো ।

শৈলেন্দ্র । মেজ বউদিদি, তুমি একে দেখো ; ও
ভারি বোকা, কিছু জানে না । ও আমার একটা
কথা বলতে জানে না, আমি চ'লে গেলে কেঁদে
কেঁদে ম'রবে । তুমি ওকে দেখো, বড় বউদিদি
সংসার নিয়ে থাকেন । ও বড় ছঃখী, মেজো
বউদিদি, ও বড় ছঃখী ।

তর । দেখব না তো কি ভাসিয়ে দেবো ?

শৈলেন্দ্র । তুমি কেঁদো না, তোমার কান্না দেখলে
আমার রাগ হয়, বেড়াতে যাচ্ছি, ভালই
তো হ'চ্ছে । ও কিছু বোঝে না—কিছু
বোঝে না ।

বিরজা । তোমার দাদা গাড়ী জুতুতে ব'লেছেন,

তুমি তোয়ের হ'য়ে এসো । সময় ব'য়ে যার,
যাত্রা ক'ন্তে হবে ।

শৈলেন্দ্র । তা আজ তো যাওয়া হ'লো না, আজ
বাড়ীতে থাকলে কি হয় ?

বিরজা । কা'ল দিনটে খারাপ, আজ ভাল দিন
আছে, যাত্রা ক'রে ঠাই-নাড়া হয়ে বাগানে গিয়ে
থাকো গে । আমরাও সব যাচ্ছি ।

শৈলেন্দ্র । আমি চলুম ।

[বিরজা ও তরঙ্গিনীর পদধূলি গ্রহণ করিয়া

শৈলেন্দ্রের প্রস্থান ।

[তরঙ্গিনীর ও বিরজার প্রস্থান, পশ্চাৎ সরোজি-
নীর বিরজার অঞ্চল ধরিয়া আকর্ষণ ।

বিরজা । কি রে ?

সরো । ও দিদি, আমার মন কেমন হয়ে গেল,
তুমি ওরে যেতে দিও না ।

বিরজা । হ্যাঁরে, তুই এমন আল'বডে কেন ?
ভাইএর সঙ্গে বেড়াতে যাচ্ছে, যাক না কেন—
শুধরে যাবে ।

সরো । ও দিদি—আমার সর্বনাশ হবে,—আমার
এমনি মন হয়েছিল, সেই দিন হঠাৎ বাবা মলেন ।

বিরজা । দেখ্ আবাগী, মুখে গোবর টিপে দেবো ।

সরো । না দিদি, তুমি ব'কো না, আমার মন ছ ছ
ক'রে কাঁদে । কি হবে—কি হবে, মনে হ'ছে,
সর্বনাশ হবে কে ব'লছে !

বিরজা । চোপ্ বেহাশি, অমঙ্গল কথা মুখে আনিস্
নি ! ওরা ঠাকুর প্রণাম ক'রতে যাচ্ছে, আর—
ঠাকুর প্রণাম করবি আর ।

[উভয়ের প্রস্থান ।

চতুর্থ গর্তীক ।

শিবমন্দিরের সম্মুখ ।

নকুলানন্দ অবধূত ।

(খাবার লইয়া ফুলীর প্রবেশ)

অর । কে রে বেটা, কে রে বেটা—

ফুলী । বাবা, বড় গিন্নী তোমার এই রসগোল্লা পাঠি-
য়েছেন ।

অব । খবরদার বেটা, মুখ সামলে কথা ক'স্ ।

ফুলী । কেন বাবা, কি হলো ?

অব । আবার বেটা “বাবা” ! তোমার মা গচাবে ?
ফুলী । তবে তোমার কি বল্‌বো ?

অব । বল্‌বি ভৈরব । না, তা হ’লে ভৈরবীর
ঝাঁক এসে ঘাড়ে প’ড়বে ।

ফুলী । তা পড়লেই বা বাবা !

অব । বেটা, পড়লেই বা, সাম্‌লার কে রে বেটা—
সাম্‌লার কে ? আমি নন্দের গোপাল, হামা
দিয়ে বেড়াব ! বুঝ্‌লি ?

ফুলী । হ্যাঁ বুঝ্‌লুম বই কি বাবা—তুমি নন্দের
গোপাল !

অব । না, তাতেও প্যাঁচ আছে । বৃন্দাবনে বাঁশী
বাজাতে হবে, গোপিনী বেটারা ধড়াখানাও কেড়ে
নেবে ।

ফুলী । তবে কি হবে ?

অব । আমি কার্তিক হব, ময়ূর চ’ড়ে উড়্‌বো ।

ফুলী । সেও তো বিধবারা নিয়ে গিয়ে পূজা
করবে ।

অব । তাকে পা’রবো । পুন্ড্রো খেয়ে “মা” ব’লে
ফুর্‌ক্‌ উড়্‌বো ।

ফুলী । বাবা—

অব । ফের বেটা বাবা—

ফুলী । খাবার কি বরে রাখ্‌বো ?

অব । (গ্রহণ করিয়া) নে, গোটাকতক তুলে নে,
কুমারী সেবা হোক ।

ফুলী । না বাবা, সে তখন এসে প্রসাদ পাব ।

অব । তবে বেটা তোর সেই নবমীর গানখানা
শুনিয়ে যা ।

ফুলীর গীত ।

শিহরি মা মনে হ’লে, কাল সকালে নিয়ে যাবে ।

মরি জাসে কৈলাসে গে, কেমনে মা দিন কাটাবে ।

রবিশশী নাহি হেরে, ঘন মেঘে রাখে ঘেরে,

ভূতদানা তার সদাই ফেরে, মুখপানে তার কেবা চাবে

ভিক্ষে ক’রে আন্‌লে পরে, তবে হাঁড়ী চড়্‌বে ঘরে,

মন বোঝাব কেমন ক’রে, কপাল পোড়া ঘোচাবে ।

আপন ঝোঁকে কেপা থাকে, মানুষ নয় বোঝাব কাকে,

সে দেখ্‌বে কি দেখ্‌বি তাকে, নিত্যি ভাং ধুতরা

থাবে ॥

ফুলী । (স্বগত) হীরে ঘোষাল কাকে সজে ক’রে
আছে । কি মতলব আছেন—লুকিয়ে শুন্‌বো,

(প্রকাশ্যে) বাবা, এই মন্দিরটে সাফ্‌ করি,
বিষিপত্রট্রাগুলো ফেলে দিই ।

(ফুলীর মন্দিরে প্রবেশ)

অব । বেটার ডাকিনী অংশে জন্ম, না যোগিনী
অংশে—না নায়িকা অংশে !

(শরৎ ও হীরু ঘোষালের প্রবেশ)

হীরু । তুমি এইখানে ব’সে আলাপ করো না,
গাজটাজা খাও না ।

[হীরু ঘোষালের প্রস্থান ।

অব । কে তুমি ?

শরৎ । আমায় চেনেন না অবধূত ম’শায় ?

অব । চিনেছি, তুমি মুচি ভূতের বাচ্চা—

শরৎ । অবধূত মশায়, একটা টিপ করি দাও ।

অব । ও, টিপ তৈরি করবি ? তুই নন্দীর নাভী
দেখছি, দেখি কেমন তুই মজবুত ভূত । তুই
তৈরি কর, আমি বেলগাছের বেক্সদতিয়র সঙ্গে
আলাপ ক’রে আসি, সে এক আধ টান টানে ।

[প্রস্থান ।

(নীরদ ও হীরু ঘোষালের প্রবেশ)

হীরু । এই শরৎ বাবু ।

নীরদ । আচ্ছা আচ্ছা, তুমি দেখ, মোনা কোথায় ?
সে যেন এ দিকে না আসে ।

হীরু । (স্বগত) বাবা, এত কি পরামর্শ আমায়
ছাপিয়ে ! আমি শরতা বেটার কাছে ঠিক বা’র্
ক’ছি !

নীরদ । যাও না, যাও না—দাঁড়িয়ে রইলে কেন ?

মোনা খালি আমার তাকে কিচ্‌চে জানো ?

হীরু । (স্বগত) আমিও তাকে রইলুম ।

[প্রস্থান ।

নীরদ । (সমীপবর্তী হইয়া) শরৎ বাবু ?

শরৎ । কি নীরদ বাবু, আপনি আমার ডেকেছেন ?

নীরদ । হ্যাঁ, আপনি আমার একটি কাজ করতে
পারেন ? আমি আপনাকে একশো টাকা দিই ।

শরৎ । কথাটা কি ভেঙ্গে-বলুন ?

নীরদ । আজ যদি কাকা বাবু কুসুদের বাড়ী
ফেরেন, সেখানে একটা ঝগড়া ক’রে ফৌজদারী
বাধাতে পারবেন ?

শরৎ । বাবা, বড় মানুষের সঙ্গে কে লাগবে বল ?
শেষটা কি জেলে যাব ?

নীরদ । তা যদি না যেতে হয়, আর উল্টে কিছু আদায় করতে পারেন, তা'হলে ?

শরৎ । সে সব না বুঝে, জবাব করতে পাচ্ছি নে ।

নীরদ । এমন যদি কাজ হয়, আপনি যদি প্যাঁচে পড়েন, আমিও প্যাঁচে পড়বো—তা'হলে পারেন ?

শরৎ । বাবা, যে রকম আঁচ দিচ্চ, এতো একশো টাকার কাজ নয় । একটা গুরুতর রকম মতলব করেছে ।

নীরদ । আপনি ঠিক ঠাওরেচেন—একশো টাকা বায়না ।

শরৎ । বাবা, বেশী রকম উঠতে পারবো না, চড়-চাপড়টার উপর যদি চলে তো হয় ।

নীরদ । পাঁচ হাজার টাকা পেলেও নয় ?

শরৎ । কি—খুন-খারাপি রকম না কি ?

নীরদ । তা যদি হয় ?

শরৎ । না—ইয়ারকিটা আস্টা দিয়ে বেড়াই, অতদূর উঠতে পারবো না ।

নীরদ । কাজ খুব সোজা, আমি যা দেবার তা দেবো, আর আপনিও কাকাবাবুর ঠেঙে কিছু আদায় করতে পারবেন ।

শরৎ । . আচ্ছা, রকমটা কি শুনি ?

নীরদ । আপনাকে তো দেখলেই কাকাবাবু ঝগড়া করবেন । আপনি তাঁকে ঠেলে ফেলে দিয়ে একটা রিভলভার দিচ্ছি, ছ'বার দেয়ালের গায়ে ছুড়বেন । আর আপনি পালিয়ে গিয়ে থানায় জানাবেন, আপনাকে খুন করতে এসেছিল ।

শরৎ । এ অবধি এক রকম হ'তে পারে । এর কত দাম ?

নীরদ । কি চান ?

শরৎ । ছ' হাজার ।

নীরদ । আর যদি বারান্দা থেকে ফেলে দেন, তা'হলে ক'হাজারি ?

শরৎ । ও বাবা, খুন হবে যে ? স্মৃথী লোক—যদি মারা যায় ?

নীরদ । আচ্ছা, একটা লাঠি-টাটি মেরে জখম করা ?

শরৎ । কত টাকা ?

নীরদ । পাঁচ হাজার ?

শরৎ । টাকা না নোট ?

নীরদ । নোট ।

শরৎ । যদি নম্বর আটক করো ? যে বিচ্ছু দেখছি, পারো বাবা ।

নীরদ । আমি নগদ টাকা দিয়ে নোট নিয়ে দেব । নইলে নোট পুড়িয়ে ফেলবেন । আমি পাঁচ হাজার টাকা পোড়াতে দিচ্চিনি, কাজের জন্তই দিচ্ছি ।

শরৎ । আচ্ছা, বাবা, দেখি ।

নীরদ । আপনার কোন ভয় নাই, এই রিভলভারের গায়ে দেখবেন, কাকাবাবুর নাম লেখা । কথাটা বুঝুন, উনি বেড়াতে যাচ্ছেন, আপনারা স্বেয়োগ পেয়ে আমোদ কচ্ছেন । উনি সন্ধান পেয়ে রেগে রিভলভার নিয়ে খুন করতে গেছেন । ছ'বার রিভলভার ছুঁড়ে গেছেন । আপনি প্রাণের দায়ে পালাবার উপায় না পেয়ে গুঁরে মেরে পালিয়েছেন । তার পর attempted at murder এর নালিশ করবেন, মানের দায়ে আমাদের টাকা দিয়ে মেটাতেই হবে ।

শরৎ । বড় প্যাঁটোয়া কাজ বাবা ! এতদূর কখন এগুই নি ।

নীরদ । আমি আপনার পেছনে আছি, মামলায়-মকদ্দমায় কখন আপনার টাকার অভাব হবে না ।

শরৎ । আচ্ছা দেখি দাও ।

নীরদ । এই নিন, আর এই পাঁচ কেতায় পাঁচ হাজার টাকার নোট ।

[নোট দিয়া নীরদের প্রস্থান ।

শরৎ । গাঁজাটা টেনে যাই—বড় ফ্যাঁসাদের কাজ ।
(প্রস্থানোত্তত)

ফুলী । (স্বগত) কিছু তো বুঝতে পারলুম না, একে ভোলাতে পারবো না ।

(ফুলীর মন্দির হইতে বাহির হইয়া কতকগুলি বিষপত্র শরতের গাত্রে নিক্ষেপ)

শরৎ । কে বাবা ! কামিজ খারাপ ক'রে দিলে ?

ফুলী । কেন মশায়, ফুলের ঘায়ে মুচ্ছা' যান না কি ?

শরৎ । কি কি, রকমখানা কি ?

ফুলী । আর আপনার সঙ্গে রকম কি বলুন—
একটা ফুলের ঘা নয় না ।

শরৎ । বাসি বেলপাতার ঝুরি কি নয় ? কামিজটার

দাগ লেগে গেলো, টাট্কা ফুল হয়, হৃদয়ে
রাখি।

ফুলী। ইস্—আপনি রসিক বটে!

শরৎ। কোথায় থাকো চাঁদ?

ফুলী। আপনার সঙ্গে থাকবো মনে কচ্ছি।

শরৎ। আমি কোন্ নারাজ?

ফুলী। ও বাবুটি কে—কার সঙ্গে কথা কচ্ছিলেন?

শরৎ। কে—কোন্ বাবু? তোমার অত খোঁজে
কাজ কি?

ফুলী। তবে বাবু-ভেয়ের খোঁজ কারা করবে?

শরৎ। কেন—আমায় পছন্দ নাই?

ফুলী। আপনি ত আর যেচে কথা কনু নি।

শরৎ। বাড়ী কোথায়?

ফুলী। সঙ্গে আসুন—দেখবেন।

শরৎ। এখানে কি কচ্ছিলে?

ফুলী। এই বাবার কাছে হাত দেখাতে এসেছিলুম,
উনি বড় গণৎকার।

শরৎ। সত্যি নাকি?

ফুলী। পরখ ক'রে দেখুন না, উনি ঠিক ব'লে
দেবেন, আপনি কি করতে এসেছেন,—ভাল
হবে কি ম হবে?

(অবধূতের প্রবেশ)

ফুলী। বাবা, এঁর হাতটা দেখ তো।

অব। ও নন্দীর বাচ্ছা, এই যে রক্তচন্দন বিষ্ণিপত্র
গায়ে প'ড়েছে। একবার চোখোচোখি চা তো।
ইস্! একটা ঝন্ঝনে ভূত তোর পেটের ভেতর
সেঁদিয়েছে। কটমটিয়ে চা, আমি এক টানে
বাঁর করি। (ইত্যবসরে ফুলীর শরতের পকেট
হইতে রিভলভার তুলিয়া দেখন)

শরৎ। (চমকিত হইয়া) ইস—তুই চোর না কি?
পাহারাওয়ালার ধরিয়ে দেব জানিস্?

ফুলী। চক্চক্ কচ্ছিল, কি ও—তাই দেখেছিলুম।

শরৎ। ছেলেদের জন্তে পুঁতুল কিনেছি।

[প্রস্থান।]

ফুলী। .(স্বগত) কিছু বুঝতে পারলুম না, শৈলেন
বাবুর পিগুলা দেখলুম। কি ফন্দী করলে, ভাল
বুঝতে পারলুম না। পেছু পেছু যাই, দেখি
কোথায় চ'লো।

অব। কি রে বেটী, উড়তে চলি? তা যা, আমিও
ওড়াই।

[পশ্চাৎ প্রস্থান।]

পঞ্চম গর্তীক।

সিঁথির বাগান-বাড়ী।

উপেক্ষ।

উপেক্ষ। ওঃ—উৎসবে সমস্ত রাত্র ঘুম হ'লো না।
গাড়ীতে তুলতে পারলে তবে নিশ্চিন্ত! ও
আমোদ-আহ্লাদ কিছু করে নাই, ছটগট
ক'রেছে। আমার খালি মনে হ'চ্ছে, উঠে
পালাবে। রাত আর নেই—

(শৈলেনের প্রবেশ)

কে ও—শৈলেন? কোথায় যাচ্চিস্?

শৈলেন্দ্র। আমি আসছি।

উপেক্ষ। আসছি কি—চটীর সময় গাড়ীতে উঠতে
হবে, আসছিস্ কি?

শৈলেন্দ্র। আমি এখনি আসছি, নৈলে সর্বনাশ হবে।

উপেক্ষ। সর্বনাশ হবে কি রে?

শৈলেন্দ্র। সত্যি বলছি—সর্বনাশ হবে।

উপেক্ষ। তোর হাতে ও কি?

শৈলেন্দ্র। চিঠি। মেজ দাদা, আমি এখনি আসবো।

উপেক্ষ। দেখ, বুঝেছি, 'সে বেটী চিঠি লিখেছে।
তাই তুই যাচ্চিস্। যেতে পারি নে।

শৈলেন্দ্র। আমি যাব, নইলে জ্বীহত্যা হবে। তুমি
জানো না মেজ দা, সে বড় একগুঁয়ে। সর্বনাশ
হবে, আফিং খাবে, নয় গলায় দড়ি দেবে।

উপেক্ষ। হতভাগা, তোর লজ্জা-সরম কিছুই নাই।

শৈলেন্দ্র। মেজ দা, সত্যি বলছি, আমি মদ খাই নি।
আমায় না দেখতে পেলে সে মরবে, নিশ্চয়
মরবে। একদিন ঝগড়া ক'রে আমার সামনে
আফিং মুখে পুঁরেছিল, মুখ থেকে আঙ্গুল দিয়ে
আফিং বাঁর ক'রে নিয়েছি, আঙ্গুলে এখনো
দাঁতের দাগ দেখ।

উপেক্ষ। শোন শৈলেন, তুই বেড়াতে যাবি, তোকে
বাধা দেবার জন্তে ছল ক'রে এই চিঠি লিখেছে।
তুই যেতে পারিনি, তা হ'লে তোর বেড়াতে
যাওয়া হবে না।

শৈলেন্দ্র। আমি একবার যাবো, এখনি ফিরে আসবো।

উপেন্দ্র। আমি তোরে যেতে দেবো না।

শৈলেন্দ্র। আমি যাবই, আমি কারো কথা শুনবো না।

উপেন্দ্র। তুই পাগল হয়েছিস, আমি তোরে বেঁধে গাড়ীতে তুলবো।

শৈলেন্দ্র। না মেজনা, জীহত্য হবে, বাড়াবাড়ি করো না। তোমার মান থাকবে না, আমি যাবই।

উপেন্দ্র। শোন, যদি যা'স, তাহ'লে এই পর্যন্ত, আজ থেকে তোর মুখ দেখবো না।

শৈলেন্দ্র। আমি তোমার পা ছুঁয়ে ব'লে যাচ্ছি, আমি এখনি ফিরে আসবো।

উপেন্দ্র। না, তুমি যেতে পাবে না। তুমি বুড়ো মদ হয়েছ, আজও তুমি বেশার ছল বোঝো না! যদি আমার মুখ চাও ত আমার কথা ঠেলো না শৈলেন! লজ্জা, বৃণা ত্যাগ ক'রে অনেক স'রেছি, আর সহিবো না। যদি যাও, আর তুমি আমার ভাই নও।

শৈলেন। 'না' হয় নাই হ'বো, আনি যাবই।

উপেন্দ্র। আমি তোরে কিছুতে যেতে দেব না।

শৈলেন্দ্র। ছেড়ে দাও মেজনা—ছেড়ে দাও মেজনা, কেন অপমান হবে? আমি গোলায় যাই—মরি, তাতে তোমার কি! আমি তোমার কথায় থাক'বো না, তুমি আমার কথায় থেকো না—

উপেন্দ্র। ছুঁচো, যা মুখে আসে ব'ল'ছিস? নীরে নীরে—

নীরদ। (প্রবেশ করিয়া) আক্ষে—আক্ষে—

উপেন্দ্র। দোর বন্ধ ক'রে দে তো।

শৈলেন্দ্র। খবরদার—খুন ক'রবো—ছেড়ে দাও—

[লাঠি তুলিয়া উপেন্দ্রকে ধাক্কা দিয়া বেগে প্রস্থান।

(তরঙ্গিনীর প্রবেশ)

উপেন্দ্র। অঁা—অঁা—কি মনের ভ্রম!

(তরঙ্গিনীর কথা কহিবার উদ্যোগ ও নীরদের ইঙ্গিতে নীরব হ'ওন)

(বিরজার প্রবেশ)

বিরজা। কি গো—কি গো—হ'লো কি?

উপেন্দ্র। শৈলেন আমার ধাক্কা মেরে চ'লে গেল।

বিরজা। তা যাক্—মরুক্ গে। তুমি ধৈর্যে পড়ো।

। আর আমার দুখো না—আর আমার অপরাধ নাই। আর আমার কারকে কিছু ব'লবার মুখ নাই। ও সত্যি সত্যিই খুন করতে পারে। বিরজা। যাক্—যাক্—উচ্ছন্ন গিয়েছে, যাক্।

তর। লাঠি তুলেছিল?

উপেন্দ্র। যথেষ্ট হ'লো, হৃদয়দ হ'লো! আমি কি নিকরোধ, কি বোকা, আমি কার জন্ত টানাটানি করি? আমি মরতে ব'সেছি, তবু ভাই ভাই ক'চ্ছি! ছিঃ দিক্ আমার! বড় বউ, সব আলাদা হওয়াই ঠিক। আমি কানী যাচ্ছি, নীরের নামে মোক্তারনামা দিয়েছি। নিতাই একটা ভাগ-বাঁটরা ক'রে দিক, সহমানে হয় ভালো, নৈলে যা হয় হবে!

বিরজা। সে যা হয় হবে—তুমি এসো। তুমি ও সব কিছু ভেবো না, আপনার শরীর রাখ, বেড়াতে যাও। ভাব্ছ কি—তুমিই বা কি করবে—আমিই বা কি করবো? ওর অদৃষ্টে যা আছে—হবে। ও কি না—খুন করবো বলে! আমি বলি—কাকে বল্চে। দেখ, তুমি মন থেকে ওকে কুটো ছিঁড়ে ফেলে দাও। ও তোমার কুলঙ্গার ভাই। ও তোমায় প্রাণে মারতে ব'সেছে।

উপেন্দ্র। আশ্চর্য্য—এমন ক'রে ব'য়ে যায়!

[প্রস্থান।

নীরদ। জ্যোঠাই মা, কাকাবাবু পাগল হ'য়েছেন। আমি শুন্ছি, ওঁকে কি খাইয়ে এমন ক'রেছে। ও ভাগ-বখ'রা ক'রে দেওয়া নয়—ভাগ-বাখ'রা ক'রে দেওয়া নয়, ওঁকে মদ খাইয়ে সর্বস্ব লিন্ নিয়ে হাত-পা বন্ধ করা উচিত। বাবাকে বুঝিয়ে বল গে—ভাইএর খাতিরে আর না কোলকাতায় থাকেন। ডাক্তার ব'লেছে—তাহ'লে আর বাঁচবেন না, আর বেড়াতে যাওয়া না বন্ধ হয়। বিরজা। বেড়াতে যাবে বই কি, তুই সব ঠিকঠাক কর।

নীরদ। উনি আবার না বৈকেন।

বিরজা। না—আমি বৈকতে দেবো না। আহা! ভাই ভাই ক'রে প্রাণটা দিতে ব'সেছে। মেজ-বউ, বায়ুনকে বল—খানকতক লুটীটুটি ভেজে দিক্, আমি ওর কাছে যাই। চটার ভেতর ভাত খেয়ে যেতে পারবে না। [প্রস্থান।

নীরদ। মা, তুমি ও সময় কথা কইতে যাচ্ছিলে ?
তাহ'লে ঐ ভেয়ের রাগ আমাদের উপর
পড়তো। তুমি কোন কথা ক'রো না, ও'রা
দেওর-ভেজে যা হয় করুন। এবার আর ঠিক
হ'চ্ছে না! খুব বাড়াবাড়িই হয়ে গিয়েছে,
লাঠি তুলেছিল।

তর। ওর কি হায়া আছে, লাঠি মারলে হায়া
হ'তো ? হতচ্ছাড়া মিন্সে, ভাই ওর পিণ্ডি দেব !
নীরদ। তুমি দেখ না মা, কি হয় ?

[তরঙ্গিনীর প্রস্থান।

(শ্রামার প্রবেশ)

শ্রোমো—এত দেবীতে চিঠি পেলো যে ?

শ্রোমো। আদেক রাত্রি অবধি খাওয়া-দাওয়া হ'লো,
তার পর ঘুমিয়ে প'ড়লো। বড় মা—ছোট মা
—কাছে কাছে ছিলো, আমি দিতে বাগ
পাইনি।

নীরদ। তা, তুই ঠিক সময়ে দিয়েছিল।

[উভয়ের প্রস্থান।

ষষ্ঠ গর্তাক।

পথ।

মন্থ ও কুলী।

কুলী। মোনা বাবু—মোনা বাবু—সর্বনাশ
হ'য়েছে !

মন্থ। তোর গায়ে রক্ত কিসের ? কি হয়েছে ?

কুলী। ও কিছু নয়--প'ড়ে গিয়েছি। শীগ'গির
এসো, ছোটবাবুকে বাচাও।

মন্থ। কোথা যাবো ?

কুলী। এসো—এসো—শ্রমদের বাড়ী, সেখানে
এতক্ষণ খুন ক'রেছে।

মন্থ। খুন ক'রেছে কি ?

কুলী। এসো—এসো—বলতে বলতে যাচ্ছি।

মন্থ। তুই যে বলতে পাচ্ছিলি, পু'কাছসু ?

কুলী। চলতে পারবো—চলতে পারবো—এসো
গাড়ী ক'রে যাই এসো।

মন্থ। আমি তো সে বাড়ী জানি নি।

কুলী। আমি সে বাড়ী দেখে এসেছি, ঘর দেখে
এসেছি, পরামর্শ কতক শুনে এসেছি,—চিঠি

[১৫—১৬]

রাস্তায় দেখেছি, ছোটবাবুর রিক্তভার নিয়ে
গেছে, যে নিয়ে গেছে তারে চিনেছি, বুঝি খুন
ক'রবে। এসো—এসো

[উভয়ের দ্রুত প্রস্থান।

সপ্তম গর্তাক।

কুমুদিনীর কক্ষ।

কুমুদিনী ও শরৎ

নেপথ্যে শৈলেন্দ্র। দোর খোল', দোর খোল'—
কুমু। কি—কি—ভোরের বেলায় এসে ডাকাত
পড়েছ কেন ?

(শৈলেন্দ্রের প্রবেশ)

শৈলেন্দ্র। কে তোর ঘরে ? তোমার বাবাকে ঘরে
পূরে রেখে আমাকে চিঠি লিখেছ ?

কুমু। যে হোক না—তোর কি ?

শরৎ। হ্যাঁ হ্যাঁ শৈলেন্দ্রবাবু, আমার মেয়েমানুষ
কেড়ে নিয়েছে, আমাকে ব'লছে—কে তোর ঘরে ?
শৈলেন্দ্র। তবে রে শালা !

শরৎ। তাই তো রে শালা ! আমার মেয়েমানুষের
সঙ্গে ইয়ারকি ?

শৈলেন্দ্র। খুন ক'রবি নাকি—খুন ক'রবি নাকি ?

[শরতের পিস্তলের দুইবার আওয়াজ করিয়া লাঠি
লইয়া শৈলেন্দ্রের মস্তকে আঘাতকরণ।

খুন ক'রলে—খুন ক'রলে—

শরৎ। খুন ক'রলে—খুন ক'রলে—

কুমু। কি ক'রলি—মেয়ে ফেলি !

[শরতের শৈলেন্দ্রের বান হস্তে
পিস্তল দিয়া দ্রুত প্রস্থান।

(কুমুদিনীর মা ও অজ্ঞাত বারাজনার প্রবেশ।

কুমু মা। ওরে কি সর্বনাশ করুলি !

কুমু। শরতাকে কুলী ক'রেছিল, শরত লাঠি মেরে
পালিয়েছে।

কুমু-মা। অ'্যা খুন হ'লো না কি ?—মুখে জল দে
-মুখে জল দে !

(ফুলী ও মন্থথর বেগে প্রবেশ)

ফুলী । এই দেখ—সর্বনাশ ।

(মন্থথর সত্বর শৈলেন্দ্রের কতস্থানে চাহর
দিয়া ব্যাণ্ডেজ করণ)

মন্থথ । কে মা'রলে ?

কুমু । ওগো—আমি কিছু জানি না ! মারামারি
হ'য়েছে, আমার ঘরে মানুষ ছিল দেখে, বাবু
পিস্তল ছুড়েছিল, সে লাঠি মেরে পালিয়েছে ।
এই দেখ—স্থানে গুলীর দাগ দেখ ।

ফুলী । দেখবে বই কি—কাকে দেখাচ্ছ ? চুপ করো,
তোমার যে ঘরে জন্ম, আমারও সেই ঘরে জন্ম ।
চুপ ক'রে থাকো, সব শুনেছি । শরৎ বাবু
জিজ্ঞেসা ক'রেছিল—“দোরের পাশে কে ?” তুমি
ব'লেছিলে—“মা বুঝি !” সে তোমার মা নয়—
আমি ।

(পুলিশ লইয়া শরতের প্রবেশ)

শরৎ । আনি প্রাণের দায়ের মেরেছি—আমি প্রাণের
দায়ের মেরেছি ।

জমাদার । ও! বাবু, যখন পুনথারাপি হ'য়েছে,
তোমাকে তো ছাড়'বো না । আর মেয়েমানুষ
তো ঠিক আছে, ওকে তো গুলী করে নাই ।
লাঠিটে বডজোর লাঠি মারিয়াছেন । হাকিম যেমন
বলবে, তেমন হবে, আপনাকে আজ থানায়
থাকতে হবে, খুনটা বুঝছেন না ?

ফুলী । হ্যা মশায়, আপনি খুনটা বুঝছেন না !

জমা । এঁক, পাগলীটে এখানে কেন ? তোর
গায়ের লট কিসের ?

ফুলী । আমি ছুটে আসতে পড়ে গিয়েছি ।

জমা । এই পিস্তল ছুড়িয়াছিল ? বা হাতে ছুড়ি-
য়াছে দেখছি ।

মন্থথ । জমাদার সাহেব, হাঁসপাতালে নিয়ে চলো ।

(কুমুদিনার প্রাতি) হাঁ বাছা, তোমাদের ঘরে
একটু মদ আছে ?

জমা । আছে বই কি ।—ঐ তো লাঠিখটি বাধাই-
রাছে । ঐ যে বোতল ।

(মন্থথের মদ লইয়া শৈলেন্দ্রের মুখে দেওন)

শৈলেন্দ্র । ও মা !

জমা । (শরতের প্রাতি) বাবু, ফের থানায় চলিতে
হইবে ।

মন্থথ । জমাদার সাহেব, তোমার পাহারাবন্দীকে
ধরতে বলো ।

ফুলী । জমাদার সাহেব, ও জামাতে কি আছে দেখ,
জামাটা সঙ্গে নাও ।

শরৎ । জামা কাচতে দিতে হবে—জামা কাচতে
দিতে হবে, জামা কি হবে ?

জমা । দেখি বাবু, কি আছে ? (জামার পকেট
হইতে নোট বাহির করিয়া) এ যে তাজা নোট
—পাঁচ হাজার টাকা ! বাবু, আপনাকে টাকা
দিয়া খুন করিতে আসিয়াছিল না কি ? আপা-
নাকে তো আমি জানি, এ নোট কোথায়
পাইলেন ? কিছু বলছেন না ?—আচ্ছা চলেন—
—হাকিমের কাছে বলিবেন ।

ফুলী । শরৎ বাবু ছেলের জন্তে পুতুল কিনেছিলেন,
নিষে যাবেন না ?

জমা । পুতুল কি রে ফেপি ?

ফুলী । ঐ যে পুতুলটো !

মন্থথ । ফুলী, কি বলছিস ?

জমা । (পিস্তল তুলিয়া লইয়া) এইটা পুতুল—
এইটা পুতুল ! এই পুতুলটা কি বাবু কিনিয়া-
ছিল না কি ?

মন্থথ । জমাদার সাহেব ও পাগল—ওর কথা কি
শুনছ !

জমা । কেন বাবু, এর বিচে বাৎ আছে না কি ?
আপনি তো এমন কাজের নন, তবে ধমক
দিচ্ছেন কেন

মন্থথ । মশায়, ও সব কথা কইবেন এখন—হাঁস-
পাতালে নিয়ে চান ।

জমা । চলেন—চলেন । (কুমুদিনার প্রাতি) বিবি,
সিধের মিটবে না ।

কুমু । ও মা ! কি শূনের লোক সব বাড়ী আসতে
দিয়ছিলাম গো !

জমা । টেকা বাজিয়ে নিয়েছ, তবে আসিতে দিয়াছ,
সব এর বিচে আছে !—চলো ।

[সকলের প্রস্থান ।

চতুর্থ অঙ্ক ।

—:~:—

প্রথম গর্ভাঙ্ক ।

উপেক্ষের বহির্বাটি ।

মন্মথ ও বৈদ্যনাথ ।

মন্মথ । উনি তো লাঠি খেয়ে অজ্ঞান, এ দিকে ওঁর নামে Charge এলো, উনি রিভলভার নিয়ে খুন করতে গেছেন ।

বৈদ্য । তবে তুমি মেটালে কি ক'রে ?

মন্মথ । ফুলী দেখেছিল, নীরো দাদা শরৎকে রিভলভার আর পাঁচ হাজার টাকা দিয়েছিলেন । সে টাকা শরতের পকেটে পাওয়া গেল । এ দিকে নীরো দাদা কি করেছেন, জানেন ? ঐ পাঁচ হাজার টাকার নোটের নম্বর আটক করেছেন ।

বৈদ্য । সে যাক—সে যাক তার পর মিটল কিসে ?

মন্মথ । আমি নিতাই বাবুকে সমস্ত বললুম । শরৎও বেকুলো, সে বলে আমি জেলে যাই আর ব হই, আমি সব খোলাসা কথা বলবো ; এইতে নীরো দাদা ভয় পেলে, আর সেই পাঁচ হাজার টাকা ছেড়ে দিয়ে আর কিছু ঘুষ-ঘাব দিয়ে এক রকম তো মিটিয়ে রেখেছি । সে নিটে গিয়েছে ।

বৈদ্য । তবে ?

মন্মথ । এই সব খবর পেয়ে মেসোমশায় কাশী থেকে এলেন, ভায়ের উপরেই রাগ করেন । নীরো দাদার উপর সমস্ত দানপত্র ক'রে দিয়ে পার্টিসন স্ট্রুট করতে বলে চলে গেলেন । সেই পার্টিসন স্ট্রুট চলেছে ।

বৈদ্য । আর নীরো যে শৈলেনের কাছে হাওনোট কিনে নিয়েছে, সে কথাটা কি

মন্মথ । ছোট বাবু যখন শয়ানগত, তখন নীরো দাদার দরদ দেখে কে ? আমি রাত জাগি, আমার উঠিয়ে দিয়ে উনি রাত জাগতে বসেন । সেই সময় ছোট বাবুর শ্রবণ হয়, ছোট বাবু যে সব উনপাঁজুরে লোককে টাকা ধার দিয়ে ছিলেন, সেই সব হাওনোট এন্ডোন্স ক'রে

নিরেছেন । আর এ সওয়ার, কতকগুলো ভূয়ো হাওনোটও নীরো দাদা করেছিলেন, সেগুলোও এন্ডোন্স ক'রে নিরেছেন । সব জড়িয়ে প্রায় লাখ টাকা ; ছোট বাবুকে তার দায়ী ক'ছেন ।

বৈদ্য । নিতাই কি বলে ?

মন্মথ । বলেন—শিবু উকীলকে দিয়ে সব ঠিকঠাক ক'রে নিয়েছে, এখন আর উপায় কি ? এ দিকে সব টাকাকড়ি আটক করেছেন, পার্টিসন স্ট্রুটের খরচায় সর্বস্ব বেতে বসেছে, এখনো ছোট বাবুর শিবু উকীলকে বিশ্বাস । নীরো দাদা, লাগিয়ে ভাগিয়ে আনার উপায় আর বড় মার উপর ছোট বাবুর মন ভাগিয়েছে ; তার ধারণা যে, আমরাই সব ভাগ্যুচি দিয়ে মেসো মশাইকে খারাপ ক'রেছি, নীরো দাদাকে খারাপ ক'রেছি । এ বড় দ্রুত যা—আমরা সব মিলে জুড়ে ক'চ্ছি ।

বৈদ্য । বড় বউ ঠাকুরণ কোথায় ?

মন্মথ । তিনি মেসো ম'শায়ের সঙ্গে কাশীতে দেখা করতে গেছেন ।

বৈদ্য । ইন্ ! এতটা দ্রুত গিয়েছে ! অমনি যখন ওয়ালটারার বেড়াতে গেলেন, তখন বুঝি এত সজ্ঞাপাত কিছু হয় নাই ?

মন্মথ । না, তার পরেই এই হাঙ্গাম ।

বৈদ্য । এ সব খবর তুমি আমার লেখ নাই কেন

মন্মথ । আপন মরণাপন্ন, শরীর সারতে গিয়েছেন, আর তখন আমিও এত কান্দবাজী করে উঠতে পারি নাই ।

বৈদ্য । ওহে, তুমি এ বাড়ার সঙ্গে আমার স্তব্দ জানো না, তাই পত্র লেখ নাই । আমার মন্তব্য হয়েছে কার হাতে ? বড় বাবু আমার মানুষ ক'রেছেন । তোমার বড় বাবু যে মেসো মশায়কে দেখেন, সেই চোখে আমার মেসো মশায়কেও বাত্বার হয়েছে । কি করিবার ?

মন্মথ । আপনি ছোট বাবুর সঙ্গে মেসো মশায়ের ক'রে ওঁর চোখ দুটিয়ে দেন ।

বৈদ্য । ছোকরা এতেও গোপন নয় । আচ্ছা দেখি !

মন্মথ । ম'শায়, একটা কথা জানা, আমরাও বিশ্বাস ক'রবেন না ।

বৈদ্য । কেন রে মূর্থ ?

মন্মথ । আপনি যে মোনা দেখে গিয়েছিলেন, আমি আর সে মোনা নেই—আমি আর সত্যবাদী নাই, আমি জালিগাত—জোঁচোর; হৌরু যোবাল প্রভৃতি বত অসং লোক—আমার বন্ধু। আমার সম্বন্ধে যে অপবাদ শুনবেন—বিশ্বাস করবেন। আমি সকল কাজ করতে প্রস্তুত।

বৈদ্য । সে কি রে—কি বল্ছিছিস্? তোর কথা শুনেও আমি বিশ্বাস করতে পাচ্ছি নে।

মন্মথ । বিশ্বাস করুন।

বৈদ্য । এ হুঁশ্চলি তোমার কেন হলো?

মন্মথ । কেন হ'লো? বড় বাবু আমায় অনাথ অবস্থায় কুড়িয়ে এনেছিলেন। বড় মা'র স্নেহে আমি রাজপুত্রের তায় কাটিয়েছি—লেখাপড়া শিখেছি। আপনারা সকলে আমার স্নেহ করেন—প্রশংসা করেন। আমি বড় বাবুর মৃত্যুশয্যায় কাছে ছিলাম। যদিচ আমি তখনও বালক, তথাচ আমি তাঁর আন্তরিক মনোভাব বুঝতে পেরেছিলাম। তাঁর কায়মনোবাক্যে ইচ্ছা ছিল—বেন পিতৃ-পুরুষের গৌরব বজায় থাকে। তিনি সেই জন্ত বড় মাকে তাঁর অংশ দিয়ে গিয়েছেন। তাঁর মনে আশঙ্কা ছিল যে, পাছে ভায়ে ভায়ে বগড়া হয়ে সমস্ত নষ্ট হয়, বড় মার অংশ থাকলে ঠাকুরসেবা চলবে। বড় মাও স্বামীর আজ্ঞা পালনের জন্ত, সংসার বাজায় রাখবার জন্ত আত্মস্থখে জলাঞ্জলি দিয়ে সংসারকার্য্য নির্বাহ ক'রে আসছিলেন। সেই সংসার নীরো দালা জুচ্চুরি ক'রে ভাঙছেন। আমি প্রতিজ্ঞা করেছি, দেখবো, ওঁর কতদূর জুচ্চুরি।

বৈদ্য । তুই খেপেছিস্—খেপেছিস্। ছোঁড়া—ঠাণ্ডা হ।

মন্মথ । আজ্ঞে না, আমি খেপি নি। অনেক রাত্রি জেগে চিন্তা করেছি। আপান জানেন, অসং মতি হৃদয়ে স্থান দেওয়া কি যন্ত্রণা—সেই দারুণ যন্ত্রণা ভোগ করেছি। সত্যে জলাঞ্জলি দিয়েছি—সদিচ্ছায় জলাঞ্জলি দিয়েছি। আমার এখন চিন্তা কিসে নীরো দাদার সর্বনাশ করো।

বৈদ্য । মন্মথ, তুমি কি মনে করেছ, কোন কুকার্য্যের দ্বারা সংকার্য্য হয়? আমি তোমার মনের অবস্থা বুঝতে পেরেছি। আমারও তোমার কথা শুনতে

শুনতে ইচ্ছা হয়েছিল, নীরোর মাথা কেটে ফেলি। তুমি স্থির হও, অধর্ম্মপথে চলো না।

মন্মথ । অধর্ম্মপথে চলে কি হবে? হয় তো আমার ছুর্নাম হবে, হয় তো আমি বিপদগ্রস্ত হবো, হয় তো আমার এ জীবন ব্যথা হবে! কিন্তু মশায়, বড় না আমার গলা ধ'রে কেঁদেছেন, চক্ষের জল ফেলেছেন,—বলেছেন—মোনা, কি হবে! আমি দেখবো—কি হয়, আমার বারণ করবেন না।

বৈদ্য । ওরে শোন শোন—

মন্মথ । না, আমি আর শুনবো না! আপনি ছোট বাবুকে শিবু উকীলের হাতে থেকে ছাড়িয়ে নেন।

বৈদ্য । আচ্ছা আচ্ছা, আমি নিতাইয়ের সঙ্গে পরামর্শ করে, যা হয় কছি। বলি যে—সব টাকা কড়ি আটক হয়েছে; আমি কিছু টাকা দিচ্ছি—নে, যদি কিছু সচ্ছল হয়, দেখ্।

মন্মথ । না মশায়, আমি উপস্থিত সংসার একরকম চালাচ্ছি, আমার nursery থেকে প্রায় হাজার দশেক টাকা জ'মেছে, তা থেকে এখন চলবে। শেষ যা ব্যবস্থা হয় করবেন।

[প্রস্থান।

বৈদ্য । ছোকরা ভারি রেগেছে, রাগ হ'তেই পারে, আমি কাশীতে একবার উপেনের সঙ্গে দেখা করি?

(নিতাই উকীলের প্রবেশ)

হ্যাঁরে নিতে, কোন্‌কেতার ব'সে—এই সব দেখিল বুঝি?

নিতাই । দেখলুম বই কি—কি করবো বল?—আমায় কি ঘেঁসতে দিলে? পুলিশ কেস্ কাটিয়ে দিলুম। নার—শৈলেনকে বোঝালে কি জানিস্? যে, আমি শৈলেনের বিপক্ষ হয়ে শৈলেনকে যে ব্যাটা লাঠি মেরেছিল—ঐ শরৎ না কি, তায়ে বাঁচিয়ে দিলুম। আর এখন তার ধারণা যে, আমি পরামর্শ দিয়ে এই পার্টিসন্ সুট্টা করিয়েছি।

বৈদ্য । তা এখন উপায় কি?

নিতাই । বড় বউঠাকুরের বিষয় কেয়ালো ক'রে

নেওয়া—আর কোন উপায় নাই। তিনি এখন রাজী হ'লে হয়।

বৈদ্য। এখন শিবে ব্যাটার হাত থেকে শৈলেনকে বা'র করবার কি ?

নিতাই। শৈলেন বোঝে তবে তো? আর শুধু বুঝলে হবে না, ওর cost না দিলে উকীল change হবে না।

বৈদ্য। তা দেখ—বা লাগে, আমি দিচ্ছি।

নিতাই। ওরে, সে তোমার কেরানীগিরি ক'রে টাকা জমিয়ে পার্টিসন্ স্টেটের খরচা দিতে পারবি নি। দেখ,—শৈলেনকে যদি বোঝাতে পারিস, তার পর যা ক'রতে হয়, আমি করবো।

বৈদ্য। আচ্ছা, আমি যাচ্ছি।

নিতাই। সেই দিক্ ঠিক কর, আর বড় বউকেও বুঝিয়ে সুঝিয়ে দেখা যাক—কত দূর হয়।

[উভয়ের প্রস্থান।]

দ্বিতীয় গর্তাঙ্ক।

কাশীধাম—উপেন্দ্রের বাসাবাটা।

উপেন্দ্র ও বিরজা।

উপেন্দ্র। এ কি—বড় বউদিদি—এসেছ?—ব'সো।

বিরজা। না এসে কি করি বল?—সর্বনাশ হ'লো যে? এ যে মামলা-মোকদ্দমায় সব যেতে ব'সেছে!

উপেন্দ্র। যাওয়া কি ভাল নয়? থেকে কি হবে? মানুষকে বেষ্ঠার জন্ত গুলী করবে, ছেলে টাকার জন্ত বাপের কথা শুন্বে না, কাকাকে বাধিয়ে দেবে,—স্ত্রী স্বামীকে দেখবে না, কিসে ছেলের সর্বস্ব হবে—এই নিয়ে দিবারাত্র বিভ্রত থাকবে! বেশ হ'চ্ছে, এ টাকা যাওয়াই ভাল। সর্বস্ব ফাঁকি দিয়ে নিয়েছিলো, সে তো বেশ ছিলুম, চিন্তা ছিল না; স্ত্রী বশ ছিল, ছেলে বশ ছিল, ভাই বশ ছিল—

বিরজা। তা এখন কি মনে ক'রেছ, এইখানে ব'সে থাকবে, আর সর্বস্ব যাবে?

উপেন্দ্র। তা যাক না—আমার কি!—সর্বস্ব তো আর আমার নয়? যে দিন শুন্লুম—বাড়ীতে ফৌজদারী—খুনে মকদ্দমা,—সেই দিন তো

ছেলেকে দানপত্র লিখে সর্বস্ব দিয়েছি, আর আমার কি আছে যে দেখবো?

বিরজা। কি হয়েছে—সব শুনেছ? শুন্তে পাই তো, তুমি বাড়ী থেকে চিঠি এলে খোলো না—পড়ো না—অমনি ফেলে দাও।

উপেন্দ্র। শুন্তে হবে না, শোন্বার কিছু নাই। তবে রেল ভাড়া ক'রে এসেছ, না শুনিয়ে নিশ্চিন্ত হবে না; শোনাও! শোনাতে তো এই—মকদ্দমা রুজু হয়েছে, বিষয় বখরা হ'চ্ছে, টাকাকড়ি পাঁচ ভুতে লুটে থাকছে, শৈলেন আবার কোন্ নাগীর কাছে যাচ্ছে, আর একটা খুনোখুনি হাদাম বেধেছে, নীরো কাকাকে ফাঁসাবার চেষ্টায় আছে,—এই তো—না আর কিছু? এ সব তো শুনে এসেছি, কতক দেখেও এসেছি—আর নূতন কি শোনাতে?

বিরজা। তুমি রাগ ক'রেই সর্বনাশ ক'রলে, তোমার দোষেই সব গেল।

উপেন্দ্র। রাগ করবো না, স্থির থাকবো, বিষয় আশয় বন্দোবস্ত ক'রবো—এই বলছ? রাগ ক'রে আসিনি, আপনার ইজ্জৎ বাঁচাতে এসেছি। সেখানে থাকলে হয় তো অপবাতে মরতে হ'তো। হয় ছেলে মারতো, নয় ভাই মারতো! নয় তো কলঙ্কের ভয়ে আত্মহত্যা ক'রতে হ'তো।

বিরজা। কেন গো, কিসের কলঙ্ক—কিসের আত্মহত্যা?

উপেন্দ্র। কি—কি বল্লে—কিসের কলঙ্ক? তুমি কি দাদার স্ত্রী নও? তুমি কি সেই বড় বউদিদি নও? আর কি কেউ সেই রকম মেজে এসেছে? তুমি বল্ছ—কিসের কলঙ্ক? বেষ্ঠা-লয়ে খুনোখুনির মকদ্দমা আমাদের গুপ্তিতে হ'লো,—আর বল্ছ—কিসের কলঙ্ক?

বিরজা। তুমি সব শোনো নি, তুমি শৈলেনের উপর রাগ ক'রে নীরের নামে সব লিখে দিয়েছ। এ সব তোমার নীরের জোটাছোট—তা জানো?

উপেন্দ্র। জানুতুম না—তাই শৈলেনের উপর রাগ ক'রে নীরের নামে সব লিখে দিয়েছি—সত্য, কিন্তু এখন দেখছি—খুব ভাল ক'রেছি। যদি সত্য হয়—নীরে কাকাকে ফাঁসাবার জন্তে এত মতলব খাটিয়েছে, তা'হ'লে বাপকে বিষ দিয়ে

কর্তা হ'তে চাইবে এটা বড় বিচিত্র নয় !
তাইতে তোমার বল্লম—কেন অপঘাতে
মরবো, যা'র বা ইচ্ছে, করুক—আমি নিশ্চিন্দা
হ'রে কাশীবাস করতে এসেছি ।

বিরজা । আমি বুড়ো মানুষ—কোথার যাই ?

উপেন্দ্র । কেন ?—তোমার তো সর্বস্ব রয়েছে,
তুমি মামলা-মোকদমা ক'রে কেয়ালো ক'রে
নাও ।

বিরজা । আমি বুড়ো বয়সে আদালতে দাঁড়াবো—
কেয়ালো ক'রে নেব ?

উপেন্দ্র । সে তোমার ইচ্ছে । আমি কিছু সঙ্গে
নিরে আসিনি, বিষয় প'ড়ে রয়েছে । তুমি
আপনার সম্পত্তি রক্ষা করো । পারো কিছু
থাকবে—ঠাকুর-সেবাটা চ'লবে । আমার ব'লতে
এসেছ—মিথো, আমার তো হাত নাই ।
যদি আর একদিন দেবীতে আসতে, তা
হ'লে আমার হেতা আর দেখতে পেতে
না, আমি এখান থেকে চ'লে যেতাম ; কোথায়
যেতাম—খবর পেতে না,—আর যাবও, নইলে
তো জালাতনের হাত থেকে বাঁচবো না ?

বিরজা । কেন ?—আমি এসেছি ব'লে—তুমি
জালাতন হয়েছ ?

উপেন্দ্র । তুমি একা নও, নীরদের গর্ভধারিনী
কা'ল এসেছেন । কেন—জানো ? আমি
নীরদকে বিষয়-আশয় সব দিয়েছি ; আমার
নামে কিছু কোম্পানীর কাগজ আছে, আমার
খরচ চলবার জন্ত সে আলাদা ক'রে রেখেছি ;
নীরদবাবুর মকদমা-খরচার টানাটানি হ'চ্ছে,
সেই কাগজ ভাঙ্গাতে চান,—সেইজন্ত এসেছেন ।
কা'ল কগড়া ক'রে মাণা ধ'রে প'ড়ে আছেন,
তাই এতক্ষণ উঠে এসে তোমার গলাধাক্কা দেন
নাই । তোমার কথা বলা হয়েছে, ওনেছি,—
ভালয় ভালয় চ'লে যাও । ভাল চাও—দেশে
ফিরে চাও, কারুর মুখ চেয়ো না, নিতাইকে
ব'লে আপনার বিষয় কেয়ালো ক'রে নাও,
নইলে ওদের সঙ্গে জড়িয়ে থেকে পথে
দাঁড়াবে ।

বিরজা । তুমি তো আপনি নিশ্চিন্ত হয়েছ, আমার
ব্যবস্থা ক'রে দাও নি কেন ? চলো—আমার
ব্যবস্থা ক'রে দিবে আসবে ।

উপেন্দ্র । তোমার ব্যবস্থা ঠিক আছে । দাদা
তোমার তাঁর অংশ দিবে গেছেন, তুমি নিতাইকে
ডেকে চুপি চুপি আমার সজ্জন বিবেচনা ক'রে
দানপত্র ক'রে দিবেছিলে । তাতে লেখা ছিল
যে, শৈলেন যদি আমার বশে থাকে, তাকে
আমি তোমার অংশের অর্ধেক দেবো ।

বিরজা । তবে আমি এখন কোথায় দাঁড়াই ?

উপেন্দ্র । আমি নীরদকে যে দিন সর্বস্ব দানপত্র
লিখে দিই, তার আগের দিন তোমার দান-
পত্রের পিঠে লিখে দিবে রেজেষ্টারী ক'রে
দিবেছি যে,—দানপত্র নামজুর, দানপত্র স্থির-
মস্তিকে লেখেন নাই, স্বামীর শোকে বিবাগী
হবেন মনে ক'রে মস্তিকের তাড়নার দানপত্র
লিখে দিবেছেন, স্থির মেজাজে লেখেন নাই,
সুতরাং তা নামজুর । তুমি যাও, তোমার বিষয়
আশয় দেখে নাও গে ।

বিরজা । আমি অত পারবো না, আমারও খান
কতক কাগজ বের ক'রে দাও, তার সুদ থেকে
আমি বৃন্দাবনে ব'সে খাই, ঠাকুর দর্শন
করি ।

উপেন্দ্র । এই না তুমি বিষয় রক্ষা করবার জন্তে
আমায় অনুরোধ ক'রছিলে ? আমার হাত
নেই, তুমি যা পারো টেনেটুনে রাখো, যদি
কিছু থাকে ঠাকুরসেবা চ'লবে । ওরাও যখন
মারামারি-কাটাকাটি ক'রে ফতুর হবে, তাই
থেকে যদি দু'মুঠো দাঁও—খেতে :পাবে । নইলে
সব যাবে । এখন দেখো—তোমার বা খুসী
করো ।

(দুই রগে পান দিয়া তরঙ্গিনীর প্রবেশ)

তর । হ্যাঁগা—তোমাদের জালায় মানুষ কাশীবাসী
হয়েছে, এখানে গাড়ী ভাড়া ক'রে এসেছ—
জালাতন করতে ।

বিরজা । জালাতন ক'রবো কেমন ক'রে ?—
তুমি আগে এসে আগলেছ ? মেজো বউ,
তোমার লজ্জা নাই—সরম নাই,—ছেলেকে
ফুস্লে ফাস্লে সংসারটা ছায়েথারে দিতে
ব'সেছিস্ ?

তর । আর তুমি সব বজায় রাখতে ব'সেছ ?
তুমিই তো লাগানি-ভান্ধানি ক'রে দেশত্যাগী
করিয়েছ । “ভাই ভাই” ক'রে তো মম্বতে

সেছিলো, এখনো মনকামনা পূর্ণ হয় নাই—
তাই এখানে এসেছ ।

বিরজা । মনকামনা পূর্ণ আমার হবে না কেন—
তোমার হয় নাই, এখনো তোমার দেওর
মরে নি, এখনো আমি বেঁচে আছি;—আমার
বিষয়ে ভাগ আছে, এখনো যা হোক উপেনের
হাড় কথানা খাড়া আছে, এখনো তোমার
পুরো গিন্নী হয় নি ।

তর । তোমার মুখে আগুন লাগুক—মুখ গুড়ে
যাক—অকথা কুকথা ব'লে গাল দিতে এসেছ ।
আলালের ঘরের ছলান মোনাকে সর্ব্বদা দিতে
পারনি ব'লে হিংসের ফেটে ম'চ্চ ? বাড়ীর
গিন্নী—বাড়ীর কল্যাণ করেন !

উপেন্দ্র । তুমি দাড়িয়ে কি শুনছ ? আমি তোমার
না যেতে বললে যাবে না । তা থাকো—হু'জ-
নার ঝগড়া করো । মেজো বউ, শোনো, যদি
এখান থেকে তুমি বিদেশ না হও, আমি বিদেশ
হ'লুম । হয় তোমরা হু'জনে বিদেশ হও, নয়—
আমি চল্লুম ।

তর । বিদেশ আর কি—বিদেশ তো হয়েছেই আছি,
ভাল কথা বলতে এসেছিলুম—মন্দ হ'লো ।
তা কি পরামর্শ করবে করো দেওর-ভেজে—
আমি চ'লে যাচ্ছি । আমার নীরে বেঁচে
থাকুক, এক মুটো অন্ন দেবে, কারো পিতেশী
আর আমি নই বে, 'বড় দিদি—বড় দিদি'—
ক'রে বাদীগিরি করবো ।

বিরজা । না, তোমার সে দিন কেটে গিয়েছে । তাই
রগে পান দিয়ে ঝগড়া করতে এসেছ । এখন
মনোবাঞ্ছা যা আছে, তা মায়ে বেটার পূর্ণ করো ।
তবে তোমার বেটাকে ব'লে আনার বখ'রা
আমায় দিইয়ে দাও । আমি ঠাকুরবাড়ীতে
পড়ে থাকবো, তোমাদের ছান্না মাড়াতে আসবো
না ।

তর । ইস্—তা হ'লে তো সব হেজে যাবে—
ম'জে যাবে ! গিন্নী—গিন্নীত্ব করবেন না !
তোমার আবার বিষয় কি, তুমি তো সব
দিরেছ । বিধবা মেয়ে মানুষের আবার বিষয়
কিসের ? শূর্ণগা হ'লে তো সব জালিয়ে
গুড়িয়ে খেয়েছ ।

বিরজা । উপেন, আমি চল্লুম ।

উপেন্দ্র । আমিও চল্লুম ।

তর । কেন গো—কেন গো—তোমাদের যেতে
হবে কেন ? --আমি যাচ্ছি, পরামর্শ আঁটো ।

[তরঙ্গিনীর প্রস্থান ।

উপেন্দ্র । দেখলে, এখন যা ইচ্ছা হয় করো ।

[উপেন্দ্রের প্রস্থান ।

বিরজা । কালীনাথ, অপরাধ নিও না, আমি আর
কারো মুখ চাইবো না ।

[প্রস্থান ।

তৃতীয় গর্ভাক্ষ ।

কুমুদিনীর কক্ষ ।

শরৎ ও কুমুদিনী ।

শরৎ । আজ থেকে আমি এ বাড়ীতে আর আসবো
না । তোমার যা যে আমায় দেখলেই ঝগড়া
করবেন, আর আমি তোমার খোসামোদ করতে
আসবো—তা হ'চ্ছে না । আমার চাও, এ বাড়ী
থেকে বেরিয়ে চল ।

কুমু । কোথায় যাব ?—তোমার এক পরসার মুরোদ
নেই ।

শরৎ । চল—আমি ঘর ভাড়া ক'রেছি ।

কুমু । ঘর তো ভাড়া ক'রেছি—আমার পেট
চালাবে কে ?

শরৎ । গয়নার বাক্স নিয়ে চল, বেচে কিনে একটা
কারবার করবো । আমিও বাড়ী ছেড়ে—মাগ-
ভাতারের মতন হু'জনে থাকবো ।

কুমু । তুমি কারবার করবে ! এই তিন বার ভারি
ভারি গয়নাগুলো নে গিয়ে কারবার করলেন !
আর আমার আছে কি ?

শরৎ । যা আছে—এখন' ঢের আছে—নে ।

কুমু । ঐ ক'খানা পেলে বাঁচ বুঝি ?

শরৎ । বাঁচা মরা কি ? সে গয়না বেচে কি আমি
কারবার করেছি ? সে তো তোরে বলেইছি
—আমি খরচ করেছি । মাইরি বলছি—এবার
কাজকর্ম্মে মন দেবো ; হাজার দুই টাকা পেলে
করবার কারবার ক'রে দু'দিনে ফেঁপে উঠবো ।
তা'হ'লে তোমার ঘরে আর মানুষ জন আনতে

হবে না, আমারও কারো মোগাহেবি করতে হবে না ।

কুমু । না ভাই, তুমি যেমন আসছো—এসো ।
তুমি যখন আসবে, যে থাকুক, আমি উঠিরে দেবো, আমি তোমার সঙ্গে যাবো না ! শেষে কি ভিক্ষে করবো ?

শরৎ । তবে তুমি আমার চাও না ?

কুমু । সে তুমি যা বলো, আমি আর গয়নাগাটি বেচবো না ।

শরৎ । ওঃ ! বুঝেছি—বুঝেছি—জবাব দিচ্ছ, তা স্পষ্ট ক'রে বল্লেই তো হয় !

কুমু । এর আর স্পষ্টাঙ্গটি কি ? আমি কি মজবো ?
এই ফোজদারী হওয়া থেকে কোন বড়মানুষের ছেলে তো তোর ভয়ে আমার ঘরে আসতে চায় না । আর ৯টা না বাজতে বাজতে তো তুই আমার ঘরে এসে বসবি ।

শরৎ । আর আমার এই বুকের উপর দে' বে বাগান মার্চ ? আমি এক দিন একটা কথা বলোছি ? আমি আপনিই স'য়ে থাকি । যদি আমার সঙ্গে আলাপ রাখতে চাও, চলো, গয়নাগুলি বেচে কয়লার কারবার করি, হু'জনে থাকি । আর না চাও—এই পর্য্যন্ত ।

(কুমুদিনীর মাতার প্রবেশ)

মাতা । হ্যাঁগা—তুমি কেমন ভদ্রলোকের ছেলে গা,
মেয়ে মানুষটাকে পথে বসাতে ব'সেছ ? আবার গয়না নিতে এসেছ ?

কুমু । খুব ক'রেছে, তোর বাবার কি ? হারামজাদী বেরো—

মাতা । হ্যাঁ লো হ্যাঁ—বেরোবো বই কি ? পিরীত ক'রে টুকুনি নিয়ে দোরে দোরে ঘুরবি ।

কুমু । দূর হ'—হারামজাদী, নইলে খোঁটিয়ে মুখ ছিঁড়ে দোব ।

(হীরা বোবালের প্রবেশ)

হীরা । আরে থামো থামো—ঝগড়া রাখো—শরৎ চ'লে এসো—দাঁও আছে—একটা দাঁও আছে ।

শরৎ । কি রকম—কি রকম ?

হীরা । আরে এসো না বলছি—গোটা কতক মেয়ে মানুষ যোগাড় করতে হবে । ঐ মোনা একটা দাঁও খেলেছে, চলো না—গুনবে ।

শরৎ । চলো ।

হীরা । গোটা আঠেক ছুঁড়ী যোগাড় করতে হবে ।

শরৎ । তার আর ভাবনা কি ? (কুমুদিনীর মাতার প্রতি) ওগো—আজ থেকে বিদেয় হ'লেম বাছা, আর তোমাদের বাড়ীতে আসছি না ।

কুমু । কেন আসবিনি—কেন আসবিনি ? আমি তোরে কি বলেছি ?

শরৎ । কে বাবা—এ কচ্‌কটির ভেতরে আসে !
[হীরা ও শরতের প্রস্থান ।

কুমু । (মারের প্রতি) দেখ, হারামজাদী, শরতা যদি না আসে, তোকে আমি বাড়ী থেকে দূর ক'রে দেবো ।

মাতা । তা দিবি বই কি,—তা না হ'লে পিরীত চলবে কেমন ক'রে ?

কুমু । তবে রে হারামজাদী ! এই কাশা বৈরাগীকে নিয়ে তুমি পিরীত করো না ! ঝাঁটা মেয়ে মুখ ভেঙ্গে দেবো ।

মাতা । তা দিবি বই কি ? পোড়ারমুখী, আসিতে নিজের মুখ দেখতে পাও না ? “দাদ—দাদ” ব'লে আর কত দিন চলবে ! রং ঢাকা দিয়ে আর ক'দিন ঢাকবি ! যখন সর্ব্বাঙ্গ ছেয়ে বেরবে, শরতা কোথায় থাকে—দেখবো ।

কুমু । দাদ নয় তো কি রে হারামজাদী, তোর চোখে আঙুন লাগুক ।

মাতা । তুই মর—মর,—তোর বাড়ী আমি থাকতে চাইনে ।
[প্রস্থান ।

কুমু । বেরো বেটি !

[প্রস্থান ।

চতুর্থ গর্তাঙ্ক ।

শৈলেন্দ্রের কক্ষ ।

শৈলেন্দ্র ও সুরোজিনী ।

শৈলেন্দ্র । আমিও পথে বসলুম, তোমাকেও পথে বসালুম । নীরো আমার সর্ব্বনাশ করেছে ।

সুরো । তা তুমি ভেবো না, দিন এক রকম ক'রে যাবে । আমি রাখ্‌বো বাড়বো—তোমার সেবা করবো—তোমার কোন কষ্ট হবে না । একখানি গাড়ী রেখো—বেড়াবে—একটা চাকর

সৈথো—আইরের কাজকর্ম করবে—তা হ'লে তোমার কষ্ট কি ?

শৈলেন্দ্র । কি হয়েছে—তুমি জানো না, তাই বলছি—কষ্ট কি ? আমি পথে বসেছি ।

সরো । কেন—কেন—তোমার তো বখরা আছে, বখরা তো পাবে ?

শৈলেন্দ্র । বখরা কবে হবে, তা জানি নি ; এখন নীরের কাছে লাথের উপর দেনা হয়েছে, আমার কবে জেলে দেয় ।

সরো । কেন—তুমি তো এক পরসাত্ত ওর কাছে ধার করো নি, ওই বরং তোমার কাছ থেকে টাকা নিয়ে গিয়েছে ।

শৈলেন্দ্র । কি করেছে জানো ? আমার তো ফন্দি ক'রে মার খাওয়ালে । তার পর রাতদিন সেবা, খুনি মকদ্দমা—আমার কাছে নাকে কেঁদে বলতো, “কাকাবাবু, খুনি মকদ্দমা, আমার কাছে টাকা নাই, বাবা টাকা দিতে চাচ্ছেন না, কি করবো ?” আমি হ্যাণ্ডনোটে ধার করতে চাইলুম, তা কি করলে জানো ?

সরো । কি করলে ?

শৈলেন্দ্র । শোন মতলবখানা, আমার বলে কি জানো ? “আমি তোমার নামে কতকগুলো টাকা হ্যাণ্ডনোটে স্বদে খাটিয়েছি ; সেই হ্যাণ্ডনোটগুলোর পিঠে তুমি সই ক'রে দাও, আর তোমার কাছে যারা ধার করেছে, তাদের হ্যাণ্ডনোট যদি তোমার কাছে থাকে, তাতে সই ক'রে দাও, আমি সেইগুলো বাঁধা রেখে টাকা যোগাড় করছি । আমি বিছানায় পড়ে, অত ফন্দি বুঝতে পারি নি—সই ক'রে দিয়েছি ।

সরো । হ্যাঁ হ্যাঁ, আমার উঠে যেতে বলতো, কি সই করতে বটে । তা—তাতে কি হয় ?

শৈলেন্দ্র । সেই সমস্ত হ্যাণ্ডনোটের টাকা আমার কাছে আদায় করবে ।

সরো । কি ক'রে ?

শৈলেন্দ্র । বলছি, কিন্তু তুমি তা বুঝতে পারবে না ।

তবু—বলছি শোন—কত বড় ফন্দিতে শোন—

সরো । এর কি কোন উপায় নেই ?

শৈলেন্দ্র । কি করেছে শোন—বলেছিল যে, আমার নামে টাকা ধার দিয়েছে—সে মিছে কথা । মোটাকতক ঝরাটে ছোঁড়া নিয়ে, তাদের কিছু

কিছু দিয়ে হ্যাণ্ডনোট সই করিয়েছে । তাদের কাছে তো টাকা আদায় হবে না, ও এখন আদালতে বলতে চাচ্ছে যে, আমার কাছে যেন হ্যাণ্ডনোট কিনে নিয়েছে । তাদের কাছ থেকে টাকা আদায় করতে পাচ্ছে না, আমার কাছ থেকে টাকা আদায় করবে । আমি সে টাকার জামিন হয়ে পড়েছি ।

সরো । তুমি কি সে সব বেচেছ ?

শৈলেন্দ্র । বেচবো কেন—বলুম তো—বুঝতে পারবে না । এই শিবু উকীলকে দিয়ে আমার ঠেঁয়ে একখানা চিঠি নিয়েছে, আমি যেন মকদ্দমা-ধরচার জন্তে হ্যাণ্ডনোটগুলো নীরেকে বেচেছি । মোনা আমার এলোছিলো, আমি বিশ্বাস করি নাই, আজ নীরো উকীলের চিঠি দিয়েছে—সেই চিঠি পড়ে দেখি—এই সর্বনাশ !

সরো । তুমি কি করবে মনে করছ ?

শৈলেন্দ্র । মনে করছি, এ বাড়ীর অংশ বেচে এখান থেকে চ'লে যাব । নীরে দিন দিন আমাকে যে রকম বিপদে ফেলবার চেষ্টা করছে, তাতে আর এখানে থাকতে সাহস হয় না । আমার Share বেচলে নগদ টাকা কিছু হাতে পাব, তাতে শিবু উকীলের courtএর দেনা কতক চুকবে, আর কিছু টাকা দিয়ে তাল-তলায় এখানি বাড়ী দেখে এসেছি, তোমার নামে কিনবো ! সেইখানে গিয়ে থাকবো । তবে টাকা-কড়ি সব আদালত থেকে আটক হয়েছে । পেট চলবে কিসে, সেই এক ভাবনা ।

সরো । আচ্ছা—আমার কত টাকার গয়না ?

শৈলেন্দ্র । বেচলে হাজার পাঁচ ছয় হবে ।

সরো । তাতে মুদিখানার দোকান হয় না ?

শৈলেন্দ্র । এই যে—তুমি একটা রোজগারের উপায় শিখেছ দেখছি ।

সরো । কেন কেন—তাতে দোষ কি ? আমি মোনার ঠেঁয়ে শুনেছি, খেটে খেতে দোষ নাই, মোনা মিথ্যে কথা কর না ।

শৈলেন্দ্র । তাই মোনাতে তোমাতে মুদিখানার দোকান ক'রো ।

সরো । তুমি না বলে কেন করবো ?

শৈলেন্দ্র । তোমার কথা শুনে আমা' বুক ফেটে যায় ।

সরো। আমার মাপ করো, আমি আর কিছু বলব না।

শৈলেন্দ্র। শোন সরোজিনী; তোমার মত নির্মল স্ত্রী হয়, আমি স্বপ্নেও জানুতেন না; আমি রত্ন চিন্‌লুম—কিন্তু শেষে। এই রত্ন আমার খুলোয় লুটাবে। এ খেদ আমার রাখবার ক্ষমতা নেই। তুমি সিংহাসনের যোগ্য, তোমার আমি বুদ্ধির দোষে পথে বসালুম। আমার ধিক্!

সরো। কেন তুমি এমন কচ্ছ—আমি তো পথে বসিনি! তুমি ভেবো না, দিদি বলতেন, মোনা বলে,—যে ধর্ম পথে থাকে, ধর্ম তার রাত ছপরে অন্ন জোটান! তুমি তো কখন অধর্ম করোনি! আমিও অধর্ম করিনি,—আমি কখনো মিথ্যে কথা কইনি,—আমরা হুঃখ পাবো না, তুমি ভেবো না।

শৈলেন্দ্র। অধর্ম করিনি?—তোমার ফেলে কাল-সাপিনীকে বুকে নিয়েছি; দেবতা সাক্ষী করে তোমার বিবাহ করেছি, তোমার ভার নেবো অঙ্গীকার করেছি, সেই অঙ্গীকার ভঙ্গ হয়েছে,—আমি অধর্ম, নীরের চেয়েও অধর্ম। নীরে আপনার স্বার্থ দেখে, আপনার স্ত্রীকে পথে বসায় না। আমি অলস, আমোদপ্রিয়। আমি তোমার সর্বনাশের হেতু।

সরো। তুমি কেন এমন কচ্ছ, শুনেছি—বয়েস-কালে এমন সবাই করে। দেখ—আমি কিছু মনে করান, তোমার পা ছুঁয়ে বল্‌চি।

শৈলেন্দ্র। যদি আমার কেউ জিজ্ঞাসা করে যে, সকলের চেয়ে পাপী কে? আমি উত্তর কি দিই জানো, যে আমোদপ্রিয়, ব্যভিচারী, সেই মহাপাপী। ব্যভিচারী চোর হয়, খুনে হয়, বংশের পিণ্ডদাতা সন্তানকে রোগগ্রস্ত করে, নিজে কলুষিত হয়, স্ত্রীকে কলুষিত করে, সন্তানকে কলুষিত করে, বংশের ধারা কলুষিত করে। কিন্তু আর উপায় নেই—আক্ষেপে ফিরবে না।

সরো। শোন শোন—আমি উপায় ঠাউরেছি। এসো এসো—রাধাবল্লভজীর কাছে চলো—আমরা দুজনে রাধাবল্লভজীর কাছে হুঃখের কথা জানাই—রাধাবল্লভজী উপায় করবেন, সত্যি বল্‌চি—সত্যি বল্‌চি। দিদি বলতেন

শোন নি?—আমাদের সব ঠিকিঁয়ে নিয়েছিল! রাধাবল্লভজী আবার পাইয়ে দিয়েছেন। এসো—এসো।

[শৈলেন্দ্রের হস্ত ধরিয়া—সরোজিনীর প্রস্থান।

পঞ্চম গর্তাঙ্ক।

উপেক্ষের বাটী।

নীরদ ও ফুলী।

নীরদ। শোন্—শোন্—

ফুলী। শুন্বো কি—তোমার সঙ্গে আলাপ করতে আসি কি না, তাই শুন্বো?

নীরদ। তবে কার সঙ্গে আলাপ করতে এসো—মন্মথর সঙ্গে?

ফুলী। হাঁ, মন্মথর সঙ্গে,—তার চাল নাই, চুল নাই—মন্মথর সঙ্গে।

নীরদ। তবে কার সঙ্গে শুনি।

ফুলী। কেন, ছোটবাবুর সঙ্গে। যার তোমাদের বিষয়ের ছবখরা। বড়গিন্নীর বিষয়ের এক বখরা। সে এখন তার মেরেমানুষ ছেড়েছে, আমি যদি জুটতে পারি, মানুষ হয়ে যাবো।

নীরদ। হাঃ হাঃ—

ফুলী। হাসলে যে?

নীরদ। ছোট বাবু পথে বসেছে—তার এ বাড়ীর অংশ আমি কিনেছি, তাকে এখান থেকে উঠে যেতে হবে।

ফুলী। উঠে যেতে হবে কেন? বড়মার বাড়ীর অংশ বড়মা তাকে দেবে।

নীরদ। তুই বুঝি তাই মনে করেছিস? সে হবে না—সে হবে না। সে কাকা বাবুতে বড় মা'তে মন-ভাঙ্গাভাঙ্গি হয়ে গিয়েছে। আর বড়মা'র বিষয়?—সে এখন মকদ্দমা চলুক, তার পর নেবে। বড় মা বাবাকে সব লিখে দিয়েছে।

ফুলী। লিখে দিয়েছে বই কি? আবার তোমার বাপ উঠে তোমার বড় মা'কে লিখে দিয়েছে।

নীরদ। তুই কি করে জানলি? মন্মথ ব'লেছে বুঝি?

ফুলী। হাঁ, মন্মথ ত ব'লেছে।

নীরদ। এ সব কথা মন্মথর সঙ্গে হয় বুঝি?

ফুলী। হয় বই কি, সে যে আমার ভোলায়। বলে
—আমি বড় মা'র বিষয় পাবো, তোরে দেবো।
আমি সে ভোলবার মেয়ে নই। আমি একটা
দাঁও মারব ব'লে এত দিন অপেক্ষা ক'ছি, নইলে
কত লোক সাধাসাধি ক'চ্ছে।

নীরদ। তাই ছোটবাবুর কাছে দাঁও মারবে মনে
ক'রেছ? তা সে জো নাই—সে জো নাই—
বাড়ী তো নিরেইটি, আর মন্মথকে জিজ্ঞেস
করিস,—আমি তার সব হ্যাণ্ডনোট এন্ডোস্
ক'রে নিয়ে তারে ভাসিয়েছি। তুই তো লেখা-
জানিস—বুঝিস তো? আমি সেই হ্যাণ্ডনোটের
টাকা তার কাছে আদায় করবো—বুঝেছিস?

ফুলী। হ্যাঁ—হ্যাঁ—ওনেছি বটে। আমি চল্লুম।

নীরদ। চল্লি কেন—চল্লি কেন—শোনু না? তুই
বড় মানুষ হ'তে চাস? আমার সঙ্গে আলাপ
কর—আমি তোর ভাল ক'রে দেবো।

ফুলী। হাঁ, তুমি আমার ভাল করবে! তোমার
শরীরে ভালবাসা আছে?

নীরদ। তুই যে বিশ্বাস করিস নি—আমি তোরে
ভারি ভালবাসি, এক দিন যদি তোরে না দেখি,
আমার প্রাণ কেমন কর্তে থাকে! সত্যি ফুলি,
আমি তোর জন্তে মরি।

ফুলী। তুমি কারো জন্তে মরো না, তোমার কথা
আমি বিশ্বাস করি না।

নীরদ। কি হ'লে বিশ্বাস করিস?

ফুলী। সত্যি কথাটি বলো দেখি, মন্মথর সঙ্গে বড়
ক'রে আমার দম্ দিচ্ছ কি না?

নীরদ। কি দম্ দিলুম?

ফুলী। কি দম্ দিলে? ছোট বাবু এমনি আনুগা,
তোমায় সব সই ক'রে দিলে—নর? তোমার
বাপ্ যা তোমায় তেজ্য পুতুর করবে—তুমি
আমার ভাল ক'রে দেবে!

নীরদ। কে বললে রে—কে বললে রে?

ফুলী। সে যে বলুক; বড় মা আর কি কর্তে কাশী
গিয়েছেন? আমি তাঁর সঙ্গে দেখা ক'রে জিজ্ঞেস
কর্তে এসেছিলুম,—“কি হ'লো?” তা—তিনি
তো করেন নাই। আমি ছোটবাবুর বাগানে
চল্লুম।

নীরদ। চল্লি কেন—চল্লি কেন—শোনু না!
কি চাস বল না, আমি দিচ্ছি।

ফুলী। তোমার কথাই আমার বিশ্বাস হয় না।
তুমি কি কম দম্ দিচ্ছ আমার দিচ্ছিলে।

নীরদ। তুই তবু বলবি দম্?

ফুলী। দম নর?—আমি পড়তে জানি, তুমি আমার
হ্যাণ্ডনোট দেখাতে পারো?

নীরদ। দেখাতে পারি, তুই দাঁড়া।

ফুলী। অনেকক্ষণ কথা ক'ছি, আমি চল্লুম,—
লোকে কি বলবে! যদি দেখাতে পার, আর
হাজার টাকা দাও,—তুমি যা বলো শুনি।

নীরদ। আচ্ছা, আজ রাতে তুই আমাদের সিঁথির
বাগানে যাস, শেমো তোরে গাড়ী ক'রে নিয়ে
যাবে। সেইখানে টাকা দেবো, আর হ্যাণ্ডনোট
দেখাবো।

ফুলী। আমি সে মেয়ে নই, আমি কারদার ভেতর
যাব না। যদি আলাপ কর্তে চাও, তোমাদের
শিবের মন্দিরে যে অতিথির ঘর আছে, সেখানে
আলাপ কর্তে পারি—সেখানে লোকে দেখ-
লেও আমার কিছু বলবে না, সেখানে হামেসা
যাওয়া আসা করি। আর তুমিও তো যাও,
রাত ১০ টার পর দেখা করবো।

নীরদ। এই কথা তো?

ফুলী। আমার কথা ঠিক, তুমি ঠিক থাকলে হয়।

[ফুলীর প্রস্থান।]

নীরদ। বেটীকে একবার বাগে পেলে হয়, বেটী ভারি
পাজী। হ্যাণ্ডনোটগুলো দেখিয়ে বেটীর বিশ্বাস
ভাঙাবো; টাকা চাইলে বলবো উকীলকে
দিতে হইবে, হাতে টাকা নাই, কা'ল দেবো।
টাকা শো থানিক দিলেই বেটী বিশ্বাস করবে।
বেটীর কি চমৎকার ছটি ঢল্ঢুলে চোখ!

(তরঙ্গিনীর প্রবেশ)

কি না, কি হ'লো?

তর। দিলে না! তার উপর তোমার বড় মা'র
ভাংচি,—সে বাড়ী ছেড়ে বেরিয়ে চ'লে গেল।
চাকরেরা ব'লে, কোথা রেল-ভাড়া ক'রে
যাচ্ছে।

নীরদ। থাক, আমি ঠিক ক'রে দিচ্ছি। আমি
পাগল হ'য়েছে ব'লে দরখাস্ত লিখে রেখেছি,
কা'ল আদালতে দাখিল ক'র্বো।

তর। তুই দরখাস্ত ক'রে কি করবি? কোম্পানীর

কাগজগুলো যে তার ঠেঁয়ে—তুই কি ক'রে বা'র করবি ?

নীরদ । সে ব্যাঙ্কে জমা আছে—সে ব্যাঙ্কে জমা আছে । সে ঠিক হবে এখন । আর তারে পাগল সাব্যস্ত করতে হবে ; নইলে বড় মা যদি মকদ্দমা করে, তা'হলে বড় মা'র অংশটা বা'র ক'রে নিতে পারবে ।

তর । ওরে পাগল ব'লে কি হবে ?

নীরদ । জান না—দানপত্র ফিরিয়ে দে গেছে । আমি বল্‌বো—পাগল হয়ে এই কাজ ক'রেছেন, আদালত তা বিশ্বাসও করবে, খাম্কা খাম্কা কেউ বিষয় ফিরিয়ে দেয় ।

তর । ঠিক হয়—ঠিক হয়, যদি করতে পারিস, তা হ'লে বড় গিন্নীও জব্ব হয়—ও-ও জব্ব হয় ।

নীরদ । মা, তুমি রেল থেকে এসেছ, ঠাণ্ডা হও গে, আমি সব ব'ল্‌বো এখন ।

[তরঙ্গিনীর প্রস্থান ।

টাকার ভারি দরকার । শিবু উকীল যদি মোনাকে বাগিয়ে শরতের হাওনোট ছ'খানা হাত ক'তে পারে, তা'হলে এক টিলে দুই পাখী,—ফাক্তালে কিছু টাকা পাওয়া যায়,—আর শরতা ব্যাটাও একটু জব্ব হয় । পারবো কি ? দেখা যাক্, বুদ্ধিবলে কি না হয় !

(হীরা ঘোষাল, মন্থথ ও শিবু উকীলের প্রবেশ)

মন্থথ । এই তো নীরোদা র'য়েছেন, কি বল্‌ছেন—বলুন ?

হীরা । তুমি তো ভারি বোকা, নগদ টাকা পাচ্ছ—নিরে যাও না । তুমি কি শরতের কাছে কিছু আদায় করতে পারবে ?

মন্থথ । না, পারবো না—নীরো দাদা কাঁচা ছেলে কি না ? তাই টাকা দিয়ে শরতের হাওনোট ছ'খানা নিতে চাচ্ছেন ? উনি সন্ধান পেয়েছেন, শরৎ রিভার্গন রাইটে দশ পনের হাজার টাকার বাড়ী পেয়েছে, তবে হাওনোট কিনতে চাচ্ছে । আমি ছ'খানা ছোটবাবুর কাছে বাগিয়ে এমডোস' ক'রে নিয়েছি, আমি ও ছ'খানা দেবো না, আমি শরতের বাড়ী বেচে আদায় করবো ।

শিবু । সে নানান নটখটি—তা জানো ? মকদ্দমা ক'রে আদায় করা তোমার কৰ্ম নয় । মকদ্দমা

খরচা কত ? বাড়ী পেয়েছে—খীকার করি । তুমি ডিক্‌লারি ক'রে, attach ক'রে, বেচে কিনে নিতে পারবে ? সে খরচা জোটাতে পারবে ? তা চেরে নগদ টাকা পাচ্ছ—নিরে নাও ।

মন্থথ । কত টাকা দেবেন ?

নীরদ । ছ'হাজার টাকা নে ।

মন্থথ । আমি ও পুড়িয়ে ফেল্‌বো—দেবো না ।

শিবু । আচ্ছা—আচ্ছা—চার হাজার টাকা নাও ।

মন্থথ । পাঁচ হাজার টাকা দেন—অর্ধেক ক'রে দেন ।

শিবু । ওহে—নাও গে যাও—চার হাজার টাকা—চের হয়েছে । হাইকোর্ট স্যুট—পাঁচ সাত হাজার টাকা খরচা প'ড়ে যাবে—কোথায় পাবে ?

হীরা । বোকা—বোকা,—বল্‌লে বুঝবে না—বল্‌লে বুঝবে না !

মন্থথ । আমি কিন্তু নগদ টাকা নেবো ।

শিবু । আচ্ছা আচ্ছা, তাই হবে । আমার অফিসে নিয়ে যেও ।

মন্থথ । কখন ?

শিবু । কা'ল ১০টার সময় ।

মন্থথ । আমি কিন্তু চেকটেক নেবো না, নম্বর নোটও নেবো না, নীরো দাদা আবার নোটের নম্বর আটক ক'রে দেবেন ।

নীরদ । অ'্যা—এমনি আর কি !

মন্থথ । না—তুমি সব পার । এই যে শরতাকে নোট দিয়েছিলে, তার নম্বর আটক ক'রে দিয়েছিলে ।

নীরদ । সই ক'রে দিবি তো ।

মন্থথ । না—তা করবো না ।

শিবু । ও ছোট বাবুর Blank endorse আছে ; সই করতে হবে না । তবে ঠিক রইল ।

মন্থথ । হ'্যা । [মন্থথের প্রস্থান ।

নীরদ । কি বুঝতে পারলুম না ব্যাপার কি ।

শিবু । ব্যাপারটা কি জানো, শরতকে ছোট বাবু পাঁচ হাজার ক'রে ছ'বারে দশ হাজার টাকা ধার দেন, সেই হাওনোট মন্থথ কি জানি কি ক'রে সই ক'রে নিয়েছে ।

নীরদ । তা হ'লে সব হাওনোট ছোটকাকা আমার সই করে দেয়নি ? কি পাকি দেখেছ ! আরও হাওনোট ছিল ।

শিবু ! তাই তো দেখছি ! তার পর শুধুন, এখন মোনা কি ক'রে সন্ধান ক'রেছে, শরৎ তার মার বাপের বিষয় পেয়েছিলো, যা মারা গেছে, ও এখন সেই টাকা আদায় ক'রতে আমার কাছে গিয়েছিল। আমি আপনাকে ব'লে গেলুম না, একটা দাঁও আছে ? ও সেই ছ'খানা হ্যাণ্ডনোট। হীরা। শিবু বাবু, ঐ হ্যাণ্ডনোট ছ'খানা পেয়েই নালিশ ক'রে দেবেন। শরতা বেটা নীরো বাবুকে যাচ্ছেতাই ব'লে গালাগাল দেয়। আবার শাসায়—বাগে পেলেই খুন ক'রো।

শিবু। ঐ বিষয়টা পেয়েছে কি না ! তাইতে নফর-চপর হচ্ছে। ঐ attachment before Judgement ক'রে আমি শীল ক'চ্ছি। নীরদ বাবু, কাল যেন টাকাটা পাই। তা না হ'লে ছোঁড়া আবার অন্য কোন উকীলের কাছে বাবে, সে নিজে খরচা দিয়ে ওর হরে মোকদ্দমা ক'রো।

নীরদ। শরতা ব্যাটাকে জব্দ করতে পারলে হয়, ব্যাটা আমার ফাঁসাবার যোগাড় করেছিল।

হীরা। ওঃ, গা'ল বে দেয় ! একবার বাড়ীখানা শীল করুন তো তা হ'লে ব্যাটার একবার গা'ল বুঝি।

শিবু। ব'স্বো কি ? চেক একখানা দেবেন ?

নীরদ। দেখি, অত টাকা ব্যাঙ্কে হবে কি।

[নীরদের প্রস্থান।

হীরা। শিবু বাবু, মোনা পাঁচশো দেবে ব'লেছে, আপনিও পাঁচশো দেবেন, শৈলেন বাবু ফেল্ হওয়া ইস্তক তেমন কোথাও কিছু হাত লাগছে না।

শিবু। আচ্ছা আচ্ছা, হবে, মকদ্দমাটা বাদাই না। নীরো বাবু বড় চালাক, কিছু আদায় করতে হবে।

হীরা। কি ক'রে—কি ক'রে ?

শিবু। দাঁড়াও না, আগে affidavit ক'রে আদালতে ছ'খানা হ্যাণ্ডনোট ফাইল করি। এই-বার ত্রীমানকে ত্রীধর দেখতে হবে, নয় বা চাইব, তাই দিয়ে মেটাতে হবে। ছ'খানা হ্যাণ্ডনোটই জাল, মোনা খুব বুদ্ধি ক'রে নতুন ধরনের জাল ক'রেছে। আর যে বাড়ীর লোভে নীরদ-চন্দ্র হ্যাণ্ডনোট ছ'খানি কিন্চেন, সে বাড়ী অনেক

দিন বিক্রী হ'য়ে গেছে। লোকে খিদের চোটে পাটকেলে কামড় দেয়—এ তাই।

হীরা। শিবু বাবু, এদের গতক বড় ভাল নয়, এই সময় বা কিছু পাওয়া যায়, হাতিয়ে নাও। নিতাই উকীল যে রকম লেগেছে, বড় বউয়ের বিষয় কেয়ালো না ক'রে ছাড়ছে না।

শিবু। আমি আর তা ভাবছিনি ? বড় বউকে দশ বছরের আয়ের ভাগ দিতে ছ'পক্ষই জেরবার হ'য়ে পড়বে।

হীরা। তা হ'লে শৈলেনের খরচা যে আপনি ঘর থেকে চালাচ্ছেন, তার কি হবে ?

শিবু। বাড়ীর share বেচে কিছু দিয়েছিল, আর যা বাকী আছে, তার একটা উপায় করতে হবে।

হীরা। তা হ'লেই হলো, তা হ'লেই হলো। আমি আপনাকে প্রথম জুটিয়েছিলুম। আপান ফাঁকে পড়লে আমার কলঙ্ক হবে—কলঙ্ক হবে।

(শ্রামার প্রবেশ)

শ্রামা। বাবু বল্লেন, উনি টাকা আ'নার বাড়ী পার্টিয়ে দেবেন।

ষষ্ঠ গর্তীক।

উপেক্ষের অতিথিশালার পশ্চাভাগ।

মন্মথ ও শরৎ।

মন্মথ। তোমার নামে শীগ্গির হ্যাণ্ডনোটের নালিশ হবে। তুমি জবাব দেবে, তুমি হ্যাণ্ডনোট দাঁও নাই—ও জাল।

শরৎ। তা আমি সই ক'রে কি ক'রে ব'লব যে জাল ?

মন্মথ। আরে তাতে তোমার কোন দর নেই, এ জাল মকদ্দমার বিচার কেবল সহ'ন'র হবে না। এর ভেতর একটা মজা আছে, য কাগজে হ্যাণ্ডনোট ছ'খানা লেখা, ও কাগজ স্বদেশী মিলের, মোটে মাস আষ্টেক হ'লে 'মল খোলা হ'য়েছে। আর তোমার হ্যাণ্ডনোট তারিখ হ'চ্ছে আড়াই বছরের আগের। এখন হ্যাণ্ডনোট সই ক'রেছে, ও কাগজ জন্মায় নি, ঐ কাগজই জাল ধ'রবে।

শরৎ। কিছু হবে ব'লতে পারো।

মন্মথ। জেল হবে।

শরৎ। আরে না না, আমি তা'র দিক দিয়ে যাচ্চিনে। নগদ রেশু কিছু চাই।

মন্মথ । কেন বল দেখি ? তুমি ও নীরদবাবুকে
জয় করবার জন্য খুব রোক ক'রেছিলে ?

শরৎ । ক'রেছিলুম বটে, এখন আর তা নাই ।
কুমী বেটার সর্ব্বদা কি বেরিয়েছে । তার
রোজগারের পথ বন্ধ হ'য়েছে । চার ধারে
দেনা, দাঁড়াতে পাচ্ছি না, কিছু চাই ।

মন্মথ । তা' যা চাও পাবে । নীরোদা' যখন
মেটাতে আসবে, বিশ, পঁচিশ, ত্রিশ, হাজার—
যা চাও, দিতে হবে ।

শরৎ । যা থাকে অদৃষ্টে, আমি ভাল ব'লবো—
আমার আর কি ?

মন্মথ । ছুঁড়ী টুঁড়ীগুলো এসেছে ?

শরৎ । সব মজুত,—আমিও মজুত । একবার
যদি চারে ফেলতে পার, উনি আর এড়াবেন
না । তা ছুঁড়ীদের কেন, আমরা ছ'তিন জন
হ'লেই তো ঠিক ক'রে দিতুম ।

মন্মথ । না, কে আবার ব'লে দিত । দেখো না,
ছুঁড়ীরা ঠিক করবে এখন । আর ছুঁড়ীদের
কেউ কোথাও চেনে না, পূজো দিতে এসেছে ।
তোমাদের দল দেখলে অবধূত চিন্তে পারতো ।
কি জানি, কি হ'তে কি হ'তো, এ ঠিক
হয়েছে । ও সিদ্ধেশ্বরীর বাচ্চাদের সাত
পুরুষে কেউ চেনে না ।

শরৎ । হুই রদা যা ঝাড়বো—তা আমার মনেই
আছে ।

মন্মথ । (স্বগত) আগে ছোটবাবু হাওনোটের
দায় থেকে বাঁচুক, তার পর ভাল মামলায়
ফেলে নীরদা'কে একবার বেড়াইলে ঘেঁরবো ।
বাছাধন কত কুটবুদ্ধি ক'রে কেটে বেরোন,
একবার দেখবো । (প্রকাশ্যে শরতের প্রতি)
চল হে চল, গা-ঢাকা হই, ঐ আসছে ।
(স্বগত) পার্টিসন্ সুট না মেটালে কিছুতেই
ছাড়বো না ।

[উভয়ের প্রস্থান ।

(অবধূত ও নীরদের প্রবেশ)

অব । এত রাত্রে কি ক'রতে যাচ্ছ বাবাজী ? আজ
বড় ফ'রাসাদ, স'রে পড়ো—আজ স'রে পড়ো—
কাল দিনের বেলায় এসো ।

নীরদ । দিনের বেলায় ফুর্তি হোক না' হোক,

না দেখলে শুন্লে যে অতিথির ঘরগুলো
প'ড়ে যাবে । আপনি শুন্ গে—আমি দেখে
শুনে আজ চ'লে যাচ্ছি ।

অব । সে কি ?—তা কি হয় ? চলো—আমি
তোমার সঙ্গে বাই ।

নীরদ । কেন—কেন—ভয় পাচ্ছেন অবধূত
ম'শায় ?

অব । আরে আজ ছ'রাক পরা উড়ে উড়ে এসে
ঐ বেলগাছে ব'সেছে ! বেঙ্গদত্যির আজ
বেটার বে—নাচ-গান করবে ।

নীরদ । না না—আপনাকে যেতে হবে না—
আপনাকে যেতে হবে না ।

অব । সে কি ?—তোমার মতলবটা কি । তুমি
কি পরীর রাজ্যে উড়বে না কি ?

নীরদ । (স্বগত) ভাল বেটা গাজখোরের পাল্লায়
প'ড়েছি । (প্রকাশ্যে) হ্যাঁ অবধূত ম'শায়,
ভুলে গেছি—বড় মা কানী থেকে এসে আপ-
নাকে কেন ডেকেছেন, বলেছেন এই রাত্রেই
দেখা করতে ।

অব । তুমি কেন বললে না—এ রাত্রে যাই কি
ক'রে ? আজ ছকুর রাত্রে বেঙ্গদত্যির বেটার
বে, আমার পুরোহিতগিরি ক'রতে হবে ।

নীরদ । সে এসে করবেন এখন, সে এসে
করবেন এখন ।

অব । না—সেটা কি ভাল দেখায় ? ও বেল
গাছটিতে অনেক দিন আছে, অনেক দিনের
আলাপ, মনে ছাপ কব্বে, সে ভাল দেখায় না ।

নীরদ । (স্বগত) এ ব্যাটাকে নিয়ে তো ভারি
মুন্সিলে প'ড়লুম ।

অব । বড় ধূমধামের বিয়ে বুঝেছ ? ডানা
লুকিয়ে সব ঝন্ ঝন্ ক'রে পরা এসে সঁধোলো ।
তারা সব খাওয়া-দাওয়া করবে । গোটা দশ
মোচাক ভেঙ্গে নিয়ে গেছে, মধু থাকবে ।

নীরদ । পরীতে মধু খায় বুঝি ?

অব । আর পাকা তেলাকুচো চোষে ।

নীরদ । তা বে দেবেন, আপনি কি পাবেন ?

অব । একটা মনসা-কাঠের ভায়কুণ্ড ।

নীরদ । তবে যাচ্ছেন না যে ?

অব । এই বাবাকে একটু তুরিতানন্দ দিয়ে,
বাবা ঝিমবে—আর আমি স'রে পড়বো ।

সায়দ । তবে তাই বান,—তবে তাই বান, আর
দেয়ি করবেন না ।

অব । দেখ,—তোমার যদি ওড়ার, তা হ'লে
মন্দিরের চক্ৰটা ধরবে ।

নীরদ । তাই করবো—তাই করবো ।

অব । আর যদি হুঁ ঝাড়ে, কাছা খুলে কাপড় বেড়ে
পরবে ।

নীরদ । যে আজ্ঞে, তাই করবো—তাই করবো ।

অব । আর যদি কোন বেটা বে করতে চায়, তার
মা বেটার কান ছটো ধ'রে মুচড়ে দেবে ।
বুঝলে—আমি চল্লুম,—বাবাকে শয়ন দি'গে ।
(অগ্রসর হইয়া) আর যদি মধু খাওয়াতে চায়
—ছটো ঢেকুর তুলবে ।

(অগ্রসর হইয়া ফিরিয়া গিয়া)

নীরদ । আজ্ঞে হ্যাঁ—তাই করবো ।

অব । আর শোনো—শোনো,—যদি বাসর-ঘরে
বসায়, তুমি একটা ছটো উল্টো ডিগ্বাজী
ধাবে ।

নীরদ । আজ্ঞে হ্যাঁ—আজ্ঞে হ্যাঁ ।

অব । আর দেখ,—যদি ছাঁদনাতলায় নিয়ে যায়—

নীরদ । আজ্ঞে হ্যাঁ—আজ্ঞে হ্যাঁ—আমি আসছি—
আমি আসছি—

অব । আচ্ছা, তুমি এসো—আমি শয়ন দি গে ।

[অবধূতের প্রস্থান ।

নীরদ । আপদ গেল ।

[প্রস্থান ।

সপ্তম গর্ভাঙ্ক ।

অতিথিশালার অভ্যন্তর ।

ফুলী

ফুলী । এত দেয়া ক'ছে কেন ? ঐ আসছে ।

(নীরদের প্রবেশ)

নীরদ । কে রে ফুলী ?

ফুলী । হ্যাঁ, আজ থাক—আমি চল্লুম । আমার
বড় ভয় ক'ছে, রাত ছপুর হ'লো—এখানে
উপদেবতা আছে ।

নীরদ । আর নে—চঃ করিস্নে ।

ফুলী । না না—আজ থাক, কাল তখন সন্ধ্যা

রাজে, আসবো । আমি একলা বসেছিলুম,
কে যেন আসে পাশে হাসছে, কে যেন আসে
পাশে কাঁদছে ।

নীরদ । আরে দূর—এই আলো জাললে সব খেমে
যাবে । বাতাসের শব্দ শুনতে পাচ্ছিল নে ?

ফুলী । না—আমার ভয় হচ্ছে ।

নীরদ । তবে আমার বৈঠকখানায় চ ।

ফুলী । বাপ্ রে !—তা কি হয়—সবাই টের পাষে ।

নীরদ । ভয় নাই—ভয় নাই—বোস্ !

[দেশলাই জালিয়া বাতি প্রজ্জ্বলিতকরণ ।

তোমার কপাল ফিরলো । আমি এই দেখশো
টাকা দিয়ে একটা ভাল বাড়ী ভাড়া করেছি,
তোকে সেইখানে রাখবো, আর জিনিসপত্র
খাট-বিছানা সব ঠিক ক'রে দিয়েছি । দেখবি
যেন ইচ্ছালয় ।

ফুলী । তুমি কখন করলে ? ঐ তো তোমার
মিছে কথা, এইতে আমার অবিশ্বাস হয় ।

নীরদ । আর অবিশ্বাস কেন চাঁদ—আর অবিশ্বাস
কেন ? এই তোমার হ্যাণ্ডনোট দেখাচ্ছি ।

ফুলী । আমি এক এক ক'রে দেখবো, ছোট বাবুর
সই চিনি, সই দেখবো । তুমি যে যার তার
নানে হ্যাণ্ডনোট দেখাবে—তা হবে না । আর
আটখান হ্যাণ্ডনোট আমি শুনেছি—আটখানা
আমি গুণে দেখবো ।

নীরদ । আচ্ছা—দেখ্ ।

(হ্যাণ্ডনোট প্রদান)

ফুলী । হ্যাঁ - ছোট বাবুর সই বটে । এই একখানা
—এই দুখানা—

নীরদ । এই দেখ—এই দেখ—এই সাক্ষিয়ে দিচ্ছি
দেখ । (তদ্রূপ করণ)

ফুলী । (হ্যাণ্ডনোটগুলি লইয়া) এই তো হ্যাণ্ড-
নোট । টাকা কই ?

নীরদ । আমি অদ্দেক কথা রাখলুম । তুমি
আদ্দেক কথা রাখো । তার পর টাকা দিচ্ছি,
টাকা কই ফাঁকি দেবো ? এততেও আমার
বিশ্বাস হচ্ছে না ? এসো প্রাণ, প্রাণ জুড়োও ।

ফুলী । (অনুনাসিক স্বরে) ও নীরে—ও নীরে—
—নীরে—আমি ফুলী নই—তোমার ঘাড়
ভাঙবো ।

নীরদ । তুই কত চঃ-ই জানিস ?

(লুকাইত বারান্নাগণের প্রবেশ)

বারান্নাগণ । (অতুর্নাসিক স্বরে) ও নীরেঁ ও
নীরেঁ ও ফুলী নয়—ফুলী নয় তোর ঘাড়
ভাঙ্গবে ।

নীরদ । অ্যা—এ সব কি ? বদমাইসি জুচ্চরী ?
বারান্নাগণ । (অতুর্নাসিক স্বরে) ও নীরেঁ—
তোর ঘাড় ভাঙ্গবে—ঘাড় ভাঙ্গবে !

(নীরদকে বেঠন করিয়া বারান্নাগণের গীত)

এইবারে তোর বরাত ফিরেছে ।
দোসর ক'রে রাখবে তোরে
পাঁচীর মা তাই আছে এঁচে ॥
গান শোনাবে খোনা সুরে,
হাওয়া খাৰি পেট্টি পুরে,
দিনেতে, তেনুন্তেতে বেড়াবি ঘুরে ;
সাঁজ সকালে সেওড়া ডালে,
ঝুল খাৰি খুব উল্টো ধাঁচে ॥

(ও নীরেঁ—ও নীরেঁ—ও নীরেঁ !)

নীরদ । চোর—চোর—খুন করলে—খুন করলে !

[বারান্নাগণের উচ্চঃস্বরে হাততালি দিয়া গান ।

[এই অবসরে ফুলীর নোটগুলি আঁতনে দন্ধকরণ ।
ফুলী ফুস্—ফুস্—ফুস্, হ্যাওনোট তোর পুড়ে
হলো ধুস্ !

নীরদ । পুলিশ—পুলিস, পাহারাওয়াল—পাহারা-
ওয়াল—

[ফুলীর প্রস্থান ।

(শরতের প্রবেশ)

শরৎ । খাও রসগোল্লা । (প্রহার)

নীরদ । ও বাপ্রে—খুন করলে রে—

[নীরদ ব্যতীত সকলের প্রস্থান ।

(অবধূতের প্রবেশ)

অব । ইস্ নীরদ, বাসরে সঁধিয়েছ ! ডিগবাজী
খাও—ডিগবাজী খাও !

নীরদ । রকে—কর, রকে কর, আমার খুন
করবে ।

অব । চট ক'রে ডান বগলটা সোঁকো ।

নীরদ । অবধূত মশায়, সব ডাকাত ছিল ।

অব । ডাকাত কোথা—সব পরীর বাচ্ছা পোঁ উড়ে
গেল ।

নীরদ । ঐ ফুলী ! পাহারাওয়াল ডাকো, বেটীকে
বাঁধিয়ে দেবো !

অব । ফুলীর মতন দেখেছ, সেই পরীর রাণী,
এখনো তোমার বাড়ে ভর ক'রে র'য়েছে ।

নীরদ । তবে রে ব্যাটা গাঁজাখোর, তুমি এর ভিতর
আছ ।

অব । উঃ বক্তার হ'য়েছে । বিচেল দড়ি বেঁধে
মাথায় কলসী কতক কোয়ার জল ঢালতে
হবে ।

নীরদ । সব ব্যাটীকে বাঁধিয়ে দেবো—সব ব্যাটীকে
বাঁধিয়ে দেবো ।

অব । ইস্, বাঁধতে হবে, নইলে আজ খুনখারাপি
করবে ।

নীরদ । ওরে বাপ্রে—শাল! বাঁধতে চায় রে !
[প্রস্থান ।

অব । দাঁড়াও দাঁড়াও, তিন ফুঁরে তোমার বাড়িয়ে
দিচ্ছি ।

[অবধূতের পশ্চাৎ পশ্চাৎ প্রস্থান ।

অষ্টম গর্তাঙ্ক ।

উপেক্ষের অন্তঃপুর ।

বিরজা ।

(উপেক্ষের প্রবেশ)

বিরজা । একি ঠাকুরপো ! তুমি এমন হয়েছ
কেন ?

উপেক্ষ । যা হবার তা হ'য়েছি, পাগল হ'য়েছি—
শোন নি ?

বিরজা । পাগল হয়েছ ক ?

উপেক্ষ । কেন শোন নি ? নীরো তার গর্ভ-
ধারিণীর সঙ্গে পরামর্শ ক'রে, আমি পাগল হয়েছি
ব'লে আদালতে দরখাস্ত ক'রেছে । আমার
খোরাকির কোম্পানীর কাগজ আটক করেছে ।
আমার পাগল সাব্যস্ত করবে ! নইলে সে
কোম্পানীর কাগজ হাতে পাবে না, তোমার
বিষয় হাত করতে পাবে না । আমি পাগল না
হ'লে, তোমার বিষয় যে তুমি পাবে ।

বিরজা। অ্যা বল কি! কি সর্বনেশে কথা!
তুমি বলো—বলো।

উপেন্দ্র। আর ব'লো না, এ বাড়ীতে আমার স্থান
নাই। এ বাড়ীতে থাকলে আমার গারদে
দেবে, তাই পালাচ্ছি। বড় মনে সাধ ছিল,
শৈলেনকে দেখবো;—সে তো এ বাড়ীতে
নাই। যদি অপঘাত মৃত্যুর সাধ না থাকে—
তুমিও পালাও।

বিরজা। তুমি স্থির হও—স্থির হও, কে তোমার
গারদে দেয় দেখি! তুমি নাও নি—খাও নি?

উপেন্দ্র। আর মাওয়া খাওয়া, এখন যতদিন বাঁচি
ভিক্ষে ক'রে তো খেতে হবে। সর্বস্ব আটক
হয়েছে, ভিক্ষে করে খাবো, নইলে কোথায়
খাবো?

বিরজা। ছিঃ! ছিঃ! এমন সন্তানও জন্মায়!

উপেন্দ্র। ঠিক সন্তান, কলির সন্তান! আমি চল্লুম
—আমি পালাই, আমার পায়ে বেড়ী দেবে—
আমি সত্যি পাগল হ'য়েছি! আর পাগল হয়
কিসে?

(তরঙ্গিনীর প্রবেশ)

তর। এসো—এসো—ঘরে এসো,—আর শত্রু
হাসিও না। ঘরে এসো—এখানে কি ক'ছ?

উপেন্দ্র। বেড়ী এনেছো! এইখানেই পরিয়ে
দাও। না, একটু দেড়ী করো ছটো কথা কই!

তর। আর কথা কয় না; এসো এসো।

উপেন্দ্র। তুমি কি জাত? তোমার কোন্ ঘরে
জন্ম? তুমি কি মানুষের ঘরে জন্মেছ? ঠিক
বলো—ঠিক বলো! তোমার জোড়া পৃথিবীতে
আছে! তোমার ভায়ে পৃথিবী নেবে যায় না!

তর। নীরে—নীরে! শীগগির আর—শীগগির আর,
এখানে তোর জোঠাই সোহাগ ক'রে পাগল
কৈপাচ্ছে!

(নীরদের প্রবেশ)

নীরদ। জোঠাই মা, তোমার সঙ্গে আমাদের স্ত্রবাদ
কি? বাবাকে তো পাগল ক'রে সব লিখে
নিচ্ছে, আবার কেন? বাবা আসুন—বাবা
আসুন!

উপেন্দ্র। ছুঁস্নে—ছুঁস্নে—গারে হাত দিস্ নে।
সবই তো হয়েছে, কেন নরহত্যা করাবি—কেন

পুত্রহত্যা করাবি—কেন করাবি?
সরে বা!

তর। ওগো—উদ্ভাৱ হয়ে কৈপেছে! নীরে,
লোক ডাক, লোক ডাক বেঁধে ফেলে রাখ্;
নইলে খুনোখুনি করবে, খুনোখুনি করবে।

উপেন্দ্র। হ্যা, খুনোখুনি করবো।

[তরঙ্গিনীর গলা টিপিয়া ধরণ।

নীরদ। খুন করলে, খুন করলে!

[দ্রুত প্রস্থান।

বিরজা। কি করো, কি করো, খুন হয়ে যাবে!

উপেন্দ্র। কিছু ব'লো না, বড় বউদিদি কিছু বলো
না, এই জন্মেই সব হয়ে যাক! (তরঙ্গিনীর
প্রতি) এখনো মরিস্ নি!

(বৈষ্ণনাথ, নিতাই ও মন্মথের প্রবেশ

এবং তরঙ্গিনীকে মুক্তকরণ)

বৈষ্ণনাথ। কি করো উপেন, কি করো?

নিতাই। বড় বউদিদি, শীগগির জল আনো।

(বিরজার জল আনয়ন ও তরঙ্গিনীর মুখে দেওন)

বৈষ্ণনাথ। এ কি উপেন, কি করুলে?

উপেন। কি করেছি, পাগল হয়েছি, জানো না? দেখে
টের পাচ্ছ না? কাজ দেখে বুঝতে পাচ্ছ না?

তর। ওরে বাবা রে, খুন করেছে রে—

উপেন্দ্র। মরিস্ নি, মরিস্ নি? স্ত্রীহত্যা করা
অদৃষ্টে নাই। [তরঙ্গিনীর প্রস্থান।

বৈষ্ণ। উপেন উপেন, চ'লে এসো, চ'লে এসো।

উপেন্দ্র। যাচ্ছি, রাস্তায় রাস্তায় তো ঘুরতেই হবে,
ভিক্ষে ক'রে তো খেতেই হবে, আর তো
উপায় নেই, আর তো উপায় নেই! কুলের
ধ্বজা পুত্রে সর্বস্ব দিয়ে ফকির হয়েছি, তা
কি শোন নি?

নিতাই। এসো, এসো, রাস্তায় ঘুরবে কেন?
আমার বাড়ী নাই, ব'দের বাড়ী নাই?

বৈষ্ণ। উপেন, চল, চল।

উপেন্দ্র। চল যাই, একবার শৈলেনকে আমার
দেখিও, যতক্ষণ তারে না দেখি, এ পাগদেহে
প্রাণ রাখবো। কিন্তু শীগগির দেখিও, আমার
দিন ফুরিয়ে এসেছে, এ পাগদেহে আর প্রাণ
থাকতে চায় না।

বিরজা। ও মা, সার্কান বে গো!

[অন্তরালে গমন।

সতীশ । একটা বিষয় বাঁধা দিবে কেন দিক্ না !
 শরৎ । পনের হাজার বৈ ত নয় ?
 হীরা । বুঝতে পাচ্ছে না, অত বুজি নাই । তুমি
 বুঝি আজকাল দালালী ধরেছে ?
 শরৎ । নিতাই উকীল কি সে বো রেখেছে ? সহজে
 হস্তান্তর করা যায়, এমন সব বিষয় ক্রোক
 ক'রেছে ।
 সতীশ । তা'হলে শিবু উকীল ত শৈলেনের কাছে
 ফাঁকে পড়ল ?
 শরৎ । তেমনি কাঁচা ছেলে কি না ; শিবু উকীল
 ফাঁকে পড়বে কি ? শৈলেনকে ফতুর করবে ।
 শৈলেন দেনার আলায় অস্থির হয়েছে, পাওনা-
 দাররা তিষ্ঠতে দিচ্ছে না, তাই মংলব ক'রেছে,
 তালতলার বাড়ীখানা বেচবে ।
 সতীশ । সেই বাড়ীর দলিল রেজেষ্টারী ক'রে নেবার
 জন্তে ত আমি এসেছি, আমার একজন আত্মীয়
 কিনছে ।
 শরৎ । বুকে স্নেহে কিনো, বাবা ! ওর ভেতর গোল
 আছে । শৈলেন স্ত্রীধন ব'লে পরিবারকে দিয়ে
 বাড়ী বেচাচ্ছে ; কিন্তু তা নয়, বাড়ী বেনামী ।
 তার সব প্রমাণ শিবু উকীলের কাছে আছে ।
 সেই প্রমাণের কাগজ-পত্রে হস্তগত ক'রবার
 জন্তে, শৈলেন শিবু উকীলের কাছে হাঁটাইটি
 কান্নাকাটি ক'রেছে—পারে পর্যন্ত ধরেছে ।
 হীরা । পারেই ধরুক, আর মাথাই খুঁড়ুক, শিবু
 উকীল সেগুলিকে ইষ্টি-কবচ ক'রে রেখেছে ।
 শরৎ । আর এ দিকে শৈলেনকে ব'লছে—আমি
 cost এর দরুন যে টাকা পাব, তার একটা
 কিনারা ক'রে দাও । তোমার বড় বৌদিদি ম'লে
 তুমি তার অর্ধেক বিষয় পাবে, সেট স্বত্ব আমার
 লিখে দাও, তা'হলে আর তালতলার বাড়ী নিয়ে
 কোনও গোল ক'রব না । শুনাছ—আজ সেই
 স্বত্ব রেজেষ্টারী ক'রে নেবে ।
 সতীশ । তবে আর কি ! তালতলার বাড়ী নিয়ে
 শিবু উকীল আর কোন গোল করবে না ।
 শরৎ । না ! সাধু—সাধু ! দেখে শেখে, আর
 ঠেকে শেখে, শিবু উকীলের কাছে ঠেকেও যে
 তোর শিক্কা হয় নি ।
 সতীশ । কি জানস, আমার খরচার জন্তে অমন
 ক'রে কড়িয়ে রেখেছিল । সেই cost এর যখন

কিনারা হ'চ্ছে, তখন আর শৈলেনের বাড়ী নেবে
 কেন ?
 শরৎ । কামড়ে কামড়ে ইট পাঠকেল ধাবে ব'লে ।
 বাড়ী, ঘর, দোর না খেলে ওর রাজ্যে খুম হয়
 না ।
 সতীশ । কি ক'রে নেবে বল না, সব খরচাই যদি
 চুকল ?
 হীরা । তিনখানা হাওনোট ভিক্রী ক'রে জীইয়ে
 রেখেছে—এক দিকে শৈলেন বড়বোর স্বত্ব
 লিখে দেবে, আর এক দিক্ দিয়ে শিবু উকীল
 তালতলার বাড়ী attach ক'রবে ।
 (শিবু উকীলের প্রবেশ)
 শিবু । ওহে শরৎ, হীরা, তোমাদের ছ'জনের এক-
 জনকে শৈলেনকে identify করতে হবে ।
 শরৎ । তা ত করব, কিয় এদিকে যে নীয়ে দাক্
 জবাব দিয়ে গেল ।
 শিবু । পাগল আর কি ! দাক্ জবাব দেবে
 কি ? ওর স্বাস্থ্যের হাতে ঠাক আছে, আমি
 তার কাছে যেতে ব'লেছি ।
 হীরা । ম'শায়, ও সব মন্থর পট্ট—তুমি শুনো না ।
 শিবু । পাগল হয়েছে ? টাকা দিয়ে না মেটালে
 পুলিশপোলাও যাবে যে ? সে আমি ঠিক ক'রেছি,
 তোমাদের ভাবনা নেই । টাকা দিয়ে মেটা-
 তেই হবে । কাল মকদ্দমা মুলতুবি নেব,
 তা'হলেই টাকার যোগাড় হবে ।
 শরৎ । জজ যদি মুলতুবি না দেয় ?
 শিবু । ছ'পক্ষ মিলে দরখাস্ত করব, postpone
 হ'তেই হবে । তোমরা থেকো, আমি অবিস-
 যর থেকে একটা কাজ সেরে আসছি । হাকিমও
 আস্তে আর বেনী দেবী নাই ।
 সতীশ । শিবু বাবু, আমি আপনাকে একটা কথা
 জিজ্ঞাসা করব ।
 [উভয়ের প্রস্থান ।
 হীরা । এ দিক্ যা হয় হবে । এখন একটা মাল হাতে
 এসেছে—বল্লভ গেরস্তর মেয়ে, সোণামী অল্লী-
 বরণা দেয়, নাচুষ খুঁজছে—বেরিয়ে আসবে ।
 শরৎ । এ সব কথা কি তোমার বাড়ীতে এসে
 ব'লে গেল ?
 হীরা । কাজের কথার ঠাট্টা নয় । কাল সকালের

পর গঙ্গার ধারে দেখা—চাদর মুড়ি দে' একলা
ব'সে কাঁদছিল। আমি সব কথার কথার ভাব
বুঝে নিলুম।

শরৎ। চেহারাখানা কি রকম দেখলে?

হীরা। বললুম চাদর মুড়ি দিয়েছিল। সে আর দেখতে
হবে না। সে মিষ্টি কথা ক'ইলে, তাতেই বুঝ-
লুম, একেবারে পরী না হোক, স্ত্রীর বটে।
কাল তোমার মকদ্দমা, আমি পরণ গঙ্গার ধারে
থাকতে বলেছি। একেবারে গঙ্গার বাস নিয়ে
বেরিয়ে আসবে। তুমি রাজী না থাক,—বল,
আমি অন্ত লোক জোটাব!

শরৎ। আর কাজ কি তোমার অন্ত লোক জুটিয়ে!

(শিবু উকীল, শৈলেন্দ্র ও সতীশের প্রবেশ)

শৈলেন্দ্র। শিবুবাবু, আমি আপনার শরণাগত,
গলায় গলায় হয়েছে, সামলাতে পারছি না।
আমায় রক্ষা করুন,—খেতে, বসতে, শুতে
ভাগ্যদা। এতদিন বাদে বিষয় দেখিয়ে রেখে-
ছিলুম, নিতাই দা ক্রোক দিতে তারা আর
ধামছে না। জীবনে যে সব কথা শুনি নি, তা
শুনি—হজম ক'ছি। আপনি সহায় হয়ে
আমায় বাড়ীখানি বেচিয়ে দিন। ছ'দিন একটু
হাঁফ ছাড়বার সময় পাই। (সতীশের প্রতি)
সতীশ, টাকা এনেছ ত ভাই?

শিবু। শৈলেন বাবু, আপনি ব্যস্ত হ'ছেন কেন?
আমার দলিলখানা রেজেষ্ট্রী হয়ে যাক, তার পর
বা ব'লেছি, তার নড়চড় হবে না।

সতীশ। না হে শৈলেন বাবু, আমি শিবুবাবুকে
সব কথা জিজ্ঞাসা ক'রেছি, উনি ব'লেছেন,
কোন গোল হবে না। যে গলা বাড়িয়ে দিয়েছে,
তার গলায় কি কেউ ছুরি দেয়? উনি ব'লে-
ছেন, ও বাড়ী তুমি স্বচ্ছন্দে কিনতে পার।

শৈলেন্দ্র। দেখ ভাই, শেষ যেন কোন গোল না
হয়।

সতীশ। গোল কি? তুমি যাতে একটু ঠাণ্ডা
হ'তে পার, আমি সেই চেষ্টাই করব। আর
শিবুবাবু আমার কথা দিয়েছেন, কোন গোল
ক'রবেন না।—যাক এখন হুগী ব'লে ত বলে
পড়, তার পর যা বরাতে আছে হবে।

শৈলেন্দ্র। দেখুন, পাণ্ডানারদের এমনি জোর

ভাগ্যদা, আজ বাড়ী বেচে টাকা পাব শুনেছে,
তাই এখান পর্যন্ত ধাওয়া করেছে।

(রেজিষ্টার, কন্সটারী প্রভৃতির প্রবেশ)

শিবু। আগে আমার দলিলখানা রেজেষ্ট্রী হয়ে
যাক।

(দলিল দাখিল করণ)

রেজি। কি দলিল?

শিবু। বলুন শৈলেন বাবু?

শৈলেন্দ্র। মর্টগেজ দলিল। বিরজা দাসীর অর্ধেক
সম্পত্তির আমি উত্তরাধিকারী। শিবুবাবু হাণ্ড-
নোটের দরুন আমার নিকট অনেক টাকা পান,
সেই টাকার জন্ত এই দলিল লিখে দিচ্ছি।

রেজি। সন্মত করবে কে?

শিবু। এই হীরা ঘোষাল।

রেজি। ঘোষাল ম'শায়ের দেখছি, এখানে মাসে
দুই একবার যাওয়া আসা আছে।

হীরা। কি করি হুজুর! অনেকের সঙ্গে আলাপ,
কার কথা ঠেলতে পারি না।

শিবু। হুজুর, এর সন্মত যদি গ্রহণ না করেন,
আমার অপর লোক আছে।

রেজি। না না, উনিই করবেন। কেমন ম'শায়,
আপনি একে চেনেন কি?

হীরা। আজ্ঞে, শৈলেন বাবুকে চিনি নি? চিনি
বই কি!

রেজি। বেশ—সই করুন। (শৈলেন্দ্রের প্রতি)

আপনিও সই করুন। (কন্সটারীর প্রতি)

নাও হে, এঁদের finger print নাও।

(জনৈক ভদ্রলোকের প্রবেশ)

ভদ্র। কই হে সতীশ, কতদূর?

সতীশ। এই যে হ'ছে। এই দলিলখানা
হয়ে যাক।

কন্সটারী। (শিবুকে) এই নিন—আপনার রসিদ
নিন।

সতীশ। শৈলেন বাবু, দলিল present করুন।

রেজি। কি দলিল?

শৈলেন্দ্র। বিক্রয় কওয়াল। ভালভালার আমার
স্ত্রীর একখানি বাড়ী আছে, তাঁর স্ত্রী-ধন-সম্পত্তি
ইনি কিনবেন।

শিবু । জীৱন-সম্পত্তি আপনি বিক্রয় কৰাৰ কে ?
শৈলেন্দ্ৰ । সৰোজিনী আমাৰ নামে বিক্রয়
কৰাণা রেজেষ্টাৰী কৰাৰ power দিয়েছে,
এই দেখুন ।

শিবু । সৰোজিনী দাসী এখানে উপস্থিত নাই,
থাকলে হাকিমকে ফৌজদাৰী সোপৰদ কৰ্ত্তে
বলতুম ।

শৈলেন্দ্ৰ । শিবু বাবু, আমাৰ দয়া কৰুন, রক্ষা
কৰুন ।

সতীশ । সে কি শিবু বাবু, তুমি এই আমাৰ ব'লে,
কোন গোল নাই !

ভদ্রলোক । চুপ কৰো না—চুপ কৰো না—ইনি
কি বলেন—শোনা থাক । কি হ'য়েছে মশায় ?

শিবু । হ'বে আৰু কি ? এ সব জোচোৱেৰ পাল্লয়
পু'ড়েছেন !

শৈলেন্দ্ৰ । শিবু বাবু, কি কথা ব'লে দয়াৰ উদ্ৰেক
ক'ৰ্ত্তে হয়, জানি নি । আপনাৰ পালে ধৰি,
আমাৰ রক্ষা কৰুন ।

শিবু । বটে, জুচুৱীৰ আৰু জায়গা পাও নি ?
এটা আদালত—তা জান ? এখানে এসেছ
জুচুৱী ক'ৰ্ত্তে ? তুমি পালে ধবছ ব'লে
কি আমি অধৰ্ম্ম কৰব ? নিরীহ ভদ্রলোককে
ঠকাবে, দাঁড়িয়ে দেখব ?

ভদ্র । ম'শায় কি হ'য়েছে—বলুন ।

শিবু । ভাগ্যিস্ আমি আদালতে উপস্থিত ছিনুম,
কি হ'য়েছে জিজ্ঞাসা ক'ৰ্ত্তে ? জোচোৱে-মিলে
আপনাৰ টাকা ঠকিয়ে নিচে ।

ভদ্র । কেন মশায় ?

শিবু । বাড়ী সৰোজিনীৰ নয়, ইনি তাৰ নামে
বেনামী ক'ৰ্ত্তেচেন । তাৰ ভেতৰে অনেক গোল ।
আমাৰ কাছে সব প্রমাণ আছে, দেখতে
চান—আমাৰ আফিসে যাবেন । আৰু কিন্তে
ইচ্ছা হয়—কিনুন । কিন্তু ৰাখতে পারবেন না ।
আমাৰ ডিক্ৰী আছে, এৰ সম্পত্তি ক্ৰোৱ কৰে
নেব ।

ভদ্র । বটে ! বটে ! (শৈলেন্দ্ৰৰ প্রতি) ছিঃ !
ছিঃ ! ম'শায়, আপনি ভদ্রলোক, এমন জুচুৱী
মতলব কৰেন ! (সতীশৰ প্রতি) সতীশ,
তোমাৰ উপৰ ভাৱ দিহেছিলুম । এই ভদ্রলোক
না থাকলে ত ঠকতুম !

শিবু । আপনি cheating charge আয়ন, ওকে
জেল দিন, আমি সাক্ষী দেব ।

ভদ্র । আৰু থাক ম'শায়, আমি ও বাড়ী আৰু কিন
না । সতীশ, এস বাড়ী যাই ।

[শিবু উকীলেৰ প্রস্থান ।

সতীশ । তুমি যাও, আমি পৰে দেখা ক'ৰে, তোমাৰ
সব বলব ।

[ভদ্রলোকৰ প্রস্থান ।

ৰেজি । ছিঃ ! ছিঃ ! শৈলেন বাবু, আপনি বড়
ঘৰেৰ ছেলে, এ সব কি ? সত্যপথ, সদাবহাৰ
—লোকে আপনাদেৰ কাছ থেকে শিখবে, জা
না আপনাই পথ দেখাচেন ? অ'ৰ বাবে
ৰেজিষ্ট্ৰেশন কৰ্ত্তে হ'বে, তাঁরা অপেক্ষা কৰুন,
আমাৰ chamber এ একটি জীলোক এসেছে,
আমি তাঁৰ দলীল রেজেষ্টী ক'ৰে আসি ।

[ৰেজিষ্ট্ৰাৰেৰ প্রস্থান ।

১ম পাওনাদাৰ । কি হ'ল ম'শায় ? আমাৰ টাকা
পাব না ? চুপ ক'ৰে ৰইলেন কেন ? ব'লে
এলেন যে—এইখানে সব চুক্ষিয়ে দেবেন ? এত
দমবাজী ?

শৈলেন্দ্ৰ । হা ভগবান্ !

২য় পাওনাদাৰ । ওঃ—আবাৰ ভগবান্ দেখান
আছে ! বলি ধৰ্ম্মজ্ঞান আছে না কি ?

সতীশ । ম'শায়, মড়ার উপর খাঁড়ার ঘা আৰু কেন
দিচ্ছেন ? ইনি জোচোৱা নন । ৰয়ে ব'সে নি—
আপনাৰা পাবেন ।

৩য় পাওনাদাৰ । আৰু পাবেন ! এমন ঠকেৰ
পাল্লয় কখনো পডি নি ! আৰু আছে কি ?—
পাব কি ?

৪র্থ পাওনাদাৰ । নাও নাও—হা পাও, ছাতা চাদৰ
কেড়ে নাও—ছাতা চাদৰ কেড়ে নাও ।

সতীশ । মশায়, মাপ কৰুন । (শৈলেন্দ্ৰৰ প্রতি)
চল, শৈলেন বাবু, বাড়ী চল ।

১ম পাওনাদাৰ । নিদেন হাতের তুখটা ক'ৰে নাও
ত হে ! দুটো কান আছা ক'ৰে ম'লে দাওত
টাকা যা পাব, তা ত দেখছি ।

সতীশ । শৈলেন, বাড়ী চল, তোমাৰ ৰোখে বাই
এ সব আৰু কি শুনবে ? সময় বিগুণ হ'লে,
এমনি সব হয়

শৈলেন্দ্র । তাই ত—তাই ত—কি ? কিছু না
—কিছু না ! এমনি হয়—এমনি হয় !

মতীশ । চল—বাড়ী যাই ।

শৈলেন্দ্র । বাড়ী ?—চল ! এমনি হয়,—এমনি হয় !
হয় পাওনাদার । চল হে, চল । টাকা ত কোঁচড়
ভ'রে পাওরা গেল ।

মতীশ । আবার ও'মুকে লাড়ালে কেন ? ও সব
আর কি শুনছ ?

শৈলেন্দ্র । কিছু না—কিছু না, এমনি হয়,—এমনি
হয় !

[সকলের প্রস্থান ।

দ্বিতীয় গর্ভাঙ্ক ।

উপেন্দ্রের বাটী

বিরজা ও নিতাই ।

নিতাই । বউ দিদি, নী'রে আর শৈলেনের উপর
তুমি যে টাকার ভিত্তি পেয়েছ, তা সব টাকা
নগর দিতে পারবে না, ওদের বিবর ক্রোক দিতে
হবে । তা'সব তোমার নামে কিনি ?

বিরজা । ঠাকুরপো কি বলে ?

নিতাই । সে বলে, তোমার জিজ্ঞাসা করতে ।

বিরজা । তুমি কি বল ?

নিতাই । আমি ত তোমার জিজ্ঞাসা ক'ছি ।

বিরজা । নিতাই ঠাকুরপো, তুমি শৈলেনের কাছে
আর একবার যাও ।

নিতাই । আমি আরও দশবার যেতে রাজি আছি ।
কিন্তু গেলে কল কি ? তার সে ধনুকভাঙ্গা পণ ।
বাড়ী বেচে গেছে, এ বাড়ীতে আর আসবে না ।
হাতে যা টাকা ছিল—গেছে, ছোট বউমার
গরনাপত্তর সব গেছে । চারদিকে দেনা ; তবু
কাকর সাহায্যও নেবে না ।

বিরজা । ঠাকুরপো, মাই দিয়ে মানুষ ক'রেছি, আমি
কি তার উপর রাগ ক'রে থাকতে পারি । এই
অঙ্গুর পুরী, আমার মনে হয়, আমি শ্রমানে
ব'সে আছি । আমি না ব'সলে শৈলেন খেতে
পাবত না । সেই শৈলেন আমার পর হ'ল !
ছোট বউ অঁচল ধ'রে ধ'রে ফিরত । ঠাকুরপো,
রাগের মাধার ব'লেছি আর তোর মুখদর্শন ক'রব

না । কাশী থেকে এসে আর তাদের দেখতে
পেলুম না । আমার বুকে শেল বিঁধে র'য়েছে ।
নিতাই ঠাকুরপো, তুমি আর একবার যাও ।

নিতাই । আমি কালই যাব ।

বিরজা । আর ঠাকুরপোকে ব'লো, আমি মেয়ে
মানুষ, আমার ঘাড়ে সব এমনি ক'রে ফেলে
দিয়ে পরের বাড়ী কি ব'সে থাকা ভাল ?

নিতাই । পরের বাড়ী কি বউদিদি ? আমাকে কি
পর মনে কর ? বড় দাঁ'র আমার সঙ্গে কি
সুবাদ ছিল, তা তুমি বত জান, তত ত আর
কেউ জানে না ! সে সব কথা কি ভুলে গিয়েছ ?

বিরজা । ভুলিনি ভাই, কিন্তু কেন যে ভুলিনি, তা ত
জানি না । আট বছরের মেয়ে, এদের সংসারে
এলুম, তখন ভাল ক'রে হাত তুলে খেতে শিখি
নি । মানুষ মানুষ ক'রে খণ্ডর-খাণ্ডী আমার
গলায় সংসার দিয়ে স্বর্গে গেলেন । বিবর গেল,
রাধাবল্লভজীর কৃপায় আবার ফিরে পেলেন ।
তখনও দেখেছি, এখনও দেখছি ।

(উপেন্দ্রের প্রবেশ)

উপেন্দ্র । বড় সু-খবর এনেছি, বড় সু-খবর এনেছি,
বড় বউদিদি, সন্দেশ নিয়ে এসো ! মুখের
পানে ফ্যাল ফ্যাল ক'রে চেয়ে আছ কি ?
মনে ক'চ্ছ আমি পাগল ? মেডিক্যাল বোর্ডে
বারোজন সাহেব ডাক্তার সার্টিফিকেট দিয়েছে,
আমি পাগল নই । তোমার নী'রে আর আমাকে
পাগল বলতে পাচ্ছে না ।

নিতাই । কি শুনে তুমি আবার ছুটে এলে ? একে
ডাক্তার বলে, তোমার heart week, কোন
রকম উত্তেজনা, চলাবলা ভাল নয় ;

উপেন্দ্র । চোপ'রাও, বক্তৃতা করিস্ কোর্টে ।

বিরজা । স্থির হও, ঠাকুরপো, স্থির হও !, কি
কথাটাই বল না ?

উপেন্দ্র । অতি সুসংবাদ,—অতি সুসংবাদ, কুলের
ভিলক তোমার নী'রে !

বিরজা । স্থির হয়ে বল' । ব'স ব'স, অত হাঁপিও
না । নী'রে আবার কি ক'রেছে ?

উপেন্দ্র । গুণধর বংশধর—জাল ক'রে হাজতে গেছে !

বিরজা । অ'্যা, কি সর্বনাশ !

নিতাই । তুমি কার কাছে শুনে ?

উপেন্দ্র । তোর মহরীর কাছে ; ব'লো জজ postpone দিলে না । কোজদারী সোপর্দ ক'রবার হুকুম দিয়েছে । জামিন চাইলে, আদালতে কেউ জামিন হলো না । হাজতে নিরে গেছে, এ বংশের ছেলে জামিন পেলে না । ধর্মের কল আপনি নড়ে !

(উপেন্দ্রের কম্পন, বিরজার পাখা লইয়া ব্যজন)
বাতাস ক'চ্ছ কি ? মরব না—নীরের ফাঁসী না দেখে মরব না ।

নিতাই । জাল করলে . ফাঁসী হয়, তাকে কোন্ উকীলে ব'লেছে ?

উপেন্দ্র । মহারাজ নন্দকুমারের হয়েছিল, নীরেরও হবে । ফকির হয়েছি—ফকির হয়েছি, নইলে আজ কালীঘাটে পূজো দিতুম । নিতে চল—কালীঘাটে বাই !

বিরজা । স্থির হও ঠাকুরপো—স্থির হও ।

উপেন্দ্র । বাতাস ক'চ্ছ—মাথা ঠাণ্ডা করবে ? চিরকাল তোমার ঐ একদশায় গেল । এখনো শিখলে না, এখনো পরের জন্তে মাথা বাথা । না ম'লে স্বভাব যায় না । সংসার বজায় করবে ? মনে ক'রেছ—আবার সব যেমন ছিল, তেমনি হবে ? তোমার মরণ হয় না ? তুমি মরবে কবে ?

বিরজা । ঠাকুরপো, তোমার মুখে কুলচন্দন প'ড়ুক, আমার এখনি রেখে এসো, আমি আর সইতে পারি না । রাখাবল্লভ !

নিতাই । বউদিদি, তুমিও দেখছি যে, পাগলের মত পাগলামি আরম্ভ করলে ?

উপেন্দ্র । চোপ্-ষ্ট্-পিড্, তুই না সঙ্গে ক'রে আমার মেডিক্যাল বোর্ডে নিরে গিয়েছিলি ?

বিরজা । নিতাই ঠাকুরপো, কি হবে ? আমার নিরে চল, আমি জামিন হয়ে ছোঁড়াকে খালাস ক'রে আনি ।

নিতাই । বউদিদি, তুমি না বল, আর কারো মুখ চাইবে না ?

বিরজা । নিতাই ঠাকুরপো, আমার খণ্ডরের বংশে কলঙ্ক হবে, তুমি যাতে জামিন হয়, কর ।

উপেন্দ্র । কি, জামিনে খালাস করবে ? খুন করব, কেটে কুচি কুচি ক'রে গজার ভাসিরে দেব । নিতেকে কাটবো । তোমায় কাটবো । আর ঐ সর্বনাশী মেজ বোকে কাটবো । জামিনে খালাস

করবে ? খবরদার ! খুনোখুনি হবে, খুনোখুনি হবে !
জীবনে অনেক সাধ ছিল, দাদার নামে ডাক্তার-খানা ক'রে দেবো, বড় বউদিদির নামে অতিথি-শালা হবে, এমনি আরও কত কি ! তখন পাগল ছিলাম, এখন ভাল হয়েছি, ভাইকে ফকির করতে নীরদচন্দ্রকে বিষয় দিয়েছি ! এখন দুটি সাধ আছে—নীরের ফাঁসী দেখবো, আর—আর—আর শৈলেনকে একবার দেখব ! কি মমতা, কি মমতা ! স্বহস্তে পুত্র বধ করা যায় না ! ছোট ভাই লাঠি মারতে এলেও তারে ভোলা যায় না ।

বিরজা । ঠাকুরপো, চৈচিও না, মেজবউ এখনি শুনতে পাবে ।

উপেন্দ্র । আহা, কুললক্ষ্মী গো—কুললক্ষ্মী ! আমাদের ছোটখাট সংসারে তেমন জুত্ হলো না, একটা বড় রাজারাজড়ার ঘরে পড়তো ত রণ-রঞ্জিণী হয়ে নাচত ! সংহাররূপিণী ! একটা বলি না নিরে ঠাণ্ডা হবে না । বড় ঘুম পাচ্ছে, একটু ঘুমুই গে ।

[উপেন্দ্রের প্রস্থান ।

বিরজা । রাখাবল্লভ, আমার সোনার সংসার ছার-খারে দিলে ! নিতাই ঠাকুরপো, কি দেখছ, আমার নীরেকে খালাস করে এনে দাও । ঠাকুরপোকে আর তোমার বাড়ী যেতে দেব না ন আমি না হলে ওকে কেউ ঠাণ্ডা করতে পারবে না । শেষ কি সত্যি পাগল হবে ! এক একটা ধাক্কা আসে, আর এমনি হয়ে পড়ে । হ্যা নিতাই ঠাকুরপো, হাজতে ভাগ ক'রে খেতে দেয় ত ?

নিতাই । আহা, তা আর দেয় না !

বিরজা । তুমি কি এর কিছু জানতে না ?

নিতাই । আমি ত আজ আদালতে বেরুই 'ন, শুনছিলাম—পনের হাজার টাকায় রফায় কথা হ'চ্ছে । তা তোমায় বলব মনে ক'রেছিলাম ।

বিরজা । যাও, যত টাকা লাগে, যা করতে হয়, নীরেকে খালাস ক'রে আন । নইলে তোমায় সঙ্গে আর কথা কইব না ।

[নিতাইয়ের প্রস্থানোত্তম ।

দেখ, নীরেকে এনে আমার এখান থেকে

কোথাও পাঠিয়ে দাও, আমি তীর্থে তীর্থে যুব ।
আর সহিতে পারি না ।

[নিতাইয়ের প্রস্থান ।

(ফুলীর প্রবেশ)

ফুলী । বড় মা, তুমি তীর্থে যাবে বলছ ?

বিরজা । আর মা, এ সংসারে আমার জায়গা নাই ।

পাপে পরিপূর্ণ হয়েছে !

ফুলী । কোন্ তীর্থে যাবে বড় মা, আমি তোমার
সঙ্গে যাব ।

বিরজা । তুই ছেলে মানুষ, কোথায় যাবি ? তোর
কি এরই মধ্যে তীর্থধর্মের বয়স হয়েছে ?

ফুলী । ও মা, এমন কথাও ত কোথাও শুনি নি ;
ধর্মকর্মের আবার বয়স কি মা ! কবস কম ব'লে
কি যমে ছাড়বে ?

বিরজা । বালাই, ও কি কথা বলছিস ?

ফুলী । বড় মা, আমি তীর্থ দেখতে বড় ভালবাসি ।
কোলকাতার ভেতর আর তার আশে পাশে
যত তীর্থ আছে, নিত্য ঘুরে ঘুরে সব দেখে
বেড়াই ।

বিরজা । ছুঁড়ী বেশ কথা কয়, আবার ঐ একটা
পাগলামী ক'রে বসে । কোলকাতায় আবার
তীর্থ কি—রে ?

ফুলী । মা, তুমি দেখ নি,—কত তীর্থ আছে—একটা
আছে—সতী তীর্থ, কা'ল হকুর বেলায় তুমি যখন
গঙ্গাস্নানে যাবে, তোমায় নিয়ে গিরে দেখিয়ে
আনুব ।

বিরজা । হ্যা রে ফুলী, কাছে এমন তীর্থ আছে.
আমি নাম শুনি নাই ! আচ্ছা, কা'ল তুই
আসিস, আমি গিয়ে দেখে আসব । যাই—
ঠাকুরপো কোথায় দেখি ! মেজ বউ আবার
হয় ত পাগল ক্যাপাচ্ছে ।

[প্রস্থান ।

ফুলী । (স্বগত) মনে হ'চ্ছে যেন কোথায় যাই—
কোথায় যাই,—বড় মা যদি তীর্থে যায়, সঙ্গে
যাব । মোনা বাবু “পাতকোর ব্যাঙ আর
সাগরের কথা” ব'লেছিল । আমার মনে হচ্ছে,
যেন ছোট পাতকোরাটিতে আমার আর
পোষাচ্ছে না, প্রাণটা যেন সাগরে গে' মিশতে
চাচ্ছে !

(মন্থের প্রবেশ)

মোনা বাবু, বড় মা বলে, তোর এখন ধর্মকর্মের

বয়স হয় নাই । কোন্ বয়সে ধর্মকর্ম কর্ত্ত
হয় মোনা বাবু ?

মন্থ । কেন—তুই ত এই সব ধর্মকর্ম ক'ছিস ?
পরের উপকার ক'রে বেড়াছিস—দশজনে
তো'র কত সুখ্যাত করে ! তুই ত মনের
সুখে আছিস ।

ফুলী । আছি, কিন্তু—

মন্থ । আবার কিন্তু কি ?

ফুলী । তোমার কাছে মিছে কথা বলব না মোনা
বাবু ! পরের কান ক'রতে ক'রতে খুব সুখ
হয় । কিন্তু—আমার কখন কখন মনে হয়,
বুঝি ঐ সুখটুকু পাবার জন্তে পরের কাজে ঘুরি ।
মনে হয়—পরের হিত ক'রে বেড়াই—আমার
ধর্ম হবে ব'লে । সুখ হবে—ধর্ম হবে—এ সব
ত ব্যবসা, মোনা বাবু ! মার কাছে থাকলে
কুৎসিত ব্যবসা শিখতুম, তোমার কাছে একটা
গৌরবের ব্যবসা শিখছি । মোনা বাবু, এর
চেয়ে কি উচু কাজ নেই ? থাকে যদি, আমার
শেখাও ।

মন্থ । আছে, তুই কি তা পারবি ?

ফুলী । তুমি ব'লে দাও, পারি না পারি, চেষ্টা
করব ।

মন্থ । তোকে শেখাব কি ক'রে ?—আমি শুদ্ধি,
বইয়ে পড়েছি—কিন্তু এখনও বুঝতে পারি নি ।
কেমন জানিস ? তুই না বলি—পরের হিত
করিস, সুখ হয় ব'লে—ধর্মলাভ হবে ব'লে ?
যখন এই সুখের প্রত্যাশাটুকু তোর মন থেকে
যাবে, ধর্মলাভের আশা বিসর্জন দিতে পারবি,
তখন আর তোর মনে ঐ ‘কিন্তু’ টুকু
থাকবে না ।

ফুলী । কি বলছ মোনা বাবু, বল—বল—

মন্থ । বললুম ত, তুই এখন বুঝতে পারবি নি ।
শোন, তুই হীন কুলে বেঞ্জার ঘরে জ'ন্মেছিস ;
শুনেছিস—ব্যাভচারিণীর উদ্ধার নাই । তাই
কুপথ ছেড়ে সুপথে এসেছিস । লোকের হিত
করলে ধর্ম হয়, স্বর্গ হয়, এমনি আরো কত কি
হয়, তাই করিস । কিন্তু সহস্রবার বেঞ্জাজন্ম
হোক, বিষ্ঠার কীট হই, নরকের কুন্নি হ'য়ে
থাকি, তবু লোকহিত করব, এই ভেবে যখন
লোকহিত করতে পারবি, তখন আর কিন্তু

থাকবে না; এর নাম আত্মবিসর্জন—পরের
জন্ত আপনাকে বলি দেওয়া। এর চেয়ে উঁচু
কাজ আর নাই—বুঝি ?

ফুলী। আত্মবিসর্জন!—আপনাকে বলি দেওয়া!
বুঝতে পারি কি না, পরে বলব মোনা বাবু!

[এক দিক্ দিয়া ফুলী ও অন্ত দিক্ দিয়া

[মধ্যমের প্রস্থান।

তৃতীয় গর্তাঙ্ক।

শৈলেন্দ্রের ভালতলার বাটী।

শৈলেন্দ্র ও সরোজিনী।

শৈলেন্দ্র। সরোজিনি, এখান থেকে এক জায়গায়
যাব, তুমি আমার সঙ্গে যাবে ?

সরো। তুমি সঙ্গে ক'রে আমার যেখানে নিরে যাবে,
আমি যাব।

শৈলেন্দ্র। তোমার ভয় কর্কে না ?

সরো। তোমার সঙ্গে আমার ভয় কি ? তোমার
সঙ্গে যমের বাড়ী যেতে আমার ভয় নাই ! ভয়
করবে বলছ কেন ? কোথায় যাবে ?

শৈলেন্দ্র। কোথায় যাব ? সে বড় চমৎকার স্থান।
সেখানে পেটের ভাবনা ভাবতে হবে না, দেনার
ভাগাদা থাকবে না, কেউ জোঁচোর ব'লে গাল
নেবে না। এখানে হুঁচিক্তায় চোখ বুজতে
পারিচো না, সেখানে গেলে ঘুম হবে। এমন
ঘুমব যে, আর কেউ জাগাতে পারবে না।

সরো। তুমি কি বলছ ? তোমার কথা শুনে যে
আমার পেটের ভিতর হাত-পা সঁদিয়ে যাচ্ছে !
তোমার হাতে ও কি ?

শৈলেন্দ্র। এই সেই মহাঘুমের মহৌষধ। দরিদ্রের
এমন বন্ধু আর নাই।

সরো। অঁা—তুমি বিষ খাবে মনে করেছ ?

শৈলেন্দ্র। বিষ কি ? দুঃখের সাগর মস্থন ক'রে
এই সুখা উঠেছে। তাপিতের এমন শান্তিদাতা
আর নাই। যার অর্থ আছে, মান আছে, সুখ
আছে, আশা আছে, সে বিষকে বিষ ব'লে শিউরে
উঠবে, তুমি আমি ভয় করব কেন ? এত যন্ত্রণায়
তোমার মরতে ভয় ?

সরো। ভয় ? তোমার পায়ে মাথা রেখে মরব,
সে ত আমার ভাগ্য ! তুমি দাও, আমি হাসি-

মুখে থাকি। তুমি যে রকম ক'রে বল, আমি
এখনি মরছি। কথার কথা নয়, সত্যি। তুমি
কি শোননি, সতীরা হাস্তে হাস্তে আগুনে
পুড়ে মরত ? মরতে আমি ভয় করি না। কিন্তু
তোমার জন্ত ভয় করি। জান না, আত্মবাতী
অনন্ত নরকে ডোবে ?

নেপথ্যে। শৈলেন্দ্র বাবু বাড়ী আছেন ? চাটালর
টাকার জন্ত এসেছি। দেবেন কি না, একটা
খোলসা জবাব দিন। মশায় বাড়ীতে আছেন,
গলা পেয়েছি। এই কি ভদ্রলোকের বসিভার ?
সমবচ্ছর ধ'রে খোঁরাক জুগিয়ে এলুম, আর এখন
গা ঢাকা দিয়ে বেড়াচ্ছেন ? ভাল জোঁচোরের
পাল্লায় পড়া গেছে বাবা !

শৈলেন্দ্র। শুন্চ কি ? নরক কি এর চেয়ে বেশী ?
যে আগুনে এখানে পোড়াচ্ছে, সেখানে কি
তেমন আগুন আছে ? তুমি না খেতে পার,
আমি খাই।

সরো। (শৈলেন্দ্রের হাত ধরিয়া বিষপানে বিরত
করিয়া) কি ব'লে তোমার বোঝাব ? তোমার
বোঝাবার মত কথা আমি জানি নি। শোন,
আমি সতী, আমার কথা কখন মিথ্যা হবে না।
তুমি অনেক সয়েছ, আর হুঁদিন ধৈর্য্য ধর।
ভগবান্ নিশ্চয় উপায় করবেন।

শৈলেন্দ্র। এখন বল্চ ভগবান্ উপায় করবেন ?
এখনো বল্ছ ধৈর্য্য ধর ? ভগবান্ কার উপায়
করেছেন ? কত লক্ষপতি ভিখারী হচ্ছে, কত
ক্রোড়পতির সন্তান অনাথ হয়ে পথে পথে
বেড়াচ্ছে, তোমার মত কত নির্যম কুলবধু পেটের
তাড়নায় বেজব্রতী হচ্ছে ! কার উপায় হচ্ছে,
তা আমার হবে ? আপনি না উপায় করলে,
উপায় হবে না। তোমার কথায় অনেক ধৈর্য্য
ধ'রেছি, আর ভুল্চি নি, হাত ছাড়, ভগবান্
হ'তে কোন উপায় হবে না ! তাঁর দয়া নেই,
তাঁর চেয়ে সমতানের দয়া আছে, তাই কত
হৃদয়ের এই ঔষধ দিয়েছে। হাত ছাড়, তোমার
প্রয়োজন থাকে, অন্ত পথ দেখ। আমার পথ
আমি চিনেছি।

সরো। এই পথ ছাড়া আর কি পথ দেখতে
পাচ্ছ না ?

শৈলেন্দ্র। আর কি পথ ? বড় মাহুষের ছেলে,

চিরদিন ইয়ারকি দিয়ে কাটিয়েছি। লেখাপড়া শিখিনি, কাজকর্ম জানিনি। বড় বউদিদি নিতাই দাদাকে চার পাঁচ বার পাঠালেন, অভ্যমান ক'রে গেলুম না। মোনা দেমাপত্তর চুকিয়ে দিতে চাইলে, অপমান ক'রে তাড়ালুম, পাছে আমার কথা বড় বউদিদিকে বলে, তাই ফুলী এলে গালাগালি দিয়ে তাড়াই। তোমার বাপের বাড়ী থেকে তিন চার বার ক'রে তোমায় নিতে এল, গেলে না; আর কি পথ আছে? বাড়ী বেচে দেনা শুধব মনে ক'লুম, শিবু উকীলের পারে পর্যন্ত ধরলুম, আদালতে জোচোর ব'লে গাল দিলে। লোকের ভবিষ্যৎ আশা থাকে, তাই নিয়ে জীবন ধারণ করে, আমার তা-ও নাই। বড় বউদিদির বিষয়ের আমার উত্তরাধিকার শিবু উকীলকে লিখে দিয়ে এসেছি। সকল পথ বন্ধ হয়েছে, এখন এই মহাপথ মাত্র খোলা। তোমার যেতে ইচ্ছা হয়, চল; নইলে আমার বাধা দিও না।

নেপথ্যে। শৈলেন বাবু, ভয় নাই, তাগাদা করতে আসিনি, দোষ খোল, একটা কথা কও।

শৈলেন্দ্র। তোমার সাধ থাকে, এই সব উপহাস শোন, আমার হাত ছাড়। মনে করেছিলুম, তোমায় ফেলে পালাব মা, তাই এত ক'রে বোঝাচ্ছিলুম, তুমি বুঝলে না। হাত ছাড়, কখনো তোমার গায়ে হাত তুলিনি, কালসর্প নিয়ে খেলা ক'র না, হাত ছাড়।

সরো। তুমি মারো কাটো, যা ইচ্ছে কর, আমি কখনো তোমায় এ মহাপাতক করতে দেবো না। তুমি অনন্ত নরকে ডুবতে যাচ্ছ, আমি দাঁড়িয়ে দেখব? তবে আমি তোমার কিসের স্ত্রী?

নেপথ্যে। বিরজা ভেঙ্গে চোক'না।

(দ্বার ভঙ্গ করিয়া শিবু উকীল, আদালতের বেলিফ, পিয়াদা প্রভৃতির প্রবেশ)

শিবু। সব ঘরে চাবি দাও, আর শীল কর, কোন জিনিষপত্তর নিয়ে যেতে দিও না। এক কাপড়ে বা'র ক'রে দাও। (সরোজিনীকে দোখিয়া স্বগত) ওঃ, কি রূপ! কি চোখ! কি রূপাল! কি ভুরু।

(সরোজিনীর ক্রত গৃহে প্রবেশ)

শৈলেন্দ্র। কই গো, কোথায় গেলে? নরকের ভয় করুছিলে না? এই দেখ, সব নরকের দূত। আর ঐ সাক্ষাৎ নরকের রাজা! শিবু। বেলিফ, যে ঘরে ঐ মেয়ে মানুষ সেঁধুলো, ঐ ঘরে আগে চাবি দাও।

(সরোজিনীর বাহিরে আগমন ও বেলিফের চাবি দেওন)

শৈলেন্দ্র। চল, এখন বুঝছ কেন বিষ খেতে চাচ্ছিলুম? চল, এইবার গঙ্গায় ঝাঁপ দিই গে। শিবু। কেন হে শৈলেন বাবু, বিষ খেতে যাবে কেন? গঙ্গায় ঝাঁপ দিতে হবে কেন? তোমার এমন পরিবার থাকতে আবার ভাবনা?

শৈলেন্দ্র। Rascal!

(শিবু উকীলকে পদাঘাত করণ)

শিবু। এই—পাকড়ো শালাকো!

১ম পিয়াদা। হুজুত করবে!

(প্রহার)

সরো। ওগো, মে'রা না, মে'রো না, তোমাদের পারে পড়ি। ছেড়ে দাও বাছা, আমরা চ'লে যাচ্ছি।

শিবু। কেন, চ ল যেতে হবে কেন? তুমি আমার হুকুম কর, আমি সবই ছেড়ে দিয়ে চলে যাচ্ছি। সরো। ভগবান্, কেন আমি স্বামীর কথা শুনে বিষপান করলুম না? পরপুরুষে আমার কুচক্ষে দেখছে, ভগবান্ আমার জরাগ্রস্ত কর। রাধা-বল্লভজী, তোমার মনে এই ছিল!

শিবু। বাড়ী কোন্ ছার, সুন্দরি, তোমার ভৃত্য আমি প্রাণ দিতে পারি।

শৈলেন্দ্র। ছেড়ে দাও, ছেড়ে দাও, ওঃ, প্রাণ কি বেরোবার নয়!

(পিয়াদাগণের শৈলেন্দ্রকে প্রহার)

সরো। কে আছ, খুন করলে, খুন করলে! কুল-স্ত্রীর উপর অত্যাচার, রক্ষা কর, রক্ষা কর! নির্দোষীকে মেয়ে খুন করলে, রক্ষা কর, রক্ষা কর, দেখবার কেউ নাই? রাধাবল্লভ!

(বিরজা ও তৎপশ্চাৎ ফুলীর প্রবেশ)

বিরজা। শৈলেন, শৈলেন! ওগো কে তোমরা?

কেন আমার বাছাকে ধ'রেছ ? ছেড়ে দাও, ছেড়ে দাও ।

১ম পিন্নাদা । (শৈলেন্দ্রকে ছাড়িয়া দিয়া) আরে য়ারি, ছারিয়ে দাও, ছারিয়ে দাও ! টেকা আনো, তবে তো ছাববে !

বিরজা । আমার সর্বস্ব নাও, সর্বস্ব নাও ! ওগো, তোমরা জানো এ রাজার ছেলে, কপালদোষে ওর এই দশা ! আহা, মেরেছে, মেরেছে ? তোমাদের কি দয়ামাত্রা নেই ! ওর বে ননীর গা ! শৈলেন, শৈলেন, তুই আমার উপর অভিমান ক'রে খুন হ'তে বসেছিস্ ? কত টাকা চাও, আমি সর্বস্ব দেব ।

শিবু । কোথাকার বাড়াবাড়ুনী মাগী এসে বলে সর্বস্ব দিচ্চি । তু ক'রে দাও মাগীকে ! (সরো-জিনীকে বিরজার নিকটবর্তী হইতে দেখিয়া) শুনরি, তুমি কোথায় যাও ? (অঞ্চল ধারণোত্তোগ)

ফুলী । আরে নরকের পিচাচ ! আর এক পা এগুবি ত এই ছোরা তোর বুকে বসাব ।

(ছোরা প্রদর্শন ।

শিবু । আরে ন'লো, এ বেটী আবার ছোরা বা'র ক'রে কেলে যে !

ফুলী । শিবে, তুই আমার চিনিস্ নি ? তোদের মত বাণ-ভানুকের কাছে যখন বেতে হয়, তখন এই আনার সহায় !

(নিতাই উকীলের প্রবেশ)

নিতাই । বড় বউদিদি, ফুলী, শিবু উকীল ! এ সব কি ব্যাপার !

বিরজা । নিতাই ঠাকুরপো, তুমি খুব সময়ে এসেছ, এদের পাওনা কড়ায় গণ্ডায় ফেলে দাও ।

নিতাই । কিহে শিবু ? বেলিফ, এই দশটা টাকা নাও, তোমরা জল খেও শিবু, এদের নিয়ে বাইরে দাঁড়াও গে, আমি যাচ্ছি ।

[বেলিফ ও পিন্নাদাগণের প্রস্থান ।

শিবু । আমি বাড়ী সিজ্ (seize) কর্তে এসেছি, টাকা না পেলে যাব না । এরা সব এসে বে-আইনি ক'রে আমার বাধা দিচ্ছে, আমি আদালত করব ।

ফুলী । আর ঐ পাণ্ডা কুলজীর উপর অত্যাচার কর্তে যাচ্ছিল, আপনি ওকে বাধিয়ে দিন ।

শিবু । মিথ্যা কথা, সাক্ষী কে ?

ফুলী । সাক্ষী ধর্ম ! সাক্ষী তোমার অন্তরাত্মা ! আর সাক্ষী তোমারই ঐ সব লোক !

১ম পিন্নাদা । (প্রবেশ করিয়া) হাঁ হাঁ, করুতা, আপনি চড়াও হইয়াছিলেন, বেইজুত কর্তি যাইছিলেন ।

বিরজা । নিতাই ঠাকুরপো ! দাও, ওকে বাধিয়ে দাও, যেমন ক'রে পার, এর বিহিত কর ।

নিতাই । তুমি বলবে, তবে করব ? (শিবুর প্রতি) শিবু, তোমায় একবার আমি দেখব ! এখন দূর হও ।

[শিবু উকীল ও পশ্চাৎ পিন্নাদার প্রস্থান ।

ফুলী । বড় মা, আমি বাই, আমার কাজ আছে ।

[প্রস্থান ।

বিরজা । ফুলী, তুই সত্যি বলেছিলি, বেথানে আমার শৈলেন, আমার ছোট বউ, সে আমার তীর্থের চেয়েও বেশী ।

নিতাই । বউদিদি, তুমি এদের নিয়ে বাড়ী যাও, এখানকার যা কর্তে হবে, আমি সব ক'ছি ।

[প্রস্থান ।

বিরজা । দিদি চল । আমার লক্ষী ঘরে নিয়ে যাই ।

সরো । দিদি, আমি ত তোমার দাসী, ওকে জিজ্ঞাসা কর ।

বিরজা । শৈলেনকে ? আমি যখন এসেছি, ওকে কান ধ'রে নিয়ে যাব । (শৈলেন্দ্রের প্রতি) নীরেকে বাড়ী বেচে অভিমান ক'রে বাস্ নি, সে বাড়ী ত আমি কিনেছি । আর আমার উপর রাগ ? হ্যাঁরে শৈলেন, কি দোষ তোদের কাছে ক'রেছি যে, এই শাস্তিগুলো আমার দিচ্ছিস্ ?

শৈলেন্দ্র । বড় বউদিদি, আমায় মার্জনা কর ।

বিরজা । চ'—বাড়ী চ' ! এখানকার যা সব তোর দেনাপত্তর আছে, নিতাই ঠাকুরপো তা সব চুকিয়ে দেবে ।

শৈলেন্দ্র । কিন্তু বউদিদি, তোমায় ঋণ কেমন ক'রে শোধ যাবে ? যা প্রসব করেছিলেন, তুমি মাই দিয়ে মাহুয ক'রেছ ; আমি অকৃতজ্ঞ, তোমার

মনে ব্যথা দিয়েছি। আমার মর্জনা কর।
আমি বুঝতে পারি নি—আমি বর্কর।
বিরজা। আশীর্বাদ করি, ছেলে হোক, পালন
করবার ব্যথা বুঝবি।

[সকলের প্রস্থান ।

চতুর্থ গর্তাঙ্ক ।

গঙ্গা-তীর ।

(নীরদের প্রবেশ)

নীরদ। ছনিয়া বিরূপ। শাওড়ী বেটীর পায়ে ধ'রে
কাঁদলুম, মেটাবার জন্ত টাকা দিলে না। জজ
ফৌজদারী সোপর্দ করলে। আদালতে কেউ
জামিন হ'ল না! এ সব অনর্থের মূল মোনা।
আর দোষ কার? ওরই বড়বয়ে জাল ছাও-
নোটের সৃষ্টি! জীবনে প্রতিপদে আমার কণ্টক
হয়েছে। আর কি জন্ত জীবন-ধারণ? জেলের
জন্ত? এ বংশে যা কখন হয় নি, তাই হবে?
কখন না—কখন না! জামিনে খালাস,—
এতেও বোধ হয় মোনার কিস্তি অতিসন্ধি আছে।
যে দিকে চাই—সেই দিকেই মোনা। কিন্তু
সত্যি মোনাকে ত খুঁজে পাচ্ছি নি। কাল
ফিরে এসেছি, আজ দেখি কি হয়! চল চল।

[প্রস্থান ।

(ফুলীর প্রবেশ)

ফুলী। চল, চল। ছায়ার মত তোমার সঙ্গে সঙ্গে
ফিরছি। বাঘের মত শীকার খুঁজে বেঁড়াচ্ছি।
তোমার অন্তরের ছবি তোমার চোখে দেখতে
পাচ্ছি। চল, চল! [প্রস্থান ।

(শরৎ ও হীরা ঘোষালের প্রবেশ)

শরৎ। কই বাবা, তোমার বাস্তব-হাতে মেরেমানুষ?
হীরা। সে আসবে—আসবে। ভদ্রলোকের মেয়ে
সন্ধ্যা না হ'লে বেরতে পারে? একটু গা-টাকা
হোক, তবে ত আসবে। শোন, এই গৌফ
পর। আমি নোকা ঠিক ক'রে আসছি। ও
পারে নিয়ে গিয়ে এক রকম ক'রে গমনার বাস্তব
নিয়ে আমরা সটকাব। তার পর লেলোর
উঠে একেবারে বর্জমান। বখরা কিন্তু যা বলেছি,
আদা-আদি। গেরস্তর মেয়ে, কখনও বাড়ীর

বা'র হয়নি, আমাদের সন্ধান করতে পারবে না।
তোমার নাম প্রেমচাঁদ, আর আমার নাম
শেতল।

শরৎ। দেখ, আর গৌফ পরাপরিতে কাজ
বিল্লির বাড়ীতে ঘর খালি আছে। চল, সেইখানে
নিয়ে গিয়ে তোলা থাক। ভেসে বেড়াচ্ছি, একটা
আজ্ঞা বজায় হবে।

হীরা। তুমি ত বিল্লির বাড়ী নে গিয়ে তুলবে;
দরকার হ'লে একখানি ক'রে গমনা বেচবে,
আর তোমার বেশ চলবে; তার পর আমার?
নীয়ে, শৈলেন ফেল হওয়া ইত্যক একটা পরসার
মুখ দেখি নাই। দেনা হয়েছে, এখন হ'ল এক
হাজার না হ'লে দাঁড়াতে পাচ্ছি নি।

শরৎ। দেখ, তারি ক'রাসাদে লোক।

হীরা। তোমার ভয় হয় চল যাও, আমি আচ্ছা লোক
জোটাব।

শরৎ। (স্বগতঃ) বটে! মেরেমানুষটা আশুক আগে।
(প্রকাশে) আচ্ছা বাবা, গণ্ডা চেরেক পরসার
দাও দিকিন্, হাত নেহাত থাকতি, বা' ক'রে
একটু টেনে আসি। তুমি নোকা ঠিক ক'রে
এস। কিন্তু বাবা, তুমি ত গৌফ পরলে না!

হীরা। আমার এই চেহারায় দেখেছে যে? হ'জনকে
নতুন মানুষ দেখলে বাবে কেন? সে ঠিক হবে
—ঠিক হবে, কিন্তু আদেক বখরা।

[উভয় দিক দিয়া উভয়ের প্রস্থান ।

(বাস্তব-হস্তে কুমুদিনীর প্রবেশ)

কুমু। কত লোককে কাঁদিয়েছি, কত লোককে
ঠকিয়েছি, কত সতীর মনে ব্যথা দিয়ে সোয়া
ভুলিয়ে নিয়েছি। মাকে বাড়ী থেকে তাড়িয়ে
দিয়েছি। মা পথে পড়ে ম'রেছে। আমার
শান্তি হবে না ত হবে কার? কি কুৎসিত রোগ,
আমার আপনাকে আপনি ঘেঁষা হয়, তা পরের
দোষ কি? সব সময়, কিন্তু শরতা, হীরা ঘোষাল
দেখা হ'লেই দূর দূর করে, সর না। দিন-রাত
সর্বদা যেমন জলচে, মনও তেমনি জলছে। কাল
সাপিনী আপনার বিবে কি আপনি এমনি ক'রে
জলে! হ'জনে মিলে, সর্বদা ক'রাকি দিলে,
কেড়েকুড়ে নিলে, পথে বসালে, এখন কাছে
গেলে, ঘেঁষার দূর দূর করে। এ জালা সর না।

হুঁজুকে জব্ব করতে পারি, তবে মনের আলা
একটু জুড়োর। মা পতিতপাবনি, তোমার
বাড়িরে পাপ চিন্তা করছি! মা, বর দাও—

মনস্কামনা সিদ্ধ হয়, এই হুঁজুনের শাস্তি
দেখে তোমার কোলে শুক্রে সব তাপ জুড়ুব।
আশা কি পূর্ণ হবে না? হবে—আমার মন
বলছে—হবে। এক টানে জোড়া কাংলা
গাঁধবো। এই বাক্স আমারে টোপ। আর
হুঁচাঁরখানা পাতর পুরি। তেমন ভারি হয় নি।
গয়নাগাঁটি ত কিছু রাখো নি; সব নিয়েছ। এখন
এই পাথরকুচি নাও। আমার আপনা আপনি
হাসি পাচ্ছে। গেরস্তর মেয়ে—সোয়ামীর
আলার বেরিয়ে যাব। ঐ যে একজন আসছে,
মুড়ি দিয়ে বসি। মড়া আবার গৌফ পঁরেছে।

(চাদর মুড়ি দিয়া কুলবধুর স্তান্ধ উপবেশন)

(শরতের প্রবেশ)

শরৎ। (স্বগত) ও পারে কিছুতেই নে যাওয়া
হবে না। ঐ বিন্দির ঘরে নিয়ে গিয়ে তুলব।
হীরা ঘোষাল জোটালে, ওকে কিছু দেবো।

(অপর দিক্ দিয়া হীরা ঘোষালের প্রবেশ)

হীরা। এই যে প্রেমচাঁদ বাবু এসেছেন। (জনস্বস্তিকে)
কেমন বাক্স হাতে, চাদর মুড়ি,—সব ঠিক-ঠাক,
পেলে ত? আদাআদি চাই। (কুমুদিনীর
প্রতি) এই নাও গো, খুব সুখে থাকবে—খুব
সুখে থাকবে। প্রেমচাঁদ বাবু ভারি সজ্জন।
ওপারে তোমার জন্তু বাড়ী ঠিক করেছেন।
গেরস্তর মতনই থাকবে।

শরৎ। (বিকৃতস্বরে) শেতল বাবু, ওর নামটি কি?

কুমু। (বিকৃতস্বরে) আমার নাম কেনা দাসী।

যদি পারে রাখেন, আমি তাই হয়েই থাকব।

হীরা। শুধু শুধু, প্রেমচাঁদ বাবু, কেমন রসিক
দেখুন। সত্যি কি তোমার নাম কেনা দাসী
গা?

কুমু। (বিকৃতস্বরে) না, ও বলছিলুম। আমার
নাম লক্ষ্মীমণি।

শরৎ। (বিকৃতস্বরে) শেতলবাবু, বলুন,—পারে
রাখা কি বলছেন, আমি ওকে রাখার মনি
ক'রে রাখব।

হীরা। হার হার—শোন গো শোন! তুমি যেমন

রসিক, উনিও তেমনি। নৌকার ব'য়ে সব
রসিকতা হবে। চলুন প্রেমচাঁদ বাবু, নৌকার
ওঠা বাক।

কুমু। (বিকৃতস্বরে) প্রেমচাঁদ বাবু, আমি গেরস্তর
বুড়, এ পথ কেমন, জানি নি, বড় যত্নগার বেরি-
য়েছি, আপনার পারে ধরুচি, অবলাকে মজাবেন
না।

(বাক্স রাখিয়া পদ ধারণ)

হীরা। (স্বগত) এই বেলা বাক্সটা হাতাই। (বাক্স
তুলিয়া) ওঃ, ভারি আছে—ভারি আছে।

শরৎ। (বিকৃতস্বরে) রাম—রাম পা ছাড়ুন, আমি
আপনার পারে ধরব, আপনি কেন?

হীরা। বৈশ হ'ল, গোড়াতেই একটা বোঝাপড়া
হয়ে গেল, চলুন—চলুন, শীগগির এখন নৌকার
ওঠা বাক। এখানে আবার লোক জ'মে
কাবে।

শরৎ। (বিকৃতস্বরে) দেখুন শেতল বাবু, আমি
ঠাউরেছি, একে আর ও পারে নিয়ে যাব না,
এই পারেই বাড়ী ঠিক করেছি। হুঁজুনে থাকব,
কি বল গা?

কুমু। (বিকৃতস্বরে) আমার বেখানে রাখবেন,
সেইখানে থাকব।

হীরা। তা কি হয়—তা কি হয়! গোড়ার কথার
খেলাপ! তুমি চ'লে এস—চ'লে এস। (কুমু-
দিনীর হস্তধারণ)

শরৎ। কই, নে যাও দেখি, তুমি কেমন নে যেতে
পার? ছাড় শালা হাত! (একহস্তে কুমুদিনীকে
ধরিয়া অপর হস্তে হীরাকে প্রহার)

হীরা। ছাড় শালা হাত! (শরৎকে বাক্স দ্বারা
প্রহার)।

শরৎ। চল গো চল আমার সঙ্গে! ও শালা চোর।

হীরা। আমার সঙ্গে চল, ও শালা গাঁটকাটা।

কুমু। পাহারাওলা, পাহারাওলা, আমার বাক্স কেড়ে
নিচ্ছে!

হীরা। আমাকে ক'লি দিয়ে গল্লা নেবে! এই
ক'লি দেওয়াচ্ছি। (গল্লা বাক্স ফেলিয়া দেওন
ও টানাটানিতে কুমুদের স্বরূপ প্রকাশ)

উভয়ে। এ কে? কুমী যে!

কুমু। হ্যাঁ হ্যাঁ কুমী, চিনেছিস্ বেইমান! পাহারা-
ওলা, আমার বাক্স কেড়ে নিচ্ছে।

(দুই দিক্ দিয়া দুইজন পাহারাওলার প্রবেশ)

১ম পাহা। গঙ্গাজীমে কেহ্না ফেঙ্ দিয়া রে ?

কুমু। পাহারাওলা সাহেব ! এই দুই মিলে আমার বাক্স কেড়ে নিয়ে গঙ্গায় ফেলে দিয়েছে । এই নাও সাহেব, এ আবার গৌফ (গৌফ টানিয়া লওন) প'রেছে ।

শরৎ । আঃ বেটি, মহাব্যাধির রস দিয়ে মুখটা ভরিয়ে দিলে !

হীক । আমার গা ভরিয়ে দিয়েছে !

শরৎ । (স্বগত) তোমার এখন হয়েছে কি শালা ! এ দিকে একটা হেস্ত নেস্ত হোক, তার পর রস দেখাচ্ছি । শালা বড় ক'রে আমায় বাধিয়ে দাও ।

১ম পাহা । শালা লোক পুরানো বদমাইস, মোচ চটায়কে আরা ! চল থানামে ।

কুমু । পাহারাওলা সাহেব, এরা বকেয়া গাঁটকাটা । আমি ভিক্ষে শিক্কে ক'রে বা কিছু জমিয়েছিলুম, নিয়ে মাসীর বাড়ী যাচ্ছিলুম । এরা পথে বাক্স কেড়ে নিয়ে গঙ্গায় ফেলে দিয়েছে । এর নাম ব'লেছে শেতল, এর নাম বলেছে প্রেমচাঁদ ।

১ম পাহা । হ্যাঁ—হ্যাঁ—শেতল আউর প্রেমচাঁদ পুরান বদমাস্ । (২য় পাহারাওলার প্রতি) নেই ভেইরা ?

২য় পাহা । হ্যাঁ—হ্যাঁ—দোনোকো হলিয়া হ্যায় ।

হীক । আরে কোন্ শালা শেতল হ্যায়—আমি হীক ঘোষাল ।

কুমু । ঐ শোনো, আবার বলছে হীক ঘোষাল । তোমার আরও নাম আছে না কি ?

২য় পাহা । হ্যায়ই ত—ও শেতল হ্যায়, হীক হ্যায়, পীক হ্যায়, আর কভি কভি পাঁচকড়ি হোতা হ্যায় । শালা পুরানা বদমাস্ ।

১ম পাহা । আর এই শালা প্রেমচাঁদ, এক দফে হামারা চাপরাস ছিনার লিয়াখা, চল শালা থানামে । (রুলের গুঁতা প্রদান)

হীক । আরে থাম থাম, কথাটাই শোনো—

২য় পাহা । (রুলের গুঁতা দিয়া) থানামে চল শালা, থানামে সব বাত হোগা ।

কুমু । সেলাম—সেলাম ।

শরৎ । বেটি, তোর মনে এত ছিল, শেষ হাতে দড়ি দিলি ?

কুমু । জোচ্চোর, বিশ্বাসঘাতক, লম্পট, তোর মনে এত ছিল ? অনাথা জীলোকের সর্বনাশ করলি ? তোদের জন্ত কত ভদ্র সম্মান পথে ব'সেছে, কত রাজার ঘর উচ্চর গেছে, কত নিরীহ জীলোক অকূলে ভেসেছে ! ঘৃণিত বেস্তার সঙ্গে যারা প্রবঞ্চনা করে, জেল কি, নরকেও তাদের উপযুক্ত শাস্তি হয় না । তোরা হীন, ঘৃণিত বেস্তার চেয়েও ঘৃণ্য !

[সকলের প্রস্থান ।

পঞ্চম গর্ভাক্ষ ।

মন্মথর গঙ্গাতীরস্থ নার্সারি ।

চেয়ারে উপবিষ্ট অধ্যয়নরত মন্মথ ।

(নীরদের প্রবেশ)

নীরদ । এই যে মন্মথ বাবু ! আজ দু'দিন ধ'রে ফিরে ফিরে যাচ্ছি । একা যে ? গুপ্ত ব্রহ্মাবনে রাসেশ্বরী কই ? ফুলী কই ?

মন্মথ । নীরো দা, তোমার মন বড় অপবিত্র । ফুলীর নাম তুমি মুখে এনো না, তা'হলে তা'কে কলঙ্ক স্পর্শ করবে ।

নীরদ । আর তুমি এমন পবিত্র যে, তোমার স্পর্শে সে দেবদ্র প্রাপ্ত হয় । মরি মরি, কলঙ্কভঞ্জন কৃষ্ণচন্দ্র আমার ! তা হবে না ! তুমি যে সাধু, পরোপকার কর, রাস্তা থেকে লোক তুলে নে গে সেবা কর, নিরন্নকে অন্ন দাও ! ঠক ! ভণ্ড ! জালিয়াৎ !

মন্মথ । নীরো দা ! আমি জাল করিয়েছিলুম বটে, কিন্তু সে আমার স্বার্থের জন্ত নয় । তুমি অর্থ-লোভে সংসারটাকে উচ্চর দিচ্ছিলে, বড় না আমার গলা ধ'রে কেঁদে ব'লেছিলেন, “মোনা, কি হবে !” তাঁর সে ব্যাকুলতা আমাকে জ্ঞান-শূন্য ক'রেছিল । আমি মৎসব ক'রেছিলুম, তোমাকে কোন রকম বিপদে ফেলে, সর্ব-গ্রাসী মকদ্দমার মুখ থেকে তোমাদের সংসারটা রক্ষা করব । তাই জাল হ্যাণ্ডনোট সৃষ্টি ক'রে-ছিলুম । কুৎসিত চিন্তা দ্বারা স্থান দেওয়া, কুসঙ্গে বেড়ান যে কি যন্ত্রণাদায়ক, তা তুমি বুঝতে পারবে না । যখন কই হ'ত, বড় মা'র

‘চোখের জল মনে পড়ত, আর আমি সব ভুলে যেতুম।

নীরদ। ব’লে যাও—ব’লে যাও,—আমি স্থির হ’রে শুন্টি।

মন্মথ। আমি ভেবেছিলুম, তুমি বিপদে পড়লে পার্টিসন্ স্টুট ভুলে দেবে, সংসারটা বজায় হবে। কিন্তু সে দিক দিয়েই গেলে না। ‘তবু আমি শিবু উকীলকে postponement নিতে ব’লে-ছিলুম। জজ দিলে না, সকল সম্ভবই বিফল হ’ল।

নীরদ। কিন্তু আমার সম্ভব বিফল হবে না। মংলব ক’রেছিলে, বড় মা’র বিষয় হাতে পেয়েছ, ছোট কাকাকে এক রকম পেটভাতায় রাখলেই হবে, আর আমার ভাসিয়ে সমস্ত বিষয়টা হাত ক’রে ফুলীকে নিয়ে মজা করবে। তুমি যে নিঃস্বার্থ—সাধু!—সন্নতান!

মন্মথ। নীরো দা, আমি স্থির করেছি কোর্টে গিয়ে বলব, আমিই তোমায় জজ করবার জন্তে জাল নোট তোমায় বেচেছি।

নীরদ। সাধু সাধু! ওঃ! আশ্চর্য্য স্পর্ধা তোর! তুই এখনও আমার সামনে দাঁড়িয়ে কথা ক’চ্ছিস্? লজ্জা ক’চ্ছে না? তুই কি মনে করেছিস্, আমি তোর কথা বিশ্বাস করি? তুই ভেবেছিস্, এই স্তোক দিয়ে আমার হাত থেকে বেঁচে যাবি। মনের কোণেও স্থান দিস নি।

মন্মথ। তোমায় আর কি ক’রে বিশ্বাস করাব?

নীরদ। বিশ্বাস করব না, তোর কথা সত্য হ’লেও বিশ্বাস করব না। শোন, তোর সঙ্গে আমার অনেকদিনের দেনাপাওনা। আজ তারই হিসেব-নিকেস করতে এসেছি। জানিস্ নি, বার বার আমার মুখের গ্রাস কেড়ে নিয়ে-ছিস্? ছোট কাকাকে যখন খুনি মামলার ফোল, তুই তার উদ্ধারকর্তা। ফের যখন লাথ টাকার দায়ে ফেলুম, ফুলীকে দিয়ে নোট পুড়িয়ে তুই তাকে বাঁচালি, ফুলীকে পাছে আমি তোর কাছ থেকে নি, এইজন্ত চক্রান্ত করে আমার দ্বীপান্তরে পাঠাবার বন্দোবস্ত ক’রেছিস্। ক্ষুধাতুর ব্যাঙের মুখ থেকে আহাৰ কেড়ে নিয়ে ভেবেছিলি, তাকে গিঁজ-রের পূর্ব্ব। আজ আমার হাতে তোর নিস্তার নেই। মনে ক’রেছিস্, তুই ফুলীকে নিয়ে

রাসলীলা করবি, আর দ্বীপান্তরে ব’সে তাই সেই ছবি ধ্যান ক’রব। তার আগে তে! খুন করব।

মন্মথ। খুন করবে? তা’হ’লে ত তুমি স্ব-বন্ধুর কাজ করবে। আমি তোমার সর্ব্বনাশ ক’রেছি কিন্তু এখনও বলছি, আমি নিজের স্বার্থের জন্ত করিনি। মকদ্দমা ওঠবার আগে তুমি যদি আমার কথা শুন্তে, পার্টিসন্ স্টুট রফা করতে, তা’হলে তোমাকে হাজতে বেঁচে হ’ত না। আমাকেও অমৃত্যুতে দগ্ধ হ’ত না। নীরো দা, আমি অপরাধ করেছি, আমার মার্জ্জনা কর। যে দণ্ড দেবে দাও, আমি বুক পেতে নেব। মৃত্যু এখন আমার শাস্তি।

নীরদ। ফুলি! ফুলি! এখানে থাকৃতিস্ ত দেখ-তিস, তোর পেরায়ের মোনা বাবুকে কি ক’রে খুন করি।

(খুন করিতে অগ্রসর হওন ও ফুলীর পশ্চাৎ হইতে আসিয়া হস্ত ধারণ)

ফুলি—ফুলি, এই যে ফুলী! ফুলী বেঁচে থাকৃতে তুমি মোনা বাবুর গায়ে একটি আঁচড় দিতে পারবে না।

নীরদ। ফুলি, সর, বাধা দিস্ নি।

ফুলী। আজ দু’দিন তোমার পেছ পেছ ঘুরছি। তোমার চোখে তোমার অন্তরের অভিসন্ধি দেখেছি। আমি থাকৃতে তোমার মনস্থান সিদ্ধ হবে না, মোনা বাবুকে মারতে পারবে।

নীরদ। তবে তুমিই মর, মর, মর। (এই অন্ত্যাদাত ও ফুলীর পতন)

মন্মথ। নীরো দা, কি ক’রলে—কি করলে?

দা, যে দণ্ড তুমি আমার দিলে, এর কাছে ও দণ্ড অতি তুচ্ছ! ফুলি, আমার প্রাণরক্ষ ক’রবার জন্ত, তোর অমূল্য জীবন তুই বিসর্জন দিলি? অহা, নির্ম্মল কুসুমকলি! নীরো দা, তুমি দাঁড়িয়ে কেন? আমাকেও মার। এখন আমার প্রাণবধ করা করুণা। আত্মবাতী হওয়া মহাপাপ! নীরো দা, আমার মারো, জীবনে একটা ভাল কাজ করো। আমার খুন করলে তোমার অশেষ পুণ্য হবে! মারো—মারো, দাঁড়িয়ে রৈলে কেন?

১ম দ। না, আর তোকে মারব না, তোকে কি দণ্ড
কু দিয়েছি, আমি বুঝেছি, তুই বেঁচে থেকে
জলে মর ।

মন্মথ । নীরো দা, শোনো, তুমি পালাও, শীগ্গির
পালাও । ঐ ঘরে কাপড় আছে, এই রক্ত-
মাখা কাপড় জামা ছেড়ে তুমি পালাও ।

নীরদ । তোর মতলব বাই হোক, আপাতত তোর
কথা শুনব ।

[নীরদের কক্ষাভিমুখে দ্রুত প্রস্থান ।

মন্মথ । (নেপথ্যাভিমুখে) মালি, মালি, শীগ্গির
পুলিসে খবর দে, খুন হ'য়েছে । আহা, চক্ষু
যেন সজীব র'য়েছে, যেন মহা ধ্যানে মগ্ন !
পরের জন্ত আত্মবিসর্জন ! আমার ভাল
শিক্ষা দিয়ে গেল । আমি কথার কথা শিখিয়ে-
ছিলুম, ফুলী আমার কাজে শেখালে !

(ইন্স্পেক্টর, জমাদার ও পাহারাওয়ালাগণের প্রবেশ)

ইন্স । এ কি !—কে এ কাজ করলে ?

মন্মথ । আমি ।

ইন্স । আপনি ফুলীকে হত্যা ক'রেছেন ?

মন্মথ । হ্যাঁ ।

ইন্স । মন্মথ বাবু, এ কি সম্ভব ?

মন্মথ । সবই সম্ভব । আমার অবাধ্য হয়েছিল,
সেই রাগে মেরেছি ।

ইন্স । এ কি—ন'ড়ে উঠল কেন ? চোখ মেন্চে !

কুমুদ । ফুলি, ফুলি ! ওঃ ! মূর্ছা হয়েছিল—বুঝতে
তে পারি নি । একটু ত্রাণী দিই, যদি কিছু
২য় পাক্ষিক হয় ।

দী [প্রস্থান ।

৩ (নকুল অবধূতের প্রবেশ)

১ম অব । আজ বাবার বিয়ে, দাও তোমার বাগান
থেকে ছোটো নাগেশ্বর ফুল পেড়ে । (ফুলীকে
দেখিয়া) এ বেটা এখানে প'ড়ে বে ! রং মেখেছে,
বাবার বিয়ে দেখতে বাবে বুঝি ! তাই ত বটে,
তাই ত বটে ! ঐ বে সব কাম ক'রে আসচে
যাচ্ছে !

ফুলী । (চৈতন্যলাভ করিয়া) বাবা !

অব । বাবাই বল, আর বেটাই বল, বেটা, আজ
আর তোর সঙ্গে ঝগড়া করব না ।

(মন্মথর ত্রাণী লইয়া পুনঃ প্রবেশ)

মন্মথ । ফুলি, থা ।

ফুলী । মোনা বাবু, ওষুদ আর খাব না, গজাভল
দাও ।

অব । থা বেটা, বাবার চরণামৃত থা, আমার
কমণ্ডলুতে আছে ।

(কমণ্ডলু হইতে চরণামৃত প্রদান)

ফুলী । মোনাবাবু, আমার একটু তুলে ধরো, আমি
গজা দেখবো ।

অব । দেখ'বি বই কি রে বেটা, দেখ'বি বই কি !
(গজাভিমুখী করিয়া ফুলীকে শয়ান করান)

ওঃ ! তোকে আজ কোলে নেবে কি না !
বেটার, হাত তুলে তুলে নাচন দেখ্ ! ঐ দেখ্
বেটা তোর মত সব আকাশ ছেয়ে এসেছে,
তোকে নিয়ে যাবে ব'লে !

ইন্স । মা, এই গজা সামনে, তোমায় একটি কথা
জিজ্ঞাসা করি । মা, কে তোমার ছুরি মেরেছে ?

ফুলী । নীরদ বাবু ।

ইন্স । অবধূত, শুনলে ? বল্—নীরদ বাবু ।
(জমাদারের প্রতি) জমাদার, নীরদবাবুকে চেন ।
ঘাটে ঘাটে পাহারা বসিয়ে দাও, ষ্টেশনে ষ্টেশনে
লোক রাখ, আসামী যদি পালায়, তুমি দায়ী ।
ঠিকাগাড়ী ক'রো । [জমাদারের প্রস্থান ।
ফস' কাপড় চাদর পরে তাড়াতাড়ি গিয়ে নীরদ
বাবু আমার বলে গেল,—“নর্শারিতে খুন
হ'য়েছে ।” একজন এ বাড়ী সার্চ (search)
কর, দু'জন পাহারায় এখানে মোতায়েন থাক—
আমি চট ক'রে ম্যাজিষ্ট্রেটের অর্ডার নিয়ে
আসছি ।

মন্মথ । (ভনাস্তিকে) ইন্স্পেক্টর বাবু, যাতে শেষ
কার্য্যটার কোন বিঘ্ন না হয় একটু দেখবেন ।

ইন্স । আপনারা গজাতীয়ে নিয়ে গিয়ে রাখবেন,
আমি এলুম ব'লে ।

[প্রস্থান ।

অব । ঐ বেটা দেখ্—তোর রথ এল ! যা বেটা
হরগৌরী মিলন দেখ'গে যা ! বেটা নারিকি ছিলা
কি না, বাবার মন্দিরে যখন যেত, পারে নুপুড়
বাজত—শুনতুম । বেটা শাপলতা হ'য়ে বেড়া
যয়ে জ'য়েছিল । ওর মা কীর্তন গাইত কি না !

এ বেটা ও বখশ বাবার কাছে কেঁদে কেঁদে গান ক'রত, তখন দেখতুম, বাবার গা জলে ভেসে যাচ্ছে। ও বেটা না গেলে কি হর-গৌরীর মিলন হয়? দেখ্ বেটা, এই ফুল নিয়ে যা,—বাবাকে যাকে সাজাবি!

(ফুলের গায়ে ফুল ছড়াইয়া দেওন)

হরি নাম গান করে তোর মা, তোর মত মেয়ে পেয়েছিল। হরিনাম শোন বেটা! (ফুল দিতে দিতে) হরিবোল—হরিবোল—হরিবোল!

ফুলী। আশ্বিনীর্জন! মোনাবাবু বুঝতে পেরিছি কি?

(বৃত্ত)

মল্লখ। ফুলি, ফুলি, সব ফুল'!—

অব। চল চল—মা গঙ্গা অধীর হ'য়েছে, বেটাকে তাঁর কোলে দিইগে চল। মিছে কাজে ঘুরে বেড়াচ্ছি, বেটা আজ আমার চোখ ফুটিয়ে দিলে।

[ফুলীকে লইয়া সকলের প্রস্থান।]

গর্ভাক।

উপেন্দ্রের বাটীর কক্ষ।

বিরজা, নিতাই ও বৈষ্ণনাথ।

নিতাই। বউদিদি, শিবু উকীলের নামে মকদ্দমা ক'রলে, আদালতে পাঁচ রকমের লোক পাঁচ কথা কইবে, একটা কুৎসা রটনা হবে।

বিরজা। কি, শিবু উকীলকে কমা ক'রব? আমার কুলবধুর অপমান ক'রেছে!

নিতাই। সে কি ব'লতে এসেছে, তুমি শোনো, তার পর যা ব'লবে—করব। (বৈষ্ণনাথের প্রতি) ব'দে, শিবুকে নিয়ে আর।

[বৈষ্ণনাথের প্রস্থান।]

(শিবু উকীলকে লইয়া বৈষ্ণনাথের পুনঃ প্রবেশ)

এবং বিরজার অন্তরালে গমন)

শিবু! বউদিদি, এই দোরের পাশে আছেন, কি বলবে বল।

বউঠাকুর, আমার মার্কিনা করুন। আমি আপনাই আপনার দণ্ড গ্রহণ ক'ছি। আর কেন আদালতে আমার নামে নালিশ করবেন। বৈষ্ণনাথ বাবু, হাওনোটগুলো আমার দেন। মা, আমি শিঁজে থেকে টাকা দিয়ে শৈশববাবুর

[১৯—২০]

মকদ্দমা খরচ ক'রেছি। তিনি তার অল্প আমাকে এই সব হাওনোট লিখে দিয়েছিলেন। আপনার সামনে সে সব ছিঁড়ে ফেলছি। (তথা করণ) আপনার অবর্তমানে উনি যে আপনার অর্ধেক বিষয় পেতেন, তা আমার লিখে দিয়ে ছিলেন। আমি তা রিকনভে (reconvey) ক'রে দিচ্ছি, এই নিম্ন তার দলিল। (প্রদান) মা, আমি আর কলকাতার থাকবো না, পশ্চিমে কোথাও প্রাক্টিস করবো, আমার দয়া ক'রে ছেড়ে দিন।

বিরজা। নিতাই ঠাকুরপো, তুমি না বলছিলে ওকে কমা ক'রতে?

নিতাই। না, শিবু উকীলকে কিছুতেই কমা করা হবে না।

বিরজা। না নিতাই ঠাকুরপো! (বৈষ্ণনাথের প্রতি) যদি ঠাকুরপো, কি বল? শরণাগতকে পীড়ন করলে অধর্ম হবে। রাধাবল্লভজী রাগ ক'রবেন। আমার স্বত্ত্বের ভিটে থেকে কেউ কখনো মনঃ-স্বল্প হ'রে যার নাই। তুমি ওঁর ভাষা পাওনা ওকে চুকিয়ে দিও।

নিতাই। শিবু, কাল দেখা ক'রো।

শিবু। এই দেবীকে আমি কত কথা ব'লেছিলুম!

[প্রস্থান]

বৈষ্ণ। বউদিদি! উপেন কেমন আছে?

বিরজা। আর থাকা থাকি কি ভাই—সে মানুষ আর নেই। কেমন বিব'ভুল হয়েছে; কখন নিজেকে মনে করে মরে গেছে, কখন একটু জ্ঞান হয়। একটা কাগজের টুপি হাতে ক'রে বেড়ায়। রাধাবল্লভজীর মনে কি আছে জানি না। ওর ভরসা আর কিছু করি নে!

(উপেন্দ্রের প্রবেশ)

উপেন্দ্র। কে তোমরা পালাও—পালাও। মারে-বেটার আবার কি পরামর্শ ক'ছে। বখনই অমনি ফুসুর-কাহুর করে, তখনি দাউ দাউ ক'রে আগুন জলে উঠে। পাটিসন্ ছুট হবার আগে অমনি কিস্কাস ক'রত। পাগল ব'লে উপেনের পারে বেড়ি দেবার আগে বাবার তেমনি কিস্কাস ক'রেছিল। উপেন ব'য়ে কেঁচে গেল। কাল থেকে আবার ফুসুস চ'লছে।

বিরজা । সত্যি,—কথাতো একেবারে পাগলায়
নয় । কাঁল সন্ধ্যারাজে নীরে হস্তধস্ত হ'রে
এল । তার পর থেকে হুঁজনে পরামর্শ
চ'লেছে । এত কিসের পরামর্শ গা ? হাকড
থেকে কিরে এসে অবধি শুন্ হ'রে র'য়েছে ।
কারো সঙ্গে দেখা না, পরামর্শ না, সন্ধ্যা হ'লে
একবার ক'রে দোর খুলে বেরোর, কার কাছে
যায়—কে জানে ?

উপেন্দ্র । পালাও পালাও, মাগীটা ব'লছে,—“নয়-
বলি খাবো—খাবো ।” ছোঁড়া ব'লছে—
“দেবো—দেবো ।” উপেন ম'রে গিয়ে বৈচে
গেল । নইলে তাকে ধ'রেই বলি দিত ।

নিতাই । উপেন, কি ম'রেছে—ম'রেছে ব'লছ ?
এই ত দাঁড়া আমাদের, সামনে দাঁড়িয়ে র'য়েছ ।
আমার চিন্তে পাছ না ? আমি কে বল
দেখি ?

উপেন্দ্র । তোমার চিনি, তুমি নিতাই উকীল ।
এই ব'দে, আর এই তার বড় বউদিদি ।

বৈষ্ণব । তবে যে ব'লছ—উপেন ম'রেছে ?

উপেন্দ্র । ম'রেছে—ম'রেছে—উপেন ম'রেছে ।

(শৈলেন্দ্রের প্রবেশ)

শৈলেন্দ্র । আমার একটু ভজ্ঞা এসেছে, আর অমনি
চ'লে এসেছ ? চল,—আমি বাতাস করিগে,
একটু ঘুমাবে—চল । নিতাই দা, মেজদা খব-
রের কাগজে এতটা বড় গাখার টুপি ক'রেচেন,
সেই ফুলে যেমন মাখার পরিরে দেয়,—সেইটে
কখন' কখন' মাখার দেন । আর বলেন—
'মাঝলা ক'রে এনাম পেয়েছি ।' বউদিদি, তুমি
কি এই সব দেখতে আমার বাড়ী আনলে ?
তুমি না ব'লে, তোকে দেখবার জন্ত ঠাকুর-
পো প্রাণ রেখেছে । মেজদা, আমার চিন্তে
পাছো না ?

উপেন্দ্র । চিনেছি—চিনেছি—তুই শৈলেন । তুই
লাঠি মেরে উপেনকে মেরে ক'লেছিলি । তোকে
একটা পেটী ডাকলে, পেটীটা তোর বাড়
ভাল'বে ব'লে, উপেন তোকে ছেড়ে দিতে
চার নি । তুই লাঠি মেরে উপেনকে মেরে ক'লে
চ'লে গেলি ।

শৈলেন্দ্র । মেজদা, সত্যিই তখন আমার পেটীতে

পেরেছিল । আমি বুঝতে পারি নি, আমার
মার্কনা কর, আমার বখেটে শিকা হ'য়েছে ।
উপেন্দ্র । শিকা হ'য়েছে ?

শৈলেন্দ্র । মেজদা, দেনার মাখার চুল বিজী হ'রে
থেকে, জোড়োর খ্যাতি হ'য়েছে, লম্পটে
দ্রীকে অপমান ক'রেছে ! এততেও যদি শিকা
না হয়, তবে আর কিসে হবে তা জানি নি ।
উপেন্দ্র । বটে বটে !—এতদূর হ'রে গেছে !
লম্পটে তোর দ্রীকে অপমান ক'রেছে ? তা
বেশ হ'য়েছে—বেশ হ'য়েছে । কি বলি—
কথাটা বুঝি । লম্পটে তোর দ্রীকে অপ-
মান ক'রেছে ? তবে ত তোর খুব শিকা
হ'য়েছে । বাক—তা বেশ হ'য়েছে । তোর
তাই উপেন বৈচে থাকলে এতটা হ'ত না ।
তা, তুই ত তাকে লাঠি মেরে, মেরে ফেলি !
এখন আর কাদলে কি হবে ? তা' কাদ—কাদ—
কাদলে অনেক জালা জুড়োর । আমার চোখে
জল নেই,—চোখের জল সব আগুন হ'য়েছে,
তাই সর্বশরীর জলছে ।

শৈলেন্দ্র । নিতাই দা, কি কুলাকার জ'য়েছিলুম ।
যুধিষ্ঠিরের মত তাই আমার জন্ত পাগল হ'ল !

উপেন্দ্র । চুপ কর—তাইয়ের জন্ত কাদিসনে ।
এখনি মারে-গোরে তোর পারে বেড়ি দিয়ে
পাগলা গারদে পাঠাবে । উপেনাক পাঠা-
জিল,—ম'লো তাই বৈচে গেল ।

বৈষ্ণব । উপেন তুই ত মরিস্ নি, এই ত বৈচে
আছিস্ ।

উপেন । না, না—ম'রেছে—ম'রেছে,—তোমরা জান
না । তার ছেলে দানসাগর ক'রেছিল । তোমা-
দের বুঝি নিমন্ত্রণ করে ন হ, খুব ঘট ক'রে দান-
সাগর ক'রেছিল । বাপের এক ছেলে—দানসাগর
ক'রবে না ? বরোরানা বরের ছেলে,—দানসাগর
ক'রবে না ? খুব দানসাগর হ'রেছিল,—বড় বড়
উকীল কাউজিল সব সভা হ'ল,—কত আই-
নের সব বিচার হ'ল—খুব দরাজ কাজ ক'রেছে ।
ঘটা, বাটা, বড়া, গাড়, খাট, বিহানা, গাড়ী,
জুড়ি, বাগান-বাড়ী সব দান করেছে । ভূঁই-
অশেষ পুণ্য, তাই তালুকদার পণ্ডিত দান
ক'রেছে । আর সোণারপো মুটো মুটো হুঁহাতে
বিলিয়েছে । তার পর তুরি জোজন, খানি দীরতা,

কৃত্যতা—বীরতা কৃত্যতা—নেড়ে পেরা
পৰ্য্যন্ত বাদ বাদ নি ।

বৈষ্ণব । উপেন, কোথায় শ্রদ্ধ হ'ল ? তুইও যেমন—
উপেন্দ্র । কেন হাইকোর্টে । করবে না,—করবে
না—বাগকে স্বর্গে দেবে না ? বাগকে অন্নবজ্র
দান করলে, তার সঙ্গে এই মটুক দিলে । মটুক
দিতে হয় । বাগ যে ! দেবে না ? এই দেখ,—
(টুপি পরিয়া) কেমন দেখাচ্ছে বল দেখি ?
বিরজা । ঠাকুরপো, তোমার এই দশা চোখে
দেখতে হ'ল !

উপেন্দ্র । বেঁচে থাকলেই দেখতে হয় ! অনেক
দেখতে হয়, তাই উপেন ম'রেছে । নইলে
ভাইকে পথের ভিখারী দেখতে হ'ত, লম্পটের
হাতে কুলবধুর অপমান দেখতে হ'ত, ছেলে
জাল করেছে দেখতে হ'ত,—তাই ম'রেছে—
উপেন—তাই ম'রেছে ।

(মন্মথের প্রবেশ)

মন্মথ । বড় মা, তোমার ফুলী ফুলের মত গুড়ে
গেল ।

সকলে । অ'্যা!—ফুলী গুড়ে ম'রেছে ?

মন্মথ । খুন হ'রেছে ।

সকলে । কে খুন করলে ?—কে খুন করলে ?

মন্মথ । মা, ছুরি মেরেছে নীরো দা ; কিন্তু খুন
করেছি আমি । মা, আমারই হীন কোশলে
জাল মোকদ্দমার সৃষ্টি । তার জন্তে নীরো দা'র
ক্রোধ,—তার কলে ফুলীর মৃত্যু ।

উপেন্দ্র । কুলবধুর অপমান, নারীহত্যা ! বেঁচে
থাকলে অনেক দেখতে হয়,—অনেক দেখতে
হয় ।

মন্মথ । মা, আমার বিদায় দাও ! আমি নর-সমাজে
থাকবার যোগ্য নই,—আমার মহাপাপের প্রায়-
শ্চিত্ত নাই ! শুনেছি, ভগবান্ করুণাময়, তাঁর
চরণে অবলম্বন ক'রব—যদি শাস্তি হয় ।

বিরজা । মোনা, শোন । তোমার হৃদয়—নিঃস্বার্থ
হৃদয় । তুই ভুল ক'রেছিলি, অসৎ উপায়
অবলম্বন ক'রেছিলি । অসহপারে সহজে
সিদ্ধ হয় না । ভগবান্ মন দেখেন, তাকে ক্ষমা
ক'রবেন । তুই যেমন তাঁর কাজ করছিলি,
সেমান কর—শাস্তি পাবি ।

(নীরদ, তৎপতাং তরঙ্গিত, তৎপতাং ইন্দ্রপতিঃ,
অমাদার, পাহারীওরানা প্রভৃতির প্রবেশ)

তর । ওগো—রক্ষা করো—রক্ষা করো, আমার
নীরকে পুলিশ ধ'রতে এসেছে ।

ইন্স । In the name of the King, I arrest
you for murder.

নীরদ । মিথ্যা কথা—প্রমাণ কি ? কার হুকুমে
অদরে এসেছ ?

ইন্স । নীরদ বাবু, সতর্কতা অবলম্বন না ক'রে কি
বাঘের ঘরে ঢুকেছি ? এই দেখুন,—ম্যাজিষ্ট্রেটের
ওয়ারেন্ট ।

বিরজা । ওগো—ঠাকুরপোকে দেখ—ঠাকুরপোকে
দেখ ।

বৈষ্ণব ও নিতাই । উপেন, উপেন—

উপেন্দ্র । অনেক দেখতে হয়—অনেক দেখতে হয় ।
নির্মল কূলে কুলজীর অপমান, জাল, নারীহত্যা,
অন্দরমহলে পুলিশ, হাতে হাতকড়ি ! অনেক
দেখতে হয় ! আরও দেখবার মথ আছে ? আর
কেন ? চার পো পরিপূর্ণ হ'রেছে—আর কেন ?
হৃদয় কি পাথরের চেয়েও কঠিন ! ওঃ !—ওঃ !
—(পতন)

সকলে । কি হ'লো—কি হ'লো—

বিরজা । ঠাকুরপো, আমি পতিপুত্রহীনা, আমার
ভার কারে দিবে বাছ ? মোনা, একবার তুই
ঠাকুরপোকে বাঁচিয়েছিলি, এবার রক্ষা কর ।

মন্মথ । (পরীক্ষা করিয়া) Terrible brain
straim—blood vessel কেটে গিয়েছে, নাক
দিয়ে রক্ত ছুটছে, আর আশা নাই, এইবার
হুকলো !

তর । কি হ'লো—একদিনে পতি পুত্র দুই-ই হারা-
লুম ? (পতন) ।

সকলে । কি হলো—কি হলো !

বৈষ্ণব । উপেন, ফেলে চলে গেলি ! ভাই রে—

নিতাই । উপেন, উপেন—

বিরজা । ডেকো না, ডেকো না—বড় জ্বলেছে—
একটু ঠাণ্ডা করে ঘুমাও ! আর কেন ? নিতাই
ঠাকুরপো, তোমরা গুর বদ্ধ ছিলে, এখন বদ্ধ
বা শেষ কাজ, তা করো । আহা ! রাজরাজেশ্বর
—খুলোর গড়ে লোটাচ্ছে ! শৈলেন ষষ্ঠ-

বংশের মান-মর্যাদা এখন তোমার হাতে । মেজবো, নিতাই । বউদিদি, ধন্ত তুমি, ধন্ত তোমার বৈষ্ঠ্য !
 ওঠ বা হ'য়েছে, আর ত উপায় নেই দিদি ! সংসারে কেমন করে থাকতে হয়, তুমি শেখালে !
 নিতাই ঠাকুরপো, নীরে বংশের একমাত্র সন্তান, তোমার মত বধুই কুললক্ষ্মী—আদর্শ-গৃহিণী ।
 যাতে ফাঁসীটা রদ হয়, প্রাণপণ চেষ্টা কর, পিতৃ- সমাজের কল্যাণের জন্য বালাগার করে করে
 পুরুষের অলপও বজার থাকবে । তুমি বিরাজ করো ।

যবনিকা ।

যায়সা-কা-তায়সা ।

(প্রহসন)

সুপ্রসিদ্ধ করাসী নাট্যকার মলেক্সারের “L' Amour Medecin” অবলম্বনে

প্রহসনোল্লিখিত চরিত্র ।

পুরুষ ।

হারাদন	“ম্যানিয়া” প্রকৃত বড়লোক । (পর হইবার আশঙ্কায় কস্তার বিবাহদান-বিরোধী)
রসিকমোহন	প্রেমোন্মত্ত বুবা । (রতনমালার অমুরাগী)
সনাতন	হারাদনের প্রতিবাসী ।
বাণিক	হারাদনের ভৃত্য । (গল্পবের অমুরাগী)

মিঃ নন্দী (ক্ষতভাবী)

মিঃ চোল (মহরভাবী)

}

এলোপ্যাথিক ডাক্তারঘর ।

অহরী, এসেলওয়াল, ছবিওয়াল, পোষাকওয়াল, হোমিওপ্যাথিক ডাক্তার, বৈজ্ঞ, হক্কিন্স,
পত্চিকিৎসক, ড্রেসোর, গো-বৈজ্ঞ, বাস্তকারগণ, পুরোহিত, নাপিত, মালী,
বরযাত্রী ও কস্তাযাত্রীগণ ইত্যাদি ।

স্ত্রী ।

রতনমালা	হারাদনের কস্তা । (রসিকমোহনের অমুরাগিনী)
গরব	হারাদনের গৃহে প্রতিপালিতা দাসী ।

খাজীঘর, জেঁকওয়ালী, বেদিনী, এরোগণ, বঙ্গরমণীগণ, পুরজীগণ ইত্যাদি

যায়সা-কা-তায়সা ।

প্রস্তাবনা ।

—:~:—

(গীত)

ছিন্নি পুরোনো, হেথা চলবে না কো নরা ঢং ।
হিঁছন্নানী টপ্কে প্লেলে, কালি মেখে সাজবে সং ॥
বতটা সর সর, তার বেশী ভাল নয়,
চাল-বেচাল কি হিঁছন্ন ঘরে সর ?
বেচালে বেজার নাকাল, দেখিরে দেবে রং বেরং ॥
সেরান্ন কে শুনে শেখে, সেও ভাল যে শেখে দেখে,
বেকুকের হাড়ে হাড়ে শিখতে হয় ঠেকে,
নাক কাণ আঁপনি মলে, ভালি দে লোক দেখে রং ॥

প্রথম দৃশ্য ।

হারাধনের বাটী ।

(হারাধনের প্রবেশ)

হারা । বেটাদের বায়না কত—দশ হাজার নগদ,
বিশ হাজার গরনা, হীরে মাণিক, সোনারপোর
খাট বিছানা, আবার নিজের মেয়েটা; চোর
দারে ধরা পড়েছি,—সাদি নেই দেহা ! আমার
মেয়ে বড় হয় তো কার বাবার কেয়া হয় !
বে কতি নেহি দেহা ! জাত জালা ?—জালা !
জালা ! বটে—বে দেবো ! বেটারা গুচি খাবেন ?
আর আমার মেয়ের সঙ্গে গাঁটছড়া বেঁধে নবা-
বের-বেটা নবাব জামাই বাড়ী নিয়ে যাবেন,—
আবার দান-সামগ্রী দাও, টাকা দাও,—সে পাত্র
আমি নই, সে পাত্র আমি নই ।

(মাণিকের প্রবেশ)

মাণিক । আজ্ঞে সে পাত্র আপনি নয়, সে পাত্র
আপনি নয় ।

হারা । দেখ মাণকে, তুই একটু বুঝিস্ জুঝিস্—
মাণিক । আজ্ঞে হাঁ ।

হারা । বল দেখি—মেয়ে আমার কি আর কার ?

মাণিক । আজ্ঞে—আজ্ঞে—

হারা । চোপরাও বেটা—বল মেয়ে আমার কি
কার ?

মাণিক । আজ্ঞে কোন্ মেয়েটা ?

হারা । বল বেটা, আমার ঘরে আর কোন মেয়ে ?

মাণিক । আজ্ঞে আপনকারই মেয়ে, আপনকারই মেয়ে

হারা । তবে আর কে কি বলে ।

মাণিক । আজ্ঞে কে কি বলে, কে কি বলে ?

হারা । যোল বছরের মেয়ে হয়েছে—হোক্ ।

মাণিক । আজ্ঞে হোক্—হোক্ ।

হারা । তবে আর কি !

মাণিক । আজ্ঞে তবে আর কি ।

হারা । খপরদার বেটা কারকে বাড়ী ঢুকতে
দিবি নি ।

মাণিক । আজ্ঞে তা কি হয়—বাড়ী ঢুকবে কে ?

হারা । দেখ, ঘটক বেটাকে দেখাবি কি অমান
দোরে খিল দিয়েছি ।

মাণিক । আজ্ঞে হড়কো দেবো ।

হারা । শোন মাণকে, বেটাদের আশ্পর্কার কথা
শোন ।

মাণিক । আজ্ঞে শুন্বো বই কি—শুন্বো বই কি ।

হারা । এখন শোন বেটা ।

মাণিক । আজ্ঞে কাণ পেতে খাড়া রয়েছি ।

হারা । বেটারা বলে,—যোল বছরের মেয়ে হলো,
একটি পাত্র ডেকে এনে বে দাও, আবার
বলে, দান সামগ্রী দিয়ে বে দাও,—আবার
নগদ কিছু দিতে হবে । শুনেছি বেটারদের
আশ্পর্কা ?

মাণিক । আজ্ঞে খুব গরজে কথা বলে—খুবই
গরজে কথা বলে ।

হারী । আবার খোন—বলে সৌহিন্দ হবে ।

মাণিক । আজ্ঞে তা কি হয়—তা কি হয় ।

হারী । বজ্র—আমার বিষয় ভোগ করবে ।

মাণিক । ইঃ—তা আর করতে হয় মি ।

হারী । তবে আর কি—আমি চল্লুম, তুই হাঁসিয়ার থাকিস্ ।

মাণিক । আজ্ঞে খুব হাঁসিয়ার রইলুম ।

হারী । দেখিস্ । [হারীধনের প্রস্থান ।

দ্বিতীয় দৃশ্য ।

হারীধনের বাটার সম্মুখ ।

বাটার মধ্যে মাণিক ।

(গরবের প্রবেশ)

গরব । (স্বগত) আমারও যেমন পোড়া কপাল, দিদিমণিরও তেমনি । ডাগিস গিন্নী ঠাই দিয়েছিল, তাই পেটের আলার ভিক্ষে করতে হয় নি । আহা মাগী যেন মেয়ের মতন ক'রে পেলেছে । আর তার মেয়ের এই পোড়া কপাল ! আমার যেন বাবা টাকাকড়ি দিতে পারে নাই, তাই বে হলো না । ও মা, বুড়ো মিলে, টাকার কাঁড়ির উপর ব'সে আছিস্, তুই মেয়ে আইবুড়ো রাখছিস্ কি হুঃখে ! দিদিমণি যে তেমন নয়, তাই নইলে এই তো বসিক বাবু—ঘুর ঘুর ক'রে ঘোরে, দিদিমণিও জানালা দিয়ে চেয়ে থাকে । আমরা হ'তুম, জানালা দিয়ে উলে গিয়ে বে ক'রে তবে আর কাজ ।

মাণিক । (ভিতর হইতে) এই গরবি বেটা আসছে, দোর দিই । (দোর বন্ধ করণ)

গরব । (অগ্রসর হইয়া) মাণিকে, দোর দিচ্ছিস্ কেন ?

মাণিক । কর্তা না তোরে পাড়া বেড়াতে মানা করেছে, আবার পাড়া বেড়াতে গিয়েছ ? এই কর্তাকে ডেকে দেখাচ্ছি ।

গরব । আহা মাণিক, আমি তোমার জন্তে মরি, আর তুমি আমার এ রকম কর ?

মাণিক । আহা মরো না, ব'রে দানো পাও !

গরব । তোকে কত সোহাগ করি—

মাণিক । সোহাগ তো তুড়, তুড় করে,—মাণিকে,

মুখপোড়া, কাঁটাখেকো !” আমি কাকুতি মিনতি করি,—‘গরব একবার চাও না ! চাইতে বলে মুখে খুতকুড়ি দিয়ে বাও,—আজ তেমনি খেঁতলান খেঁতলাবো ।

গরব । তবে আমি বায়ুনবাড়ীর দীরের কাছে চল্লুম, আমার মনের কথা তাকে বলিগে ।

মাণিক । কেনে—তাকে বলবি কেনে—আমার কি কাণ নাই, আমি কি শুনতে জানি নে ?

গরব । তবে শুনো মাণিক শোনো—(ফুস ফুস শব্দ করণ)

মাণিক । তুই গলা হাঁকারে বল—কেন ফুস ফুস করলে শুনবো কেন ক'রে ?

গরব । তুই দোরের আড়াল হ'তে শুনক পাচ্ছিস্ নে ।

মাণিক । তুই গলা হাঁকারে বল দেখি—কেন শুনতে না পাই ।

গরব । (স্বগত) ছোঁড়া আমার ভালবাসে, বলে তো আমাদের জাত । মুখপোড়া যেন পারে পারে ঘোরে । ওইতে তো আমার রাগ হয় । (অল্পট শব্দ করণ)

মাণিক । আরে বুঝতে পার্চি ।

গরব । দোর দিয়ে কি বোকা যায় ।

মাণিক । বোকা যায় না !—তুই ঠায়ে ব'লেই বুঝবো ।

গরব । ও মনের কথা ঠায়ে বলেও বোকা যায় না । কই তুই বল দেখি, কেন বুঝতে পারি ?

মাণিক । ও গরব—গরবমণি—

গরব । আমর মুখপোড়া ! কি ফুস ফুস ক'রে দেখ ।

মাণিক । ফুস ফুস করবো কেনে ? এই যে গলা হাঁকারে বলছি,—ও গরব—গরবমণি—তুমি আমার বে করবে ?

গরব । এই দেখ কি তড়বড়, তড়বড় করে, আমি একটাও বুঝতে পাচ্ছি নে ।

মাণিক । বুঝতে পাচ্ছিস্ নে—তবে শোন । (দোর খুলিয়া বাহিরে আসিয়া) ও গরব—গরবমণি—আমি তোমার জন্তে মরি !

গরব । ও মাণিক—মাণিকটাদ,—তোমার কাছে কাণে একটা মনের কথা বলি—দাঁড়াও ।

মাণিক । আচ্ছা কি বলবি বল ?

গরব । তুই চোখ বুজে কাণ পেতে দাঁড়া, আমি

আন্তে আন্তে মনের কথা বল্‌বো, নইলে কেউ
শুনতে পাবে ।

মাণিক । আচ্ছা, আমি চোখ মুদে দাঁড়িয়েছি, তুই
বল । (চক্ষু মুদিয়া দণ্ডায়মান)

গরব । আচ্ছা আমি বলছি, তুই দাঁড়া । (বাটার
ভিতরে প্রবেশ করিয়া দ্বার বন্ধ করণ)

মাণিক । কই বলি নি ?

গরব । (ভিতর হইতে) তুই দাঁড়া—কর্তাকে বলি,
তুই পাড়া বেড়াতে গিয়েছিলি ।

মাণিক । ও গরব—তোমার পারে ধরি গরব ! দোর
খুলে দাও গরব !

গরব । না—তুই দাঁড়া, আগে কর্তাবাবুকে বলি, তুই
সনাতন বাবুর কাছে সবন্ধ করতে গিয়েছিলি ।

মাণিক । দই—গরবের দই—এই নাক রঙুড়ছি—
কাণ মলছি, ঘাট করেছি—আর অমন কর্‌বো নি ।

গরব । আমি যা বল্‌বো—তা শুনবি ?

মাণিক । শুনবো—শুনবো—যাও একাশি ক'রে
শুনবো, তুই যা বলবি শুনবো ।

গরব । আচ্ছা তবে আর ।

(দোর খুলিয়া দেওন)

উত্তরের গীত)

মাণিক ।—

নাক কাণ মলালি, এখন পীরিত একটু কর !

গরব ।—

ওনা ছিঃ ছিঃ তোর পীরিতে ভুতে কর্‌বে ভর !

মাণিক ।—

গরবিনী গরবমণি, কওনা কথা, চাওনা কিরে !

গরব ।—

মুখখানা তোর গোমড়াপানা, আঁতকে উঠি,
চাইবো কিরে ?

মাণিক ।—

এত তোর গরব কিসে ?

গরব ।—

রূপের গরব—মরু মিলে !

মাণিক ।—

তাইতে তো আছি ম'রে !

গরব ।—

করেছিস্ বলিস্ কিরে ? দেখি দাঁড়া হুড়ো ধ'রে !

মাণিক ।—

ইনঃ তোর গোহাণ্ড তারি ! এতটা কর্‌বি করর ?
গরব ।—

করবো না করর ?

সাত রাজার ধন সোনার মাণিক—

তুই কি আমার পর !

[উত্তরের প্রস্থান ।

তৃতীয় দৃশ্য ।

হারাধনের বৈঠকখানা ।

(হারাধনের প্রবেশ)

হারা । ওঃ শাস্ত্র কি মিছে !—গিন্নী যদি ম'লো তো
মেয়ে বিইয়ে গেল ! তাই তে তো বলে বিপদ
একলা আসে না । মেয়ে যদি বি'য়েলো তো
বড় হলো,—কোথেকে পাড়ার লোকও জুটলো
—বলে বৈ দাও । আচ্ছা মেয়ে হবি হ—বড় হবি
হ—তো মুখ গুন্ডে অমন, ব'সে থাকবি কেন ?
কেন—তা আমার বোকা ! কথাহ কইবে না
—তো বোকাবে কি ? এই দেখ দেখি, এই এত
গুলি বিপদ একেবারে ঘাড়ে চাপলো ! আবার
বিপদ মেয়েটাকে না দেখলে বাঁচিনে, মেয়েটার
হাসি না দেখলে বাঁচিনে ! মনে করুন তোরাকা
রাখবো না ;—মন খারাপ হবে—টাকা নাড়বো-
চাড়বো । টাকা নেড়েও সোয়ান্তি পাইনে,
মেয়েটাকে মনে পড়ে !—মেয়েটার কি হলো—
তাই তো—কি হলো—

(জহরী, ছবিওয়াল পোষাকওয়াল ও এসে
ওয়ালার প্রবেশ)

(স্বগত) এই দেখ, মাণিকে বেটা দোর খুলে
দিয়েছে । (একান্তে) এখন তোমরা যাও গো
—যাও, এখন আমার বড় মন খারাপ ।

জহরী । আচ্ছা তাই তো আপনার সঙ্গে দেখা
করতে এলাম ।

সকলে । আচ্ছা তাই তে তো এলাম—তাই তে
তো এলাম ।

হারা । আমার বিপদ—

স্বামী-ক-ভাষ্য।

সকলে। আহা বিপদ শুনেই এসেছি—বিপদ শুনেই এসেছি।

(সনাতনের প্রবেশ)

হারী। আমার ঘরের ব্যাঘো—

ছবিগুলা। অ্যা ঘরের ব্যাঘো!—তবে বসতে হলো।

পোষাকগুলা। ব্যাঘরাটা জানতে হলো।

এসেলগুলা। উপায় করতে হলো।

হারী। আর উপায়!—উপায়ের বাঁর।

সকলে। সে কি—সে কি?

হারী। তা বই কি—কোন কথা ভাজে না, দিবা রাত্রি চুপ করে ভাবে, চোখ ছল ছল করে, নিখেন ফেলে, হলো—হাঁ করে আকাশ পানে চেয়ে থাকে!

জহরী। এর আর কি, সোজা উপায়। এই স্বদেশী শাকুরার গড়ন একছড়া হীরের “বজ্রবাসী নেক্-লেস” কিনে দেন, এখনি এক গাল হাসবে।

ছবি। ওতে হবে না, ওতে হবে না—এই স্বদেশী “কোকিল-কুজিত-কুঞ্জ-কুটীর চিত্র” খানি দেন, এখনি হেসে লুটোপুটি খাবে।

পোষাক। না—না—ওতে হবে না—এই স্বদেশী সাঁচা “বজ্রের অঙ্গচ্ছেদ জ্যাকট”টা কিনে দেন দেখি, গায়ে দিয়ে আয়নার মুখ দেখবে, আর আফ্লাদে আটখানা হবে।

এসেল। আঃ, ওতে কি হবে,—এই স্বদেশী “বরকট এসেল” দেন, শুঁকবে—আর রোগ-কুলাই দেশ ছেড়ে পালাবে;—প্রাণ ঠাণ্ডা হবে—মন ঠাণ্ডা হবে—বলবো কি, এসেল শুঁকে পাগল ভাল হয়েছে।

হারী। আর আমার বুঝি পাগল করতে এসেছ?

সুনী। তাই তো, তাই তো,—বে যার মাল বেচতে এসেছেন। ওঁর স্বদেশী শাকুরা হামিলটন, ওঁর স্বদেশী ছবি ফরাসী, ওঁর স্বদেশী বডি র্যাঙ্কিনের আর ওঁর স্বদেশী এসেল জার্মানীর। কর্তা ওতে ভোলে না হে—কর্তা ওতে ভোলে না। তোমা-দের মত স্বদেশী জুটেই স্বদেশী কাজটা মাটি করতে বসেছ। আহা, শুভকণে লোকের স্বদেশী জিনিসে ষাঁক হয়েছে, তোমরাও এক দাঁও পেয়েছ—বত বিদেশী জিনিস এনে জুজুরি করে স্বদেশী বলে ধাপ্পা দিচ্ছ। কর্তা আমাদের সব ষোখে। (হারাধনের প্রতি) আমার কথা শোনো—যেয়ে বড় হয়েছে, বের সময় হয়েছে,—

হারী। হাঁ!

সুনী। আমি বে ‘রসিকমোহন’ বলে গানটি ঠিক করেছি, রূপে-গুণে, কুলে-নীলে বেবন হ’তে হয়, কিছু খরচ হবে না—

হারী। হাঁ!

সুনী। রসিকমোহনের সঙ্গে মেয়েটির বিবাহ দাঁও।

হারী। হাঁ!—আর তিনি বে ক’রে, আমার মেয়ে-টির হাত ধ’রে নে বাড়ী চ’লে যান! ওরে বাপ্-রে—খুনে রে— [ক্রত প্রস্থান।

সুনী। এইখানে এসেছ দাঁও বাগাতে?

জহরী। আমরা তো বাগিয়েছিলুম, আপনি বে বাগড়া দিলেন।

সনাতন। নাও নাও সরে পড়ি এসো, এখানে বাগ-সাগ চলবে না, দেখছ না—টাকা খরচ হবে বলে মেয়ের বে দিচ্ছে না। বলে কি জানো, আমার মেয়ে আমার থাকবে না, পরকে দেবো?

(মাণিকের প্রবেশ)

মাণিক। ম’শয়েরা ভেতরে থাকবেন কি বাইরে থাকবেন বলুন, আমি দোর দেবো।

সুনী। কেন বাপু, দোর দেবে কেন?

মাণিক। আজ্ঞে কর্তার হুকুম—দোর দিতেই হবে।

সুনী। দোর তো দেবে, আবার খুলে দেবে তো?

মাণিক। আজ্ঞে কাল সকালে,—কর্তার হুকুম।

সুনী। তবে আমরা চলুম।

মাণিক। আজ্ঞে থাকেন থাকুন, কর্তা বলেন নেই; কিন্তু দোর আমি দেবো।

সুনী। আচ্ছা, বাপু, তুমি দোর দাঁও, আমরা চললুম।

(সকলের গীত)

বিক্রেতাগণ।—

কখেছি স্বদেশহিতে জীবন দিতে চার জনে।

সনাতন।—

ভিরকুটিতে চারটি সমান কমবেশী নাই ওজনে ॥

জহরী।—

ঠিক স্বদেশী “বজ্রবাসী নেক্লেস” বে পরে,

দেশহিতৈষী ঠিক বলি তারে,

দেশের মুখ আলো সে করে;

ছবি।—

“কোকিল-কুজিত-কুঞ্জকুটীর” স্বদেশী তসবীর, দেখলে ক্রমে স্বদেশ-প্রেমে ব’সবে চোখে:নীর;

পোষাক।—

আঁট্টলে জ্যাকেট “বন্ধের অঙ্গচ্ছেদ”,
আয়না ধ’রে বুকে দেখে স্বদেশ-প্রেমের জেদ,
জ্যাকেটে জমার্ট বাঁধে বঙ্গচ্ছেদের খেদ ;

এসেন্স।—

সাধের এসেন্স সাধের নাম “বরকট”,
ভ’ক্লে পরে স্বদেশ-প্রেমে করে সে ছটফট,
ঝাড়ে লেকচার চটপট, হয় বীরাদনা চট ;

বিক্রেতাগণ—

ফিরি দেশের তরে ফিরি ক’রে,
অহুরাগ খুব গগ্গণে ।

সনা।—

এরা মরবে কবে কে জানে,
কি আছে যমের মনে ॥

(মাণিকের প্রস্থান ও ভাদ্রনা গইরা পুনঃ প্রবেশ)

মাণিক।—

জড়ি জড়ি দাও পড়ি, বাও বাড়ী,
নইলে এই ভাদ্রনা ঝাড়ি, থাকতে লাব্বে এখানে ।
হেথায় চলবে নি কো গান,
আমি মাণিক, নই পাঁড়ে দরোয়ান,
খুব সেটে দেবো দোর এঁটে,
কর্তার কড়া হুকুম নাও শুনে ॥

[মাণিক ব্যতীত সকলের প্রস্থান।

মাণিক। আর একটা কি কর্তা করে বে?
হ্যাঁ! এরা গোলো কি রইলো, খবর দিতে হবে।
গেল বই কি? যদি বলে, কোথায় গেল?
দোর খুলে পেছু পেছু দৌড়বো? দেখবো
কোথায় যায়? না, এখনি দেখবো নাকি?
(দৌড়াইবার উপক্রম)

(হারাধনের পুনঃ প্রবেশ)

হারা। মাণকে, কি কচ্ছিস?

মাণিক। আজ্ঞে, দৌড়ব মনে ক’রে কাপড় গুছুছি।

হারা। কেন রে বেটা?

মাণিক। আজ্ঞে, যদি জিজ্ঞাসেন—ওরা কোথায়
গেল, তা হ’লে তো বলতে লাব্বো, তাই পেছু
পেছু দৌড়ব ভাবছি।

হারা। নে, তুই রতনকে ডেকে আন।

মাণিক। আজ্ঞে, গরব যদি সঙ্গে আসে?

হারা। আসে আব্বক।

মাণিক। আজ্ঞে দেখুন—আমার দায়-দোষ নাই।
সে আসবে, সে বড় বাধারে, দিদিমণির সঙ্গে
সঙ্গেই ফেরে। আজ্ঞে, চল্লুম তবে?

হারা। আগন্তন করুলে! নে তোরে যেতে হবে
না, আমিই বাছি।

[হারাধন ও তৎপশ্চাৎ মাণিকের প্রস্থান।

চতুর্থ দৃশ্য।

রতনমালার কক্ষ।

রতনমালা ও গরব।

(হারাধনের প্রবেশ)

হারা। শোন রতন, আজ আমি একটা হেস্ত-নেস্ত
করবো—তবে ছাড়বো। তোর কি হয়েছে,
বলতেই হবে। বল্বিনি?

রতন। কই কি হয়েছে?

হারা। কি হয়েছে। অমন মুখ গোমড়া ক’রে
থাক কেন? কি চাও, একটা মুখের কথা
খসালেই তো হয়। কোন্ জিনিস তোমায় দিই
নাই?—গয়না দিয়েছি, পোষাক দিয়েছি, ছবি
দিয়ে ঘর সাজিয়ে দিয়েছি, ঘরের নীচে ফুলবাগান
ক’রে দিয়েছি, লেখাপড়া শিখিয়েছি, গান শিখি-
য়েছি, বুনতে শিখিয়েছি, ছবি আঁকতে শিখি-
য়েছি, কটোগ্রাফ তুলতে শিখিয়েছি, কাঁড়ি
কাঁড়ি টাকা খরচ করেছি—

গরব। মাথা কিনেছ!

হারা। চুপ মাগী চুপ। গিন্নীর আস্কারাতে খুব
বাড়িয়ে তুলেছে। (রতনের প্রতি) হ্যাঁ রে, এক-
ছড়া হীরের “বঙ্গবাসী নেক্লেস” নিবি?

গরব। ধুয়ে খাবে!—ঢের নেক্লেস আছে।

হারা। রবিরম্মার ছবি নিবি?

গরব। গোল গোল বোম্বাই মুখ দেখে স্বর্গে যাবে।

হারা। দ্যাখ বলে না,—“বন্ধের অঙ্গচ্ছেদ জ্যাকেট”
নিবি?

গরব। হ্যাঁ—সোলতে পাকাবে।

হারা। শিশি কতক “বরকট এসেন্স” নিবি?

গরব। একটা রাজা চুসি নিবি? এসেন্স কি করবে

গো— জল বাঁজাবে না কি ? এসে-
 লের শিশি বে আর বরে ধরে না ।
 হারা । তবে কি চার—তুই ছাই আমার বল না ?
 গরব । চার একটাবর ?
 হারা । চোপ্ মাগী চোপ—বড় বড় মুখ তত বড় কথা !
 গরব । তবে কাতলা যাচ্ছে বুড়ো খাবে ।
 হারা । সত্যি নাকি—সত্যি নাকি ?
 গরব । সত্যি না তো আর কি ? সত্যি কথা বলে
 তো আর শুন্বে না ।
 হারা । কি সত্যি কথা—বল না ?
 গরব । ঐ যে বললুম, বর চার ।
 হারা । বর চার—ছেলের হাতে মো ! বর চার—
 বাদর চার—উল্লুক চার—ভালুক চার !—রতন
 বল কি চাস ? বল—বল—বলছি ? নইলে
 আমি আত্মহত্যা করবো, বাড়ী থেকে বেরিয়ে
 যাবো, বিবাকী হয়ে চলে যাবো ।
 রতন । কি বলবো !
 গরব । (জনাড়িকে) বল না কেন—বর চাই ।
 হারা । (স্বগত) আমি স'রে পড়ি,—কি জানি যদি
 ব'লে ফেলে । কথার কান দেবো না । (প্রকাশে)
 তুই বলি নি, আমি চললুম বিরাকী হয়ে ।
 [হারাধনের প্রস্থান ।
 গরব । হ্যাঁগা দিদিমণি, বলি, মুখ ফুটে বলতে পারলে
 না যে বর চাই ?
 রতন । নে, তুই আর জালার উপর জালাস নি,
 আমার মরণই ভাল ।
 গরব । হ্যাঁ—সে এক রকম মন্দ নয় ।
 রতন । তুই আমার সঙ্গে ঠাট্টা করিস ?
 গরব । ঠাট্টা কি গো, তোমার এত জালা, ম'রে
 জুড়াবে ।
 রতন । মরণ বললেই তো মরণ হয় না !
 গরব । তা হবে না কেন গো, ঠিক মরণ হয় ।
 রতন । কিসে ?
 গরব । এই দড়ি, ছুরী, আকিং, গঙ্গার ডোবা—
 রতন । তুই ঠাট্টা কচ্ছিস, আমি সত্যি বিষ পেলে
 খাই ।
 গরব । তা বেশ তো গো, যদি মন হয়ে থাকে,
 বিষ খেতে চাচ্ছ, খাও না । যেখানে আট আনা
 আকিংএর ডরি, সেখানে বিষের ডাবনা ?
 রতন । আকিং কে এনে দেবে ?

গরব । তার জন্তে ডেবো না, আমি যোগাড় করবো ।
 রতন । তুই আমার আকিং কিনে এনে দিবি ?
 গরব । ত । দিদিমণি, তোমাদের এদিন খাচ্ছি, পরচি, ও
 গিন্নী কত বড় করেছে, কর্তা কত আবদার সর,
 তুমি তার এক মেয়ে, সখ করে আকিং খেতে
 চাচ্ছ, একটু আকিং এনে দিতে পারবো না,
 লোকে যে বেইমান বলবে !
 রতন । তুই কি সত্যিই আমার আকিং এনে দিবি ?
 ঠাট্টা কচ্ছিস ?
 গরব । হ্যাঁগা, তোমার এমন খাটো মন, বিশ্বাস
 করো না, তবে বুঝি তুমি ঠাট্টা ক'চ্ছ ?
 রতন । বুঝেছি বুঝেছি, আমার বিষ এনে দিয়ে
 বাবাকে ব'লে দিবি ।
 গরব । মাইরি না, তোমার গায়ে হাত দিয়ে বলছি ।
 (গায়ে হাত দিয়া) হলো ?
 রতন । গরব, তোকে মনে করতুম, তুই আমার
 আপনার । তুই আমার হাতে ক'রে বিষ দিবি !
 গরব । এ কাজ তো দিদিমণি, আপনার লোকেই
 করে ।
 রতন । ভাখ—আমার ছঃখ কেউ বুঝে না !
 গরব । তোমার চং কেউ বুঝে না ব'লে ?
 রতন । তং কিরে ?
 গরব । তং নয় তো কি ? আমি কি মেয়েমানুষ
 নই, আমি কি কাণা ? আমি কি দেখি নি—
 জানলা খুলে তাকিয়ে থাকো, কখন সে আসবে ।
 সে চলে গেলে, অমানবুক বড়কড় করতে থাকে,
 চ'খোচ'খি হ'লে ওমনি আছলো আটখানা
 হয়ে যাও ।
 রতন । জানলা—আমোদে আটখানা, বুক বড়কড়
 —এ সব কি লো ?
 গরব । ঐ সব গো—ঐ সব—
 রতন । বাঃ, তুই তো বেশ গল্প করতে পারিস ।
 গরব । আরো গল্প বলি শোনো,—এক জনের বাপের
 এক মেয়ে, মাগ-ছেলে আর কেউ নেই, বাপ
 মিলে মেয়ের বে দেবে না, জামাই মেয়েকে
 বাড়ী থেকে নে যাবে, মেয়ের ছেলে হ'লে বিষর
 ভোগ করবে । খুব আঁট ক'রে ব'সে আছে,
 লোকের কথার কান দেয় না । এ দিকে মেয়ে
 জানলা খুলে এদিক্ ওদিক্ দেখে, মনের মতন
 লোকেরও দেখা পেলো, হাছতাশ করে, বাপকেও

কিছু বলতে পারে না, ভেবে ভেবে সোনার অঙ্ক
কালি হ'তে লাগলো ।

রতন । তার পর কি হলো ?

গরব । দিনরাত আকাশ পানে চেয়ে ব'সে থাকে,
চাঁদ দেখে, ফুল শেক, খায় না-দায় না, শোয়
না-ঘুমোয় না, বাপকেও কিছু বলে না, জানে—
বললেও বাপ শুন্বে না ।

রতন । তার পর কি করলে ?

গরব । সে কি করলে, জানিনে । আমরা হ'লে
উপায় করতুম ।

রতন । কি উপায় করতিস্ ?

গরব । উপায়ের তাবনা ? মনের কথা খুলে উপায়
হয় না ?

রতন । কি উপায়—কি উপায় ?

গরব । আমি তো বলেছি, অমনি উপায় হয় না,
মনের কথা ভাবলে তবে উপায় হয় ।

রতন । সত্যি গরব—কিছু উপায় আছে ?

গরব । কিসের গো ?

রতন । আচ্ছা, তুই এখনো ঠাটা কচ্চিস্ ? আমার
অবস্থা তো সব জেনেছিস্, ভোর কাছে আর
লুকোচুরি কি ? বইয়ে পড়েছি, কিন্তু পরের
অন্তে যে এত ক'রে ভাবতে হয়, তার সঙ্গে কেবল
চ'থের দেখা, কখনো কথা কইনি, কাছে বসি
নি, সে যে জীবনের সর্বস্ব হয়, তা আগে বিশ্বাস
করতুম না । এখন আর কি করবো, দেখছি,
এমনি ক'রে জ'লতে জ'লতে জীবন যাবে ।

গরব । জীবন যাবে ! নকড়া ছকড়া জীবন কিনা,
গেলেই হলো ! বালাই ! তুমি সব কথা খুলে
বলো,—কবে দেখা হলো, কোথায় দেখা হলো, এ
যে দেখছি চোরে কামারে দেখা নাই, রাজমহলে
সিঁদ ! তুমি একা জলছ, না সে লোকটাও
তোমার অন্তে জলছে, সব জানা চাই, দম্বাজ
পুকবের পাল্লায় না পড়ে ।

(গরবের গীত)

পুকবের নামান্ দম্বাজী ।

অন বোঝা নয় তো সোজা, সত্যি প্রেম কি কারসাজি ।

আগে সে কত কাঁদে, পারে ধ'রে কত সাধে,

নারীর প্রাণ বাঁধে প্রেম-কাঁদে ;

হাতে গেলে পারে ঠ্যাংলে, কাঁদা সাধা ভোজবাজী ।

সরলা কুলনারী, চলতে হয় সামনে ভারি,

অবুঝ হয়ে চলে নানা বাহানা জারি ;

না হাতে পেরে, হাতে বেতে কেউ বেন না হয় রাজী ॥

রতন । তার মনে কি আছে, জানিনে ভাই । আমি
আড়াল থেকে শুনেছি, তার সঙ্গে সব্বন্ধের কথা
নিরে তাদের পাড়ার স্নাতন বাবু এসেছিলেন ।
বাবা তো মাণিকেকে দিয়ে বাড়ীতে লোক
আসা বন্ধ ক'রে দিয়েছে ।

গরব । তোমার সঙ্গে কি ক'রে দেখা হলো ?

রতন । সে অনেক দিনের কথা, একদিন নতুন বিরা
সঙ্গে মাসীর বাড়ী হ'তে ভাড়াটে গাড়ী ক'রে
আসছি, আসবার সময় হাবাকাল মাসী, গলীর
ভেতর দিয়ে আসতে আসতে পথ চিন্তে পারলে
না; গাড়োয়ানও বাড়ী চেনে না, আমি তো
কেঁদে সারা,—সেই সময় দেখা । ঝিকে
জিজ্ঞাসা ক'রে খবর নিয়ে, কোচবাক্সে উঠে
বাড়ী রেখে গেল । আমিও গ্যাসের আলোর
আমার হৃদয়-দেবতাকে দেখলুম ।

গরব । অমনি প্রেমের গ্যাস জেলে বুঝি বাড়ীতে
চ'লে এলে ?

রতন । নইলে এত জলছি কিসে !

রতন । তাই তো এ গ্যাসের আলোর প্রেম, বড়
দবদবে প্রেম ! তা কিছু কথাবার্তা হলো ?

রতন । না, দেখলুম, আমার মুখপানে চেয়ে রয়েছে,
আমি লজ্জায় চোখ ফিরিয়ে নিলুম । তার পর
থেকে দেখতে পাই, রোজ আমার জানালার
পানে চেয়ে চেয়ে রাস্তায় বেড়ায় । এখন বল—
কিছু উপায় করতে পারবি ?

গরব । এর উপায় যদি না ক'রতে পারি, তবে গর-
বের আর গরব কি ? তোমার কিন্তু বা বলি,
তা করতে হবে ।

রতন । কি করতে হবে বল—কি করতে হবে বল ?

গরব । বেশী কিছু না—গব্ গব্ ক'রে খেতে হবে
আর বিছানার শুতে হবে ।

রতন । আবার ঠাটা ?

গরব । ঠাটা নয়, তুমি চুপ ক'রে বিছানা কামড়ে
পড়ে থাকো, আমি কর্তাকে বলি গে, তোমার
বড় ব্যামো ।

রতন । বাবা যে ডাক্তার ডাকবে ?

গরব । ডাকলেই বা, ডাক্তার রোগ ঠাণ্ডার পার,
ভিটকিলুমি কি ঠাণ্ডার পার ?

রতন । আর চক্ চক্ ক'রে ওষুধ বে গিলোবে !

গরব । সে আমি আছি, সব ওষুধ পুকুরসই করবো ।

রতন । তাতে কি হবে ?

গরব । তার পর বৈজ্ঞানিক এসে তোমার আশ্রয়
ক'রে বাড়ী নিয়ে যাবেন ।

রতন । সে কি লো ?

গরব । সে আছে আছে—তুমি এখন ঘরে গিয়ে
রোগী হয়ে পড় । আমি চলুম, তোমার বাপকে
গিয়ে খবর দিই গে ।

রতন । উপায় করতে পারবি তো ?

গরব । না পারি, নিম্নে আফিং এনে দেবো । বাও
বাও, চুপি চুপি শোও গে, দেখ না গরবের গরব-
টাই ! এখন তুমি, রোগী হ'তে পারলে হয় ।

রতন । তা খুব পারবো, বেকুবো চুরবো, মাথা
চালবো, হিহি ক'রে হাসবো, ফোঁস্ ফোঁস্
ক'রে কাঁদবো, কখনো গুন্ খেয়ে প'ড়ে থাকবো,
তা হ'লে তো হবে ?

গরব । বেশ হবে—খুব হবে—খাট আনবার মত
হবে ।

(উভয়ের গীত)

গরব ।—

বাগটি মেরে ছিল পিরীত, চাগাড় দিলে এইবারে ।
না হ'লে হিষ্টীরিয়া হয় না পিরীত বাহারে ॥

রতন ।—

এমন কি বরাত আমার পিরিতে হবে বাহার,
আমি দাঁত ছিরকুটে থাকবো প'ড়ে একধারে ॥

গরব ।—

তিরকুটা দাঁতকপাটা, সেইখানে পিরিত খাঁটি,
এইবারে—তোমারে—কে পারে ।

রতন ।—

জানিনে পারি হারি, কুলনারী—

বেকুবো চুর বা চালবো মাথা, কইবো না কোন কথা
ফোঁস্ ফোঁস্ নিখেন ফেলে ফোঁপাব বারে বারে ॥

গরব ।—

মরি মরি এমন পিরিত পার কি আর বারে তারে,
পিরিত যেমন গেলে তোমারে ।

উভয়ে ।

যে পিরিতে খাট না আসে, পিরিত কি বড়ি তারে ।
[উভয়ের প্রস্থান ।

পঞ্চম দৃশ্য

হারাধনের ভিতর বাটা

হারাধন ও মাণিক ।

হারা । মান্কে ?

মাণিক । আজ্ঞে—

হারা । কারকে আসতে দিস্নি তো ?

মাণিক । আজ্ঞে, তেমন মাণিকের মাণিক নই ।

হারা । কেউ এসেছিলো ?

মাণিক । অনেক লোক ।

হারা । ঐ সনাতনে বেটা—ঐ বে সবছ করে—
সে এসেছিল ?

মাণিক । আজ্ঞে না ।

হারা । তবে কে এসেছিল রে ?

মাণিক । বেগেগেছে বাগানের মালী ডালা নিয়ে
এসেছিল ।

হারা । সে কোথা গেল ?

মাণিক । সে বাড়ী ঢুকতে যার । আমি ডালা-
খানা কাছাড় ফেলে গর্দানা দিলুম, সে ভোঁ
ভোঁ ক'রে পালালো ।

হারা । আ মন্ বেটা—ডালা ফেলে দিলি কেন ?

মাণিক । আজ্ঞে—তাইতো কেন ফেললুম ?

হারা । যা বেটা, কোথা ফেলেছিস, কুড়িয়ে নিয়ে
আয় । (মাণিকের প্রস্থানোত্তম)

শোন্ শোন্—রেওতেরা খাজনা দিতে
এসেছিল ?

মাণিক । ঝাঁকে ঝাঁকে ! আমি জ্ঞাননা নিয়ে
সব তাড়া করলুম ।

হারা । যা বেটা সর্কনাশ করলে, যা এখনি যা—সব
ভেকে নিয়ে আয় ।

মাণিক । আজ্ঞে, এই চললুম—এই চললুম ।

[মাণিকের প্রস্থান ।

হারা । দেখ্ ব্যাটা আহাম্মুখ ! যাই ডালাখানা
কোথায় ফেলে দেখি ।

(কপট ক্রন্দন করিয়া বেগে গরবের প্রবেশ)

গরব । ও মা, কোথা যাবো—কি সর্কনাশ ! বাপ মিলে
কোথা গেল, শুন্লে এখনি গদার ঝাঁপ দেবে ।

হারা । কি কি—কি হয়েছে—টেচাফিস্ কেন ?

গরব । ওরেকি হলো রে—হার হার, এমন সর্কনাশ
কি কারো হয় ? কর্তা গেল কোথায় ?

হার। ওরে—এই যে আমি ! কেন দশবাই চণ্ডী
হরে নাচিস্ ? কি হয়েছে বল্ না ?
গরব । হার হার—বাণ শুন্লে গলার দড়ি বেবে !
যেহে তো নয়, যেন অগজাজী ! এমন সর্বনাশও
হয় !

হার। ওরে, কি হয়েছে কি ? গরব ও গরব—
গরব । আমি জলে ঝাঁপ দিই গে—কর্তাকে এ খবর
দিতে পার্কো না !

হার। কি সর্বনাশ হয়েছে ! মাগী বলবেও না,
কেবল ধেই ধেই ক'রে নাচবে ।

গরব । ওগো, তোমরা কেউ কর্তাকে ডেকে দাও—
হার। ওরে, এই যে আমি ?

গরব । আমি ওমন দমবাজীতে ভুলিনি ; বাও,
কর্তাকে ডেকে দাও !

হার। আরে, এই যে কর্তা—জাখ্ না ?

গরব । আমি চোখে দেখতে পাচ্ছিনি, আমার
বুকে দম্ ধরেছে ! ওরে, কি সর্বনাশ হলো রে—

হার। ক্যান্ ফ্যান্ ক'রে চেয়েই রইলো !—এই
যে আমি, দেখ্ না, আমি কর্তা—আমি কর্তা—
গরব । তুমি কর্তা ?—দাঁড়াও—তোমার গৌক
দেখি ঠাউরে—ওগো, আমি চোখে দেখতে
পাচ্ছিনে গো—

হার। জাখ্ না বেটা—জাখ্ না—(গৌক দেখান)

গরব । কর্তা আমাদের লম্বা লম্বা পা ফেলে পার-
চারি করে,

হার। এই রে বেটা—এই রে বেটা—(পারচারি করণ)

গরব । কর্তা আমাদের ঝাঁকারি মারে—

হার। তবে রে বেটা জ্বাকাপনা—

গরব । অঁ্যা—তুমিই তো কর্তা—তুমিই তো কর্তা !

—ওগো, সর্বনাশ হয়েছে গো—সর্বনাশ হয়েছে !

দিদিমণি গো—

হার। তোর কান্না রাখ্, কি হয়েছে বল্ ?

গরব । কেমন ক'রে বলবো গো—কর্তার যে এক
যেহে—

হার। ওরে, তোরে ব্যগ্রতা করি, শীগ্গির বল্ ?

গরব । কর্তা বাবু, সেই যে তুমি কত মুখনাড়া
দিলে, বল্লে, “বিরাগী হবো !” সেই শুনে দিদি-
মণি একেবারে ঘরে চ'লে গেলো । তার
পর বাগানের দিকে গিয়ে ক্যান্ ক্যান্ ক'রে
পুকুর পানে চেয়ে চেয়ে—

হার। তার পর—তার পর ?

গরব । তাড়াতাড়ি করো না কর্তাবাবু, আমাকে দম্
ফেলতে দাও !

হার। তার পর—ও গরব—আর কত দম্
ফেলবি ?

গরব । এখনো একটু ফেলবো—

হার। না বাছা, আর দম্ ফেলিস্ নি—বল—বল,
তারপর !

গরব । তার পর পুকুরপানে চেয়ে বলতে লাগলো,
“বাপই যদি বিবাগী হলো, আমার আর তবে
থেকে কাজ কি, মরণই ভালো !”

হার। ব'লে জলে ঝাঁপ দিলে ?

গরব । না,—

হার। তবে কি করলে—তবে কি করলে ?

গরব । আন্তে আন্তে বিছানার গিয়ে শুলো ।

হার। আঃ, বাঁচলেন, সর্বরক্ষ—

গরব । সর্বরক্ষ কি কর্তাবাবু ? শোন আগে—

হার। আবার কি ?

গরব । বিছানার শুয়ে এই ফোঁস্ ফোঁস্ ক'রে
কান্না ! কান্দতে কান্দতে একেবারে অজ্ঞান,
আর নড়েও না, চড়েও না ।

হার। তার পর—তার পর কি, শীগ্গির বল্ ?

গরব । তাড়াতাড়ি করো না কর্তাবাবু, আমার সব
মনে করতে দাও !

হার। আর মনে করিস্ নি গরব ! বল্—বল্—

গরব । হ্যাঁ, এইবার মনে হয়েছে—গা মুখ সব পাঁশ
হ'য়ে গেল, বত ডাকি “দিদিমণি দিদিমণি”,
সাড়াও নাই শব্দও নাই । নাকে হাত দিয়ে
দেখি—ও মা, নিখেনও নাই ।

হার। অঁ্যা—নিখেন নাই ? হার হার কেন
আমার কুমতি হলো—কেন আমি বিবাগী হব
বল্‌লুম । হ্যারে নিখেন নাই ?

গরব । ছিল না—অনেকক্ষণ ধরে মুখে জলের ঝাপটা
দিতে দিতে, নাড়তে চাড়তে চোখ মিলে চাইলে ।
ছোট করে বলে ‘বাবা !’ আবার অজ্ঞান ।
সেই থেকে একবার চেতন হচ্ছে, একবার
অজ্ঞান হচ্ছে । ওরে কি রাত পুইয়ে ছিল রে—
আজকের দিন কাটলে যে বাঁচি !

হার। কি সর্বনাশ হলো—কি সর্বনাশ হলো—
মাগকে—মাগকে !

নেপথ্যে । আছে ।

(মাণিকের প্রবেশ)

হারী । ওরে বা বেটা, শীগ্গীর যা !

মাণিক । যে আছে । (মাণিকের গমনোচ্ছোগ)

হারী । বাস্ কোথায় ? শোন কোথা যেতে হবে ব'লে দিই, ছুটে যাবি ।

মাণিক । যে আছে । [ছুটিয়া গমন ।

হারী । ওরে আবারের ব্যাটা, শোন শোন, আমার সর্বনাশ হ'তে ব'সেছে, আগার উপর আর আগাস্ নে ।

মাণিক । আছে না, আর আগাব নি ।

হারী । যেখানে বড় ডাক্তার-বদি পাস্, ধ'রে নিয়ে আর । শীগ্গীর যা ।

মাণিক । যে আছে । [মাণিকের প্রস্থান ।

হারী । হার হার ! কি হলো—কি হলো ! কি সর্বনাশ হলো ! (গরবের প্রতি) চল্ চল্, দেখে আসি ।

[উভয়ের প্রস্থান ।

ষষ্ঠ দৃশ্য

চিকিৎসকের বাজার ।

অ্যালোপ্যাথিক ডাক্তার মিঃ নন্দী ও মিঃ ঢোল,
হোমিওপ্যাথিক ডাক্তার, বৈজ্ঞ, হকিম, খাজী-
দর, গো-বৈজ্ঞ, পণ্ড-চিকিৎসক, বেদিনী,
জ্যৈষ্ঠগণী, ড্রেসার ও মাণিক ।

(গীত)

চিকিৎসকগণ ।—

এসেছি সকাল সকাল

এড়িয়ে রোগী যার পাছে ।

ক'রে আশ মুদকরাস মুখ চেয়ে আছে ॥

ওলাউঠো প্রেগ বসন্ত রক্ত-আমাশা,

আমরা আছি তাই সহরে করেছে বাসা,

ম্যালেরিয়ার খাসা ভাষা

আমরা সব লারেক ভারি বুঝ্‌দারে বোঝে আঁচে ॥

লোকের ভিড় কমাই, তাই সহরে হয় ঠাই,

রোগে ক'টা চালান দিত ছাই ;

গাড়ী গাড়ী চালান দেবার টাটকা দাওয়াই সব কাছে । মাণিক । আর মাণিকেকে আহানুক বলতে পারে

অ্যালো: ডাক্তার ।—

পিলপাউডার মিক্‌চার,

এড়ান এতে নাই কো কার,

বৈজ্ঞ ।—

তৈল আর বটিকা আমার,

(সন্ত) আনবার পারে যোর বিকার,

হকিম ।—

দমফুল যার, এর'সা ঞ্জ মেরি হালুয়ার ;

হোমি: ডাক্তার ।—

আমি মবিউল ঝাড়ি উন্টে বইয়ের পাত,

ওল্টাতে ওল্টাতে পাতা রোগী কুপোকাত ;

খাজী ।—

আমরা সব শিক্ষিত দাই, পরিচর আর কি চাই ?

গো বৈজ্ঞ ।—

মুই গোদাগা, গরু দাগি,

পণ্ড-চিকিৎসক ।—

কুস্তাকে মলম মাখাই—

ঘোড়াকে খাওয়াই দাওয়াই,

বেদিনী ।—

বাত ভাল করি, দাঁতের পোকা ভাল করি,

বেদিনী বসাই শিখে রক্ত চুষে খাই,

জ্যৈষ্ঠগণী ।—

আমি খেড়ে খেড়ে জ্যৈষ্ঠ লাগাই,

ড্রেসার ।

আমি ড্রেস করি আর পিচকিরি বাগাই,

মাণিক ।

সবাই দেখছি পোক্ত, রোগ বড় শক্ত,

এসো গিট্‌গিট্‌ চলে এসো . কর্তার এখন বক্ত ;

তোমাদের দিক্ হাতে, হয় বাতে—

এস্পার কি ওস্পার—মেরে মেরে আর বাঁচে ।

সকলে ।—

মেরে মেরে আর বাঁচে ॥

[মাণিকের পশ্চাতে সকলের ভঙ্গিসহ প্রস্থান ।

সপ্তম দৃশ্য ।

হারাদনের বহির্কীর্টি ।

হারাদন ও মাণিক ।

নি। এই যে যেখানে ছিল, সব বেঁটিয়ে এনেছি।

হার। আরে বেটা, ডাক্তার বন্ধি আনতে বল্লুম, এ কি করেছিস্?

মাণিক। আজ্ঞে ডাক্তারে যদি না শানে, হোমো-পাথী লাগবে; তার না থই পার, বন্ধি গুলি ঝাড়বে; তাতে না বাগে, হকিম হালুয়া খাওয়াবে; এতেও না সামাল খার, ডাক্তার ফাড়বে আর পিচকিরিওয়ালী পিচকড়ি ঝাড়বে, আর ল্যাংড়া জড়াবে, আর জেঁকওয়ালী জেঁক লাগাবে, আর বেদিনী বেটা শিল্পে বসাবে।

হার। আর সব কাদের এনেছিস্?

মাণিক। আজ্ঞে গরু দাগতে জানে, ঘোড়ার বাত ভাল করে, কুকুরের ঘায়ে মলম দেয়।

হার। আরে বেটা, সর্বনাশ করেছিস্,—সর্বনাশ করেছিস্, বিদেয় কর, বিদেয় কর।

মাণিক। আজ্ঞে বিদেয় হবে নি—সব ককে এসেছে।

(ডাক্তারগণের প্রবেশ)

সকলে। আমাদের valueable time, ব'সে থাকতে পারি নে।

(বৈজ্ঞের প্রবেশ)

বৈজ্ঞ। আমিও বৈজ্ঞরাজ, আমারও সময় খাটো নয়।

(হকিমের প্রবেশ)

হকিম। হাম হকিম, হামার ফুরসৎ কম।

হার। আচ্ছা—আহুন আপনারা, মেয়েটিকে দেখবেন।

[চিকিৎসকগণকে লইয়া হারাধনের প্রস্থান।

(খাজী, গো-বৈজ্ঞ, পশুচিকিৎসক, বেদিনী, জেঁকওয়ালী ও ড্রেসারকে লইয়া
গরবের প্রবেশ)

গরব। ও মাণিক—মাণিক আমার—

মাণিক। আরে কিরে গরবি—কিরে গরবি,—আজ যে তোরা সোহাগ বড়!

গরব। মাণিক, একটু বসো।

মাণিক। হাঃ হাঃ, আমার বরাত খুলেছে।

(উপবেশন)

গরব। (জেঁকওয়ালীর প্রতি) নাও এর কপালে ছ'টো জেঁক বসাও। (বেদিনীর প্রতি) তুমি শিল্পে বসাও। (গো-বৈজ্ঞের প্রতি) আর তুমি ছেঁদো দাগোতো গা। (পশুচিকিৎসকের প্রতি) আর তুমি তোমার ঘোড়ার দাওয়াই খাওয়াও।

মাণিক। হাঃ—হাঃ—হাহাঃ খুব মস্করা কচ্ছিস্। গরব। আরে না না—মস্করা নয়—তোরা বড় ব্যামো।

মাণিক। বেশ—বেশ—

গরব। নাও গো নাও—তোমরা কাজ করো। (গো-বৈজ্ঞের প্রতি) নাও—নাও ছাঁদো।

গো-বৈজ্ঞ। (দড়ি লইয়া অগ্রসর হইয়া) কই—গরু কই?

গরব। (মাণিককে দেখাইয়া) এই যে গরু। ও গরু ছিলো, নাহুষ হয়েছে। ছাঁদো—ছাঁদো। (গোবৈজ্ঞের মাণিককে বাঁধিতে অগ্রসর হওন)

মাণিক। তবে রে বেটা, তুমিও মস্করা ক'চ্চ? গরব। ছাঁদো গো—ছাঁদো,—এখনি হাঙ্গা ক'রে খেপে উঠবে।

মাণিক। ওরে বাপরে,—ছাঁদবে কিরে?

গরব। ধরো ধরো—নাও জেঁক লাগাও, শিল্পে বসাও, পিচকিরি দাও—

(সকলের অগ্রসর হওন)

মাণিক। ওরে বাপ রে—সারলে রে [পলারন। ড্রেসার। রোগী যে পালাল—পিচকিরি কাকে দেবো? গরব। তুমি পিচকিরি আপনি নাও।

জেঁক। আমাদের টেকা দাও—টেকা দাও—বেদিনী। আমরা চ'লে বাই, আমরা না ডাকলে আসি নি।

(জাদনা লইয়া মাণিকের প্রবেশ)

মাণিক। আর কোন শালা ছাঁদবি—

বেদিনী প্রভাত। আরে দেইয়ারে দেইয়ারে—

[সকলের গোলযোগ করিয়া প্রস্থান।

(হারাধনের পুনঃ প্রবেশ)

গরব। ই্যা গা কর্তা বাবু, মেয়েটির আর কতকণ?

হার। কতকণ কিরে বেটা?

গরব। কেন গো—সব বরদুত ডেকে এনেছ তো?

ওরা জনাজুতি বাড়ী ওজোড় করে। ক'জন

অড়িয়ে একটা খুঁদে মেয়ে আর সান্ত্তে পারবে না ।

হারী । চূপ বেটি চূপ, ওরা সব আসছে ; শুনলে এখনি সব রাগ ক'রে বেরিয়ে যাবে ।

গরব । সে তো ভাল গো, মেয়ে তো গিইয়েছে, তোমার বাঁচবার উপায় হবে ।

(বৈজ্ঞ ও হকিমের প্রবেশ)

হারী । আশুন—আশুন ক'বরেন মশায়, আশুন হকিম সাহেব, কি দেখলেন ?

বৈজ্ঞ । ও ডাক্তারেরা দেখছেন—দেখুন রোগটা ত্রিদোষপূর্ণ, তৈল ঔষধ ব্যবহার করতে হবে ।

হকিম । নেই, হালুয়া খিলাও—হালুয়া খিলাও, যব সারা পশিমা নিকাল যায়েগা, তবু বেমারি ছুট য়াগা ।

বৈজ্ঞ । আরে হালুয়া খাইলে প্যাট ফুলে মরবে । তৈল ঔষধ দিয়ে বায়ুর সাম্য করা চাই ।

হকিম । নেই সরবৎ পিলাও । আউর এই মগজ কদু কা তেল শিন্নমে মালিস করো—ঠাণ্ডা হো জাগা ।

বৈজ্ঞ । আরে লও—লও—তোমার কন্ঠ নয়—তোমার কন্ঠ নয় । তোমার রাজমিস্ত্রীয়ে বাইয়ে হালুয়া খাওয়াও, সরবৎ পিয়াও, আরে ইসে মালিস করো ।

হকিম । কেয়া বুরা বোলতে হো !

বৈজ্ঞ । হ, হক্ বলতিছি ।

হকিম । আও দেখে—

বৈজ্ঞ । কি আমি মুন্সুরির ঝোল খাইয়ে বাকুইচি, আমারে কম পাইছ ?

[উভয়ের হৃদয় করিতে করিতে প্রস্থান ।

গরব । কর্তা বাবু—কর্তা বাবু, দুর্গা বলো ! তোমার রাহু-কেতু কাটিলো ।

(অ্যালোপ্যাথিক ডাক্তারদ্বয়কে আসিতে দেখিয়া)
এইবার শনি-মঙ্গল আসছে, এইটে সামলে যাও তো অনেক দিন টেকবে ।

(মিঃ নন্দী ও মিঃ ঢোলের প্রবেশ)

ডাঃ নন্দী । (দ্রুতভাষায়) আপনি মিছিমিছি কতক-গুলো টাকা খরচ ক'রে কতকগুলো আনাড়ি কেবল জড় করেছেন । বদ্বি, হকিম হোমিওপ্যাথ ওরা রোগের কি জানে, প্যাথালজি পড়েছে ?

হারী । আজ্ঞে যা হয় আপনারা উপায় করুন—আপনারা উপায় করুন, মেয়েটা বাঁচবে তো ?

ডাঃ ঢোল । (মধুর ভাষায়) ব—ড়—শ—হ—ট ! এমটিক অর্থাৎ যাতে বমি করে, এমন ঔষধ ব্যবহার করতে হবে ।

ডাঃ নন্দী । এমটিক ! by no means কখনই না, পার্গেটিভ—জোলাপ দিতে হবে ।

ঢোল । জোলাপ দিলে এখনই রোগী মারা যাবে ।

নন্দী । বর্মন করালে এক মিনিট বাঁচবে না ।

ঢোল । আপনার authority কি ?

নন্দী । আপনার authority কি ?

ঢোল । authority !—জোলাপ দিয়ে সেদিন একটাকে মেরেছ ।

নন্দী । নাও নাও, সেদিন বমি করিয়ে তুমিও একটাকে মেরেছ ।

হারী । ম'শায়, ঝগড়া করবেন না—ঝগড়া করবেন না, আপনাদের এই ফি নেন, রোগটা কি ঠাণ্ডা য়ালেন ?

ঢোল । রোগ—ক্যাক্‌হেক্‌সিয়া ।

নন্দী । ক্যাক্‌হেক্‌সিয়া !—কখনো না—কখনো হ'তে পারে না, সম্ভব নয়—অসম্ভব !—it is asphyxia (অ্যাস্‌ফিক্‌সিয়া) ।

ঢোল । ম'শায়, উনি অত্নায় বলছেন ।

নন্দী । অত্নায় বলছি, একি ছেলের হাতে পিটে, যা তা বল্লই হলো—যে এলুম, ফি নিলুম চ'লে গেলুম । ঠাণ্ডাতে হবে, ভাবতে হবে, বিবেচনা করতে হবে, বিচার করতে হবে, চিন্তা করতে হবে, তবে একটা কথা বলতে হবে ।

হারী । (স্বগত) এক শালা সুর ধরেছে একেবারে টিমে তেতালায়, আর এক শালা চৌহুম ।

ঢোল । মহাশয় বুঝুন, আপনার একমাত্র কত্মা, এদিক ওদিক কিছু হ'লে পাগল হবেন, কেমন কি না বিবেচনা করুন ; রোগ হলো সাংঘাতিক, মৃত্যু হ'তে পারে । ঔষধ দিতে হবে খুব বিবেচনা ক'রে ।

নন্দী । নিশ্চয়, তার জন্তে যা করতে হয়, আমি প্রস্তুত । একি ছেলের হাতের পিটে, যে এলুম ফি নিলুম, চলে গেলুম ।

ঢোল । আপনি অত্নায় বলছেন—অ্যাস্‌ফিক্‌সিয়া কখনই হ'তে পারে না, বরং অ্যাপোপ্লেক্‌সি বলা যেতে পারে ।

নন্দী। নন্দেন্দ্র, বাজে কথা, বরং বলতে পারো
ধনুষ্ঠকার। কারণ শরীরের রক্ত, মাংসপেশী, শিরা,
অস্থি, মজ্জা সমস্ত বিকৃত হ'য়ে রোগীকে ধনুষ্ঠকার
মত ক'রে ফেলবার চেষ্টা ক'রে। এর লক্ষণ
হাঁসফাঁস, এ পাশ ও পাশ, ঘন ঘন শ্বাস, হা-হু-
তাশ,—কখনো বা কাসে, কখনো হাসে, কখনো
ঝম্পন, কখনো বা কম্পন, ফুস্ফুস দাহন, নাড়ী
অতি দ্রুতগতি, কখনো বা মৃদুগতি, ঘন ঘন
মাথা চালা, সর্কাক্কে জালা—অ্যাস্ফিক্সিয়া
না বলে কোন্ শালার বেটা শালা !

হার। (স্বগত) বাপ ! যেন পাজীব মেল
চালালে। (প্রকাশ্যে) ম'শায় হয়েছে তো ?
নন্দী। এখনো আছে, সব নিঃশ্বাস হয় নাই।
হার। আপনার থাক—এবার ঢোল ম'শায় কেমন
বাজেন দেখি।

ঢোল। অপমান—Defamation.

নন্দী। Defamation—Dum nation.

ঢোল। Dam nation—Dam fool ! (পরস্পর
বন্দ)

হার। ম'শায়—ঠাণ্ডা হোন—ঠাণ্ডা হোন !

নন্দী। কি ? ঠাণ্ডা হবো—শালা ঢোল বলে
Dam fool, চল্লুম !

ঢোল। চল্লুম !

(উভয়ের প্রস্থানোত্তম।)

(মাণিক ও গরবের প্রবেশ)

মাণিক। এজ্ঞে কেউ যেতে পাবেন নি—কেউ যেতে
পাবেন নি !

গরব। আজ্ঞে, এই রেড়ীর তেল : আর তুন গুলে
এনেছি, কে বমি করবেন কে জোলাপ নেবেন ?

ঢোল। আমি বমি করবো না—রোগী বমি করবে।

নন্দী। আমি জোলাপ নেব না—আমি জোলাপ
নেব না, রোগী জোলাপ নেবে।

গরব। ব'ক্ নারায়ণ, আপনারা খেলেই রুগীর
না হয় হবে ; আপনারা ম'লেই রুগী বাঁচবে।

মাণিক। খাও ডাক্তার বাবু ! খাও,—তোমাদের
চারটি গায়ে পড়ি খাও !

নন্দী। স'ত্র্য খাওয়াবে নাকি ! [লক্ষ দিয়া পলায়ন।

ঢোল। ও বাপু ও বাপু ! ওকে ধরো, আমার পায়ে
বাত, আমি পালাতে পারবো না।

[দীর্ঘপদে প্রস্থান !

হার। এদের তো হলো—এখন সে ডাক্তারবাবু
কি কচেন ? (নেপথ্যভিত্তিতে উচ্চৈঃস্বরে)
ম'শায়, কি হ'চ্ছ আগনার ?

নেপথ্যে। সিন্টম্ নিচ্চি—সিন্টম্ নিচ্চি—

হার। আস্থন—আস্থন, বেরিয়ে আস্থন।

নেপথ্যে। দাঁড়ান—দাঁড়ান—বই খুলে সিন্টম্
মিলুচ্চি—

গরব। আস্থন—আস্থন !

(পুস্তক পড়িতে পড়িতে হোমিওপ্যাথিক
ডাক্তারের প্রবেশ)

হোমিও। বলতে পারেন, গু'রে ক'বার পাশ ফেরে ?
ক্রুর উপর মাছি বসে কি না ?

গরব। আজ্ঞে উনি বলতে পারবেন না, উনি
বলতে পারবেন না, আমি বলছি। ঘুমিয়ে
পাশ ফেরে, পায়ের উপর ভর দিয়ে দাঁড়ায়, মশা
কামড়ালে গা চুলকায়, মাছি বসলে তাড়ায়,
আর তোমার মত ডাক্তার পেল—ঝেঁটিয়ে বিষ
ঝাড়ায়।

হোমিও। কি—কি, অপমান—অপমান ! আমি
চল্লুম।

[প্রস্থান ও তৎপশ্চাৎ মাণিকের ভঙ্গীসহ গমন।

হার। ক'াড়ি কাড়ি টাকা নিলে, বুড়ি বুড়ি বক্লে,
তড়ুতড়িয়ে সরলো ! যাক্ এ বেটাদের কাজ
নয়। কোন রকম টোটকা ওষুধ চেষ্টা করা যাক্

[হারাদনের প্রস্থান।

গরব। এইবার আমার ডাক্তার খুঁজতে বেরুই—
যে এক ভুড়িতে রোগ ভাল করবে। যেমন
ভরা রস যৌবন, তেমনি রসিক বদ্বিও তো
চাই। এ রোগে বায়ু-পিত্ত-কফ তিনই প্রবল,
তবে বাইয়ের ভাগটা কিছু বেশী। আমি যে রুগী
আর রোজা দুই-ই হ'য়ে হাড়ে হাড়ে বুঝছি।
ও বালাই ডাকতে হয় না, খাম্কা এসে জুলুম
করে।

গরবের গীত।

যৌবন কেন আসে কে জানে।

বাণ ডেকে গাজ্ ত'রে যেন ব'য়ে চলে উজানে ॥
ফিরে বয় মনের ধারা, থাকে না কুল-কিনারা
ভেসে গিয়ে কুল না পেয়ে হয় দিশেহারা ;

ডোবে ওঠে তুকান খেলে, কখন ভোলে কখন কেলে,
পাথারে পাক দে নে বার, প্রাণ কাপে থর টানে ।
ভরতরে বর কাপে কাপে ॥

[গরবের প্রস্থান ।

অষ্টম দৃশ্য ।

পথ ।

(গরবের প্রবেশ)

গরব । ঐ দেখ, আবার মাগকে ছোঁড়া পেছু
পেছু আসছে । ওকে তাড়াই, না তাড়ালে
রসিক বাবুর সঙ্গে দেখা করা হবে না । ভয়
দেখাই, নইলে সঙ্গ ছাড়বে না । বিস্তর
কাকুতি-মিনতি করে ; এক একবার ইচ্ছে হয়
ছোঁড়াকে বে করি । বড় বোকা, তা বোকা
ভাতার না হ'লে, নাকে দড়ি দে বেড়াবো কি
ক'রে ?

(মাগিকের প্রবেশ)

মাগিক । ও গরব গরব ! তুই যা বলি, তাই তো
করছ, ডাক্তারদের তাড়ানু । তুই বিয়ে করবি
ব'লেছিলি, বিয়ে কর । বিয়ে করবি তো ?

গরব । এসেছি—আয়, আমার সঙ্গে চল ।

মাগিক । কোথায় যাচ্ছি ?

গরব । ও পাড়ার ডান বুড়ী বৈষ্ণবীর কাছে যাচ্ছি,
চ' ।

মাগিক । ছিঃ—ছিঃ ! সেখানে কেনে রে ?

গরব । কারকে বলিস্ নি, তোরে বে করবো, তাই
তোরে এখন চুপি চুপি বলছি । আমি ওর কাছে
ডাইনে মন্ত্ৰটা শিখেছি, —এখন গাছঢালা মন্ত্ৰটা
শিখতে যাচ্ছি ।

মাগিক । ডাইনে মন্ত্ৰ শিখেছিস্ কিরে ?

গরব । নইলে আর তোরে বে করতে চাচ্ছি
কেন ? তোর কাছে গুয়ে থাকবো আর একটু
একটু ক'রে তোর বুকের রক্ত খাবো ।

মাগিক । নে নে, ঠাট করিস্ নে, তোর কথা শুনে
ভয় লাগে ।

গরব । ভয় কি'র, তোর বুকের রক্ত খাবো, তাকি
তুই টের পাবি ? এই জাখ, তুই সামনে দাঁড়া
দেখি, একটু খাই, তুই টেরও পাবি নে ।

মাগিক । ওমন করিস্ তো তোরে বে করবো নি ।
গরব । বে করবে বই কি !—মাগিকটাদ—মাগিক
আমার—তোমাকে কি আমি ছাড়বো, বে
করবোই করবো । (উচ্চৈঃস্বরে বিজীবিজী
দেখাইয়া) ওরে তোর বুকের রক্ত খাবার জন্য
আমার জিব শুকিয়ে উঠছে !—মাগিক সামনে
দাঁড়া, সামনে দাঁড়া,—আমি তোরে বে করবো
—আমি তোরে বে করবো । হাড়িঝি চণ্ডীর
দোহাই, আয় আয়, বুকের রক্ত মুখে আয় ।

মাগিক । ওরে বাসরে ! [মাগিকের পলায়ন ।

গরব । হাঃ হাঃ হাঃ—যাক্—আপদ গেল । এখন
রসিক চুড়ামণি কোথায় দেখি । ঐ যে আসছে ।

(রসিকের প্রবেশ)

রসিক । পিরীতে খুব আকল দিলে বাবা ! পিরীতে
যে রাস্তায় রাস্তায় এমন ঘোড়দৌড় করায়, তা
জানতেম না,—আবার রাতছকুরে বুকের উপর
ঢেঁকীর পা পড়ে । একবার চোখের দেখা
দেখতেম, তা তো তিন দিন গা ঢাকা ! নয়ন-
বাণ শুনেছিলুম, এমন হাড়ে হাড়ে বেদে, তা কে
জানে ! দোতারা ধর, বিজ্ঞানন্দরের মত সুডঙ্গ
কাটতে পারলেও তো সুবিধা নাই । মাথাল
ঠাকুরের বরে যদি একটা সুরাহা লাগে, দোহাই
মদন রাজা, একটা পথ দেখাও, তোমায় পাঁচ-
কড়া সিল্লি দেবো । ঐ যে—ঐ না গরবভয়ে
গরবিনী এই দিকে আসছে? চাউনিটে বেন
আমার উপরে একটু নেকুনজর বোধ হচ্ছে, দোখ
কথা ক'রে ।

গরব । (স্বগত) এই যে দিদিমণির মতন মনে মনে
ভাজছে গড়ছে । নেহাৎ এক হাতে তালি
বাজে নাই ।

রসিক । ও গরব—গরবমণি !

গরব । ও মা, রাস্তার মাঝখানে কে ডাকে গো ?

রসিক । এই যে আমি ডাকছি, তোমার নাম গরব
না ?

গরব । না ।

রসিক । তুমি হারাধন বাবুর বাড়ী থাকো ন' ?

গরব । ও মা, এ কে গো, পাগল নাকি ?

রসিক । কেন গো, পাগল কি দেখলে ?

গরব । আমি পাগল চিনি ।

রসিক । পাগল চেনো ?

গরব । চিনি বই কি ?

রসিক । কি ক'রে চিনলে ?

গরব । এই তোমায় দেখে ।

রসিক । তোমার খুব জ্বর ঠাণ্ড, পাগলই করেছে ।

গরব । তবে আর কি, পথ দেখ, আমি চলুম ।

রসিক । কোথায় চলে বল না ?

গরব । আমার পাগলের সঙ্গে পাগলামো করবার সময় নাই, সরো ।

রসিক । আমি তো পাগল নই ।

গরব । এঃ তুমি এমন মিথ্যাবাদী, আপনার মুখে বলে পাগল, আবার বলছো পাগল নই । আমি চলুম, আমার কাজ আছে ।

রসিক । কোথায় যাচ্ছ ?

গরব । রসিক খুঁজতে ।

রসিক । ব্যস্ ! তবে আর কি, এই তো থান্কে থান্ তোমার সামনে বজায়, আমি নামে রসিক, কাজে রসিক ।

গরব । মিছে কথা ।

রসিক । সে কি, আমি এত বড় রসিক, তোমার পছন্দ হ'চ্ছে না ?

গরব । না, তোমার রসিকের চেহারাই নয় ।

রসিক । তোমার রসিক কিসে হয় শুনি ?

গরব । রসিক আঁদাড়ে-পাঁদাড়ে ঘুরে বেড়ায়, গালে মুখে চড়ায়, দিন রাত বিরহে হা-হুতাশ করে, ঘন ঘন দীর্ঘনিশ্বাস ছাড়ে, আর গাছ দেখতে পেলে একেবারে ডালে গিয়ে চড়ে ।

রসিক । তবে আর কি, তবে আমিই সেই ।

গরব । রসিক হ'লেই হলো, রসিক ওম্নি প্রেমে টুপ-টুপে হবে, যেন মূনে ফেলা জারক নেবুটি ! যার বদহজমি হবে, একবার গা চাটলেই ভাল হবে ।

রসিক । আমিও প্রেমের মূনে টুপ-টুপে হ'য়ে আছি তোমার বদহজমি হ'লে বুঝতে পারতে ।

গরব । আবার ভাতে লক্ষা দেওয়া ।

রসিক । আমিও লক্ষার কোল মাথা ।

গরব । তুমি ঠিক বলছ—প্রেমে টুপ-টুপে ?

রসিক । ঠিক ।

গরব । আচ্ছা দেখি, তুমি চাঁদ দেখলে কি কর ?

রসিক । হাঁ ক'রে চেয়ে থাকি ।

গরব । হলো না, প্রেমিক চাঁদ দেখলে চোখে

কাপড় দেয়, ঝাঁপ সইতে পারে না । মল্ল হাওয়ার গায়ে ফেস্কা পড়ে, ফুলের গন্ধে মাথা ধরে, আর ভোমরা দেখলে আঁৎকে উঠে দোর খিল দেয় । আর ঘন ঘন ভিন্নি যায় ।

রসিক । আমার রোগ ধরেছ,—আমিও ঠিক অম্নি করি ।

গরব । ওঃ, তবে তোমার কাঁচা প্রেম, পাকা প্রেম হ'লে সে আর একরকম ।

রসিক । আমার কাঁচা পাকা ছরকমই,—

গরব । কই—তোমার তো প্রেমে জখম দেখছি নি ?

(উভয়ের গীত)

গরব —

পাকলে প্রেম জখম হয় বেজায় ।

নিশিদিন করে সে হায় হায়—

থেকে থেকে গালে-মুখে হুহাতে চড়ায় ॥

রসিক ।—

হায় হায়—(গালে চপটাঘাত করণ)

গরব ।—

কখন বা হিঃ হিঃ হাসে,

কৈদে কৈদে কখন হাসে,

কখনো গুম্ থায়, আকাশপানে চায়—

রসিক । ওঃ, প্রাণ যায় ! (হাস্য, ক্রন্দন, কাসি, পরে গুম্ থাইয়া আকাশপানে দৃষ্টিপাত করণ)

গরব ।—

যখন প্রেম বুক বাজে, হুহাতে বুক চেপে থাকে, থামকা তেওড়ে উঠে, ঘুরপাক সে খায় ।

রসিক ।—

বুক যায়, প্রেম গলায় গলায়

(বুক চাপিয়া বসিয়া হঠাৎ খিঁচিয়া উঠিয়া

গরবের চারিদিকে ঘূর্ণন)

গরব । বেশ বেশ দেখছি শেষ, থামো থামো—

এমন প্রেমে জমাট হয় না কার সোজায় ॥

রসিক । সোজা তো নয় বুঝেছ, এখন অভয় দাও ।

গরব । অভয় দিতেই তো এসেছি, তুমি না ভয় পাও ।

রসিক । তবে রতনমালা কি আমার কাছেই তোমার পাঠিয়েছে ?

গরব । ও মা, তোমার কাছে কেন ? ও পাড়ার ভজহারিকে ডাকতে যাচ্ছি ।

রসিক । আর নাকানি-চোবানি খাইয়ো না ।

গরব । তুমি অবধূত হ'তে পারবে ?

রসিক । অবধূতের :আবার লক্ষণ কি, আওড়াও, শুনে বুঝি ।

গরব । ঝাড়িয়ে দিদিমণিকে আরাম করতে পারবে ?

রসিক । একটু জ্বর হেঁয়ালির খাতে চলেছ, একটু সাদা কথার বুঝিয়ে দাও ।

গরব । পিরীতে ধরলে কি হয়, তা তো তুমি আপ-নিই দেখালে, তবে এর উপর একটু রং চড়িয়ে, দিদিমণি আমার বিছানার শুয়ে পড়েছে । আমি কর্তাকে বলেছি, দিদিমণির ভারি অসুখ । কর্তা মিন্‌সে ডাক্তার, বদ্বি, হকিম, কত কি আনলে, কিন্তু রসিক বদ্বি নইলে তো রোগ ভাল হবে না,—তাই রসিক বদ্বি খুঁজতে এসেছি । এখন বৈদ্যরাজ, চলুন ।

রসিক । চলো—চলো—কোথায় যেতে হবে বলো ? আমি যমের বাড়ী যেতেও রাজী আছি ।

গরব । বালাই ! তা হ'লে আমার দিদিমণি কাকে নিয়ে থাকবে ?

রসিক । তাই তো, ঠিক বলেছ, যমের বাড়ী যাওয়া হলো না, তবে কোথায় নে যাবে চলো ।

গরব । অত তাড়া করলে চলবে না, তোমায় তো কর্তা চেনেন না ?

রসিক । না । আমার নাম জানেন, শুধু আমার সম্বন্ধ নিয়ে সনাতন খুড়ো আনাগোনা করেছেন ।

গরব । এখন কর্তা এমন লোক খুঁজছেন, যে ঝাড়ান-ঝোড়ান ক'রে ভাল করতে পারে । তুমি অবধূত সঙ্গে আমার সঙ্গে এস ।

রসিক । আচ্ছা বাবা,—প্রেমে যোগী সাজাবে সাজাও, রাজী আছি । এখন সাজিয়ে কুঞ্জে নিয়ে চলো ।

গরব । শুধু যোগী সাজলে তো হবে না, একটু ঝাড়ান মস্ত শিখতে হবে ।

রসিক । আচ্ছা চাঁদ, তোমার পাঠশালার প'ড়ো ক'রে নাও ।

গরব । এমন মস্ত ঝাড়তে হবে যে, এক ঝাড়নে তোমাদের ছুজনের রোগ আরাম হয় । পারবে তো ?

রসিক । পারবো—খুব পারবো ।

গরব । এতে একটু চালাকি চাই, তুমি ছেলে

মানুষ, পারবে না, তোমার সনাতন খুড়োর কাছে তালিম নাও ।

রসিক । আমার তালিম নিতে হবে না, মদন রাজাই আমার তালিম দেবেন ।

গরব । না না, তাঁর সঙ্গে পরামর্শ করি গে চলো । বের সব জোগাড় করতে হবে, বরযাত্রী, কন্তা-যাত্রী নিমন্ত্রণ করতে হবে ।

রসিক । তাতে কি হবে ?

গরব । ঐ তো বললুম, তুমি ছেলে মানুষ, সব বুঝতে পারবে না । চলুন, সনাতন বাবুকে সব বলি গে । তিনি যেমন যেমন বলেন, সেই রকম করো ।

[উভয়ের প্রস্থান ।

(বঙ্গরমণীগণের প্রবেশ)

(গীত) .

কাজালী বাঙ্গালীর মেয়ে, কাজ কি বিবিয়ানা বাই ।
বুকে-পিটে সোঁটে ধরে, জ্যাকেট বড়ির মুখে ছাই ॥

এখন চলছে কস্তাপেড়ে সাড়ী,

শাঁখার আদর বাড়ী বাড়ী,

ভেঙ্গে কাচের বাসন কাচের চুড়ি,

ঘুচেছে কাচের বালাই ।

পরেছে ধুতিচাদর, বেড়েছে তাঁতির আদর,
করুকের কদর এখন, লিবারপুল আমদানি নাই ॥

দেখেছে ঠেকে শিখে, সাহেবয়ানা বেবাক ফিকে,
বলে না সাজতে বিবি, সাবান ছেড়ে ব্যাসম তাই ॥

সাহেব ব'লে দিতে ধোঁকা, নান্ন রাখে না আঁকাবাঁকা,

(এখন) বলতে বাঙ্গালীর ছেলে,

বাঙ্গালীর আর সরম নাই ।

বুঝি বা এতদিনে গরবের দিন এলো তাই ॥

[সকলের প্রস্থান ।

নবম দৃশ্য ।

হারাদনের বহির্কীর্টীর প্রাঙ্গণ ।

(হারাদনের প্রবেশ)

হারাদ । কি উপায় হবে ? টোটকা ও গুণেও তো কিছু হলো না । ক্রমেই বৃদ্ধি—ক্রমেই বৃদ্ধি !

আগে কত সম্মানসী অবধূত আসতো, শুনেছি,

ভারা কুঁ দিয়ে, ছাই দিয়ে মরা বাঁচাতে পারে।
কি করবো—কি হবে ?

(মাণিকের প্রবেশ)

মাণিক । কর্তা বাবু—কর্তা বাবু, বড় ফ্যাসাদ
বেধেছে গো—

হার। কি রে কি—আবার কি ফ্যাসাদ ?

মাণিক । এই গরু বোটা হজুত ক'রে আমার বে
করতে চায় ।

হার। নে নে থাম—বেলকোপনা রাখ্ ।

মাণিক । না কর্তাবাবু, তোমার পায়ে ধরি, বেলকো-
পনা নয় কর্তাবাবু !

হার। বে করতে চায় তো কি ?

মাণিক । বড় হাদ্যমা গো—বুকের রক্ত চুষবে ।

হার। বুকের রক্ত চুষবে কি ?

মাণিক । হেঁ গো হেঁ, এক চুমুক বুকের রক্ত খাবে,
তবে ছাড়বে । আমি দেশের মানুষ দেশে
চ'লে যাই ।

হার। এই দেখ, গরু বোটা এ বোকা বোটাকে কি
ভয় দেখিয়েছে । নে তুই ভাবিস্ নে, তোর কে
কি করে ?

মাণিক । ওই এলো গো—

[বেগে প্রস্থান ।

হার। কি করবো, কি হবে, আমার বরাতে তেমন
একটা সন্নিহি-ফন্নিহি জোটে না !

(গরুর প্রবেশ)

গরু । হাঃ—হাঃ—হাঃ—

হার। মাগীর আকল দেখেছ ! বোটা সকলের
সঙ্গে চং ক'রে বেড়াচ্ছে । কাকুর সন্ধানশ,
কাকুর পোষ মাস ! কি হয়েছে কি ?

গরু । হিঃ—হিঃ—হিঃ—

হার। আ মন্—তুই খেপলি নাকি ? হেসে মর-
ছিস্ কেন ?

গরু । হঃ—হঃ—হঃ—

হার। কি কাণ্ডটা বল দেখি ? তোর আকল
কি ? বাড়ীতে না ব্যায়রাম ? দাঁড়া বোটা, তোর
হাসি বার কচ্চি ।

গরু । হোঃ—হোঃ—হোঃ—কর্তাবাবু, হাসো গো
হাসো !

হার। তোর ব্যাপার দেখে সত্যি হাসি পাচ্ছে ।
কি কাণ্ডটা বল দেখি ?

গরু । হাসো—হাসো—আর দেবী ক'রো না,—
আমার মত হোঃ হোঃ ক'রে হাসো ।

অন্তরাল হইতে মাণিক । হেলো নি গো—হেলো নি,
বেটা ককে এসেছে ।

হার। খাম্কা হাসতে বাবো কেন ? কি হয়েছে
বল ?

গরু । সে আমার মাথার দিবা দিয়ে বলেছে, না
হাসলে কিছুতে বলবো না, হাঃ হাঃ হাঃ—হাসো
কর্তাবাবু হাসো—হিঃ—হিঃ—হিঃ—

হার। এই নে বোটা, হিঃ হিঃ হিঃ—এমন পাগল
দেখি নি, হলো ? এখন কি বল ?

গরু । তবে শোনো—এইবার দিদিমণির অনুখ
ভাল হবে ।

হার। কি বলিস্, কি বলিস্, কেমন ক'রে কেমন
করে ?

গরু । আমি সেই তাকে পায়ে হাতে ধ'রে এনেছি ।

হার। কাকে রে ?

গরু । ও মা ! তুমি কিছু শোন নি নাকি ? সহর
গুচ্ছ লোকে খন্নি খন্নি ক'চ্ছে । বলে সাক্ষাৎ
পঞ্চানন্দ শিব । সবাই বলছে, ইনি আর দিন-
কতক সহরে থাকলে, নিমতলা আর কালীমিত্রের
ঘাট হাওয়া খাবার বাগান হবে । আমি স্বচক্ষে
দেখেছি কর্তাবাবু, একজনের মা মরা ছেলে
কোলে ক'রে এনে পায়ের কাছে ফেলে দিলে,
তা তিনি কি ছুঁলেন ? একটা ভুড়ি দিতেই
ছেলেটা ধড়মড়িয়ে উঠে টিপ ক'রে তাঁর পায়ে
একটা গড় ক'রে, মায়ের আঁচল ধরে তিড়িং
তিড়িং ক'রে নাচতে নাচতে ঘরে চলে গেল ।
আসতে কি চান্, কত ক'রে হাতে পায়ে ধ'রে
তোমার নাম ক'রে, তবে এনেছি ।

হার। কই, কোথায় তিনি ?

গরু । এখনি ডেকে আনবো ?

হার। আনবি না তো কি ?

[গরুর প্রস্থান ।

এদিনে বুঝি অদৃষ্ট প্রসন্ন হলো ।

(অবধূতবেণী রসিকমোহনের সহিত
গরুর পুনঃপ্রবেশ)

রসিক । তেরা ভালো হোর ।

গরু । ও ঠাকুর, খোঁটাই বলি ব'লো না, উনি বুঝতে
পারেন না ।

হার। এ কি—ইনি! এঁর বে এখনো ভাল ক'রে
দাড়ী ওঠে নি, ইনি রোগ ভাল করবেন?

গরব। চুপ করো কর্তা বাবু, ও সব কথা বলো না,
শুনলে চ'টে চ'লে যাবেন। বড় দাড়ী হ'লেই বুঝি
বেশী বিত্তে হয়? দাড়ীর সঙ্গে বিত্তের সঙ্গে কি?
দাড়ী বড় রাখলেই যদি পণ্ডিত হয়, তা হ'লে
বোকা পাঁচালো এক একটা দিগ্গজ পণ্ডিত।
মাণিক। (অন্তরাল হইতে) রোস, দিদিমণি এক-
বার ভাল হোক, একে ধ'রে বেটীর ডাইনে বিত্তি
ছাড়াবো।

হার। ম'শায়, আমি শুনেছি, আপনি চিকিৎসা-
শাস্ত্রবিশারদ।

রসিক। না, চিকিৎসাশাস্ত্র এমন কিছু নয়,
তবে কি জানেন, আমি দৈববিজ্ঞা লাভ করেছি,
মন্ত্র, কব্জ, জলপড়া, ঝাড়াঝোড়া, নানারূপ
স্বকৌশল আমার করগত।

গরব। শুনছ কর্তাবাবু—শুনছ?

হার। (স্বগত) তাই তো অদ্ভুত লোক। (প্রকাশ্যে)
আমি সেই কথাই বলছি, আমি সেই কথাই
বলছি।

রসিক। দেখি, আপনার হাত দেখি (হারাদানের দাড়ী
দেখিয়া) আপনার কন্ঠার দেখছি উৎকট পীড়া।

হার। ম'শায়, কেমন ক'রে বুঝলেন?

রসিক। তাই যদি না বুঝবো, তবে আর চিকিৎসা
করি কি? কি জানেন, “আত্মা বৈজায়তে
পুত্রঃ” বাপকি বেটা সিপাই কি ঘোড়া। আপ-
নার ও আপনার কন্ঠার দেহের একই ধরণ।
একটি জীলোক পাগলের মতন হয়েছিল, তার
বাপকে তিন কিল মারলুম, আর তার পাগলামি
ছেড়ে গেল।

মাণিক। (রসিকমোহনের নিকটে আসিয়া)
ওগো, আমাকে গোটা দুই তিন কিলিয়ে, গরুবি
ডাইনে বিত্তি ছাড়াও।

হার। নে নে—চুপ কর—স'রে বা। (মাণিকের
অন্তরালে গমন)

রসিক। আপনাকে পরীক্ষা ক'রে আপনার
কন্ঠার সব রোগ নির্ণয় করবো। কি জানেন,
আমি জীলোকের দেহ স্পর্শ করি না। জন্মাবধি
আমার স্বভাবতঃ যুগা। বিবাহ তো করবোই
না, জীলোকের দেহও কখনও স্পর্শ করবো

না। এখন দাঁড়ান দেখি, হাঁ করুন। (হার-
দানের হাঁ করণ)

মাণিক। (রসিকের প্রায় নিকটে আসিয়া) ওগো,
আমিও হাঁ করছি, এই বেটীর রোগটা ঠাণ্ডাও।
হার। জ্ঞাথ—দিক্ করিস্নি। (মাণিকের অন্ত-
রালে গমন)

রসিক। ইস, তাই তো—রোগ বড় সাংঘাতিক
হয়ে উঠেছে। আচ্ছা ম'শায়, হাসুন দেখি।
(হারাদানের হাস্তকরণ)

মাণিক। (অন্তরাল হইতে) এই দেখ আমিও—
(হাস্তকরণ)

হার। আবার আলাতন করে।

রসিক। আচ্ছা, জোরে জোরে নিশ্বাস ফেলুন।

(হারাদানের জোরে নিশ্বাস ত্যাগকরণ)

মাণিক। (অন্তরাল হইতে ইঙ্গিত করিয়া জোরে
নিশ্বাস ত্যাগ করণ)

রসিক। হঁ—মানসিক পীড়া। আর কিছু দিন
আগে খবর দেওয়া উচিত ছিল। বড় বাড়া-
বাড়ি হয়ে উঠেছে।

হার। হ্যাঁ ঠাকুর, তবে কি—এখন কোন উপায়
হবে না?

রসিক। সে আপনার কন্ঠাক দেখলে বুঝতে
পারবো।

হার। তবে চলুন।

রসিক। যাবো কোথা? আমি জীলোকের
মন্দিরে কখনো প্রবেশ করি না। আপনার
মেয়ে মলো কি বাচ্চো—তাতে আমার কি?
আমার চিরকুমারব্রত ভগ্ন হবে? বটে—বেশ
তো আপনার উপদেশ? কোথায় সে মাগী,—
তুই কেন আমার এখানে আনলি?

মাণিক। (গরবকে দেখাইয়া) ওই যো—ওই
যো—

হার। ম'শায় ঘাট হ'য়েছে, মার্ক করুন, কথাটা
হঠাৎ আমার মুখ থেকে বেরিয়ে গেছে। তবে
কি ক'রে রোগী দেখবেন?

রসিক। হাঃ হাঃ—হাঃ হাঃ—এই, এই ভাবনা?
তিন তালিতে তাকে হেথা তুলে আনবো।
এক—দুই—তিন (তালি প্রদান)

(রতনমালার বেগে প্রবেশ করিয়া বসিয়া পড়ন)

হার। বাপ—কি কাণ্ড!

মাণিক । বলিহারি রোজা, তিন তালিতে দিদি-
মাণিকে চলে আনলে !

গরব । ঠাকুর, আপনি আসুন, এইখানে বসুন ।

চলুন কর্তাবাবু, আমরা এ ঘর থেকে যাই ।

মাণিক । বাবি কোথা—তুই বেটা ব'স কর না ।

হারা । সে কি, বাব কেন ?

গরব । সে কি, রোজা দিদিমাণিকে সব কথা
জিজ্ঞেস করবে, তবে তো ? চলো—চলো—
দাঁড়িয়ে কি দেখছে ? এই বুঝি আবার
চটালে, আর আমি খোসামোদ করে ডেকে
আনতে পারবো না ।

হারা । না—না—না—চ ।

গরব । মাণকে মুখপোড়া, চ'লে আস ।

মাণিক । তোর পেছু চলুন এই যে—

[হারাধন ও গরবের একদিক দিয়া এবং মাণিকের
অন্যদিক দিয়া প্রস্থান ।

রসিক । (রতনের সম্মুখে হস্তসঞ্চালনে বাড়নের
ভাগ করিয়া) রতন, বেশ মেঘনাদের বুদ্ধ করেছে ।
জানালায় আড়াল থেকে দেদার নয়নাবাগ হেনেছ,
আর আমি প্রাণের জালায় রাস্তায় ছুটোছুটি
করেছি । আর তুমি তোফা নিশ্চিন্ত আছ ।

রতন । তা বলবে বই কি, রাস্তা থেকে তোমার
তিরন্দাজি কি কম ? তুমি তো নিশ্চিন্ত ছিলে,
আমি গরবকে দিয়ে ধ'রে এনেছি, তবে তো ?

রসিক । তা বেশ সন্ন্যাসী সাজিয়েছ ; এখন বাড়ী
ডেকে যেন অম্মনি বিদায় করো না ।

রতন । আমার তো আর কিছুই নাই, সম্বলের মধ্যে
একটি প্রাণ ছিলো, তা তো জোর করে কেড়ে
নিয়েছ ।

রসিক । আচ্ছা ভাল, যদি আমার জোর চলে, তবে
জোর করে নে তোমার বুকে রাখি (বাহু
প্রসারণ)

রতন । থামো থামো—বাবা দেখছেন । আমাদের
ষড় যদি জানতে পারেন, তবে তোমার বুজরুকি
সব বেরিয়ে যাবে ।

রসিক । যো কি ? আমি তো শুধু তালি দিয়েছি
—তুমি যে রকম বুজরুকি করে পাগলের মতন
ছুটে এসে ব'সে পড়লে, তাতে আমিই ধোঁকা
খেয়েছিলুম যে, সত্যি বা কি হয়েছে ।

রতন । আমার ওস্তাদ কেমন—গরবিণী !

রসিক । আমরা ছ'জনেই এক শুক্লম'শায়ের প'ড়ো ।
হারা । (দূর হইতে গরবের প্রতি) এত হুস্‌হুস্‌
ক'রে কি বলছে ?

গরব । ঝাড়ুকু কচে কর্তাবাবু—ঝাড়ুকু কচে ।
দেখছেন না, দিদিমাণির মুখে হাসি বেরিয়েছে ।

রসিক । গরব তোমায় সব বলেছে তো ?

রতন । সবই বলেছে, আমি ঠিক আছি । বাবা
আসছেন, আমি এখন যাই ।

[রতনের প্রস্থান ।

হারা । (নিকটে আসিয়া) কেমন দেখলেন ?

রসিক । দেখবো আর কি, সমূহ বসদ্ উপস্থিত ।

হারা । কি—কি ঠাকুর, আরোগ্য হবার কোন
আশা নাই ?

রসিক । আশা আছে, উপায় করতে পারলে হয় ।

হারা । উপায় আছে ?

রসিক । আছেও বটে—নাইও বটে ।

হারা । ম'শায়, আমরা মুখ্য স্মৃখ্য লোক, আপনি
পণ্ডিত, আপনার সব কথা বুঝতে পারিনি ।
যদি কোন উপায় থাকে, আপনি করুন ।
আমি বুঝতে পেরেছি, আপনার দ্বারাই আমার
কত্যা আরোগ্য হবে, নয় তো নয় ।

রসিক । আপনার কত্যা পীড়া সম্পূর্ণ মানসিক ।
আমি বিশেষ পরীক্ষা করে দেখলাম, মস্তিষ্কের
বিকার উপস্থিত । সেই জন্ত একটি বাতিক
সৃষ্টি হইয়াছে, বিবাহের বাতিক । এর মনে
দিনরাত বিবাহের বাসনা প্রবল । ছিঃ ছিঃ ! কি
লজ্জা ! কি স্বণার কথা ! ম'শায়, সমাজ থেকে
বিবাহের কুপ্রথা কবে উঠে যাবে ?

হারা । অতি উচ্চপ্রকৃতি—অতি উচ্চ দরের লোক !

গরব । মাহুষ নয় বাবু, মাহুষ নয় ।

হারা । এখন কি উপায় হবে ?

রসিক । দেখুন, যে সব লক্ষণ দেখলুম, তাতে শীঘ্র
উপায় না করলে মৃত্যু সন্নিকট ।

গরব । দিদিমাণি, তোমার কপালে এই ছিল (কপট
ক্রন্দন)

হারা । হায় হায়, কি হবে । ম'শায়, আমি
আপনার গোলাম হয়ে থাকবো, আপনি রক্ষা
করুন ।

রসিক । ব্যস্ত হবেন না, স্থির হোন । এক্ষণে

আপনার কন্ঠার উপায় কি জানেন ? বিবাহের একটা অনুকরণ করতে হবে ।

হারা । বিবাহের অনুকরণ ক'রকম ?

রসিক । যেমন মধ্যাভাবে শুড়, ফুলচন্দন দিয়ে পূজা না ক'রে যেমন গঙ্গাজলে ফুলচন্দনের অনুকরণ ক'রে পূজা করা হয়, তেমনি মিছিমিছি একটা বিবাহ-ব্যাপার বাধাতে হবে । সবই মিছে, মিছিমিছি বিবাহ হবে ।

হারা । আজ্ঞে বেঁ হবে ?

(রসিকমোহনের কপট ক্রোধ প্রকাশপূর্বকগমনোত্তম) গরব । (বাস্ততার ভাণ করিয়া) যা, সর্বনাশ করলে, বাপই শত্রু, মেয়েটাকে খুন করলে ।

হারা । ম'শায় চলে যাচ্ছেন কেন, শুধুন না ।

রসিক । কি শুন্বো, আমার বাজে কথা ক'বার সময় নাই, যতক্ষণ আপনাকে নিয়ে বক্চি, ততক্ষণ দশ বারটা লোকের প্রাণদান করতে পার্তেম ।

হারা । (স্বগত) কোথায় যাই, মিছিমিছি কে বে করতে আসবে ! যদি অনেক খুঁজে কোন বেটাকে পাই তো সে দাঁও বুঝে একটি কাঁড়ি টাকা নেবে ! তা না হয় নিলে, কিন্তু পাত্র পাব কোথা । একেই বল্বো উপায় করতে ! সাহস হয় না, যেমন গুলী, তেমনি তিরিক্কে, মেজাজের ঠিক নাই ।

রসিক । কি ঠাওরালেন ? আমি যাব না থাক্বো ? দেখুন, আমার সময়ের মূল্য আছে ।

গরব । কি হবে কর্তা বাবু, কি হবে ? তুমি এত জানো, আর এর একটা উপায় করতে পাচ্ছ না ?

হারা । (স্বগত) যা আছে অদৃষ্টে ব'লে ফেলি, এস্পাব কি ওস্পার, মেয়ে এম্‌নেও গেছে ওম্‌নেও গেছে, (প্রকাশ্যে) ঠাকুর আপনি বে করলে হয় না ?

রসিক । বটে ! আমায় ডেকে এনেছিল, সে মাগী কোথায় ? আমার হাতে আজ তার মৃত্যু আছে ।

গরব । ওরে বাপ রে, এখনি ভঙ্গ করবে !

(গরবের পলায়ন)

হারা । দোহাই ঠাকুর, আপনার সাত দোহাই !

তুমি আমার ধরম বাপ, আমায় রক্ষা করো ।

রসিক । চুপ করো, আমি কাতরুতা দেখতে পারি নে ।

হারা । দোহাই আপনার, দোহাই আপনার (ক্রন্দন) রসিক । ধামো ধামো, কি চাও বলো । বুঝেছি মাগীতে বর্ধন ডেকে এনেছে, তখন সমূহ বিপদ ।

হারা । ঠাকুর, আজই বিবাহের লগ্ন আছে—এই গোধূলিতে । আপনি দয়া করুন, আপনার অক্ষয় পুণ্য হবে ; আপনি মিছিমিছি বর মেজে ব'সবেন, মিছিমিছি সম্প্রদান হবে, তার পর আমার মেয়ে আমার বাড়ীতে থাক্বে, আপনি আপনার আস্তানায় চ'লে যাবেন ।

রসিক । শুধু তো সম্প্রদান মিছিমিছি হ'লে হবে না, তোমার কন্ঠার প্রত্যয়ের গুণ, বিবাহের সমস্ত উৎসব করা চাই ।

হারা । তাই তো, সমঝাভাব, কি করি ?

রসিক । তোমায় দেখে ছুঃখ হচ্ছে । আচ্ছা, তুমি স্থির হও, আমি অভয় দিলুম । এক ছুই তিন তালি আর কে কোথায় আছি স'ব চ'লে ।

(বাদ্যকারগণের প্রবেশ ও বাদ্যকরণ)

মাণিক । ইস, সব চলিয়ে আনছে ।

হারা । (বাদ্যকারগণের প্রতি) তোরা বেটারা কে ? বেরো আমার বাড়ী থেকে, মজা পেয়েছ নম ?

[সভয়ে বাদ্যকারগণের প্রস্থান ।

রসিক । ওদের সুঙ্গে সঙ্গে আমিও বেরোলুম ।

(গমনোদ্যোগ)

হারা । কেন মশায়, কেন ? আমার কি অপরাধ হলো ?

রসিক । আমি ওদের ডেকেছি, তুমি বার ক'রে দিচ্ছ ।

হারা । আজ্ঞে, আপনি কখন ডাকলেন ?

রসিক । তিন তালিতে তোমার মেয়েকে তুলে আনলুম, এখনো তা বিশ্বাস করো না ? দৈত্য-দানা ভূত-প্রেত-জিন যে যেখানে আছে, আসক্ত হবে । এক—ছুই—তিন তালি ।

হারা । ও বাবা, এ যে ভূতগত ব্যাপার ! মালী বেটা ফুলের মালা আনছে, নাপিত বেটা এসে হাজির, পুরুত মহাশয় শালগ্রাম হাতে করে !—ও বাবা, খাতায় খাতায় লোক !

[মালী, নাপিত ও পুরোহিতের যথাক্রমে প্রবেশ ও প্রস্থান ।

মাণিক । দেখছ কি কর্তাবাবু, উড়োন মন্ত্র বাড়ছে,

দেখো কেন্না—গরলা বাড়ী থেকে বাঁকী শুদ্ধ
দই-স্কীর চালছে, মররা-বাড়ী থেকে লুচিমণ্ডা
আর ঘেমো বামুন ছকার গাম্‌লা নিয়ে ভাঁড়ার
বিগে চলেছে ।

হারা । (স্বগত) নিশ্চয় এ কোন মহাপুরুষ ।

রসিক । দাঁড়িয়ে ভাবছেন কি, মেয়ে সাজিয়ে
আমুন, সব আমি ঠিক ক'রে নিচ্ছি ।

[হারাধনের প্রস্থান ।

মাণিক । ঠাকুর, এই গরবির ডাইনেগিরিতে ভালো
করো ।

রসিক । ওর আর কি, তুমি বে ক'রে ফেল্লই ভাল
হয়ে যাবে ।

গরব । ও মা, সে কি গো, কি লজ্জা !

[হাসিয়া গরবের প্রস্থান ।

মাণিক । আজ্ঞে, বে করলেই ডানগিরি ভাল হয় ?

রসিক । হয় বই কি, বে করলে মেয়েমানুষের আর
রোগ থাকে না ।

মাণিক । তবে আর যাহা কোথায় !

[মাণিকের প্রস্থান ।

(সনাতনের প্রবেশ)

সনাতন । (রসিকের প্রতি) বাবাজি, কাণ্ডটা যেন
যাচবিদ্যা হয়েছে ! আমি জাবছিলুম, পাছে
তুমি না পারো, ফসকে যার ; তোমার এমন
পোস্তাই আমি জানতুম না । এ না হ'লে
বুড়ো বে দিত না ।

রসিক । খুড়ো, এ তোমারই তালিম, এখন চুপ
করো, না আঁচালে বিশ্বাস নাই ।

সনাতন । আর আচানো কি বাবাজি, পান চিবোনো
হয়ে গেছে । (নেপথ্যে বাদ্যকারগণের প্রতি)
তোরা বাজা বাজা ।

[সনাতনের প্রস্থান ।

(এক দিক্ হইতে পুরোহিত, নাপিত প্রভৃতি
ও অন্তর্দিক্ হইতে সজ্জিতা রতনমালাকে
লইয়া হারাধনের প্রবেশ)

পুরোহিত । লগ্ন ব'য়ে যার কর্তা, কত্না সম্প্রদান কর-
বেন চলুন ।

হারা । (রসিকের প্রতি) চলুন ম'শায়, চলুন অল্প-
গ্রহ ক'রে ।

রসিক । কোথায় যাবো ?

হারা । সে কি ! বিবাহ করতে ?

রসিক । বিবাহ করতে কি ? ওঃ, হ্যাঁ, হ্যাঁ, বটে
বটে, চলুন চলুন ।

[সকলের প্রস্থান ।

(এয়োগণের প্রবেশ)

(গীত)

দেখিস্‌ লো সামলে থাকিস্‌ বর গুণিন্‌ ভারি ।

নয় যেমন তেমন বরণ করা, চাই হ'সিয়ারি ॥

বর মুখপানে চেয়ে, তিন ভালি দিয়ে,

কি জানি মজার, কোথায় চলে নে গিয়ে ;

বর যেমন তেমন নয়, ওর তুড়ি কথা কয়,

একে ছাঁদনাতলা, কুলবালা, কি হ'তে কি হয় ;

শুনি গুণের টানে প্রাণ টেনে নে,

মজার এ কুলনারী ।

যেন এয়োগিরি—হয় না বকুমারি ॥

[এয়োগণের প্রস্থান ।

দশম দৃশ্য ।

হারাধনের বাটী ।

হারাধন, সনাতন, পুরোহিত, বরযাত্রী

ও কত্নাযাত্রীগণ ।

(বর-কত্নাবেশে রসিকমোহন ও

রতনমালার প্রবেশ)

হারা । (রসিকের প্রতি) ঠাকুর, এইবার আমার
কত্না সেরেছে তো ? আর তো ভয় নাই ?

রসিক । আজ্ঞে, নারায়ণ সাক্ষাতে আপনি সম্প্রদান
করেছেন, পুরোহিত মন্ত্র পড়েছে, এই সব বর-
যাত্রী কত্নাযাত্রী উপস্থিত, ভয়ের কারণ তো
কিছুই নাই । এখন আমাদের আশীর্বাদ
করুন ।

(হারাধনকে উভয়ের প্রণাম করণ)

হারা । এ কি ঠাকুর, কারে প্রণাম ক'চ্ছ ?

রসিক । আজ্ঞে, আপনি যখন স্বত্তর হলেন, পিতার
স্বরূপ, আপনাকে প্রণাম করবো না তো কি ?

হারা । এ অল্পকল্প প্রণাম—এ অল্পকল্প প্রণাম ।

ভাল ভাল, এইবার আমার কত্না বাড়ীর ভেতর
যাক্ ?

রসিক । হ্যাঁ, বাসরে আবার উভয়ে যাব বই কি ।

হারী। বাসরও অমুকর নাকি ?

রসিক। আজ্ঞে, সবকটা অমুকর হয়েছিল, বিবাহ তো ঠিকঠাক হয়েছে খণ্ডর মশার !

হারী। অ'্যা—খণ্ডর কি—কার খণ্ডর ?

রসিক। আজ্ঞে, ম'শারের কন্তা, ম'শারই আমার খণ্ডর, এ তো জলের দাগ নয় বে, মুছে কেলতে চান।

হারী। খণ্ডর—কোন্ ভেড়ের ভেড়ে খণ্ডর ? তোর চোদপুরুষ খণ্ডর হোক। খণ্ডর কিসের ? জুচুরির আর জায়গা পাও নি ?

সনাতন। তোমার কন্তাকে বিবাহ করেছে, তুমি খণ্ডর নও ?

হারী। বিবাহ করেছে ! হাঁয়ে বেটা, বিবাহ কিরে বেটা ? তবে রে বেটা, তুই কে রে বেটা ?

রসিক। আজ্ঞে আমি রসিকমোহন।

হারী। ও বেটা—তুমি রসকে বেটা ! তবে রে বেটা, তোমার চিরকুমারত্ব বেটা ! তুমি জীলোকের মন্দিরে যাও না বেটা ! তুমি বাসরে যেতে ঘুরঘুর করচ বেটা ? তবে রে বেটা, বিবাহ-প্রথা উঠিয়ে দেবে বেটা ? জীলোক স্পর্শ করো না বেটা ? তাই আমার মেয়ের হাত ধ'রে র'য়েছ বেটা ?

রসিক। আজ্ঞে না, আমারও মন, আপনার কন্তারও মন একরূপ বিবাহে তো আমার সম্পূর্ণ মত।

হারী। মত বই কি রে বেটা, বেরো বেটা। জুচুরী, জুচুরি ! পুলিশ ডাকো—ও মাগকে, ও গরবি, আমার মাথায় জল দে। কখনো না—আমি মেয়ে ছাড়বো না।

সনা। ভায়া, বরহা মেয়ে ক'রে ঘরে রেখেছিলে, সে আপনার পথ আপনি ক'রে নিয়েছে। তুমি বাধা দিলে কি বিধাতার বিধান খণ্ডন হবে ? কেন আর গোল ক'চ্চ ? এই পাত্রের কথা তোমায় ছশো দিন বলেছি। এমন সুপাত্র আর কোথাও পেতে না।

হারী। বলেছ তো আমার মাতা কিনেছ ! সুপাত্র নেই মাঙ'তা, আমার বাড়ী থেকে সব নিকালো।

রসিক। আজ্ঞে, শালগ্রাম সমুখে বিবাহ দিয়েছেন, এ কি বলছেন ?

হারী। শালগ্রাম নেই মাঙ'তা, মুড়ি নেই মাঙ'তা, আমার খুটানী মত। বেড়ো বেটা, পাহারাওলা ডাকবো। (রতনমালার প্রতি) বাড়ীর ভেতর যা বেটা ? মইলে চুল ধ'রে নে যাব।

রতন। আজ্ঞে, যার পদে আমার সমর্পণ করেছেন, তাঁকে ছেড়ে আমি কোথায় যাব ?

হারী। সমর্পণ করেছি বেটা ? সাধুতাবা কইচ বেটা ? জোর কোন্ বাবা সমর্পণ করেছে ?

গরব। হ্যাঁগা—সে কি গো ? তুমি শো বাবা।

হারী। তবে রে বেটা—সবাই জোটপাট খেয়েছ ? বেটা, ব্যামো ভাল করতে রোজা এনেছ ? ঠাকুর রাগ ক'রে চলে যাবে ? ওরে বেটা, এখন যে গলাধাক্কা দিলে যাব না ! দাঁড়া বেটা, তোর মাথা মুড়িয়ে ঘোল ঢালবো বেটা !

মাণিক। আজ্ঞে, ও কিছু করবেন নি, আমিই :জব ক'রে দিচ্ছি।

হারী। খুব নাকাল কর, সব বেটা-বেটাকে নাকাল কর।

সনা। ভায়া, আর অমন ক'চ্চ কেন ? বে তো আর ফিরবে না ? পাহারাওলা ডেকেও কিছু হবে না।

হারী। ফিরবে না, ওর বাপ ফিরবে। আমার তেমন বাপের বাপ পাও নি, এর হেস্তনেস্ত না ক'রে কি ছাড়বো ?

রসিক। ম'শার, আপনি ক্রুদ্ধ হ'ছেন কেন ? এই দেখুন, আমার বখাসক'র আপনার কন্তার নামে লিখে এনেছি। আপনি তার 'টুটি'। আদ'নার কন্তা আপনারই থাকবে,—তার উপর আজ হ'তে আমি আপনার পুত্র হ'লেম।

(দলিলাদি প্রদান ও হারাধনের পাঠ)

সনা। আর ভাবছো কি ? বর-ক'নে আশীর্বাদ ক'রে বাসরে পাঠাও।

হারী। (পাঠ করিয়া) অ'্যা সনাতন, এ সব কথা তো তুমি সম্বন্ধের সময় কিছু বলো নি ? আমার মেয়ে যদি পর না হয়, আমার বে দিতে আপত্তি নাই, এ তোমারই দোষ।

মাণিক। আজ্ঞে, দোষ এই গরুবির।

রসিক। দোষই তো, এইবার তুমি ওকে বে করো।

মাণিক। এজ্ঞে, আর যার কোথায় ! আমি ল্যাক

কবিতা-মালা ।

প্রেমের জ্বালা ।

—::—

বলি ওলো নবীন কলি,
তোমর প্রাণে ভাই সয়তো এত,
ফুলে ফুলে বেড়ায় অলি,
অলির ছলা বুঝিস্নে তো !
অগ্র ফুলে পিরে মধু,
গুন্ গুনিরে আসে যখন,
কে জানে তুই লো কেমন,
সোহাগ ক'রে হাসিস্ন তখন ।
ভাবি মনে শিখি মেনে,
তোমর কাছে তার ক'ন্তে যতন,
কাজে এলে, আগুন জলে,
অমনি ভেসে যায় লো নয়ন ।
সয় কত তোমর কোমল প্রাণে,
যাস্নে জ'রে রিশের বিবে,
ফেলে তোরে সে চায় পরে,
দেখে শুনে ভুলিস্ন কিসে ?
কোথায় পেলি ভালবাসা,
থাকিস্ন ভাল ভালবেসে,
সয় যদি তোমর বুকে এত,
বরিস্ন কেন শুকিয়ে শেষে ?
বলে বলুক মুখের কথা,
প্রতিদান সে চায় না প্রেমে,
লুকিয়ে রেখে আগুন বুকে,
তোমর মত সে শুকার ক্রমে ।
সয় ব'লে সেই সয় লো কত,
সহিতে কি হ'য়েছি নারী,
ছি ছি ছি থিকু জীবনে,
জীবনের সার নয়ন-বারি !

অনল-তাপে গলে শিলা,
গলে না তো নারীর কায়া,
মজে তবু ভাল বাসে,
নারীর প্রাণে নাইকো হায়া !

বিগতা-যৌবনা ।

—::—

গেছে দিন আছে তার স্মরণ কেবল,—
আছিল ললিত কায়, কেশজাল মেঘপ্রায়,
বিভাগী সীমন্ত-রেখা ধবল সরল,
অধরে আরক্ত রাগ, ভ্রমরায় অমুরাগ,
ফুটিত ঈষৎ হাসে মুকুতার দল,
উথলিত যৌবন-তরঙ্গ ঢল ঢল,—
আছে তার স্মরণ কেবল ।

২

তখন আসিত আর না দেখি এখন,
ধনী-মানী যুবা কত, বেশ করি নানা মত,
গুণগ্রাম-বিকসিত স্মৃতিম বদন ;
কেহ বাধা কেশ-পাশে, কেহ বা চামির ফাঁসে,
কাহার হৃদয়ে বিদ্ধ কটাক্ষ ঈক্ষণ,
ইন্দিতে প্রস্তুত দিতে জীবন-যৌবন,—
কারে আর না দেখি এখন ।

৩

সহিয়ে নিদাঘ-রবি, মেঘ-বরিষণ,
কুজ-ঝটিকা-ঢাকা দিশা, হেমন্তের তীব্র নিশা,
ঝটিকা করকা ঘোর তরঙ্গ মর্দন,

উপেক্ষিত ভূণ জানে, আসিত আমার ধ্যানে,
প্রাচীর পর্কত সম-করিত লভন,
দেখে যেত বাণী তত বত অযতন,—
সহি রবি-স্নেহ-বর্ষিষণ ।

৪

কেন এলো কেন গেলো সুখের স্বপন,
এবে যদি দেখি কারে, ফিরে নাহি চাহে বারে
ডাকিলে চিনিতে নায়ে ফিরায় বদন ;
বেণীতে নাহিক কাঁস, অধরে কুহকী হাস,
বৈধে না নয়ন, গেছে চপল যৌবন,
করি নাই আরাহন করি নি বর্জন,—
এলো গেলো সুখের স্বপন !

৫

কাচ বাঁধি অঞ্চলে কাঞ্চনে অবহেলা,
কেন দিব দেহ দান, প্রাণ দিয়ে নেব প্রাণ,
প্রণয়-বন্ধন প'রে হবে কিবা খেলা ;
চাহিতাম উপাসনা, কাদাইব—কাদিব না,
না বুঝে বেদনা সহি বেদনা একেলা,
দান-প্রতিদানে ধরা আনন্দের মেলা,—
কাঞ্চনে ক'রেছি অবহেলা !

মদিরা ।

—:~:—

সরলা তরলা আমি মানব-মোহিনী,
সঙ্গমত রক্ত মম কত ;
বাসনার অমুগামী আনন্দদায়িনী
যে চাহে যে ভাবে তাহে রত ।

যোগাসনে উচ্চ ধ্যানে উচ্চ কামনায়,
আমি তাঁর হৃদি-আমোদিনী ;
বিরাগী বাসনা তুচ্ছ করে যে হেলায়,
উন্মাদের আমি উন্মাদিনী ।

শূর ধরি তরবারি শত্রু-মাঝে ধার,
নৃত্য যার অস্ত্র বন্ বনে ;
ভৃগুজ্ঞান করে প্রাণ বীর গরিমায়,
রজিনী সজিনী রণাঙ্গনে ।

বিলাসী নেহারে হাসি-রমণী-অধরে,
রসবতী দূতী আমি তার ;
ভাসাই মাতাই মন রসের লহরে,
রঙ্গে খেলে তরঙ্গের হার ।

নীচ সঙ্গে নীচ রঙ্গে করি নীচ সেবা,
তরলাঙ্গী ভাবের অধিনী ;
মনে মনে বুঝে দেখ নিম্ন মোরে যেন
মত্ততার মঞ্চ এ মেদিনী ।

স্মৃতি ।

—:~:—

বহু দিন পরে কি দেখি আবার,
সে ছ'টি নয়ন সোহাগে মাথা ;
সাধে সমীরণ খেলে ধীরে ধীরে,
অলকায় আধ বদন ঢাকা ।

সেই তো গোলাপ সলাজ কপোলে,
সেই তো গোলাপ অধর-রাগে,—
মুহু হাসি সনে বিষাদ মিলিত,
কেন হেন এ তো দেখিনি আগে ।

সেই তো তটিনী সাগরগামিনী,
শশী-হাসি-ছবি হৃদয়ে ধরে ;
সেই তো কলিকা জীবৎ ছলিয়া,
শিহরিছে ধীর সমীর-করে ।

বাহু-পাশে বাঁধি নয়নে নয়ন,
যতনে দেখেছি বদন খানি ;
আজ' ধরি ধরি ধরিতে তো নারি,
আমার আমার—আমি তো জানি ।

এলো এলো এলো, আবার ফুরা'লো,
চলে গেল কেন, কি অভিমানে,—
ছিল তো বেদনা মরমে লুকা'য়ে,
কেন বারিধারা নয়নে আনে !

এসেছিল সে কি দেখে গেল এসে,
প্রাণে প্রাণ আজ' কাদে না কাদে,—
কৈদে গেছে সে তো দেখেছে কৈদেছি,
কাদিতে কাদাতে এলো কি সাধে !

দিগেছি আছতি হৃদয় সুসার,
 ছ'জনে যে ব্রতে ছিলাম ব্রতী,
 নীরস জীবনে গেছে তো সকলি,
 তবু কেন পুনঃ জাগিছে স্মৃতি !

শূন্যপ্রাণ ।

***—

মা ব'লে কঁাদিয়ে শিশু কাছে যেতে চায়
 সবে মিলে করে নিবারণ,
 কঁাদিছে কেন মা নাহি কোলে নেয় তার
 ভাসে অঁখি না বুঝে কারণ ;
 যত্ন করে কত জন, কোলে নিতে আকিঞ্চন,
 মাতৃহারা শূন্য ধরা কে তারে ভুলায়,
 শূন্যপ্রাণ—শূন্যপানে চায় ।

সুখের কৈশোরকাল সুখের সংসার,
 না চাহিতে মিলে প্রয়োজন,
 পাঠ করি পিতৃস্থানে নৈহ পুরস্কার,
 সবাকার আদর ভাজন ;
 অকস্মাৎ বজ্রাঘাত, বহিছে শ্মশান-বাত,
 চিতায় পিতার মুখে অনল প্রদান
 শূন্যপ্রাণ—নেহারে শ্মশান !

আমোদিনী প্রমোদিনী জীবন-সঙ্গিনী
 ক্ষুদ্র গৃহ নাট্যশালা প্রায়,
 মোহাগ হৃদয়-রাগে রজনী রঙ্গিনী
 সোঁগার স্বপন ব'য়ে যায়,
 কালের কুটিল রহ, চমকিয়া স্বপ্ন ভঙ্গ,
 শূন্য গৃহ—নহে ত উজ্জল নাট্যাগার,
 শূন্য প্রাণ—শূন্য এ সংসার !

কুলের তিলক কৃতী সুন্দর কুমার,
 উচ্চ স্থানে প্রাপ্ত উচ্চাসন,
 প্রজ্ঞাবান আজ্ঞাকারী নিয়ত পিতার,
 শত শ্রোতে বহে উপার্জন ;
 শমন হরিল তার, হৃদি বিদ্ধ শেল-ঘাৱ,
 চিত্তপ্রায় ব্যথা নাহি বুঝে বেদনায়,
 শূন্যপ্রাণ—শূন্যেতে মিশায় !

একক বান্ধবহীন প্রবাসে নিবাস
 কেহ আর নাহি আপনার,
 বার্কিকো অশক্ত দেহ—কুপার প্রয়াস,
 হৃদে সদা আতঙ্ক সঞ্চার,
 কাটে দিন নাহি রহে, স্মৃতিমাত্র কথা কহে,
 গোধূলি আলোক পিছে, সম্মুখে অঁধার,
 শূন্যপ্রাণ—কিছু নাহি আর !

বহুরূপী বিদ্যা।

কিংবদন্তী আছে যে, কুন্তকর্ণ রাবণকে বলে, 'নীতার প্রতি বধন তোমার অমুরাগ, তুমি রামরূপ ধরিয়া তাহার মন হরণ করিলে না কেন?' রাবণ উত্তর করিলেন, "আমি এরূপ কল্পনা করিয়াছিলাম, কিন্তু যে রূপ ধারণ করিতে হয়, সে রূপ ধ্যানের প্রয়োজন; নচেৎ সে রূপ ধারণ করা যায় না। রামরূপ ধারণ করিতে গেলে রামের ধ্যানের প্রয়োজন, কিন্তু রামরূপ ধ্যান করিলে ব্রহ্মপদ তুচ্ছ হয়, পরবধুর সঙ্গ-প্রয়াস করিব কি?" কথাটি জগতে শ্রীরামচন্দ্রের স্বরূপ প্রকাশ করে, বহুরূপী নটের কার্যেও বিশেষ উপদেশপ্রদ। মিনার্ভা থিয়েটারে অর্কেন্দুশেখরের শোকসভায় পঠিত যে প্রবন্ধ "অর্চনায়"—"অভিনয় ও অভিনেতা"—নামে প্রকাশিত হইয়াছিল, তাহাতে অভিনেতার কর্তব্য সম্বন্ধে দুই এক কথা বলিয়াছিলাম। বলিয়াছিলাম, অভিনেতা যে ভূমিকা গ্রহণ করিবেন, কেবল সে ভূমিকা বুঝিলেই অভিনেতার পক্ষে যথেষ্ট নয়, সে ভূমিকার ধ্যান অভিনেতার প্রয়োজন; যে ধ্যানমুগ্ধ হইয়া অভিনেতা অনেক সময়ে নাটককারকে মুগ্ধ করিয়াছেন। অনেক সময়ে অভিনয়কালীন নাটক-অভিনয় দর্শনে বুঝিয়াছেন যে, তিনি যাহা লিখিয়াছিলেন, তাহা তিনি নিজেই বোঝেন নাই, অভিনয় দর্শনে তাহা বুঝিলেন। "অভিনয় ও অভিনেতা" প্রবন্ধে তাহার দৃষ্টান্তও আমরা দিয়াছি। জিজ্ঞাস্ত হইতে পারে—যে নাটককার লিখিয়াছেন, অথচ বোঝেন নাই কিরূপ? তাহার কারণ এই, যে তত্ত্ব অবস্থায় তিনি লিখিয়াছেন, তাহার পর সে অবস্থা তাঁহার স্মরণ থাকে না। অভিনেতার তত্ত্ব-রম্ভে নাটককার তাঁহার তত্ত্বমুগ্ধ প্রত্যক্ষ করেন, এই তাঁহার চমৎকৃত হইবার কারণ। বলিয়াছি, ভূমিকা (part) বুঝিলেই অভিনেতা হয় না, নাটককার সকল সময়ে অভিনেতা নয়। সেক্সপীয়ার 'হ্যামলেটের' Ghost মাত্র সাজিতে পারিতেন। কেবল ভূমিকা বুঝিয়া নয়,

কেবল মানসিক ধ্যানে নয়, ধ্যানহৃদয়ি তাঁহার দেহে পরিণত করিয়া অভিনেতাকে অভিনয় করিতে হয়। তাঁহার মাংসপেশী সকল ইচ্ছামত চালিত হওয়া চাই—প্রেমিকের প্রেমিকা দর্শনে তাঁহার প্রেমভাব বদনে অঙ্কিত হওয়া আবশ্যিক; কাহাকেও বা মৃত্যুশয্যায় মুম্বুর জ্বর দর্শক দেখিবে। যে ভাবের অভিনয় হইতেছে, সেই ভাব সমস্ত অঙ্গপ্রত্যঙ্গে প্রকাশ পাইবে। এ সকলে বেশের (Make up) সাহায্য অত্যাবশ্যক। কোন যুবা বেশের সাহায্য ব্যতীত বৃদ্ধ সাজিতে পারে না, প্রৌঢ়াবস্থার অভিনেতাকে সাজের সাহায্য ব্যতীত প্রণয়মুগ্ধ যুবা দেখাইবে না। অভিনেতা ধ্যানে নিজ ভূমিকানুসারে প্রত্যেক ভূমিকার বেশ পরিবর্তন করিতে না শিখিলে তিনি ভ্রম উৎপাদন করিতে সক্ষম হইবেন না। গদাধারী ভীমের বেশ ধর্মপ্রাণ যুধিষ্ঠিরের সাজিবে না, শত্রুসংহারকারিণী এলোকেশী দ্রৌপদীর বেশভূষা মলিনবসনা জানকী হইতে বিস্তর প্রভেদ হইবে। অবশ্য, এক ব্যক্তির সকল ভূমিকা শোভা পায় না। যথা—কোন স্থলকায় খর্সাকৃতি লম্বোদর ব্যক্তি হস্তরস উদ্দীপনের বিশেষ উপযুক্ত। সুন্দর সুগঠন পুরুষ নায়কের উপযুক্ত, অবশ্য খর্সাকার কর্ণও দীর্ঘাকার হয় না, স্থূল দেহ কখনও সূঠাম হয় না। কিন্তু সূঠাম দেহ যাহা অভিনেতার হওয়া উচিত, তাহা বেশসাহায্যে বিকৃত করা যায়; এবং যদি আকারে বিশেষ অন্তরায় না থাকে, রূপবান্ পুরুষ না হইলেও তাহাকে রূপবান্ সাজান যায়। কিন্তু প্রত্যেক অভিনেতাকে প্রত্যেক ভূমিকায় বুঝিতে হইবে, কিরূপ সজ্জা তাঁহার ভূমিকার উপযোগী হয়। প্রেমিক উপযোগী সরল সূঠাম কোমল বাহু সব্য-সার্চী অর্জুনের চলিবে না। ধর্মগুণ ঘর্ষণে কঠিন-হস্ত, যাহা শত্রু দ্বারা আবরিত করিয়া অর্জুনকে বিরাট-গৃহে অজ্ঞাতবাস করিতে হইয়াছিল, তাঁহার সে রমণী চিত্তাকর্ষক বীরমূর্তি একরূপ এবং পক্ষ-

বাণধারী মদনমূর্তি অঙ্গরূপ—বেশের সাহায্যে তাহা দর্শক দেখিবে। কোন দৃষ্টিকার কি বেশের প্রয়োজন, তাহা রঙ্গালয়ের স্বত্বাধিকারী, ম্যানেজার বা নাটককার অপেক্ষা অভিনেতার বোঝা আবশ্যক। দর্শন-সাহায্যের কর্তন্য তাঁহার কিরূপ মূর্তি হওয়া উচিত, তাহা অভিনেতাই অবগত। অবশ্য, নাটক-কার একরূপ ধারণা করিয়াই লিখিয়াছেন, তিনি “খড়ির আমরা” অঁকিয়াছেন, রং কলাইতে হইবে অভিনেতাকে, ছবিকে প্রাণ দিতে হইবে অভিনেতাকে, ইহা অভিনেতার ধ্যানের প্রাণ, অত্রে তাহা জানে না।

পাশ্চাত্য বড় বড় অভিনেতা ও অভিনেত্রীর অভিনয়ে দেখা যায় যে, ধ্যান অল্পসারে বেশের পরিবর্তন হইয়াছে। যথা Mrs. Siddons-এর Lady Macbeth-এর বেশ এবং Sara Barnhardt (বার্ণহার) এর Lady macbeth-এর বেশ ধ্যানাল্পসারে প্রভেদ। মিসেস্ সিডনসের Lady Macbeth উগ্রস্বভাব, স্বামিসঞ্চালনকারিণী, জুরকন্ধ্যা নারী-মূর্তি। বার্ণহার (Barnhardt) লেডী ম্যাক্বেথের স্বামী অমুরাগিণী মূর্তি। তিনি সিংহাসনপ্রয়াসী নন; মিসেস্ সিডনস্ উচ্চাভিলাষী সিংহাসনপ্রয়াসী। আমাদের যে প্রবন্ধ “অর্চনার” প্রকাশিত হইয়াছে, তাহাতে উল্লেখ করিয়াছি যে, এ দেশে রামলীলাতে প্রতিবৎসর বেরূপ রাম, লক্ষ্মণ, সীতা বদল হয়, বিলাতে সেইরূপ প্রতি বৎসর রোমিও-জুলিয়েট বদল হয়। কিন্তু প্রতি বৎসরে প্রত্যেক রোমিও জুলিয়েট কোন না কোন প্রকার নূতনভাবে দর্শকের সম্মুখীন হয়। প্রত্যেক রোমিও-জুলিয়েটের ধ্যান পরস্পর স্বতন্ত্র এবং সেই ধ্যানাল্পসারে তাঁহাদের পরিচ্ছদও পরিবর্তিত হয়; নতুবা দর্শক নূতনত্ব দেখিত না।

অভিনেতার ধ্যানের মূর্তি অভিনেতার প্রকৃত মূর্তি নয়। সাজের সাহায্যে তাঁহার শরীরে ধ্যানের মূর্তি যতদূর প্রকাশ পায়, নিশ্চয় তাঁহাকে তাহা করিতে হইবে। রং, পরচুলা, মোম ও পরিচ্ছদ প্রভৃতির সাহায্যে এত দূর মূর্তির পরিবর্তন হওয়ার সম্ভব যে, পরিবর্তিত মূর্তিতে পরমাখীরের নিকট উপস্থিত হইলেও তাঁহাকে চেনা যাইবে না। একজন স্তম্ভর পুরুষ কাক্সী সাজিয়াছে, কালো রংএ রং ঢাকিয়াছে। নাকের অগ্রভাগ দড়ি দিয়া তুলিয়া দড়ি রংএর সহিত মিশাইয়া দিয়া কাক্সীর নাসিকা করিয়াছে, গালের হাড় মোম দিয়া উচু করিয়াছে, মোম দিয়া ঠোঁট

পুরু করিয়াছে, কোঁকড়া পরচুলা পরিয়াছে, পোষাকও কাক্সীর মত। কাক্সীর চলন অমূল্য করিয়াছে; ইহাতে সহজে তাহাকে চেনা কোন রং যাই যায় না।

অভিনেতা কুরূপই সাজুক, বা সুরূপই সাজুক এমন কি, ভিখারী সাজিলেও যে সাজে দর্শকের মন উত্তেজিত হয়, সে সাজ পরিহার্য। কেন না, দ্য আমোদ করিতে আসিয়াছে, গণিতকুঠরোগী ভিখারী তাহার আমোদের নিত্যন্ত ব্যাঘাত হইবে এ আবার এক তর্কের স্থল; কেহ বা বলিবে: “স্বাভাবিক দেখান উচিত।” কিন্তু যদি বোঝেন, কলাবিদ্যা ও স্বভাব এক নয়, কলাবিদ্যাবলে স্বভাব-ছবি হৃদয়ে উদয় করিয়া দেয় মাত্র, কলাবিদ্যা আনন্দ-প্রদ, যদি ইহা সকলে বুঝিতেন, তাহা হইলে ‘স্বাভাবিক’ ‘স্বাভাবিক’ বলিয়া এত চীৎকার করিতেন না।


চিত্রকরের জ্ঞান অভিনেতারও রং বোঝা আবশ্যক। চিত্রকর যেমন তাঁহার অঙ্কিত ছবি কোথা হইতে দর্শক দেখিবে, তাহা লক্ষ্য করিয়া সেইরূপ রং দেন, অতীবস্বার তাঁহার ছবি দেখিলে তাঁহার চিত্রবিদ্যা সেরূপ বোঝা যায় না। অভিনেতাও সেইরূপ দর্শক বাহাতে তাহার সজ্জিতরূপের ছবি সম্পূর্ণ পায়, সেই অল্পসারে রং মাখিবেন। দৃশ্যপট দিনের বেলায় দেখিলে এ কথা স্পষ্টরূপে প্রকাশ পাইবে। রজনীতে দূর হইতে দর্শক দেখিবে, চিত্রকর সেই ভাবে লিখিয়াছেন। দৃশ্যপট দীপালোকে দূর হইতে ভ্রমোৎপাদন করে, দিবালোকে মোটা মোটা রংয়ের দাগ দেখা যায়। অভিনেতাকেও রং মাখিবার সময় বিবেচনা করিতে হইবে যে বৈঠকখানায় বেরূপ পাউডার মাখিয়া স্তম্ভর হইলে চলে, রজনীতে সেইরূপ চলিবে না। বেশী করিয়া লাল রং তাহার গালে দিতে হইবে, তবে গোলাপ আভার জ্ঞান দূর হইতে দেখাইবে। ক্ষুদ্র চক্ষু বৃহৎ দেখাইতে গেলে চোখের কোণে কাজলের রেখা বিশেষ করিয়া দিতে হইবে বা চক্ষু কোটরগত করিতে হইলে চোখের কোণে বেশী করিয়া কালো রং দেওয়া আবশ্যক। দোকানে পরচুলা ভাল দেখিয়া লইলে চলিবে না। পরচুলা তাহারই উপযুক্ত হওয়া উচিত। ভূমিকা (part) অল্পসারে বৃহৎ লগাট বা ক্ষুদ্র লগাট হওয়া তাঁহার প্রয়োজন, তাঁহাকে প্রয়োজন অল্পসারে করমাস দিতে হইবে, ভাল পরচুলাটি দেখিয়াই পরিলে চলিবে

আমরা দেখিতে পাই, যদি কেহ পরের দেখিরা
তাঁহাতে অনেক সময়ে কদর্য দেখার;
যদি নিজের আকার অনুসারে অনুকরণ না
করে তবে তাঁহাকে শোভা পায়, সেই ভাবে চুল
তাঁহা হইলে সুন্দর দেখার। অতএব কিরণ
ও পরিচ্ছদে তাঁহাকে ভাল দেখাইবে, তাহা
কিনেজার বিশেষ বোঝা আবশ্যক।

নাটকের ভাল ভূমিকা লইয়া সকলেই কাড়াকাড়ি
। কিন্তু কোন্ ভূমিকা তাঁহার শোভা পাইবে,
ভূমিকা করিলে সে ভূমিকার তাঁহাকে কিরণ
দেখাইবে, ইহা বিবেচনা না করিয়া যদি ম্যানেজারের
প্রতি কেহ জুড় হন, তাহা যে কেবল অসঙ্গত হইবে,
তাহা নয়—তিনি যে ভূমিকা না পাইয়া ক্ষুব্ধ হইয়াছেন,

তাহা পাইলে দর্শককে সন্তুষ্ট করিতে পারিতেন না।
পরিশেষে আমাদের ব্যক্তব্য যে, কল্লনারাজ্যে
ক্রমণ করিয়া কল্লনারাজ্যে দর্শককে আনা তাঁহার
কার্য। সেই কার্যের সহায় সর্বশ্রেষ্ঠ ধ্যান; দ্বিতীয়
—ধ্যানানুসারে অভ্যাস; তৃতীয়—সজ্জা। তৃতীয়
হইলেও সজ্জার স্থান সামান্ত নয়। তিনি অভিনয়
করিতে না পারিলেও যদি তিনি ভূমিকা অনুসারে
ঠিক সাজিতে পারেন, তাহাতেও তুরি তুরি প্রশংসা-
ভাজন হইবেন। অভিনেতার কার্য যিনি সামান্ত
জ্ঞান করেন, তিনি ধ্যানাত্ম্য ও সাজের কথা
কিছুই বুঝিবেন না, যিনি বুঝিবেন, তাঁহার অগ্রই
প্রবন্ধ লিখিলাম। যিনি না বুঝিবেন, তিনি যেন বুঝ
বলিয়া আমার মার্জনা করেন।

বর্তমান রঙ্গভূমি।



থিয়েটারের বর্তমান অবস্থা লইয়া অনেক সংবাদ-
পত্রে মধ্যে মধ্যে সমালোচনা হইয়া থাকে। অনেকে-
রই মত, দর্শক কুচরিতসম্পন্ন হইয়াছে; নাটক অভিনয়
হইলে, লোক-সমাগম হয় না। রং-তামাসা নৃত্য-
গীত—দর্শক এই সকলই দেখিতে ভালবাসে। বাধ্য
হইয়া রঙ্গভূমির অধ্যক্ষেরা দর্শকের কুচরিত উপযোগী
সজ্জা করেন। আবার কোন কোন সমালোচক
অধ্যক্ষেরই দোষ দেন, তাঁহাদের মতে সাধারণের
কুচরিত মার্জিত করিয়া লওয়া উচিত। অধ্যক্ষেরা যদি
কিঞ্চিৎ নবীকরণ করেন, ক্রমে কুচরিত পরিবর্তন
হয়। এই উত্তর শ্রেণীস্থ সমালোচকই কতক সত্য
বলেন।

থিয়েটারের প্রাক্তর্জাবের পূর্বে কবি, হাক্ আকড়া
পাঁচালী ও খাত্রার প্রাক্তর্জাব ছিল। হাক্ আকড়া,
কবি ও পাঁচালীতে গান গালাজ চলিত এবং ঐ সকল
গান-গালাজ লইয়া সমাজে সকলে বিশেষ আনন্দ
করিত। খাত্রার বড় একটা কথাবার্তা ছিল না।
একটা কথার পর, “তবে প্রকাশ ক’রে বল দেখি?”
বলিয়া গান আরম্ভ হইত। সেই গানের কতক আদর
ছিল, কিন্তু বিশেষ আদর সঙের। সঙ্ হালুকা সুরে

গাইত, অপেক্ষাকৃত ভারি আদর পালায় সুর
হইতে সঙের সুরের আদর অনেকের নিকট হইত।
সঙ্ গালাগালিও দিত। তাই লোকের বিশেষ প্রিয়
হইত। গালাগালির আদর ছিল যে, সংবাদপত্রের
সম্পাদকে সম্পাদকে অতি অবজ্ঞা ভাষায় গান
চলিত এবং ঐ সকল সংবাদপত্রেরই গ্রাহক অধিক
হইত। যিনি গালাগালি দিতে সুনিপুণ হইতেন,
—আদর তাঁহার বেশী ছিল। ইংরাজী বিজ্ঞার বতাই
কেন দোষ দেন না, ইংরাজী বিজ্ঞার কৃতবিত্ত ব্যক্তি-
গণ দেখিলেন যে, সমাজের একপ কুচরিত ভাল নয়।
সমাজের বড় বড় লোক নাটক অভিনয়ে প্রবৃত্ত হই-
লেন। সে সময়ে নাটকের বড় চটক হইল। নাটক-
সম্প্রদায়ের মধ্যে কুচরিতসম্পন্ন ব্যক্তি অনেক ছিলেন;
সঙ্গীতজ্ঞ ব্যক্তিরা সঙ্গীত শিক্ষা দিতেন, সাজসরঞ্জাম
পরিচ্ছদাদি খনাচা ব্যক্তিরা অর্থব্যয়ে প্রস্তুত
করিতেন ও পারিবারিক অলঙ্কারাদি আনাইয়া
অভিনেতাগণকে সাজাইতেন। অতি উচ্চ শ্রেণীর
নাটক না হইলেও, অধিকাংশ দর্শক তাহার রসান্বাদন
না করিতে পারিলেও কৃতবিত্ত ব্যক্তির প্রশংসায়
অনুকরণ করিয়া সকলেই প্রশংসা করিতেন। টিকিট

কিনিতে পাওয়া যাইত না, সাধারণের মধ্যে যাহাদের অদৃষ্টে টিকিট যোগাড় করিয়া নাটক দেখা ঘটিত, তাঁহারা নাটক ভাল লাগুক আর না লাগুক, অস্তুর নিকট তাঁহার সোভাগ্যের পরিচয় দিবার নিমিত্ত যাহা দেখিয়াছেন, তাহা শতশ্রুতে বর্ণনা করিতেন। যাহাদের অদৃষ্টে নাটক দেখা হয় নাই,—নাটক অভিনয় না জানি কি ভাবিতেন। কোথাও একখানি নাটকের অভিনয় হইলে, সেই অভিনয়ের কথা কিছু দিন চলিত।

অভিনয়েও সাধারণের পক্ষে অনেক আশ্চর্য্য জিনিস ছিল। কোথা হইতে অভিনেতারা আসে, কিরূপে পট উত্তোলন ও পট পরিবর্তন হয়,—মূল্যবান পরিচ্ছদ,—যাত্রার স্ত্রীর দর্শকের নিকট হাত পা মুখ না নাড়িয়া পরস্পর কথা কওয়া, স্নান, রাণী, রাজমন্ত্রী প্রভৃতির আবির্ভাব—এই সমস্তই অদ্ভুত জ্ঞান হইত। যাহারা কাব্যরসাস্বাদন করিতে পারিতেন, তাঁহাদের তো কথা নাই, যাহারা রসাস্বাদন করিতে পারিতেন না, তাঁহারাও লোকে পাছে বেনমজ্জার বলে, এই ভয়ে প্রশংসা করিতেন। কিন্তু তাঁহাদের যাত্রা বা কবির রুচির পরিবর্তন হয় নাই। রং-তামাসা নীচ অঙ্গের আমোদ প্রভৃতিও পূর্ববৎ রহিল।

বড়লোকের অনুকরণ করিয়া, নানাস্থানে থিয়েটার হইতে লাগিল। চলিত রঙ্গমঞ্চে নানাস্থানে অভিনয় হওয়ায়, পূর্বে যাহারা বড়লোকের থিয়েটার দেখিতে পাইতেন না, তাঁহাদের থিয়েটার দেখিবার বিশেষ সুযোগ জন্মিল। এই সকল অভিনয়ে অনেক কৃতবিদ্য থাকিতেন। পূর্ববৎ তাঁহাদের মতে মত দিয়া সাধারণেও তাঁহাদের প্রশংসা করিত। কিন্তু সখের থিয়েটারেও সর্ব-সাধারণের দেখিবার সুযোগ হইত না,—প্রকাশ রঙ্গালয় হওয়ার সে অভাব দূর হইল।

প্রকাশ রঙ্গালয় “নীলদর্পণ” লইয়া আরম্ভ হয়। নীলদর্পণ যাহারা অভিনয় করেন, তাঁহারা ইতঃপূর্বে অভিনয়কার্য্যে অনেকটা দীক্ষিত। নীলদর্পণও অনেক মহলা দেওয়ার পর সাধারণের সম্মুখীন হয়। তখনও সকলে জানিতেন না,—কিরূপে দৃশ্য-পট চলিত, কিরূপে অভিনেতারা সজ্জিত হইত। এখন খুব চটক, যাহারা অভিনয় করেন, কিছু বোধ-শোধও আছে। অন্ততঃ শিখাইয়া দিলে শিখিতে

পারে, একরূপ লোক অভিনয়কার্য্যে ব্রতী।

চটকে অনেক দিন চলিল।

কিন্তু সে চটক আর নাই। এক্ষণে আরও জানে, কিরূপে পটপরিবর্তন প্রভৃতি রঙ্গ-ক, আভ্যন্তরীণ কার্য্য সম্পন্ন হইয়া থাকে; অপর গায় কার্য্যক্ষম না হইলে অভিনয়-কার্য্যে ব্রতী হয়। নরক কি. কেহ বা নিজ অভিনয়ংশ (Part.) পাইয়া পারে না। তোতা পাখীর স্তায় সঙ্গে সঙ্গে গায়ে। অভ্যাস করাইয়া দেওয়া হয়। যেমনটি এন,— হয়, তাহা ঠিক পারে না,—বিকৃত করিয়া বলে, কোন গভীর ভাবাপন্ন কথা, সেই ভাবের উপযোগী সুর আনিতে না পারিয়া একটা কৃত্রিম সুরে বলিয়া থাকে; একরূপ স্থলে নাটক অভিনয় হওয়া একরূপ কঠিন হইয়া উঠিয়াছে। কিন্তু নাচ-তামাসা গান কতক শিক্ষা করিতে পারে। নিম্ন অঙ্গের সুর শিক্ষা করা অনায়াস-সাধ্য। প্রহসনে (Pantomime) যে সকল চরিত্র থাকে, তাহা সহজেই বুঝিতে পারে, অভিনয়ও কতকটা স্বাভাবিক হয়। অধাঙ্কেরা সাজ, পোষাক, পট প্রভৃতি উপযোগী করিয়া দেন। একখানি সামান্য ঘর আঁকা পটোর পক্ষে সহজ হয়, দজ্জী কি পোষাক নির্মাণ করিতে হইবে,—তাহা বুঝিতে পারে, পরচুলওয়াল কিরূপ চুল তৈয়ারি করিবে, তাহাও জানে, এই সকল কারণে অভিনয় কতকটা ভাল হয়। তাহাতে আবার কোন ব্যক্তি-বিশেষকে লক্ষ্য করিয়া পঞ্চরং লেখক রচনা করেন। যাহাকে গালি দেওয়া মনস্থ, তাঁহার স্ত্রীর অভিনেতাকে সাজান হয়। পূর্বেলিখিত কবি শ্রোতার রুচি দিয়া পুষ্ট করে।

কিন্তু নাটকের বেলা বিষয় হুলস্থূল পড়ে; যাহারা অভিনয় করিবে, তাহারা সে সব চরিত্র বোঝে না; বরের সজ্জা পরিয়া সমস্ত জগতের রাজা আবির্ভূত হন,—রাজমুকুট রাজ অলঙ্কার কুমারটুলী হইতে আইসে। রাজার স্ত্রীর চলিতে জানে না—বলিতে জানে না। বীরস্ব প্রকাশ করিতে যাইলে অভিনেতা গোড়ারের স্ত্রীর চীৎকার করে। বহুদিন হইতে একরূপ চীৎকার শুনিয়া দর্শকও তাহা বীর-রস ভাবিয়া “এক্সেলেন্ট (Excellent) করিয়া উঠেন। একখানি রাজসভা বহুদিন হইতে চিত্রিত আছে, সমস্ত পৃথিবীর রাজা সেই সভায় আসিয়া উপস্থিত হন। পটো জানে না,—রাজবাড়ী কিরূপ,

দর্শী জানে না, রাজ-পোষাক কিরূপ, পরচুল-ওমালা কখনও রাজা দেখে নাই, কোন অধ্যক্ষের উপদেশে রাজা হইলেই বাউরীচুল হয়, ইহা জানিয়াছে এক ব্যক্তি যদি 'নল' ও 'ভীমসিংহ' সাজেন, দর্শক পালার নাম শুনিয়া ইনি 'ভীমসিংহ' কি 'নল' সাজিয়াছেন, বুঝিতে পারিবেন । তাহার পর এক সপ্তাহ রিহারস্যাল দিয়া অভিনয় হইতেছে, সকলের নিজ নিজ অংশ অভ্যাস হয় নাই, সুতরাং প্রমটারের কথার প্রতি কান রাখিতে হইয়াছে । প্রমটারও উচ্চৈঃস্বরে—চোঁচাইতে বাধ্য,—তাহার হস্তেই অভিনয়ের প্রাণ, তিনি উচ্চৈঃস্বরে চীৎকার করিতেছেন, প্রোতা ডবল অভিনয় শুনিতে পাইতেছেন । কৃতবিদ্য হইয়া “কবি হাফ আক্কাইর” কুচি দমন পূর্বক যিনি উচ্চ কুচি লাভ করিয়াছেন, তাঁহাকেই “পালাই পালাই” ডাকিতে হয়, অপর সাধারণের ত কথাই নাই ।

নাটক বোঝাও কঠিন,—একটার একট্রেস নাটক বুঝাইয়া দেয়, সুযোগ্য একটার না থাকিলে যে অজি উচ্চ নাটকেরও হতাশ হইয়া থাকে, তাহা কৃতবিদ্য ব্যক্তিমাত্রেই জানেন । একটার একট্রেস তো একে লেখা-পড়া জানে না, তাহার উপর বহু চেষ্টায় যে একট্রেসটিকে শিক্ষিত করা যায়, তাহাকে অনেক কাপ্তেন বাবু ষ্টেজ হইতে লইয়া যান । যে একটার একটু ভাল হইয়াছে, এত বন্ধু জুটিয়া তাহার সুখ্যাতি আরম্ভ করে যে, তাহা দ্বারা আর কার্য্য হইতে পারে না । তাহার পর অধ্যক্ষদেরও পুরাতন লোকদিগকে রাখিবার চেষ্টা কম, তাঁহারা ভাবেন, একজনকে তো শিখাইয়াছি, আর একজন কেও শিখাইয়া লইব । কোন একখানি নাটক সুখ্যাতির সহিত অভিনীত হইবার দিনকতক পরে দেখিতে পাওয়া যায় যে, প্রায় সমস্ত অংশ পরিবর্তিত হইয়াছে, যাহারা প্রথম বারে অভিনয় করিয়াছিল, তাহারা আর নাই—এরূপ পরিবর্তন যে কেবল অধ্যক্ষের দোষে হয়, তাহা নয়, অভিনেতা ও অভিনেত্রীর দোষেও হইয়া থাকে । যাহারা অভিনয় করে, একবার সুখ্যাতি পাইলে তাহারা মাথা কিনিয়া লয় । মূর্থ, কোন কালে হৃদয়ের শিক্ষা হয় নাই, সুতরাং কৃতজ্ঞতা কাহার নাম অনেকেই জানে না, আমরা কি হইয়াছি ভাবে, অধ্যক্ষও মনে ভাবেন, “এর এত স্পর্ধা সহিব কেন, দূর হইয়া যাক্” কলহের অন্ত্যান্ত কারণও

আছে । তাহা অধ্যক্ষেরাও বুঝেন, এবং তাঁহাদের সতর্ক হওয়াও উচিত ।

অন্তান্ত দেশে যথার রঙ্গভূমি উন্নতি লাভ করিয়াছে, সে উন্নতি অনেকটা সমালোচকের সাহায্যে । সকল দেশেই অভিনয়-কার্য্য শিক্ষা করিতে হইতেছে । প্রায়ই অশিক্ষিত ব্যক্তিরা অভিনয়-কার্য্যে প্রথম দ্রতী । রাজসাহায্যে, ধনাঢ্য ও পদস্থ ব্যক্তিরা সাহায্যে নাটক অভিনীত হইত । যোগ্য ব্যক্তি শিখাইত এবং সমালোচকের দ্বারা যথাযোগ্য প্রশংসা পাইত । কোন অংশ অভিনয় করিয়া একেবারে কেহ সর্বোৎকৃষ্ট বলিয়া গণ্য হইতেন না । নাটকের ভাব, সমালোচকেরা বুঝাইয়া দিতেন এবং দৃশ্য-পট প্রভৃতি যথা উপযোগী হওয়ার সাধারণের প্রীতিকর হইত । সাধারণ দর্শকেরা দৃশ্যকাব্যের দৃশ্য অংশে বিমোহিত হইতেন এবং কাব্য অংশ সমালোচক হইতে বুঝিতেন । কিন্তু হৃর্ভাগ্যবশতঃ বাঙ্গালার সেইরূপ সমালোচক বিরল । যে শ্রেণীস্থ লোক একটার, প্রায় সেই শ্রেণীস্থ ব্যক্তি সমালোচক । তার পর তাহারা কখনও হৃদয়ের শিক্ষা পায় নাই । কাগজ হাতে আছে, তাহাতে যাহা নয়, তাহা লিখিতে প্রস্তুত । তাহার মধ্যে কেহ কেহ বা নাটক রচনা করিয়াছেন, সেই নাটক অভিনীত হইবে, প্রত্যাশা করিয়া কোন থিয়েটারের অযোগ্য প্রশংসা করেন ; কেহ নভেল লিখিয়াছেন, সেইখানি নাট্য-কারে পরিবর্তিত হইয়া অভিনীত হউক আকাঙ্ক্ষা করেন । সুতরাং থিয়েটারের প্রধান ব্যক্তির প্রতি নান। প্রকার তোষামোদ-বাক্য প্রয়োগ করিতে হয় এবং কাগজেও অলীক প্রশংসা করিতে বাধ্য হন । অন্তান্ত লোকের প্রত্যাশা রাখিয়াও সমালোচক চাটুকায় হইয়া পড়েন । যথার্থ সমালোচনা করিবারও তাঁহার শক্তি নাই । কোন ভাবীর কোন উচ্চ-শ্রেণীর নাটক পড়েন নাই । মাতৃভাষা বাঙ্গালা বলিয়া বাঙ্গালা ধবরের কাগজে তাঁহাদের লেখা চলে । তাঁহারা সমালোচক হওয়ার রঙ্গভূমির সর্বাপেক্ষা সর্বনাশ হইয়াছে ।

এই তো এক শ্রেণীর সমালোচক । আর এক শ্রেণীর সমালোচক আছেন, তাঁহারা কৃতবিদ্য বলিয়া অভিমান রাখেন । তাঁহাদের চক্ষে কিছুই ভাল লাগে না । বাঙ্গালার সেক্সপীয়ার নাই বলিয়া তাঁহারা ক্রন্দন করেন ; আরভিং নাই, সারা

বাগহার্ট নাই,—ইটালী দেশীয় চিত্রকর নাই—তবে তাঁহার নাটক দেখিতেই বা যাইবেন কি ?—আর সমালোচনার কথাই কহিবেন কি ?—ইহারা যদি একবার ভাবিতেন যে, বঙ্গের রঙ্গভূমির এই প্রথম অবস্থা, বাহা হইয়াছে,—তাহা বিনা সাহায্যে; ইহার অধ্যক্ষেরা নানা প্রতিবন্ধক অতিক্রম করিয়া কতক কৃতকার্য্য হইয়াছে এবং যে কতক কৃতকার্য্য হইয়াছে, তাহার প্রমাণস্বরূপ অনেক ইংরাজ দর্শকের প্রশংসাপত্র দেখিতে পাইবেন। লেডী ডক্‌রিং—বাহার চক্ষে বাঙ্গালী বাবু সম্পূর্ণ স্বাভাৱ্য,—তিনিও

রঙ্গভূমির সুখ্যাতি করিয়াছেন। এডুইন আরনল্ডের ভারতভ্রমণ পুস্তকে বাঙ্গালী অভিনয়ের বিশেষ প্রশংসা লিখিত, অতএব সমালোচকগণের নিকট সর্বদা নিবেদন, তিনিও বাঙ্গালী, বাঙ্গালীর অবস্থা সম্পূর্ণ জানেন। তুলনার ইংরেজের সমকক্ষ—বাঙ্গালী কোন বিষয়েই হইতে পারে নাই, তবে যদি রঙ্গভূমি না হইয়া থাকে, তাহা তিনি যত দোষের ভাবেন,—তত নয়।

যে সকল বিষয় সংক্ষেপে স্পর্শ করিয়াছি, সমগ্রান্তরে তাহার প্রত্যেক বিষয়টি ব্যাখ্যা করিবার ইচ্ছা রহিল।

পিতৃ-প্রশিক্ষিত ।



আগুতোষ চিকিৎসা-বিজ্ঞা ও বিজ্ঞান-শিক্ষার্থে ক্রান্তে যাইবার প্রার্থনা করায় তাঁহার পিতা বলেন,—“কেন, কি হুঃখে যাইবে? আমার অতুল সম্পত্তি, তোমরা ছই তাই মাত্র, বড়-মাহুদী করিয়া চলিবে!” আগুতোষ বিশেষ জিদ করায়, তাহার পিতা ভয় প্রদর্শন করেন যে, “যদি যাও, আমার সম্পত্তির এক কপর্দকও তোমার দিবে না, তোমার বৈমাত্রেয় ভ্রাতার নামে উইল করিয়া যাইব।” কিন্তু আগুতোষ নিবেদন না শুনিয়া শিক্ষার্থে ক্রান্তে গেলেন।

আগুতোষের মাসিক ছই শত টাকা ছাত্রবৃত্তি ছিল ও যে কলেজে তিনি পড়িতেন, তাহা কোন একজন ধনাঢ্য করাসী কর্তৃক স্থাপিত। তথায় ব্যবস্থা ছিল যে, বিজ্ঞান-শিক্ষার্থে করাসীদেশে যাইলে তাহার ব্যয়-সম্বলান কলেজ হইতে হইবে। তিনি যাওয়ার প্রথমেই তাঁহার পিতা ক্রুদ্ধ হন। কিন্তু পুত্রের বশঃসংবাদ দিন দিন শোনার পিতার মন নরম হয় এবং পুত্রকে ইংলণ্ড যাইয়া ব্যারিষ্টারী শিখিতে আদেশ দেন। ছয় বৎসর পরে আগুতোষ ব্যারিষ্টার হইয়া প্রত্যাগমন করিলেন এবং প্রায়শ্চিত্ত করিয়া গৃহে স্থান পাইলেন।

আগুতোষের বৈমাত্রেয় ভ্রাতা দেবেশের উপর তাঁহার পিতা বিরক্ত ছিলেন। দেবেশ মুখ ও

নীচায়া—ইহাই তাঁহার অসন্তোষের কারণ। উইলে দেবেশকে সিকি সম্পত্তি দিয়া সমস্ত বিষয় আগুতোষকে দিয়া যান।

পিতার মৃত্যুর পর যখন উইল-পাঠ হইল, দেবেশের ক্রোধের সীমা রহিল না। দেবেশ পিতাকে নানা কুবাক্য বলিতে লাগিলেন; কিন্তু আগুতোষ কহিলেন, “কাস্ত হও, আমি পিতার অমতে ইউরোপ-যাত্রা করিয়াছিলাম। তিনি বলিয়াছিলেন যে, ইউরোপে যাইলে তিনি আমাকে সম্পত্তি হইতে বঞ্চিত করিবেন। এক্ষণে আমি পিতৃবাক্য রক্ষা করিব। উইলে আমার বাহা দিয়াছেন, তাহা তোমার; কিন্তু তোমার সিকি সম্পত্তি ব্যতীত, এ সম্পত্তিতে তোমার স্বেচ্ছাচার চলিবে না। অতিশীঘ্র প্রভৃতি যে সকল ক্রিয়া-কলাপ আছে, এই সম্পত্তির আর দ্বারা তাহা প্রথমতঃ রক্ষিত হইবে; সে সকল ব্যয় নির্বাহ হইয়াও বাহা বাকী থাকিবে, তাহা সামান্য নহে; সে আরে তোমার সিকি সম্পত্তিতে হস্তক্ষেপ না করিয়াও একজন গণ্য বড়লোকের মত চলিবে।”

দেবেশ যদিচ আগুতোষের বৈমাত্রেয় ভাই এবং উভয়ের বয়সে তিন বৎসর মাত্র পার্থক্য, তথাপি তিনি দেবেশকে ভালবাসিতেন। লেখাপড়ার অবস্থা

দেখিয়া শাসন করিতেন বটে, কিন্তু যেমন শিউ
জাতার প্রতি অধিকবয়স্ক লোকের সম্মানবৎ মেহ
থাকে, দেবেজের প্রতি সেইরূপ মেহই ছিল;
বিশেষতঃ তাঁহার বুদ্ধিমত্তা, বিমাতা মৃত্যুশয্যায় দেবে-
জকে সপত্নী-পুত্রহন্তে সমর্পণ করিয়া যান,—বলেন,
“বাবা, এ অভাগা নিশ্চয় মূৰ্খ হইবে, দিন দিন কর্তার
বিরাগভাজন হইতেছে, তুমি ইহার শত দোষ মার্জনা
করিয়া দেবেজকে বিপদ হইতে রক্ষা করিও।”
ইহাতে দেবেজের প্রতি মধ্যে মধ্যে ক্রুদ্ধ হইলেও
বিমাতার মৃত্যুশয্যায় অমুরোধ স্বরণ রাখিয়া আশু-
তোষ সমস্ত দোষ মার্জনা করিতেন।

দেবেজ প্রতি নীচচেতা। জাতার দিন দিন
উন্নতি দেখিয়া ক্রোধান্বিত হইত। তাহার সর্বদাই
চেঁচা ছিল,—কোথায় কি সম্পত্তি অল্প মূল্যে কিনিবে;
নানাবিধ দ্রব্য ক্রয় করিবার সখও তাহার ছিল। জহ-
রতের প্রতি বিশেষ লক্ষ্য; অল্প দরে বহুমূল্য কোনও
দ্রব্য কিনিতে পারিলে, দুই চারিজন সমগ্রকৃতি বন্ধু-
বান্ধবকে নিমন্ত্রণ করিয়া আসিয়া দেখাইত, কেমন
অল্পমূল্যে কঁাকি দিয়া ক্রয় করিয়াছে। বন্ধুরা সক-
লেই ধনাঢ্য ব্যক্তি, এবং দেবেজের মত কোথায়
কি অল্প মূল্যে পাইবেন ধোঁজেন। মজলীস করিয়া
পরস্পর কথাবার্তা হয় কে কেমন সেয়ানা; তাহারই
বাহাদুরী—অতি নীচ আলাপ—কে কেমন তাহার
রক্ষিতা বেশাকে কঁাকি দিয়াছে; কে কোন্ দরি-
জের রোদনে কর্ণপাত না করিয়া বেতি সুদে
আসল ভারি করিয়া সম্পত্তি বেচিয়া লইয়াছে;
অমুক বাবু পাঁচ হাজার টাকা দিয়া জুড়ি কিনিয়াছে,
কিন্তু তাহার একটা খোঁড়া হইয়াছে, আহা! কি
দুঃখের বিষয়। সকলেই দেবেজকে উপদেশ দিয়া
বলিত, “তুমি তো এ দিকে এত দাঁওবাজ, পাল-পার্কণ
অতিখিশালার খরচ কমাইয়া দাও না কেন?” দেবেজ
নিশ্বাস ফেলিয়া উত্তর করিত যে, তাহার কুচুটে ভাই
যে রূপ ব্যবস্থা করিয়াছে, তাহাতে তাহার কিছু করি-
বার ঘো নাই।

দেবেজের সরোজিনী নামে পরমা সুন্দরী স্ত্রী ছিল,
একটিমাত্র পুত্রমন্তান, নাম মৃত্যুগোপাল, অতি সুবোধ;
কিন্তু স্ত্রী-পুত্রের প্রতি তাহার কোন যত্ন ছিল না।
বিশেষতঃ সরোজিনী, অভিসম্পাত কুড়াইতে বারণ
করার একরূপ তাহার সহিত আলাপ রহিত
হইয়াছে।

এই সমস্ত দেবেজের নীচচেতা। আজ মাসাবধি হইল,
একদিন আশুতোষ আসিয়া। তাহার বাড়ী ঠকাইয়া
না পাড়িলে লোকে কোনও সে ঐ কোণে বাসিয়া
করে না। বিপদগ্রস্ত ব্যক্তিদিগকে ছিলাম, তাহার
আমাদের বংশাবলীর নিয়ম। কি ফুসফুস করে।
বিপদের সুযোগ অমুসন্ধান কর, কথ ফেলে। সেই
লোভে চেঁচা করিয়া আপনাকে বিপদে ছোট ছোট
মূল্যে জহরতাদি কেনো, হয় তো তাহা মরে নাই,
হইতে পারে। এ সমস্ত তোমার ভাল নয় আছে।
তাহাতে দেবেজ কটুক্তি করিয়া বলিল,—“বা
যা করেছে, সে সব জুচুরি ক’রে; আপনার প্রাণ
কর না, আমার উপদেশ দিতে এসেছ।” আশু-
তোষ বিরক্ত হইয়া গেলেন, কিন্তু মনে মনে ভাবি-
লেন, বড় মন্দ বলে নাই। আমি তো লোকের
নিকট টাকা লই, কিন্তু টাকার সম্পূর্ণ কাজটা করা
হয় না। এ জজের ঘরে একবার, ও জজের ঘরে
একবার বেড়াইয়া কিসে কি অধিক হয়, তাহারই
চেঁচা করিয়া থাকি। সমস্ত বড়লোক আমার মকেল,
কিন্তু প্রায়ই তাহাদের মকদ্দমা মিথ্যা; অনেক
সময়ে গরীব প্রজাপীড়ন। এ কার্যটা আর করিব
না। তাঁহার সমবাবসারী বন্ধুবর্গ এ সকল বাতুলতা
বলিয়া উপহাস করিল এবং সকলেই বলিল,—“মক-
দ্দমা সত্য মিথ্যা জানা তো আমাদের কার্য নয়,
মকেলের পক্ষসমর্থন করাই আমাদের কার্য। কার্য
গৌরবের—কার্য দোষের নয়, কেন পরিত্যাগ
করিবে?” আশুতোষ বলিলেন, “আমার বিজ্ঞান-চর্চা,
বিশেষ উদ্ভিদবিজ্ঞান-চর্চাই আনন্দপ্রদ। আমি সেই
কৃষ্যই করিব।”

আশুতোষ কার্য পরিত্যাগ করার দেবেজ খুব
খুসী। দাদা যে বুড়ি বুড়ি টাকা রোজগার করে,
তাহা আর হইবে না, হুঁ হাতে খরচ করা, দান করা
চলিবে না; সখ করিয়া নিত্য নূতন খোঁড়া কেনা বন্ধ
হইবে। কিন্তু দুই এক বৎসরে সে আনন্দ নিরানন্দে
পরিণত হইল। আশুতোষ ঔষধের বাগান করি-
য়াছেন। ঔষধ প্রস্তুত করেন, সমস্ত পৃথিবীব্যাপী যশ
ও জাহাজ জাহাজ ঔষধ রপ্তানী হয়,—ইহাতে কমা
দুয়ে থাকুক, চতুর্গুণ আয়বৃদ্ধি হইয়াছে। দাদাকে
কি রূপে টকর দিই, দেবেজের মনে এই চিন্তাই দিবা-
রাত্র। এমন সময় এক ব্যক্তি একখণ্ড হীরক বিক্রয়
করিতে আসিল। হীরকখানি প্রায় কহিনুরের সম-

বাগহার্ট নাই,—ইটালী দ্রুত করিয়া দেখা গেল, কৃত্রিম তাঁহার নটক দেখিতেই সামান্য । এ কি চোরাই সমালোচনার কথাই কয়ে সম্পূর্ণ প্রমাণ রহিয়াছে । একবার ভাবিতেন যে, বিক্রয় সত্যই তাহার অবস্থা, বাহা হইল রক্তদেশবাসী, হীরা বিক্রয় করিয়া ইহার অধ্যক্ষের নাত বিনষ্ট করিতে পারে না । যে কতক কৃতকার্য্য : এ হীরা ক্রয় করিতে পারিবে না । হইয়াছে, তাহার টাকা কে সহজে বা'র করিবে ? প্রশংসাপত্রে চোর করিয়া ত্রিশ হাজারে সে হীরা ক্রয় বাহার চম্বে ও পূর্ণপ্রথমত বন্ধুবান্ধবগণকে নিমন্ত্রণ করিবে—কারণ, হীরক দেখাইবেন ।

বন্ধুগণ আসিলেন, হীরার প্রকৃত মূল্য কত, যাচাই করিবার জন্ত তাঁহার একজন জহরী সঙ্গে লইয়া আসিলেন । হারা প্রদর্শিত হইল, কিন্তু জহরী দেখিবামাত্র শিহরিয়া উঠিল । জহরী বলিল,—“বাবু, কি সর্বনাশ করিয়াছেন ?” সকলে জিজ্ঞাসা করিল,—“কেন, কেন—এ কি সত্য হীরা নয় ?” জহরী বলিল, “সত্যি হীরা, কিন্তু সর্বনেশে হীরা !” সকলে বলিয়া উঠিল, “কেন, কেন ?” জহরী বলিল, “এই হীরার নোভে পারস্তের রাজপুত্র এক ওমরাহ-পুত্রকে জলে ডুবায়া মারিয়াছিল । কিন্তু সেই হীরক পরিয়া রাজপুত্র যখন শয়ন করিতে যান, দেখেন—সেই মৃত ওমরাহপুত্র তাঁহার ঘরে আসিয়াছে—রক্ত প্রসারণ করিয়া হীরা চাহিতেছে ! দিন দিন এরূপ হওয়ায় পারস্ত রাজকুমার হীরা বিক্রয় করিলেন । বাহার নিকট হীরা থাকে, তাহার নিকটই সেই মৃত ওমরাহপুত্র যায় । এক মাস এই হীরা বাহার অধিকারে থাকে, অকস্মাৎ তাহার মৃত্যু হয় ।” এ কথা শুনি সকলে উপহাস করিল । জহরী বলিল, “মহাশয়, উপহাস করিবেন না । এ হীরা শেষ বাহার নিকট ছিল, সে ঠাণ্ড একদিন পথে পড়িয়া যায়, চিকিৎসাপথে আনা হয়, অজ্ঞান অবস্থাতেই ছিল, সেই অবস্থাতে বহুবল বকিত । তাহাকে দেখিয়া বোধ হইত, যেন কেহ তাঁহার নিকট আসিয়াছে এবং সে সন্মুখে তাহার প্রতি দৃষ্টি করিতেছে । এইরূপ দুই তিন দিন গত হইলে তাহার মৃত্যুদিবসে চৈতন্য হয় । তখন সে ডাক্তারকে আশ্বাস দিয়া সমস্ত বৃত্তান্ত বর্ণনা করিয়াছিল । ডাক্তার তাহা লিখিয়া লইয়াছিলেন । বৃত্তান্ত এই যে, পারস্ত রাজকুমার ওমরাহপুত্রকে বধ করিয়া হীরা গ্রহণ করেন ও তন্ময় পাইয়া

হীরা বিক্রয় করেন বটে ; কিন্তু তাহাতেও তাঁহার নিস্তার নাই, অচিরে তিনি জলমগ্ন হইয়া মারা যান । এইরূপে যার যার নিকট এই হীরা ছিল, তাহার প্রায় সকলেই সপরিবারে মৃত্যুমুখে পড়ে । শেষ বাহার কাছে ছিল, সে হীরা বিক্রয় করিতে আসে কিন্তু পথে এক বিকটাকার মূর্তি দেখিতে পাইয়া মুচ্ছা যায়, তাহার মৃত্যুর পর তাহার ভাই এই হীরা পায় এবং পূর্বোক্তরূপে হাসপাতালে মৃত্যু হইয়াছে । মৃত্যুর পূর্বে সে একজন ডোমকে এই হীরা দিয়াছিল, সেই ডোম তিন টাকায় একজনকে বিক্রয় করে । চোরাইমাল কিনিয়াছে বলিয়া পুলিশ তাহাকে ধরে, কিন্তু আদালতে প্রমাণ হয়, চোরাইমাল নয় । সেই ব্যক্তিই ইহা দেবেজ বাবুকে বিক্রয় করিয়াছে । সে আমার নিকট বলিয়াছিল যে, যতপি সে ইহা দেবেজ বাবুকে বিক্রয় করিতে পারে, তাহা হইলে সে আর মরিবে না ।”

সকলে জিজ্ঞাসা করিল,—“তোমায় কি নিমিত্ত বলিয়াছিল ?”

জহরী উত্তর করিল, “সে একজন জহরী, আমি দুষিত হীরা জানায়, তাহাকে হীরা রাখিতে নিষেধ করি । সে জন্ত সে আমার উত্তরে এই কথা বলে । আমি জিজ্ঞাসা করিয়াছিলাম, ‘দেবেজ বাবুকে বিক্রয় করিতে তাহাকে কে বলিয়াছে ।’ সে একটি চমৎকার ঘটনা বলিল । বলিল,—‘বাসায় শুইয়া আছি, রাত্রি-যোগে স্বপ্ন দেখিলাম, যেন পারস্ত উপমাগরে একখানি সজ্জিত নৌকা । নৌকা হইতে কে একব্যক্তি একজনকে জলে নিক্ষেপ করিল । দেখিলাম, সে উঠিয়া তীর হইতে যে তাহাকে জলে নিমগ্ন করিয়াছিল, তাহাকে জল নিমগ্ন করিল । পরে উভয়ে উঠিয়া আসিয়া অনেক স্থানে ভ্রমণ করিতে লাগিল । যথায় যায়, তথায় সকলে মরে । শেষে হাসপাতালে যাইয়া একজনকে মারিল । কিছু পরে দেখি, প্রথমে যে জলমগ্ন হইয়াছিল, সে আমার বলিল,—আমি কে জানিস্ ? হাসপাতালে হীরার কথা শুনিয়াছি—সে হীরা আমারই । হীরা তোর নিকট আছে, তুই যদি দেবেজ বাবুকে বেচিতে পারিস্, তোর ভাল হইবে । দেবেজের শান্তির সময় উপস্থিত হইয়াছে, আমরা সকলে মিলিয়া তাহাকে শান্তি দিব ।’ এ কথা শুনি নানাপ্রকার বাদান্তবাদ হইতে লাগিল, কেহ বিশ্বাস করিল, কেহ বিশ্বাস করিল না ।

* * *

মাস পরে বন্ধুরা শুনিল যে, দেবেন্দ্র পাগল হইয়া সেই হীরাখানি জলে ফেলিয়া দিয়াছে ।

দেবেন্দ্র সত্যই পাগল হইয়াছে । দেবেন্দ্রের পুত্র নিত্যগোপাল আগুতোষের নিকট আসিয়া বলিল, “জেঠা মহাশয়, বাবা যেন কিরূপ হইয়া গিয়াছেন, তাই মা আপনাকে বলিতে আসিয়াছেন ।” ভাদ্রবধু অন্তরালে থাকিয়া নিত্যগোপালের দ্বারা জহরীর গল্পের কথা জানাইলেন । এই জহরীকে ছইবার তিনি চোরাই মাল কেনা অভিযোগ হইতে রক্ষা করেন । জহরীর কাছে গিয়া জিজ্ঞাসা করায় জহরী বলিল যে, “মহাশয়, আমি হীরার লোভে মিথ্যা গল্প করিয়াছিলাম, তবে যে হীরাখানি বেচিয়াছিল, সে ডোমের নিকট খরিদ করিয়াছিল সত্য ;—সেই ডোম হাসপাতালে এক ব্যক্তির বিশেষ গুরুত্ব করে, সেইজন্য মৃত্যুকালে সে ব্যক্তি হীরাখানি দেয় । সে একজন সৈনিক, চীন যুদ্ধে লুট করিয়া হীরাখানি পাইয়াছিল । ডোমের নিকট কেনার পর পুলিশ-কেস্ হইয়াছিল—সত্য । ডোমের নিকট যে কিনিয়াছিল, তাহার ধারণা ছিল, হীরা প্রকৃত হীরা নয় । আমি অল্প দামে হীরাখানি খরিদ করিব, এইজন্য ‘ও বুটা হীরা’—এই ধারণা তাহার করিয়া দিই ।” আগুতোষ জিজ্ঞাসা করিলেন, “পারশুর রাজ-কুমার—এ সব কথা কি ?” জহরী বলিল, “আমি একরূপ একটা গল্প নভেলে পড়িয়াছিলাম । হীরাখানি দেবেন্দ্র বাবুর নিকট ভয় দেখাইয়া লইব, এই উদ্দেশ্যে এই গল্প করি ।”

প্রিয়নাথ নামে আগুতোষের এক সহাধ্যায়ী সুযোগ্য ডাক্তার ছিলেন । তাঁহাকে সঙ্গে লইয়া ভ্রাতাকে দেখিতে গেলেন । দেখিলেন, দেবেন্দ্রের মূর্তির সম্পূর্ণ পরিবর্তন হইয়াছে । কেবল চন্দ্রাবৃত-দেহ, মুখ পাণ্ডুবর্ণ, বিকট-জ্যোতিষ্মত চক্ষুদ্বয়, যেন ঠিকুরিয়া আসিতেছে । গভীর দুশ্চিন্তাক্রান্ত হইয়া বসিয়া আছে । আগুতোষ জিজ্ঞাসা করিলেন, “দেবেন্দ্র, তোর কি অশুখ হয়েছে ?” দেবেন্দ্র বলিল,—“না না কিছু না, আর উপায় নাই, তারা সকলে একত্রে হইয়াছে,—আমি কোন রকমে ফাঁকি দিয়া কাটাইতেছি !” জহরীর গল্পের কথা বলিল । বলিল,—“হীরা ফেলিয়া দিয়াছি, তথাপি সেই :ওম-রাও পুত্র হীরা চাহিতে আইসে । পারশু রাজপুত্র

তাহার পাশে দাঁড়াইয়া হাসে । আজ মাসাবধি হইল, তাহারা একা আসে না । যাহার বাড়ী ঠকাইয়া লইয়া ছিলাম, সে বুড়ো আসে, সে ঐ কোণে বসিয়া কাসে । যাহার তালুক কিনিয়া ছিলাম, তাহারা মায়ে বেটায় দোরের পার্শ্বে বসিয়া ফুস্ফুস করে । মাগী ফোঁস ফোঁস করিয়া নিশ্বাস ফেলে । সেই নিঃশ্বাসে সাপের জাওয়ালী সৃষ্টি হইয়া, ছোট ছোট ফণা তুলিয়া ঘর-ময় বেড়ায় ! সব মরিয়াও মরে নাই, সকলের চর্খ নাই, মাংস নাই, তবু জীবিত আছে । হাড়ে হাড়ে বাজাইয়া নাচে, হাঃ হাঃ করিয়া হাসে ; চক্ষু নাই—তবু চোখের কোঠর দিয়া আমাকে লক্ষ্য করে ! এখনি সব আসবে—এখনি সব আসবে—তোমরা পালাও—পালাও !”

আগুতোষ জহরীকে সঙ্গে আনিয়া ছিলেন । অশু ঘরে ছিল, ডাকাইলেন । জহরী মিথ্যা গল্প করিয়াছিল—বলিল । কিন্তু দেবেন্দ্র উচ্চ হাস্য করিল । দেবেন্দ্র বলিল,—“কি মিছে—কি মিছে ! ঐ যে তারা ছ’জনে আসিয়াছে ! ঐ যে সব সিঁড়িতে উঠিতেছে ! বলিতেছে,—হীরা গঙ্গাতে ফেলিয়া দিয়াছি,—ডুব দিয়ে তোল । ঐ দেখ, ওমরাও পুত্র হাত পাতিয়া বলিতেছে,—‘দে হীরা আমায় দে । যা—বা—জলে থেকে তুলিয়া আন !’ শুনিতেছ না—শুনিতেছ না ?” আগুতোষ বলিলেন, “তুমি স্থির হও, আমি ডুবুরী দিয়া হীরা উঠাইয়া আনিব ।” দেবেন্দ্র বলিল,—“না না—ডুবুরী আনিলে হইবে না, আমাকেই তুলিতে হইবে । হীরা আনিলেও নিস্তার নাই,—এই ওরা সব বাড়ী ফিরিয়া চাহিতেছে, জায়গা-জমী চাহিতেছে—জিনিস পত্র চাহিতেছে ।”

আগুতোষ সতর্ক লোকজন নিযুক্ত করিয়া দিলেন । ভাদ্রবধুকে বলিলেন,—“বো বিশেষ সতর্ক থাকিবে, যেন কোনরূপে উঠিয়া না যায় ।” নিত্য আসিয়া ভাইয়ের তদ্বির করেন । ক্রমে পৈত্রিক-বাটীতে আসিয়া ভ্রাতার তদ্বিরের জন্য রাজিষাপন করিতে লাগিলেন । সর্বদাই ভ্রাতার নিকট সতর্ক লোক থাকে । বায়ু সেবনের নিমিত্ত লইয়া যান । এই সকল উপায়ে যেন নিদারুণ ব্যাধির কিঞ্চিৎ উপশম হইতে লাগিল । ক্রমে এতদূর উপশম হইল যে, স্ত্রীর সহিত দেখা সাফাৎ করেন, স্ত্রীর প্রতি তাহার আর পূর্বের উপেক্ষার ব্যবহার নাই, ইহাতে সকলের মনে আশা জন্মিল ।

নিত্যগোপাল তখন দশবৎসরের বালক কিন্তু চিন্তাশীল। পিতার অবস্থার কথা চিন্তা করে। একদিন প্রিয়নাথের সহিত আশুতোষের কথায় বুঝিতে পারিল, তাহার পিতার পাপজনিত মস্তিষ্ক বিকার। বালকের প্রতি যদিও দেবেন্দ্রের স্নেহের অভাব ছিল, কিন্তু বালক মাতার দুঃখে দুঃখিত হইয়া পিতার বিষয় ভাবিত। একদিন ‘গঙ্গাভঙ্গি-ভরজিনী’ পড়িয়া বালক জানিল যে, ব্রহ্মশাপে সগরবংশ ধ্বংস হওয়ায় গঙ্গা আনিয়া ভগীরথ, বংশের উদ্ধার সাধন করিয়াছিল। বালক ভাবিতে লাগিল, পিতার পাপ মোচনার্থে সে কি কোন কার্য্য করিতে পারে না? আশুতোষের অপেক্ষাও যেন বালক পিতার অবস্থার প্রতি লক্ষ্য রাখিতে লাগিল। সকলের মনে আশার সঞ্চার হইয়াছে, কিন্তু বালকের হৃদয়ে নাই। যে কারণেই হউক, তাহার মনে হইত যে, তাহার পিতার কোন-রূপ উপশম হয় নাই; বাহ্যিক উপশমমাত্র। আশঙ্কা পিতৃব্যকে জানাইল, কিন্তু আশুতোষ সাহসনাবাক্যে বলিলেন,—“তুমি বালক, বুঝিতে পারিতেছ না, তোমার পিতা আরোগ্যের পথে আসিয়াছে।” এরূপ আশারও যথেষ্ট কারণ, স্ত্রীর গৃহে শয়ন করিতে দেবেন্দ্র নিত্য যান এবং ভাদ্রবধূর দ্বারা আশুতোষ সংবাদ পান যে, উত্তরোত্তর উন্নতিই বটে, কিন্তু অকস্মাৎ একদিন প্রাতে একটা গোলযোগে আশুতোষের নিদ্রা ভঙ্গ লইল। দেবেন্দ্র হাত মুখ ধুইতে যাইয়া, আর ফিরিয়া আইসে নাই। অনেক অনুসন্ধান হইতে লাগিল। দেবেন্দ্রের তত্ত্ব পাওয়া গেল না। বৈকালে সংবাদ আসিল যে, হেদোয় একটা মড়া ভাসিয়া উঠিয়াছে, মৃতদেহ তীরে তোলা হইয়াছে, সকলেই বলিতেছে—সে দেবেন্দ্র। ব্যগ্রচিত্তে আশুতোষ গিয়া দেখে যে, দেবেন্দ্রই বটে! দৃঢ় মুষ্টিতে কাদা ধরিয়া রহিয়াছে।

দেবেন্দ্রের এইরূপ অপঘাত মৃত্যুর পর সরোজিনীর আর আশ্রমানির সীমা রহিল না। তাঁহার

স্থির ধারণা জন্মিয়াছিল যে, তাঁহার অসতর্কতাতেই তাঁহার স্বামী বাটা হইতে বহির্গত হইয়া আত্মহত্যা করিয়াছে। এই ঘোর দুঃখিন্তায় দুই তিন মাস পরে তাঁহারও মৃত্যু হইল।

আশুতোষ নিত্যগোপালকে বাটা লইয়া গেলেন। নিত্যগোপাল সকাতরে জ্যেষ্ঠতাতকে মিনতি করিয়া বলিল, “আমি গয়াধামে পিতা মাতার পিণ্ডদান করিব।” আশুতোষ নিজেই সঙ্গে করিয়া লইয়া যাইতেন, কিন্তু বিশেষ কার্য্যবশতঃ যাইতে পারিলেন না, উপযুক্ত লোক সমভিব্যাহারে পাঠাইয়া দিলেন। ইহার দুই চারিদিন পরে আশুতোষ নিত্যগোপালের হস্তাক্ষরে একখানি পত্র পাইলেন। পত্র পড়িয়া স্তম্ভিত হইলেন। নিত্যগোপাল লিখিয়াছে যে, তাহার পিতা অপঘাতে মরিয়াছেন, তাহার একমাত্র প্রায়শ্চিত্ত তিনি করিবেন। ভগীরথ পিতৃপুরুষ উদ্ধারার্থে কঠোর তপস্যায় গঙ্গা আনয়ন করিয়াছিলেন। ভগীরথের সার্থকজন্ম। নিত্যগোপাল শুনিয়াছে যে, সম্মাস গ্রহণ করিয়া ব্রহ্মজ্ঞ হইতে পারিলে চতুর্দশ পুরুষ উর্দ্ধে ও নিম্নে মুক্ত হয়। তাই পিতৃপুরুষের হিতার্থে নিত্যগোপাল সেই পথ গ্রহণ করিয়াছে এবং তাঁহাকে তাহার বিশেষ অমুরোধ যে, যে সকল ব্যক্তির নিকট মন্দ উপায়ে তাহার পিতা সম্পত্তি অর্জন করিয়াছেন, সে সকল, তাহাদের যে উত্তরাধিকারী আছে, তাহাদিগকে পুনরর্পিত হউক। বক্রী যে বিষয় থাকিবে, সমস্ত যেন সংকার্য্যে নিয়োজিত হয়। পত্র পাঠে আশুতোষ নিশ্বাস ছাড়িলেন। তিনি বিবাহ করেন নাই, ভাবিয়াছিলেন, সমস্ত সম্পত্তি সুবোধ নিত্যগোপালকেই দিবেন। কিন্তু তাঁহার হৃদয়ে শোকমিশ্রিত আনন্দও জন্মিল, একবিন্দু অশ্রুপাতও হইল। গদগদবচনে বলিলেন, “আমাদের কুল উদ্ধারের নিমিত্ত পিতৃদেবগণের পুণ্য কে মহাপুরুষ জন্মগ্রহণ করিয়াছে।

শ্রীরামকৃষ্ণ ও বিবেকানন্দ ।



ভক্তচুড়ামণি ৬ রামচন্দ্র দত্তের কথায়, রামচন্দ্র দত্তের সমভিব্যাহারে বিবেকানন্দ প্রথমে দক্ষিণেশ্বরে যান। রামচন্দ্র দত্ত সুবাদে তাঁহার ভাই এবং বাল্যকালে শিক্ষক ছিলেন। বিবেকানন্দের সাংসারিক নাম নরেন্দ্র ছিল এবং বীরেশ্বরের মহাদেবকে মানত করিয়া তাঁহার জন্ম হওয়ায়, তাঁহার মাতা ও নিকট আত্মীয়েরা বীরেশ্বর বলিতেন; ক্রমশঃ বীরেশ্বর নাম “বিলে” নামে পরিণত হয়। রামচন্দ্র তাঁহাকে “বিলে” বলিতেন। বিবেকানন্দের মুখে শুনিলাম, একদিন রাম দাদা বলিলেন,—“বিলে, কি এদিক ওদিক ব্রাহ্মসমাজে ঘুরে বেড়াস্—যদি ধর্ম কর্ম করবার ইচ্ছে থাকে, দক্ষিণেশ্বরে চল্;—এদিক ওদিক ঘুরে বেড়ালে কিছু হবে না।” রামবাবুর সহিত বিবেকানন্দ দক্ষিণেশ্বর আসিলেন, তিনি পরমহংসদেবের গৃহে প্রবেশ করিবামাত্র, পরমহংসদেব ব্যস্ত হইয়া, তাঁহার নিকটে আসিলেন এবং বিবেকানন্দ যেন তাঁহার বহুদিনের পরিচিত, এইরূপ ভাব প্রদর্শন করিলেন। বিবেকানন্দকে ধরিয়া তাঁহার ঘরের পশ্চিমদিকের চাতালে লইয়া গেলেন, বলিতে লাগিলেন, “তোরা অপেক্ষায় রহিয়াছি, তুই আসিতে এত দেরী করলি? গৃহলোকের সহিত কথা কহিয়া আমার ওষ্ঠ দৃষ্ট হইতেছে, এখন তোরা সহিত আলাপ করিয়া জুড়াইব!” বিবেকানন্দ বলিতেন, “আমি ভাবিতে লাগিলাম, এ কি উদ্ভাদ! রাম দাদা আমার কার নিকট আনিব? বুদ্ধি উদ্ভাদ বলিতেছে, কিন্তু প্রাণ আকৃষ্ট! অদ্ভুত খ্যাতি—অদ্ভুত তাঁহার আকর্ষণ—অদ্ভুত তাঁহার প্রেম! খ্যাতিও ভাবিলাম, মুগ্ধও হইলাম! সে এক অপূর্ব অবস্থা। বিবেকানন্দ যখন বাড়ী ফিরিলেন, পরমহংসদেব তাঁহাকে আসিবার নিমিত্ত পুনঃ পুনঃ অনুরোধ করিতে লাগিলেন। বাড়ী আসিয়া বিবেকানন্দ ঐ খ্যাপার কথাই ভাবেন।

এ কি—এরূপ কখনো দেখেন নাই! কিছুই বুঝিতে পারেন না—অথচ আকৃষ্ট!

খ্যাপার কথা রাম দাদাকে জিজ্ঞাসা করিলেন,—পরিচয় পাইলেন,—খ্যাপা কামিনী-কাঞ্চনত্যাগী। এই পরিচয়ে তাঁহার আকর্ষণ শতগুণে বৃদ্ধি পাইল। আশ্চর্য তিনি কামিনী-বিদ্রোহী; শিশুকালে মৃগায় শ্রীরামমূর্তি কিনিয়া আনিয়া খেলা করিতেন; কিন্তু যে দিন শুনিলেন, তিনি সীতাকে বিবাহ করিয়া গৃহী হইয়াছিলেন, সে দিন হইতে সে পুতুল তাঁহার ভাল লাগিল না। যোগীশ্বর মহাদেবের পুতুল আনিলেন, একটা বড় কলকে কিনিয়া আনিলেন, সেইটো মহাদেবের গাঁজার কলিকা হইল এবং সেই গাঁজার কলিকা লইয়া তিনি গাঁজা টানিবার ভান করিয়া বাল্যখেলা করিতেন। সন্ন্যাসী শিবের প্রতি বাল্যকালে বড়ই শ্রদ্ধা ছিল। তাঁহার পিতামহ সন্ন্যাসী হইয়া গৃহত্যাগ করেন, সেই আদর্শে তাঁহার শৈশব কাল হইতেই সন্ন্যাসী হইবার সাধ জন্মে। পরে ইংরাজী শিক্ষার প্রতাপে যদিচ শিব-উপাসনা পৌত্তলিকতা মনে করিতেন, কিন্তু যোগের প্রতি অনুরাগের কিছুমাত্র হ্রাস হয় নাই। এই অবস্থায় যখন তিনি শুনিলেন যে, দক্ষিণেশ্বরের পাগল কামিনী-কাঞ্চন-ত্যাগী, তখন সেই পাগলের প্রতি তাঁহার প্রগাঢ় শ্রদ্ধা জন্মিল। তিনি ভাবিতে লাগিলেন, কামিনী-কাঞ্চনত্যাগী পুরুষ কখনই সামান্য ব্যক্তি নন। তাঁহার সহিত মতের বিরোধ হইতে পারে, কিন্তু এ উচ্চত্যাগের আদর্শ আর কোথাও নাই! ‘স্বভাবজাত ত্যাগী বিবেকানন্দ’ সর্বত্যাগী মহাপুরুষের দ্বারা প্রগাঢ়রূপে আকৃষ্ট হইলেন। পুনঃ পুনঃ দক্ষিণেশ্বরে না গিয়া তিনি স্থির থাকিতে পারতেন না, প্রেমের শৃঙ্খল দিন দিন তাঁহাকে প্রগাঢ়রূপে আবদ্ধ করিতে লাগিল। খ্যাপার অমার্জিত প্রেম—এ প্রেম জগতে তিনি কোথাও পান নাই; গুরু

প্রেমে বিবেকানন্দ একেবারে আত্মহারা হইয়া গেলেন। এই অবস্থায় দক্ষিণেশ্বরে যাতায়াত করেন। একদা পরমহংসদেব উপদেশ প্রদান করিতেছেন, উপদেশের প্রতি বিবেকানন্দের লক্ষ্য নাই। পরমহংসদেব ডাকিলেন, বলিলেন,—“শোন না, কথা শোন না।” বিবেকানন্দ উত্তর করিলেন—“কথা শুনিতে আসি নাই।” পরমহংস জিজ্ঞাসা করিলেন,—“তবে, কি করিতে আসিস্?” বিবেকানন্দ উত্তর দিলেন, “তোমাকে ভালবাসি, তোমাকে দেখিতে আসি।” ত্রুস্ত পরমহংসদেব উঠিয়া, বিবেকানন্দকে আলিঙ্গন করিলেন, উভয়ে আলিঙ্গনপাশে বদ্ধ হইয়া অনেকক্ষণ স্থির রহিলেন।

এইরূপে গুরুশিষ্যের প্রেমের লীলা চলিতে লাগিল। দৈনন্দিন প্রসঙ্গ, বাদানুবাদ, তর্ক-বিতর্ক প্রায়ই হয়। বিবেকানন্দ সমাধি প্রভৃতি মানেন না। সমাধিকে বলেন,—“ও তোমার মাথার বায়রাম!” দেবদৃষ্টিতে পরমহংসদেব যাহা দর্শন করেন, তাহা তार्কিক বিবেকানন্দ বলেন,—“ও তোমার মস্তিষ্কের ভ্রম! অন্ধবিশ্বাসে সাকার মূর্তি মান।” বিবেকানন্দ বলিতেন, এইরূপে তো তর্কবিতর্ক করি। একদিন পরমহংসদেব জিজ্ঞাসা করিলেন, “ভাল, তুমি অন্ধের বিশ্বাস কাকে বলিস্?” (পরমহংসদেব অন্ধ বিশ্বাসকে অন্ধের বিশ্বাস বলিতেন) জিজ্ঞাসা করিলেন, “অন্ধের বিশ্বাস কাকে বলিস্?” গদ গদ হইয়া বিবেকানন্দ বলিতেন, সেই দিন বিষম দায়ে ঠেকিলাম! বলিতেন,—অন্ধ-বিশ্বাস বুঝাইবার চেষ্টা করা দূরে থাক, আমি স্বয়ং অন্ধ-বিশ্বাস কাহাকে বলে, যত বুঝিবার চেষ্টা করি, ততই দেখি, একটি অর্থহীন কথা ব্যবহার করি মাত্র। অন্ধ-বিশ্বাসের লক্ষণ যতই দিবার চেষ্টা করি, সব লক্ষণ অযৌক্তিক হয়। বিজ্ঞা-বুদ্ধি যত ছিল, সব নাড়া-চাড়া করিতে লাগিলাম, অন্ধ-বিশ্বাসের লক্ষণ আর হয় না। এইরূপে শিক্ষিত বিবেকানন্দ অশিক্ষিত খ্যাপার নিকট আপনাকে পরাজিত জ্ঞান করিতে লাগিলেন।

বৈজ্ঞানিক তর্ক-যুক্তি, সিদ্ধবিশ্বাসের নিকট কোনরূপ অগ্রসর হইতে পারে না। পরাস্ত হইয়া বিবেকানন্দ, গুরুর নিকট যাহা শুমনেন, তাহাতেই বিশ্বাস স্থাপন করিতে চান। গুরু বলেন,—“না, এ তোমার পথ নয়,—সমস্ত দেখিয়া শুনিয়া বিশ্বাস

করো। আমি বলিয়াছি বলিয়া বিশ্বাস করি না।” কিরূপে দেখিয়া শুনিয়া লইতে হয়, তাহা বিবেকানন্দ জানেন না। দোখবার শুনিবার উপায় দিন দিন গুরুর নিকট বুঝিতে লাগিলেন। নিত্য নিত্য গুরু দেখাইয়া দেন, নিত্য নিত্য শিষ্য দেখিতে পান যে, সমস্ত প্রত্যক্ষ। জড় বিজ্ঞানে যেরূপ প্রত্যক্ষ করা যায়, আধ্যাত্মিক বৈজ্ঞানিক সত্য ও সেইরূপ প্রত্যক্ষের বিষয়। গুরু উপদেশে ও সাধনার চক্ষু উন্মীলিত হইলেই প্রত্যক্ষ করা যায়। ক্রমে আভাস পাইলেন, সমাধি মস্তিষ্কের বিকার নয়, গুরুর নিকট সমাধিলাভের প্রার্থী হইলেন,—বলিলেন,—“আমায় পরম পদার্থ নির্বিকল্প সমাধি দান করুন। আমি আপনার রূপায় সমাধিস্থ হইয়া থাকিব।” গুরু তিরস্কার করিয়া বলিলেন,—“এই নির্বিকল্প সমাধি পাইলেই তুমি পরিতৃপ্ত? ইহা তো পূর্বে এক দিন, তুমি দক্ষিণেশ্বরে আসিবার সময়, তোমার বক্ষে হস্ত দিয়া দিতে প্রস্তুত ছিলাম, তুমি ভয় পাইয়া বলিলে,—করো কি গো, আমার যে বাপ আছে, মা আছে!” দক্ষিণেশ্বরের এ ঘটনা কি, পাঠকের জানিতে ইচ্ছা হইতে পারে। বিবেকানন্দের নিকট শুনিয়াছিলাম,—একদিন দক্ষিণেশ্বরে পরমহংসদেব তাঁহার কোমল হস্ত বিবেকানন্দের বক্ষে প্রদানমাত্রই সমস্ত শূন্যাকার হইয়া যাইতে লাগিল। তিনি মহাভয়ে ব্যগ্র হইয়া বলিলেন,—“করো কি গো! আমার যে বাপ আছে,—মা আছে।”

সমাধি লাভের প্রার্থী হইলে আমরা বলিতে-ছিলাম, গুরু শিষ্যকে তিরস্কার করিলেন, বলিলেন—“জীবের যাহা পরম বস্তু, তাহা তোমার নয়। তুমি কেবল স্বার্থপর হইয়া আপনার নিমিত্ত জগতে আসো নাই। তবে কেন সমাধিস্থ হইয়া থাকিবে প্রার্থনা করিতেছ? সংসারে আসিয়াছ, সংসারের কার্য কর। জীবের নির্বিকল্প সমাধি হইলে পর, তাহার আর ফিরিবার শক্তি থাকে না। এক-বিংশতিদিবস গতে শরীর ত্যাগ হয়। তুমি শক্তিবান, সমাধিলাভের পরও ফিরিবে, তোমার মহৎ কার্য পড়িয়া রহিয়াছে। কার্য সমাধা না করিয়া জগৎ ত্যাগ করিতে পারিবে না। সমাধি চাও, সমাধি পাইবে।”

অকস্মাৎ একদিন কালীপুরের বাগানে বিবেকানন্দের একটি অবস্থা হইল, যে সকল ভক্তেরা তাঁহার

কি ছিলেন, তাঁহার মৃতবৎ অবস্থা দর্শনে ভীত
হইলেন । ক্রমে বিবেকানন্দ সংজ্ঞা লাভ করিলেন ।
কি নিকট সংবাদ গেল, গুরু হাসিতে লাগিলেন ।
বিবেকানন্দও উপস্থিত হইলেন । গুরু বলিলেন,
হ্যাঁ চাও তাহা এই, এই নির্বিকল্প সমাধি ।
আমার নিমিত্তই তুলিয়া রাখিলাম, কিন্তু উপস্থিত
কাল আবদ্ধ রহিল, চাবি আমার নিকট থাকিবে ।
কি করো, কার্য্যান্তে পাইবে ।”

কি কার্য্যে বিবেকানন্দ গুরু কর্তৃক আদিষ্ট
হইরাছিলেন তাহা সসাগরা পৃথিবী দেখিয়াছে ।
বিবেকানন্দ কার্য্য করিতেন, বলিতেন, তাঁহার
গুরুর কার্য্য করিতেছেন । কেহ কেহ এ বিষয়
সন্দেহান্বিত । পরমহংসদেবের ভাবের সহিত
বিবেকানন্দের ভাবের পার্থক্য অনুভব করেন ।
সম্পূর্ণ ভ্রম । এই মাত্র প্রভেদ, পরমহংসদেবের

মহা জ্ঞান—সাধারণের চক্ষে মহা ভক্তি আবরণে
আবরিত ছিল, বিবেকানন্দের ভক্তি জ্ঞান আবরণে
আবরিত । উভয়ের একই ভাব, কার্য্যে ভিন্ন ভাব
ধারণ । মহা মহা বৈজ্ঞানিকের সহিত বিবেকা-
নন্দের সংঘর্ষ হইবে, সেই নিমিত্তই তিনি কঠিন
জ্ঞান আবরণে আবরিত হইতেন । কিন্তু যদি কেহ
ভাগ্যক্রমে তাঁহাকে গান করিতে শুনিয়া থাকেন,
তাঁহার চক্ষে প্রেমাশ্রু দেখিয়া থাকেন, কণ্ঠরোধ হইয়া
গদ গদ—ভক্তিবিত্তোর মহাপুরুষ দর্শন করিয়া
থাকেন, তিনি হৃদয়ে অনুভব করিবেন, জ্ঞান-ভক্তির
পার্থক্য লোকে অজ্ঞানবশত করিয়া থাকে । জ্ঞান
ভক্তি এক, জ্ঞান বিবেকানন্দ ভক্ত পরমহংস অভেদ ।
এই অভেদ জ্ঞান লাভে তিনি বৃদ্ধিবেন, পরমহংস-
দেব বলিতেন যে, “ভাগবত, ভক্ত, ভগবান” তাহা
সত্য ।

স্বামী বিবেকানন্দের গান ।

রাগিনী মালকোষ—তাল ষৎ ।

তারা উজ্জল পশিল ধরা'পর,
নির্মল গগন বিকাশি ।
রত্নগর্ভা নারী রত্ন প্রসবিল
বিভোর বাল সন্ন্যাসী ॥
রবিকরকর্ষিত,
কুজ্ঝটিকা ঘন
আবরে দিনকর-কান্তি,
মন্মথলক্ষন, কারা প্রকটন,
লীলা আবরণ ভ্রান্তি ;
গুরুপদ ধারণ, আত্মসমর্পণ,
মহাহৃদে নদ মহা সম্মিলন,
দগ্ধা উচ্ছ্বসিত স্রোত মহাম,
দীপ্ত অশ্রু-বিধৌত মেদিনী
অনন-মার্জিত শান্তি প্রদান ;
শরীর-গুরুপদ হৃদে সাধে ধরি
গায়/আকিঞ্চন গান,
কৃপা-কণা অভিলাষী ॥

রাগিনী বাগেশী—তাল একতালা ।

কে রে এ নরেন্দ্রবর বীরেন্দ্রদেহধারী ।
সিদ্ধ মহাবিদ্ভাবলে অবিদ্ভাবিনাশকারী ॥
তমাচ্ছন্ন বসুমতী, হেরি কি ব্যথিত যতি,
বিলাইতে জ্ঞান-জ্যোতি, কে এনেছে সহকারী ॥
রহি পরহিতে রত, শিখাবে কি মহাব্রত,
এসেছ আশ্রিত রত, জন-মন-তাপহারী ॥
গুরুপদে বলিদান, জীবন-যৌবন-মান
হয়েছ কি অধিষ্ঠান, সাজিতে দীন-ভিখারী ॥

সাহানা—ধামার ।

ভুবন ভ্রমণ কর যোগীবর যার ধ্যানে ।
তাঁহারি সন্তানগণ চেয়ে আছে পথ পানে ॥
উচ্চব্রতে আত্মহারা, অমি সসাগরা ধরা,
মোহিলে মানব-চিত, প্রভুর গৌরব-গানে ।
নানা দেশে নানা ভাষে জয়ধ্বনি এক তানে ॥
রামকৃষ্ণ হৃদে ধর, হৃদয় আকৃষ্ট কর,
ইষ্টপূজা পূর্ণ তব, পুলক-আলোক দানে ।
জন-মন-পুলকিত, মোহ-নিশা অবসানে ॥

বিশ্ববিমোহন মহাকবি কালিদাসের গ্রন্থাবলী

সমগ্র মূল্যমুদ্রিত বিরাট গ্রন্থাবলী।

- ১। রঘুবংশ। ২। কুমারসম্ভব।
- ৩। মেঘদূত। ৪। ঋতুসংহার। ৫। নলোদয়।
- ৬। পুষ্পবাণবিলাস। ৭। শৃঙ্গাররসাতটক।
- ৮। শৃঙ্গারতিলক। ৯। শ্রুতবোধ। ১০।
- দ্বাত্রিংশপুত্তলিকা। ১১। মালবিকাগ্নিমিত্র।
- ১২। শকুন্তলা। ১৩। বিক্রমোর্ধ্বাঙ্গী।
- ১৪। মহাকবির জীবনী।

এই বিরাট হইতেও বিরাট গ্রন্থাবলী
মূল্য ৬/- হলে ২/- মাত্র।

Editor of Bengali
বঙ্গমতী সম্পাদক শ্রীযুক্ত শশিভূষণ মুখোপাধ্যায়
প্রণীত নূতন অলৌকিক রহস্যময়

পরলোক ও প্রেততত্ত্ব

নামক বঙ্গভাষায় যে নূতন আধুনিক বৈজ্ঞানিক
অধ্যাত্মজগতের প্রহেলিকা, যাহা এখন সত্যে
পরিণত হইয়াছে—যাহার আলোচনার বহু
মনীষিগণ ভৌতিক অদৃশ্য জগতের রহস্য
উদ্ঘাটন করিয়া সমগ্র জগৎকে বিশ্বয়বিমুক্ত
করিয়াছেন,—সেই শাস্ত্র—বহু গ্রন্থ অবলম্বনে
আজ বাঙ্গালা ভাষায় লিখিত হইল। মৃত্যুর পর
কি হয়?—শোক-বিজয় করা যায় কি না?—
পরলোকগত আত্মার সাক্ষাৎকার হয় কি না?
—যে প্রিয়জন বিচ্ছেদে সংসার অরণ্যে পরিণত
হয়, তাহার দর্শন-লাভ সম্ভব কি না?—আর

জন্মান্তর রহস্য কি?

জানিতে হইলে এই নিত্যসিদ্ধ প্রামাণ্য
গ্রন্থখানি অগ্র্যে পাঠ করুন। এ প্রণীত পুস্তক
মধ্যে ইহাই প্রধান গ্রন্থ। মূল্য ১/- টাকা মাত্র।

শ্রীউপেন্দ্রনাথ মুখোপাধ্যায়।

বঙ্গমতী সাহিত্য-মন্দির, ১৬৬ নং বহুবাজার ষ্ট্রীট, কলিকাতা।

প্রত্যেক হিন্দু সন্তানের অবশ্য গ্রহণীয়
রক্ষণীয়—করণীয়

হিন্দু-সর্বস্ব।

অষ্টাদশ সংস্করণ—এই পর্য্যন্ত ৭৫ হাজার খিতে
বিক্রয় হইয়াছে,—সংশোধিত ও পরিবর্দ্ধিত। যক্ষপ
হিন্দুর নিকট হিন্দুসর্বস্বের পরিচয় দিবাহ্য ও
প্রয়োজন নাই। বর্ণাশ্রম-ধর্মাবলম্বী চাতুর্কর্ণে সাধ-
জন্য এই সর্বশাস্ত্র মন্বনে হিন্দু-সর্বস্ব সংগৃহীত ক্রমে
হইয়াছে, প্রতিদিনের প্রাতঃস্থান হইতে
সায়ংকাল পর্য্যন্ত হিন্দুর নিত্যকর্ম, কাম্যকর্ম-
পূজা, অর্চনা, শুভ, ধ্যান, হোম প্রভৃতি হইতে
ব্রাহ্মণের জ্ঞান, আত্মিক, সাক্ষ্য যাবতীয় বিষয়
অধ্যায়ে অধ্যায়ে হিন্দু-সর্বস্বে আছে, এই গ্রন্থের
পুনঃপ্রচার হইল। ইহাই এই প্রণীত প্রথম গ্রন্থ
সাতটি বঙ্গী ও একটি পরিশিষ্টে ৭৪০ পৃষ্ঠায়
গ্রন্থ সম্পূর্ণ হইয়াছে, সুচারু কাপড়ের বাধাই।
হিন্দু-সর্বস্ব—যে হিন্দুর গৃহে নাই, তিনি
কখনই নিষ্ঠাবান নহেন।

কাগজ দুস্মূল্য হইলেও—

হিন্দু-সর্বস্ব—পূর্ব মূল্য ১০/- এক টাকা
টারি আনাই রহিল।

বহুদিন পরে নূতন সংস্করণ প্রকাশিত হইল!
বেদান্তের সেই স্তন্যমধু প্রামাণ্য মহাগ্রন্থ

সংস্করণ

মহাত্মা আনন্দচন্দ্র বেদান্তবাগীশ মহাশয়ের
অনুবাদ। অতি বিস্তৃত টীকা সমন্বয়ে অতি
সরল ব্যাখ্যায় অলঙ্কৃত! নিভুল—ভাল
কাগজে অতি সুন্দর মুদ্রণ—কাপড়ের বাধাই।
মূল্য মাত্র ২/- দুই টাকা।

মহাত্মা কালীপ্রসন্ন সিংহ—অনুদিত পকেট—

শ্রীমদ্ভগবদ্ গীতা

পকেট সাইজে নিভুলরূপে মুদ্রিত।
কাপড়ে উত্তম বাধাই বিতরিত ১৩/১২ হইতেছে
নামমাত্র মূল্য ১/- পঞ্চাশ।

গা

